






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.648






Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.648




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.648




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
CFMAGL. 1.6.648





1.6.648



50 ÷

0

07



B1

IVSTI VELSII

HAGANI, IN CEBETIS THE-
BANI TABVLAM COMMENTA-
RIORVM LIBRI SEX, TOTIVS
MORALIS PHILOSO-
PHIAE THE-
SAVRVS.

*

In quibus nonnulla per occasionem tum
de studiorum, artium, & scientiarum
abusu & corruptela: tum contra ea,
quæ nostra hac ætate in religione ex-
orta sunt falsa & absurda dogmata,
ad catholicæ & orthodoxæ ueritatis
propugnationem & defensionem, pas-
sim dilleruntur.

Συν δεῶ ἢ νῶ τὰ πάντα ἀποδείξτε καὶ μεθόδῳ. καὶ
γὰρ αἰρέσει διδασκῶν ἔδωκεν, καὶ ὅγε θυμὸς καὶ πᾶν τὸ
ἄλογον (ἐν) λογικῶν (ἐν) καθορδῶν ἐν) πᾶσι τοῖς θετέροις.

Ὁ ἀναγιώσκων νοεῖτω.

L V G D V N I,
M. D. LI.



IVSTI VELLII

HAGANE IN CEBETIS THE

I. N. E. A. E. V. A. M. C. O. M. M. E. N. T. A.

ALIAE TIBI. S. E. T. T. I. V. S.

MORALE THORO

THIAE THE

ALIAE

In quibus nonnulla per orationem
declinationem, artem, & instructionem
adhibere & corrigenda sunt contra ea,
quae non ita haec sancta religio ex
eius iustitia & auctoritate cognoscitur
ad catholicos & orthodoxos homines
procuranda & defendenda sunt
hinc distinctum.

In hoc libro nonnulla per orationem
declinationem, artem, & instructionem
adhibere & corrigenda sunt contra ea,
quae non ita haec sancta religio ex
eius iustitia & auctoritate cognoscitur
ad catholicos & orthodoxos homines
procuranda & defendenda sunt
hinc distinctum.

I. N. E. A. E. V. A. M. C. O. M. M. E. N. T. A.

MORALE THORO

11
ILLVSTRIS-
SIMO ET REVERENDIS-

fimo Antistiti D. Antonio Perrenot à
Grantuella, Episcopo Atrebatensi,
Cæsareæ Maieſtati à consilijs,
Domino ac Patrono suo
in primis ueneran-
do & colen-
do,

Iustus Vellius Haganus S. P. D.



QVOD felix faustumq; sit, amplissi-
me ac dignissime Antistes, iā tan-
dem prodeunt in lucem, atq; adeo
in tuo nomine apparent, nostrorū
in Cebetis Thebani tabulam com-
mentariorum libri sex, utinam non minus perfe-
cti ingenio, quā sunt summa & cura & uigilijs
elaborati. In quibus non is solū nobis, quem
enarrationis proprium esse Galenus asserit, pro-
positus fuit scopus, ut quæ in autore nostro es-
sent obscura perceptūque difficilia explicatione
conuenienti aperta efficeremus & perspicua, sicq;
lectorem ad eorum, quæ hoc opere continentur
tantum, intelligentiam adduceremus, quod sa-

* ij nè

nè nec infelicitèr quidem, ut uidemur, præstitimus: sed etiam, quod magnificentius esse arbitror, huc intuiti sumus, & consilium nostrum retulimus, ut in unum commentaria Cebetem componentes, ad reliquos quoque autores, qui in consimili uersati sunt argumento, ac de uita & moribus scripserunt, intelligendos, deque ipsorum scriptis rectè iudicandum studiosis aditum patefaceremus, & omnino moralis aperiremus philosophiæ fontes. Neque enim aliud esse existimaui, quod aut professioni meæ conuenientius, aut ijs, qui in studijs humanitatis ac literarum uersantur, utilius, aut hoc etiam tempore, quo maxima est perturbatio uitæ, & studiorum omnium confusio opportunius à me fieri posset, quam si ab erroribus, qui latè nimis, proh dolor, disseminati iam sunt, nec serpere tamen adhuc desinunt, & opinionum hac fluctuatione, quæ ex recentiorum quorundam (quales autem hi quiue sint, nihil attinet dicere) lectione contrahitur, ad ueterum illorum exquisita doctrina & singulari industria conscripta monumenta, præcipuè autem Platonis & Aristotelis, iuuentutis studia traducerem. Atque utinam omnium, qui philosophiam, aut aliam quamuis liberalem doctrinam atque ingenuam profitentur, hæc animo sententia

111
tia federet, melius certè aliquanto cum mortali-
um rebus ageretur. Nunc uerò, cum cōtrariam
penitus uiam, eorum, qui in docendi uersantur
munere plurimi ineant, & à laudatissimorum
quidem ueterum, à quibus solida & altis radici-
bus nixa eruditio atq; doctrina comparetur, co-
gnitione studiosorum animos cogitationesque
auocent, ad inepta uerò quædam, malèque affe-
ctata, & uel ab ipsis, uel ab alijs eiusdem notæ
hominibus coacta & coaceruata compendia ad-
ducant: sit ut opinatores quidem, quiq; falsæ eru-
ditionis persuasione inflati, quæ nesciunt, scire se
arbitrentur, de hisq; & temere inconsideratèque
pronuntient, & constantissimè asserant, habea-
mus permultos, sapientes autem, ueræque rerum
cognitione & scientia instructos, paucissimos.
Nec uerò minimam ego hanc falsim nunc gra-
fantium uariorum ac multiplicium errorum &
hæreseum causam esse iudico, maximèque ue-
reor, nisi maturè huic occurratur malo, ne mul-
torum opinione maius orbi terrarū det incom-
modum. Vt hominum fortunis & externis pro-
spectū sit bonis, nemini in iudicio, nisi prius exa-
minato, & legitimè approbato, causam dicere li-
cet. Ad artem medicam, quæ corporis incolumi-
tati consulit ac prouidet, exercendam promotio-

* in ne

nē est opus. In animum autem, atque eius adeo
præstantissimam partem, qua sola ad dei simili-
tudinem accedimus, quiuis impunē nulloq; pro-
hibente, imò & adiuuantibus nonnullis in suam
suorumque perniciem grassatur nec promotio-
nis ullius, nec eruditionis solidæ, ut de uita inte-
rim & moribus taceam. Verum hīc scio ridebūt
nonnulli γέλωτα σαρδάνιον, dicentēq; quid promo-
tio facit ad eruditionem? Quibus ego sic breui-
ter respōdeo: Non eam quidē doctiorem quem-
piam facere, sed rectē usurpatam eruditionis at-
que doctrinæ, quoddā esse indicium & insigne.
Id autem idcirco & hic esse necessarium, ut qui-
bus tum suos, tum suorum animos liberalibus
artibus & disciplinis, reliquaque cognitione in-
formandos tutò committere queant homines,
nouerint, qui ex ijs, quæ cuiusque professionis
sunt propria, utpote imperiti, dignum ab indi-
gno, ab inerudito insciōque eruditum & scien-
tem discernere nequeūt. Quēd si hac alicubi ab-
uti cœptum est, ut minus etiam docti & digni in
nonnullis Vniuersitatibus numerata approben-
tur pecunia, & eruditionis ac doctrinæ insignijs
decorentur, non eam illico ob causam promotio-
nes damnandæ sunt & reiiciendæ, sed potius tol-
lendus abusus. Vt autem ad docēdi munus qui-
uis

14
uis repente ac temere profiliat, quod & Imp. Iu-
liani ante inuentum etiam promotionum, qui
nunc certe obtinet, usum constitutio, C. de prof.
& med. apertissime uetat, id uero minime permit-
tendum existimo. Neque enim leuis res est, quod
nec ipse ignoras, prudentissime & religiosissime
Præsul, sed longe maxima, hominum animis fin-
gendis formandisque præesse: & omnino, quod
Socrates in Platonis Protagora asserit, uerissi-
mum est, longe maius in comparandis discipli-
nis, quam cibarijs, positum esse periculum: quod
hæc quidem qui emerit, & in alijs quibusdam
uasculis asportare, & priusquam in corpus inge-
rat, diligenter, etiam aduocato medico, examina-
re possit, quid horum assumendum sit, aut rei-
ciendum: illas uero non alio ullo uasculo excipe-
re liceat, quam animo ipso, ac sic omnino ex ear-
um statim perceptione aut detrimentum maxi-
mum, aut emolumentum reportare. Quare coër-
cenda prorsus hæc nostri temporis immoderata
est libertas & licentia, non professionum solum,
sed etiam, quo illa uetus, quæ quondam opibus,
imperio, gloria floruit, Cicerone in oratione
pro L. Flacco teste, uno malo concidit Græcia,
concionum: & seueritas quædam maior hîc ad-
hibenda, si modo mortalium rebus afflictis ulla ra-
tione

tione sit consulendum. Iam uerò nec illud negligendum arbitror, quo haud scio, an grauius ac perniciosius unquam orbi terrarū extiterit malum. In omni natione, omniq; lingua, à quouis etiam impudenti audaculo, cuiusuis argumenti eduntur libri, non ad ueterum sentiendi dicendiq; normam elaborati; sed sentētis quidem absurdis & monstrosi, dictione uerò, aut curiositate nimia inepti, aut inertia dissoluti, aut fugilitate leues, aut animi quadam impotentia infecti, diq; libidine, feruidi, petulantes, furiosi, aut alio tandem quouis modo inornati & incompti. Conqueritur de nimia hac etiam suæ ætatis scribendi impunitate & licentia Galenus, atq; adeo remedium quoddam huic malo commonstrat, nec nostris tēporibus, ut arbitror, inutile. Ascribam autem ipsius hīc uerba, quæ ab initio eius operis habentur, quod contra Iulianum malè Hippocratis Aphorismos repræhendentem instituit. Præstabilius quidem esset, inquit, quem admodum legislatores consimilem accusatores temerarios pœnam subire cogunt, quam sustinissent accusati, si quidem iudicio conuicti fuissent: sic & qui temere ac falsè contra ea, quæ non didicerunt, dicunt, pœnam suo dignam delicto suscipere. Cæterum quoniam, nescio quomodo,

v

do iniuriarum quidem actio cōceditur, nulla au-
tem lex lata est de temere repræhendentibus, me-
rito arbitror, contra præstantissimos uiros dice-
re audēt homines ineptissimi. Oportebat igitur,
ut in Aegypto quondam eorum, quæ in artibus
inueniebantur, quòdque communi eruditorum
confessu iudicatum columnis quibusdam inscri-
bebatur in sacris locis sepositis: sic & apud nos es-
se confessum quendam iustorum simul & erudi-
torum uirorum, qui recentia & noua examinans
tes scripta, in publicis quidē locis quæ bona sunt
reponerent: è medio autem tollerent quæ mala.
Melius autem esset, si ne scriptoris quidem no-
men seruarent, ut in Aegypto antiquitus. Prohi-
beretur enim hoc ipso nec minimè ambitiosorū
immoderatū in honoribus appetendis studium.
Nūc uerò cum scribere quidē liceat omnibus, &
iudiciū quibuslibet permittatur, apud hominū
uulgus in pretio habentur, qui audacissimi sunt
& temerarij maximè. Hactenus Galenus. Qui
quidem si de sui temporis scriptorum libertate
immoderata, quæ minus certè, quàm nostræ huius
ætatis, nocere poterat, tum quòd nondum in-
uenta arte typographica, nec latè admodum spar-
gi, & ad multorū manus peruenire exemplaria
possent: tum quòd & pauciores, nec omnino nul-
** lius

lius eruditionis in eo uersarentur argumento, in quo si quid forte peccaretur, in corporis id potius, quam animi uergeret detrimentum, tam grauius conqueritur, & de remedio tam anxio & sollicito est animo: quid hoc tempore faciendum censemus, quo præstantissimæ quidem illius & utilissimæ artis opera, seu abusu potius, à pestiferis quibuslibet, indoctis etiam imperitisque hominibus tot non homines dico, non domus: sed resp. & nationes inficiuntur, ac opinionum imbuuntur prauitate & erroribus, quæ animum quidem ipsum deprauent, morumque corruptelam inuehant: familias autem & resp. omnemque adeo coniunctionem congregationemque, qua homines iure & legibus sunt sociati, diuellant ac distrahant, summamque, ut uno uerbo dicam, rerum omnium perturbationem ac confusionem introducant. Sed de his & alijs quibusdam consimilibus aliàs fortasse uolente & fauente deo, commodior dabitur commentandi differendi que locus. Nunc ad Commentaria nostra reuersi & illud dicamus, nonnulla quidem de studiorum, artium ac scientiarum abusu & corruptela in his differi: nonnulla uero & contra falsa quædam & absurda, nostra hac ætate in religione exorta dogmata, quod cur à nobis sit factum, breuiter explicabo.

VI

cabo. Neq; enim temere & nulla ratione: sed illuc
quidem *ἡ ἀπομαρτυρία* eiusq; amatorū me induxit ex
plicatio: & alioqui ab argumento minimè ea exis
titem aliena, cum & ad autorem exquisitius in
telligendum, & ad uitam moresq; non minimi
sint momenti: eorum autem, quæ à nobis confus
tantur falsa dogmata, partim quidem talia sunt,
quæ Moralem & Ciuilem disciplinam funditus
euertant, ut hac merito ratione à nobis & ea labe
factentur & conuellantur, & contraria stabilian
tur firmenturq; tanquam hypotheses quædam
nostræ subiicienda tractationi: partim uerò &
huiusmodi, ut commodius aliquanto philoso
phiæ præsidio redargui posse uideantur, quam
ego minimè in huiusmodi disputationibus rei
ciendam existimo, multo autem minus, quòd ho
die faciunt nonnulli, in totum damnādam, quod
pleraq; sine hac non satis in Theologia (id enim
in præfatione, ad D. Viglium Zuichemū Phry
sium, Iureconsultum clarissimum, ac supremi
Cæsareæ Maiest. & secreti apud Bruxellam cons
ilij præsidem, Simplicij commentarijs in Præ
dicamenta Aristotelis conscriptis, quæ non ita
multo post edentur, præponenda, à nobis demō
strabitur) explicari posse commodè uideantur,
ut omittam interim, hanc non unā sui parte *τῆ θεω-*

** ij λογία

λογία ἀντιστροφῶν εἶναι. Eamq̃ adeo ob causam nec à nos-
tra professione alienum existimaui & hæc attin-
gere, quòd omnino ita res se habeat, quòd, cum
sic ad se mutuo hæ, ut diximus, professiones sint
affectæ, ad philosophiæ absolutionem & perfe-
ctionem, ut non scientifica Theologiæ cognitio,
quam Theologorum propriam esse iudicamus,
at eruditio tamen quædam, quæ *παιδεία* Græcis di-
citur, requiratur: non primæ solùm philosophiæ,
quam & Theologiam ueteribus Græcis appella-
tam nouimus, ratione: sed etiam propter Mora-
lem & Ciuilem disciplinam, quarum principia,
qui rectè de his præceperūt, ex intima Theologia
petiisse animaduertimus. Quare & hac ratione
nostra fuerint examinanda argumenta, non tan-
quam exquisitissima quædam, planèque scienti-
fica: sed ut dialectica & erudita, quæ *ῥητορικὴ* *παιδεία* di-
cuntur Græcè: quæ tamē, si cum aduersariorum
leuiculis, & uel sophisticis, uel rhetoricis (uix es-
nim unquam legitimè dialecticas in ipsorum scri-
ptis, multo autem minus demonstratiuas inue-
neris) conferantur argumentationibus, scientifi-
cæ quædam uideri possint. Cæterum nos, quæ
in commentarijs his differuntur, non simpliciter
ipsis ut credatur postulamus, quod tamen in ijs
scriptis, ubi nulla usquam demonstratio, ac ne
legitima

VII

legitima quidem certè ratiocinatio conspicitur,
impudenter exigere non erubescunt quidam: sed
primum quidem & maximè Catholicæ & Ortho-
doxæ Ecclesiæ, ad cuius tamen constantissima &
uerissima dogmata totū hoc, ut cōfidimus, nobis
elaboratū est opus, iudicio, summa cū reuerentia
tū hæc ipsa, tum quæ uel scripsimus, uel etiā scri-
pturi sumus, subiicimus: deinde uerò & lectori
suum iudicium liberum relinquimus, quod hac
sanè ratione optimè ab ipso exercebitur, si candi-
do & ab omni affectu libero animo (quod per
multi hodie, præcipueq; qui nouum hoc, ut mo-
destissimè dicam, doctrinæ sequuntur genus, fa-
cere nequeunt) nostra hæc & leget & cognoscet:
planèque confidimus, si quidem id faciat, futu-
rum, ut nec ipse sine fructu in his uersetur, nec
nos suscepti laboris facile pœniteat. Tibi autem
potissimum, religiosissimè Præsul, idcirco hæc
nostra in Ceбетis Thebanī tabulam commentas-
ria dicanda censuimus, quòd tum propter mul-
tiplicem humanarum rerum usum & peritiam,
ac liberalem & dignam homine nobili & prima-
rio à te perceptam doctrinam, optimè de his iu-
dicare te posse animum induxerimus, tum arbi-
trati sumus, ea tui nominis splendore & à male-
uolorum obrectationibus tutiora, & apud stu-

** in diosfos,

diolos, quicq; interiores sectantur & reconditas
literas, magis gratiosa futura, ac sic proinde, ut
uerisimile est, maxima cum utilitate multorum
manibus terenda. Vale, amplissime & dignis-
sime Antistes: & hoc sex librorum opus,
quod in tuo apparet nomine, eiusq;
autorem tuæ Cels. obseruantis-
simum solita tua beneuolens
tia complectere. Argen-
torati Cal. Ianus
ar. Anno

M. D. L.

*

Index rerum insignium, quæ

IN HISCE IVSTI VELSI COMMENTA-

rijs continentur. ubi meminerit candidus lector, numericis

arithmetickis paginas indicari, p. autem elemēto,

paginæ principium, nempe nouem primos

quosq; uersus: m. mediam partem,

alteros scilicet nouem uersus:

f. uerò finem eiusdem

significari.

A Academicorum de anima opinio		A Affectionū principes sunt uoluptas	
nio	pagina 37. f.	& dolor apud Aristotelē	103. f.
quid sit	10. p.	Affectionum quatuor sunt prima	
quid sit	164. p.	genera Stoicis	103. f.
Actio & passio quomodo in idem		Affectionum quinque prima genera	
subiectum coeant	68. m.	constituit Galenus	104. p.
Actus	66. f.	Affectus quid ad uirtutes conferant	
Actus	129. m.		91. m.
Admirari quænam oporteat	11. p.	Admirari quænam oporteat	109. m.
Admiratio	10. f.	Admiratio	324. m.
Admirationem sequi debet cognitio	11. f.	Admirationem sequi debet cognitio	179. p.
Aegritudo quid sit	178. f.	Anima quid sit, ex Pythagoræ &	
Aerumna	180. p.	Parmenidis sententia	34. m.
Aetas constans	360. m.	Anima ut se habet ad corpus, ita	
Aetates quadrisariam distinxit Cicero	362. m.	uirtus ad fortunam	123. p.
Aetatibus singulis quid conueniat	363. p.	Anima generationē ingressa	62. m.
Affectiones in anima id. sunt, quod in masculis nerui	86. m.	Anima extra generationem	62. m.
Affectiones uirtutum & uitiorum sunt materia	87. f.	Animæ facultates	97. p.
Affectionis species	85. p.	Animæ facultatum tabula	97. m.
		Animæ facultatum rationalium diuisio	61. m.
		Animæ facultatum irrationalium diuisio	64. m.
		A Animæ	

I N D E X.

Animæ partes ex Platone	52.p.	Beatitudo uirtutum mater	346.m.
Animæ partes qua ratione ad se		Beatorum domicilium	295.p.
mutuò sint affectæ	59.f.	Belli sunt duo genera	330.f.
Animæ partium facultates	58.f.	Bestias etiam immanissimas non si-	
Animam non esse unum	49.f.	ne causa exasperari	78.p.
Anxietas	180.f.	Bestias non minus quàm homines	
ἀνῶδεια	91.p. & 292.m.	irasci	79.p.
ἀνῶδεια	166.p.	Bona externa	21.f.
Aristoteles animæ non partes, aut		Bona quæ uulgò censeantur	133.p.
species, sed facultates tribuit		Bonorum iuxta Platonem & Ari-	
60.m.		stotelem diuisio	404.p.
Aristoteles quid à Platone de ani-		Bonorum tria sunt genera	356.m.
mæ substantia dissentiat	60.m.	C	
Aristoteles reprehenditur	60.m.	κακοδαιμονία	183.m.
Aristotelis laudes	255.m.	κακοχρημία	168.p.
Aristotelis locus	3.f. & 63.p.	καλὸν	151.p.
Arrogantia	316.m.	Cebes cur in puerilis ætatis de-	
Ars et facultas quid differat	227.m.	scriptione à Pythagora dissen-	
Artis quid sit proprium	227.p.	tat	114.p.
Affentationis uox latius accipi-		Ceila obsessa	143.p.
enda	170.m.	Cicero reprehenditur	70.m.
ἀρετή	182.m.	Ciceronis locus	281.p. 362.m.
Asoti	151.f.	Ciceronis locus ex Tusculanis quæ	
ἀσωτία	166.p.	stionibus	73.m.
ἀδουμία	182.p.	Ciceroniani	222.p. & 253.p.
Audacia	175.m.	κακὸν	110.m.
Auaritia quid sit	107.m.	καλὸν	170.p.
Auiditas inexplēbilis	167.m.	Comparatiuorum usus	9.f.
Auiditatis inexplēbilis causæ	168.	Compositorum cum priuante par-	
ἀυσιγένεια	169.m.	ticula Græcorum, uel In Latī-	
B		norum gemina uis est	20.p.
Agudouia	182.p.	Concessa quæ dicantur	245.f.
Beatitudo	125.p.	Concinnitas	196.p.
Beatitudo humana quid sit	348.p.	Conscientia maximum supplicium	
Beatitudo quid sit, maxima inter		176.f.	
philosophos dissentio	346.f.	Constans ætas	360.m.
		Conti	

INDEX.

x

Continentia	274.p.	Dionysij de mali origine opinio	146.p.
Continentiæ definitio	280.m.	Disciplina	191.p. & 193.p.
Continentiam & tolerantiam ger-		Disciplina uera nos ab humilibus	
manas esse sorores	280.p.	auocat	270.m.
Corporis affectiones non pauca in		Disciplinas instar freni iuuenibus	
animum redundant	50.p.	esse	395.m.
Corpus instrumentum est animæ	38.m.	Disciplinas quas ueras censeat esse	
Corycium antrū habitare	377.m.	Cebes	204.p.
Creatis in rebus diuinæ maiestatis		Dinidēti aliquid in suas species quæ	
splendor elucescit	159.p.	nam sint consideranda	105.p.
Critici	252.p.	Diuisio actionum & affectionum	
Cupiditas	100.f.	eadem	106.p.
		Diuitiæ ijs, qui norunt uti, utiles	
		sunt	428.f.
		Doctoris partes	12.m.
		Donaria in templo Saturni qualia	
		fuerint	3.p.
		Dubitatio ad rerum cognitionem	
		conducit	3.f.
		duodua	182.p.
		E	
		ecphantes	91.m.
		Ecphantes Pythagoræus	278.p.
		Electio	62.p.
		Elegantia	196.p.
		Energia	67.p.
		Ennij locus reprehenditur	2.p.
		Enoch & Helix in uita conseruan-	
		tur	150.p.
		epicuri	15.p.
		Epicurus reprehenditur	239.p.
		Epicurum quæ causæ in errorem	
		impulerint	249.p.
		epicuri quid sit	1065.m.
		epicuri	93.m.
		A	
		2	

INDEX.

Index
 Erasmi Roterod. 4.p.
 Error & perturbatio 3.m.
 Eruditio 23.m.
 Eruditio 123.m.

F

Facilius excludi perniciofa
 quàm regi 128.m.
 Falsæ disciplinæ amatores 128.f.
 Fatum quid sit 148.m.
 Fides 222.p.
 Fortuna causa est per accidens
 117.p.
 Fortunæ quæ tribuantur 117.f.
 Fortunam Deum facere absurdum
 est 117.f.
 (81.m.)

G

Galeni locus contra Stoicos
 Galeni locus 176.p. et 290.m.
 Gellij locus 284.m.
 Gellij quid sit 63.m.
 Gradibus quibusdam similes esse di
 sciplinas 200.p.
 Grammatica & eius partes 108.f.
 Gratia extimulans 157.m.
 Gratia, quæ per Christum humano
 generi cõtigit, uis ac opus 160.f.
 Gregorij Nysseni de fato sententia
 148.m.

H

Harmonie rationes in animæ
 partibus 337.m.
 Helias & Enoch in uita conseruan
 tur 150.p.
 Hesiodi locus 162.f. 322.f.
 Hippocrates cur Artaxerxis exerci
 tum curare recusarit 229.p.

Hippocratis demonstrationem de
 natura corporis humani, ad ani
 mæ substantiam mutuatur Vel
 sciur 49.f.
 Hippodamus Thurius eorū, qui per
 festi censentur, duo genera con
 stituit 124.f.
 Hippodami loc⁹ explicatur 125.m.
 & 126.m.
 Homerus cur à summis uiris laude
 tur 216.m.
 Homeri locus 58.f.
 Horatij locus 86.f. & 216.f.
 Homo ciuis est mundanus 350.m.
 Homo sibi relictus animal est imper
 festum 350.f.
 Hominis generatio cur à uoce
 tur à Cebete 45.f.
 Homini naturæ propria 156.p.
 Homini malo uiuere non esse bo
 num 427.p.
 Homines à quibus puniuntur 176.m.
 Homines Sphingi similes 25.m.
 Humana substantia multis partibus
 constat 22.f.
 Humana naturæ conditio 191.p.
 Humiditas corporū nimia aciem a
 nimi retundit 45.m. 48.p.

I

IAnna ad uirtutē angusta 271.m.
 & dea 172.m.
 Ignorantia duplex 14.m.
 Imaginatio 25.f.
 Imaginatio & sensus in quo differe
 rant 64.f.
 Imbecillitatis humanæ causam pri
 marie

INDEX.

xi

man ignorarunt Philosophi	Liberum arbitrium à Velfio defen-
114.f.	ditur 135.p.
Inconstantia eorum qui pendent ex	Litera Pythagorica 113.p.
fortuna 130.f.	Lodouicus Odaxius 177.m.
Inconsultis dominatur fortuna	Luctus 180.f.
122.p.	
Incontinentia omniū uitiorum ma-	
ter 165.p.	
Incontinentia alia absolute, alia cū	M 145.f.
adiunctione dicitur 165.m.	Ala alia poenæ, alia culpæ
Indoctorum existimatio in rebus	Malorum idea non potest introdu-
aduersis 181.m.	ci 146.f.
Infelicitas 183.m.	Manicheorum insania 146.p.
Inspicientia duplex 19.m.	Marsis & Psyllis non nocere ser-
Inspientia quos interimit 22.p.	pentes 380.f.
Intellectus 24.f.	Mathematicæ artes 201.m.
Intemperantia tempestati compara-	Mathematica quatuor sunt partes
tur 164.p.	234.m.
Ioannes Camers 378.f.	Mathematicarum disciplinarum
Ioannes Lod. Viues 187.m.	subiecta 235.p.
Iracundia cos est fortitudinis, ex Pe-	Medicina ex numero est effectiuarū
ripateticorum sententia 67.f.	artium 295.f.
77æ 251	Medicinæ duæ sunt partes 296.p.
Iudicare incorrupte quid sit	Mens & ratio obruuntur affe-ctu do-
242.m.	minante 172.f.
Iudicare non cuiusuis est 260.f.	Mens & ratio quid in anima faci-
Iuris ciuilis studium 258.p.	ant 163.f.
Iuris Pontificij studiosi 257.m.	Mentis & rationis lumen 41.f.
Iustitia duplex 342.f.	Mercurij Trismegisti locus 46.p.
Iustitia uniuersalis 335.f.	μυαδύμωις 186.p.
Iuuenalis locus emendatus 119.f.	μυαδύμωις 186.p.
	Methodi quatuor 219.m.
L	Metus quid sit 30.f.
Argitiones uitiosæ 167.p.	Michaël Psellus Sphingis fabulam
Leuitas 332.f.	explicauit 22.m.
Lex naturæ unde profecta 40.f.	
Lex per Moysen data 160.p.	N
	Arrationis initia qualia esse
	debent 1.f.
	A 3
	Neceßi

INDEX.

Necessitati Deus non subijcitur		Peripateticorū de animæ facultati	
Nemesis	94.p. (149.p.)	bus sententia	61.p.
Notiones primæ	12.p.	Peripateticorum de animæ naturæ	
O		opinio	37.m.
Oblivionis poculum	44.f.	Peripateticorum contra Ciceronē	
Occasus	343.f.	Opinio	74.m.
Opinabilia & opinio	97.f.	Opus	111.f. & 169.f.
Opinio ad partem animæ rationis		Opinio & error	283.m.
compotem pertinet	100.f.	Petri Apostoli epistola prioris loci	
Opiniones, uoluptates, & cupidita		cus	297.f.
tes, quare à Cebete meretrices uo		Philosophia	210.m.
cantur	161.m.	Philosophiæ solida effigies quæ staa	
Opinionū, uoluptatū ac cupiditatū		tuenda	7.p.
uariæ sunt formæ	101.p.	Philosophus quid à Sophista et Dia	
Opinionum diuisio	223.m.	lectico differat	221.p.
Opportunitas	343.f.	Platonis de anima opinio	51.p.
Oraculum quid sit	142.m.	Platonis locus 44.f. 85. m. & 171.	
Orator bonus quis	228.f.	p. 288.m.	
Oportet	192.m.	Plinij locus	131.m.
Ouidij locus	110.m. & 158.p.	Plutarchi locus contra Stoicos	
P			82.f.
Pacuvius de fortuna	118.f.	Pœnitentia	183.f.
Pœnitentia	193.m.	Pœnitentiæ duo officia	187.p.
Pœnitentia	29.m.	Pœtica ars	203.p.
Parmenides	7.f.	Pœtica artis incommoda & fru-	
Partes & species animæ appellat		ctus	210.f.
Plato, quas facultates nominat		Pœtice formandis puerorum inge	
Aristoteles	54.p.	nijs inutilens	218.p.
Pœtice	66.p.	Potentia	66.f.
Pauli Apostoli locus	42.p.	Præfatio tabule Cebetis quæ conti-	
& 153.f.		neat	1.m.
Percunctatio & interrogatio quid		Præmio & pœna respublicæ conti-	
differant	42.f. (218.f.)	nentur	140.f.
Perfectio uniuscuiusq; rei duplex		Præterita recordatione quasi præ-	
Peripateticos cur Cebes inter falsæ		sentia fiunt	108.m.
doctrinæ authores collocarit	213.f.	Primi hominis lapsus	151.p.
			200.f.

INDEX

*Proclus multis nocibus Latinis re
spondet* 64.p. (114.f.)
Proclus de duplici adolescentie uia
Proclus reprehenditur 276.m.
Procli de mali origine sententia
146.m.

Prudentie due species 322.m.
Pueritia facile in errorem ducitur
111.p.

*Pueri nec uirtutis nec uitij partici
pes* 112.p.

*Pueri participes rationis non actu,
sed potentia* 58.m.

*Pueris optimos institutores conue
nire* 111.m.

Pueris ratio est imperfecta 103.p.

*Pueros imperfectam habere ratio
nem* 247.f.

Pythagoras laudatur 113.p.

Pythagorae philosophia. 7.m.

Qua ratione animae partes ad
se mutuo afficiuntur 59.f.

*Quatuor sunt prima affectionum
genera Stoicis* 103.f.

*Quatuor sunt mathematica par
tes* 234.m.

*Quinq; prima affectionum genera sta
tuit Galenus* 104.p.

Quomodo Deus mala immittat
R 145.m.

Ratio aurigae, reliquae facul
tates animae equis comparantur
69.f. (321.p.)

Rationalis partis animae uirtutes
Rei cuiusq; cognitio ex causis pen

det 402.m.

Reipublicae, ut animae, tres esse par

Rhetorica 203.p. (tes 328.m.)

Rhetorica duobus modis spectanda
229.f.

*Rhetorica inter falsas disciplinas
locatur* 224.p.

*Rhetorica duae sunt species ex Pla
tonis Gorgia* 224.m.

Rhetorica utilitas 231.p.

S

Scholarum consuetudo reprobetur
ditur 233.m.

*Scopius Velsij in hoc opere explicat
do* 36.f. (69.p.)

Secundum naturam multis modis dicitur

Seipsum et suam nosse 375.p.

Seipsum uincere quid sit 369.p.

Seneca falso taxat Peripateticos,

Seneca reprehenditur 80.p. (75.p.)

Senecae locus 388.p. (64.f.)

Sensus et imaginatio quid differunt

Sensus et imaginatio particularia

percipiunt 65.p. (solui 244.p.)

Sesum iudicia temporis progressionem ab

Sesquialtera proportio 337.f.

Sesquitercia ratio 338.p.

Sophismata omnium errorum causas

afferre 27.p. (220.f.)

Sophistae quinam sint appellandi

Sophistarum uitia 28.p.

Sophistice 219.f.

Spei definitio 36.f.

Sphingis enigma 17.f.

Sphingis fabula 17.f.

Sphingis fabulae explicatio 26.p.

Spontaneum quid sit 250.p.

Stoici

INDEX.

S toici à Peripateticis nō tam rebus quā uerbis dissentiunt 414.f.	V ia uirtutis neminē subsistere pati- tur 271.p.
S toici cur à Peripateticis dissi- dant 420.p.	V ia uirtutis accliuus est 272.m.
S toicorum aduersus Peripateticos de bonorum diuisione opinio cō- futatur 409.m.	V ia ignoratio causa malorum o- mniū 373.m.
S toicorum de anima opinio 35.f.	V isus & auditus precipui ad cōpa- randā sapientiam sensus 118.m.
S toicorum error 79.p.	V irtus moralis circa uoluptates & dolores uersatur 92.f.
S toicos quinā reprehēderint 79.m.	V irtutis pfecte et uitij absoluti in- termedie sunt quedam affectio- nes 164.m.
S ymbolica quomodo explicētur 3.f.	V irtutis pfecte & imperfecte quale discrimen 163.p.
S ymphonia 337.p.	V irtutis natura 317.f.
S ymonis quid sit 323.p.	V irtutis tres sunt cause 159.m.
S ymposium unde dicta 164.p.	V irtute, uolūtate, et secūda fortuna op ^o esse in rectis oclioib ^o 353.m.
T	V irtutes inter se cōsensum habent 340.m.
T emperaturarū differentie un- de proficiantur 48.f.	V irtutes scientias esse 15.f.
T erentij locus 421.m.	V itia domuisse sūma uictor. 360.m.
T heages quis fuerit 90.f.	V itiosi affectus appellantur bellue 369.m.
T heodoretus Cirēsis episcop. 36.p.	V oluntas 62.p.
T herapeutices tres sunt partes duas quid sit 65.m. (296.p.)	V oluptas 44.p.
T riplex 176.p.	V oluptas et dolor nō eximi, sed ad mediocritatē reduci debet 92.p.
T olerantia 274.p.	V oluptatē sumū esse bonū quū stu- pidē probauit Epicurus 239.m.
T olerantie definitio 280.m.	X
T olerantiam & cōtinentiā germa- nas esse sorores 280.p.	X enarchus 254.m.
T riplex uita, diuina, humana, ferina 24.p.	Z
V	Z aleucus 176.f.
V eræ discipline filias esse ueri- tatē & persuasionē 291.p.	Z aleuci locus 304.m.
V erecundia 94.p.	Z eno Stoicæ sectæ author 73.p.
V ergilij locus 35.p. & 182.f.	F INIS.
V erior de animorū origine senten- tia 38.m.	
V eterum in confingendis fabulis consilium 26.p.	

IVSTI VELSII HAGANI IN CEBETIS

xiii

THEBANI TABVLAM COM-
mentariorum liber primus.

PRAEFATIO.



Ntequam Cebetis tabulae explanatio-
nem aggrediamur, quaedam nobis ad-
hibenda videntur, quae audientium ani-
mos ad huius utilissimi operis ausculta-
tionem instruant ac praeparant. Sunt au-
tem haec potissimum. Nam primum qui-
dem, quis sit scopus, quò sunt, quae in hoc libro habentur, refe-
renda omnia, constituere propositum est. Deinde, quod pro-
ximum est, de utilitate & tabulae huius opportunitate, quae
certè est maxima, quantum instituto nostro satis est, disere-
mus. Tertio autem, quae orationis forma, quis character, di-
cetur, quod non modicam & id ipsum utilitatem habere ad au-
torem rectius intelligendum videatur. Quarto verò de ma-
teria agendum, quam ex veterum sententia, in hypotesim
seu argumentum, & personas, loca & tempora partiemur
ac diuidemus. Quibus explicatis, ad auctoris enarrationem
veniemus, nonnullis tamen quae ad vocum quarundam mul-
tiplicis potestatis & significationis distinctionem pertinent,
ne quae nos homonymia perturbet, praemis.

Quod igitur ad scopum attinet, id mihi spectasse uidetur Scopus libri.
auctor, ut totius vitae humanae descriptionem quandam desi-

A

P R A E F A T I O.

gnaret & conficeret, quantumq³ rerum natura pateretur, eam sub aspectum penè subijceret. Nam id præcipuè veteribus studio fuisse video, ut tum pingendo, tum fingendo, mortalium rebus cōsulerent, et à vitijs quidem & malis quoquo modo auerterent: ad bona autē & virtutes iacentia hominū ingenia excitarent, & nunc huc nunc illuc fluctuantes voluntates, maximā autem partē, quæ humanarū rerum est cōditio, in deteriora propendentes, ad honesti formā traducerent. Atq³ id quidem in hac tabula admirandum est maximè, quod tam solidā & expressam vitæ humanæ effigiem cōtineat, ut nō in vmbra & imaginibus versari, sed ipsam potius rem intueri te credas. Et primū quidem ipsam in vitā, quæ sit, tanq³ in viā ingressionem, Deum immortalem quæ dexteritate subijcit, dum omnes quidē in ipso etiā statim ortu, insitas & quasi cōsignatas in animis notiones habere facit, sed quarū tamē vis ac potestas generationis vinculis veluti cōstricta, multoq³ immersa vuido, ignaua torpensq³ reddatur, ut tantum nō penitus extincta existimetur. Deinde verò orto iam et paulatim succrescente homine, quoniā animi pars vtraq³, & quæ rationis est expers, & quæ eiusdem cōpos & particeps, sese proferre & vires suas exerere incipit, quis hæc quidem obscurius adhuc & segnius, illa verò expressius atq³ illustrius, alteri certè opiniōes obijcit, has quidem veras, illas autem, quarū longè maxima est turba, falsas: alteri verò quæ ratione caret parti, voluptates, sed vtilēs, quæq³ secundum naturā sunt paucas, noxiarū infinitā multitudinem:

vtri-

utriq³ autē simul cupiditates, has quidē naturales & necessa-
rias, illas verò, & quidē plurimas, inanes & superuacaneas.
Verū enim uero cū tenerior hāc aetas adulterina à bonis se
cernere & internoscere nequeat, sit plerūq³ ut pro veris falsa,
pro solidis expressisq³ adumbrata, pro utilibus noxia, pro na-
turalibus deniq³ ea amplexetur, quae cōtra naturā sunt, inq³
eius perniciē vergūt. Atq³ ita quidem instructus homo, viā
ignoratione temerē oberrat. Procedente verò atate cū iam
actionis compos redditur, suiq³ quodāmodo iuris esse incipit,
in fortunam incidit, ubi sanē varij se casus, multae vici-
tudinē offerunt. Nam hi quidem bonis exuuntur, ditātur alij:
ijdem rursus non ita multo post spoliati lugent, ad alios bona
transferuntur. Tanta est in fortunae donis muneribusq³ in-
constantia. Neque verò ea solum sic sua subinde repetere, a-
lioq³ transferre solet munera, sed etiam aliae quaedam sunt,
quae his insidientur bonis immanissimae belluae, intemperan-
tia nimirum, luxuria, insatiabilis cupiditas, & assentatio,

Virginei quarum vultus, fœdissima ventris

Proluuiēs, vncāq³ manus, & pallida semper

Ora fame. quae quidē nō solum quae à fortuna data sunt,
sic vniuersa absorbeant, ut nulla Charybdis quantumlibet
vorax nec plura nec citius, sed in corpus etiā, ipsumq³ adeo
animum grassantur, nec antea quiescunt, q̄ nos omnibus
spoliatos, & proinde in omne flagitij genus protrusos, crucia-
tui tandem supplicioq³ tradant, ubi sanē aegritudine, dolore,
lamentatione et anxietate afflictī confectiq³, ad extremam

A ij

P R A E F A T I O.

infelicitatem deuoluimur, ibiq³ quod superest vitæ in omni calamitate & miseria degimus: nisi fortè pœnitundine ducti resipiscamus, aliaq³ opinione concepta, & cupiditate castigata, ad veram cōtendam disciplinam. Ceterum ne sciquidem omne adhuc periculum euasimus, sed restat nescio quæ Circe, quam Græci Ἰσδοπωδία vocant, apud quam Ulyssis exemplo, vt aliquam fecisse moram nō incomodum, ita hīc tanquam ad scopulos Sireneos consensescere vitiosum est, & à vero fine plurimum abducit. Quare si quid ab hac haberi potest vtile, id totū arripiendum, neq³ vlla prætermittenda occasio. Sed citò hinc discedendum, matureq³ ad veram disciplinam & eruditionē contendendum. Ad quam sanè cum pergimus, duæ sese nobis adferunt ἡμιπλῆς ἀρετῆ à Theage appellata, Tolerantia & Continentia, quarum altera quidem cupiditatem in malas ruentem voluptates sic coërcet ac reprimat, vt vel inuita rationem sequatur, viribus nimirum ipsius labefactatis atque conuulsis. Neq³ enim fieri potest vt persuasa rationi obediat, sed subacta oppressaq³ ipsam sequatur. Altera verò, animi excelsi magnitudinem & robur non deycit illa quidem (minimè enim id faciendum) sed vt ferociorem quendam equum domare conatur & mansuesfacere, vt rationis frenum admittere, eiusq³ ductum sequi nō detrectet. Atque ita quidem his animæ partibus preparatis, ad veram accedimus eruditionem: cuius sanè officium est, vt ab omnibus ignorantia & erroris sordibus, omni falsæ eruditionis persuasionē & arrogantia, simpliciterq³

pliciterq; malis omnibus purgatum animum, recta persuasione & veritate imbuat, quæ sub ipsa quidem primo se profert, atque adeo nascitur, sed non usquequaq; firma & stabilis: sub scientia verò adolescit atque perfecta redditur, firmissimumq; robur accipit, ut inconcussa stet, nullis fallaciū argumentationū machinis usquam impellenda. Ad quam quidem scientiam reliquasq; virtutes cum peruentum fuerit, summa veluti manus homini imponitur, fitq;, ut græcè significantius dicam, κατὰ θελοῦσιν & κατὰ ἡγεμονίαν & ὅλως, omnibus nimirum inter se animæ partibus in honesti studio exacte conspirantibus. Et sic quidem affectus homo, beatus evadit, nec quicquā deinceps ab ijs sibi metuit, quæ antè ipsum infestabant. Nam exquisitè horum omnium naturas percipit, nec in boni maliq; discrimine amplius hæret. Unde & alijs optimè consulere potest, & periculis quæ hinc & inde imminēt cōmonstratis, rectam vitæ rationem præscribere. Et scopus quidem propositi operis hic est, vberius fortè ac fusius quàm quis faciendum iudicet expositus. Utilitas. Verum quoniam ad utilitatem probandam nō parum id conducere videretur, minimè sum veritus latiori oratione hīc uti, simulq; cum scopo hypothesim aliquo modo persequi. Quod igitur ad utilitatem attinet, nemini dubium esse potest qui vel minimum intueri valeat, quin hæc sit longè maxima. Nam cum omnino quæ in vitam incurrūt errata omnia, alia quidem ex hoc pendeant, quòd non rectè de vniuscuiusque vitæ fine sit constitutum, alia verò ex consecutionis ignoratione

A ij

PRAEFATIO.

eorumq³ quæ ad finē referuntur, necesse nimirū fuerit recte vitam instituere volenti, & fines discernere posse, verumq³ à falsis distinguere, & in medijs quæq³ huc ducant nusquā decipi. Quod certē Ceбетis hæc tabula pulchrē mihi præstare videtur, cum & verū vitæ humanæ finē cuiusmodi sit accurate cōmonstret, quæq³ huc ducāt vniuersa, ostensis simul diuer ticulis flexionibusq³, ad quæ maxima hominū multitudo ex orbitans deuoluitur, ac proinde à vero fine longissimē quidē abducitur, ad fallaces autē & fucosos subinde se applicat, nō parua cum externorū bonorū, tum verò corporis & animi iactura. Ac de vtilitate quidē hæc nunc dicta sufficiāt: erit enim et paulo post de ipsa nōnihil adhuc differendū, cum ad eum autoris locū peruenerimus, ubi Senex anteq³ tabula ex plicationem aggrediatur, quid cōmodi & incōmodi hæc ha beat, ostendit. Sequitur vt de orationis forma, quā Græci *ῥητορικὴ* vocāt, agamus. Sunt igitur huius genera quidem prima & simplicia duo: alterū quod in actione imitationeq³ totū cōsistit, cuiusmodi Comædiarū & Tragædiarū esse dici mus: alterū omnis imitationis expers, sola narratione rerūq³ expositione cōtentū. Huius generis est eorū character, qui di thyrambos scribūt, rerūq³ gestarū historias, citra omnē perso na introductionē. Tertiu autem ex vtriusq³ cōpositū, vt apud Græcos quidē Homeri vtrūq³ poëma, apud Latinos verò Ma ronis Aeneidos opus, partim quidē rerū expositione, partim verò personarū imitatione variēgatū & distinctum. Tot igitur genera cum sint, propositū hoc opus ad mixtā orationis for-

Orationis
forma.

formā referemus, q̄ hac quidē ut res gestas, illa verò ut sermo-
nes & colloquia cōtineat, et rebus quidē gestis narrationē ad-
hibeat. Cuius duae potissimū sunt virtutes, ut & distincta per
sonis, rebus interpuncta sit, & illustrē habeat explanationē:
sermonib. verò & colloquijs singulorum accuratā & exqui-
sitā imitationē, quae in vitae morumq̄ discriminib. ingenij et
instituti varietate, aetate et sexuum differentijs, alijsq̄ similib.
plurimū cōsistit. Verumenimvero quoniā inveniuntur nō
nulli, quorum est et Diog. Laër. qui hāc diuisionē ut tragicā
potius q̄ philosophicā exagitent ac reprehendāt, & aliā pro
inde philosopho magis cōuenientem adferāt, agē sanē & illa
proposita cōsideremus, ad quodnā eius membrum huius Ce-
betis tabulae orationis formā referre oporteat. Diuidunt itaq̄
horum alij orationis formā, cōsimili ut superiores ratione, in
duas species simplices, & tertiā ex his compositā. Et simplicium
quidem specierū alterā, praeceptionis faciūt, rerumq̄ explica-
tionis: disceptationis questionisq̄ alterā. Quae verò ex his mi-
xtis cōstat, hāc partim in praeceptis tradendis, rebusq̄ expli-
cādis versari volūt, partim verò in cōtrouersijs disceptationi-
busq̄ tractādis. Laërtius autē in vita Platonis, mixtae oratio-
nis formae nulla mentione facta, reliqua duo simplicia gene-
ra in quasdā rursus species partitur ac diuidit. Id quidem qd̄
praeceptionis esse diximus: cuius hac sanē est ratio, ut credentē
et velut spōtē sequentē praeuendo ducat, ut graecae vocis ἐτύμως
λογία ostendit, ὑποκρίναι enim ab ipsis appellatur: in eā quae
cōtemplationi indulget partē, & quae actionē instruit. Quarū

priorem rursus, in naturæ obscuritatem, & differendi subtilitatem: posteriorem verò, in eam quæ de vita & moribus, & quæ de Republica differit. Quod verò genus in disceptatione quaestioneq; positum est, quo non credentem, interdum verò & aduersantem ac repugnantem, vel ad consensionem & quasi confessionem adducere, vel argumentis conuincere & refutare conamur, in eam quæ ingenij exercitatione continet speciem, Græci *πομπαστιδὴς* vocant, & quæ contentioni & certamini est accommodata. Quarum utranque rursus in duo secat membra. Illam quidem, in id quod institutionis seu eruditionis quis dixerit, seu quocunque tandem modo, quod Græci translaticie *παυδασιδὴς* ab obstetricando vocant, commodissime explicari posse existimet: cuius ea nimirum est ratio, ut instituatur & erudiat, et ad alicuius inuentionem adducat, dubitareq; faciat: & quod *περασιδὴς* ab iisdem, quod ingenij & eruditionis periculum faciat, appellatur. Hanc verò in ostentationi accommodatam orationis formam, qualis sophistis & adulterinis rhetoribus, ijsq; quos composito nomine *ῥητορὶ καὶ σοφιστῇ* appelles, tribuitur, & quæ confutandis sophistis, eorumq; argumentis euertendis inseruit. Verum in hac quidem posteriore diuisione, quam Laërtij esse diximus, id fortasse culpent nonnulli, quod inæquabilis, varia & multiplex sit, ut nunc quidem formæ, nunc verò finis, interdum & materiæ esse uideatur. Sed cum alioqui sub orationis formæ diuisione, Philosophiæ quoq; partes quodammodo comprehenderit, non putavi esse alienum ab hoc instituto,

tuto,

tuto, & illam hoc loco subiecisse. Quod igitur ad priorē quidem partitionem attinet, mixti hanc Cebetis tabulam generis esse statuimus, non quod perpetuo & aquabili temperamento hac inter se iuncta copulataque sint, sed quod cum prior pars, eaque longē maxima in explanatione consumatur, posterior quandam contineat de ijs quae nec bona nec mala sunt, quae ἀδιάφορα Stoicis, Ciceroni indifferentia, ad Graecorum imitationem dicuntur, breuem quidem illam, sed subtilem argutamque disputationem. Quam sanē mixtionis rationem quod adiunctione appositioneque fiat, propriē compositionem appellamus. Ad Diogenis verō Laërtij diuisionis, ex eo quod in ipsa praepollet ac superat, id referetur genus, quod praepositionis esse diximus: eiusque eam speciem, quam, quod circa actionem versetur, Graeci πρὸς τὸν λόγον, recentiorū nonnulli hos imitati, actiuam appellare solent: & huius rursus ipsius (recipit enim & hac diuisionem) ad eam partem quae de vita est & moribus. Atque hac quidem ratione nō solum de orationis forma constitutum esse videtur, sed non minus & illud explicatum esse, ad quam Philosophiae partem praesens hoc opus pertineat. Reliquū igitur fuerit ut de materia agamus, quae cum, ut diximus, in hypothesim diuidatur & per personas, loca & tempora, hypothesis autem superius iam exposita sit, nunc ad reliqua progrediamur. Et primū quo in loco habiti sint hi sermones consideremus: habet enim hac nō solum arguti quid, sed etiā utilis, quodque philosophi animaduersione sit non indignum, cōtemplatio. Est igitur huius con-

Materia.

Locus.

B

PRÆFATIO.

gressus & colloquij locus, Saturni templum: quod optima sa-
nè ratione ab autore factum videtur. Nam cum hîc vitæ
humanae effigies & imago quædam subiiciatur, neque ta-
bulam, in qua hæc picta continetur, alibi suspensam, neque
quibus hæc explicatur, sermones & colloquia alio in loco,
quàm in Saturni templo, instituta esse conveniebat. Simu-
lachra enim rebus ut respondeant quarum sunt simulachra,
ratio exigit. Cum igitur duplex sit vita, altera quidem om-
nis corruptionis atque adeo mutationis expers & diuina, al-
tera verò quæ ortum & interitum agnoscit, in qua est &
hæc humana, illa certè in ævo degitur perpetuo, hæc verò
tempori est subiecta. Quare ut vita humana sub tempore
continetur, sic & tabula, in qua eius simulachrum est depi-
ctum, non alibi rectius reponatur, quàm in eius numinis sa-
no, qui temporis autor ac deus fingitur, ut & ipsa Græci no-
minis ratio quodammodo indicare atque innuere videtur:
κρόνος enim quasi χρόνος, ut vult apud Ciceronem Balbus,
dicitur. Hancq; ego veram huius vocis notationem existi-
mem, quod reliquæ ferè ut coactiones sunt, ita particularium
potius affectionum & effectuum, quàm uniuersæ ipsius na-
turæ & substantiæ, explicationem contineant. Siue enim di-
ctum velis κρόνον, quasi κρόνος, id autè est, ut interpretatur Pla-
to, καθαρόν καὶ ἀκέραιον τὸ νοῦς, id est, mentis puritatē & perfe-
ctionē: siue ut alij, ἐν τῷ κρόνῳ καὶ κερῶν ἐκαστα τῶν γενεθλίωνται,
id est, eo quod natalitia cuiusque dona misceat & tempe-
ret, siue ut Chrysippus vult, διότι καθαύρων ὄντων τῶν ὀλγων καὶ

ὁμογενῶν καὶ ταφρομελῶν ποταμῶν, τὴν ἐκχεῖσιν τῶν ποτῶν, id est,
 quod cum humida essent vniuersa, imbresq³ largi decide-
 rent, horum secretionem faceret: hæc omnia certe ad parti-
 cularia quadam temporis opera pertinebūt. Nam & mens
 & ratio vnà cum ætate adolescit & perficitur, & genera-
 tio omnis, mixtioq³ ac temperatura & secretio sub tempo-
 re omnino continetur. Iam uerò & quod fingunt Poëta Sa-
 turnum liberos suos deuorasse, & vomitione rursus eiecisse,
 an non id manifeste ostendit, nihil aliud per Saturnū ab ip-
 sis, quàm tempus fuisse significatū? quod hæc eius sit natura,
 quod ea quæ ab ipso procreata sint, non ita multo post absor-
 beat & consumat, aliaq³ eiusdem speciei in locum priorum
 rursus proferat, utq³ simpliciter dicam, ortum & interitum
 longa serie continuet. Quod enim in tempore fit, id tempo-
 ri tribuere solent homines. Quanquam nō sum nescius, ali-
 ter hanc fabulam apud Ciceronem libro de Deorū natura
 secundo exponi, ubi latinæ vocis rationem assignans, Satur-
 nus autē, inquit, est appellatus, quod saturetur annis. Ex se
 enim natos comesse fingitur solitus, quia cōsumit ætas tempo-
 rum spacia, annisq³ præteritis insaturabiliter expletur. Ve-
 rùm & hæc quoq³ eōdem pertinet fabula interpretatio. Opti-
 ma itaq³ ratione ab autore factū videtur, quod hæc in Satur-
 ni tēplo suspensa fingatur tabula. Sed & ipsi sermones quib.
 hæc explicaretur tabula, nō alibi, q̄ ubi hæc suspensa esset, in-
 stitui poterāt, quod nulli nō manifestissimè patere arbitror.
 Et de loco quidē hæc propemodū sufficiāt. Quod ad tempus

Saturnus enim li-
 beros suos deuor-
 rasse, & rursus
 euomuisse singa-
 tur à Poëtis.

Tempus.

B ij

P R A E F A T I O.

autem attinet, quoniam de eo aperti nihil in hoc opere habetur, nec nos certi quippiam adferre possumus: id tamen, nobis quod verisimile videtur atque adeo consentaneum, dicemus. Habitum igitur hoc colloquium intermedio inter solis ortum & meridiem temporis spacio, probabile est: quod hinc conyicio, quod hoc diei tempus, ei maxime etati proportionem respondeat, quæ ad deligendum quam quisque viam viuendi sit ingressurus, potissimum videatur idonea, ut ex his patere potest quæ de Hercule, ut est apud Xenophontem secundo τῆς ἀπομνημονεύσεως, commemorat Prodicus. Simili autem ratione & de anni tempore constituere possumus, veris quidem finem, ætatis verò initium, huic congressui conueniens

Personæ. tempus pronunciantes. In personis verò (id enim erat reliquum) hæc sunt præcipue quæ animaduertenda videntur, quod qui tabulam, quæ vitæ humanæ effigiem & imaginem continet, explicat, vnus fingatur, senex, & indigena. Quibus verò hæc explicatio fit, plures quidem, sed non magno numero, fortasseque tres aut quatuor: insuper iuuenes, & peregrini, ac hospites. Quibus sanè, quod ad eum cui explicatio tribuitur, attinet, nihil aliud innui videtur, quàm quod rarissimi omnino sint, quibus vitæ humanæ ratio ac conditio perspecta exacteque cognita sit, ut ex multis adeo millibus vix vnus atque alter talis inueniatur. Neque verò quouis hæc tempore contingat peritia, sed maturiore ad ipsam opus sit ætate: quodque nec ea absolute sufficere videatur, sed requirat insuper ut per omnem vitam hoc vnicè studio habeat, ut & sui tempo

temporis optimis aures praebeat, & in rerum experientiam animū habeat maximè intentū, & nusquam peregrinantem, creberq; sit & multus in earū rerum, quae in vitam incurrunt, causis inquirendis inueniendisq;: hinc enim vita vniuersa peritus euadet, eritq; hic quasi quidam indigena. Quod verò ad auditores spectat, numerus quidem illorū aliquis, non autem vnus, statuitur, quòd plures huiusmodi inueniantur qui bona indole praediti, recta monentē audiūt, ipsiq; obtemperāt, quā qui ipsi alijs consilio praesse possint: neq; tamen magnus, sed admodum exiguus, quòd longè maxima multitudo ita sit affecta, qualem hominē nequam & inutilem describit Hesiodus:

ὅς δ' ἐκεῖ μὴ τ' αὐτὸς νοέῃ, μὴ τ' ἄλλος ἀκρόαται

ὃν θυμὸς βέλνεται, ὃς δ' αὖτ' ἀχρεὶς ὁ ἀνὴρ.

Eam verò ob causam iuuenes finguntur, quòd in eam potissimū, vt superius diximus, etatem, alicuius vitae generis instituēdi deliberatio incidat, quòd vt sui iuris homo tum esse aliqua ratione, inq; sua potestate incipit, ita pleraq; suo arbitrio facit, & actionis compos redditur, vtpote adultiorē perfectioremq; eam partē iam obtinens, quā Graeci τὸ λογιστικὸν vocant. Peregrini autem & hospites, tanquam vitae rationum adhuc ignari, vt qui iam primū se ad vitam illud biuium applicuerint. Atque haec quidem sunt quae ad praeparandos auditorum animos, praefanda nobis esse duximus.

Reliquum est vt ipsius autoris enarrationem aggrediamur, si prius tamen, vt polliciti sumus, vocum quarundam

B iij

PRÆFATIO.

multiplicē potestātē & significatiōē distinxerimus. Nam
 cū in præcedentibus vitæ humanæ descriptionem quan-
 dam designare & conficere auctori propositū esse dixerimus,
 vitæ autē pluribus à Latinis vsurpetur modis, quemadmo-
 dum & ζωὴ & βίη à Græcis, fieri certē nō potest vt distinctā
 scopi notione quis habeat, citra harū vocum multiplicis po-
 testatis distinctiōē. Definitur itaq; à Græcis ζωὴ (vt ab hoc
 potissimū nomine tanquā vniuersaliori exordiamur) secun-
 dum primā & cōmunem maximeq; latē patentē notione,
 παρατήρησις καὶ μόνη τῶν ὄντων, id est, rerum cōseruatio & man-
 tio: cui opponitur θάνατος, id est, mors, rerum naturæ quæ-
 dam dissolutio & discessus. Ceterum cū plures sint animæ
 facultates in quibus vitæ hæc consistit, undeq; veluti efflore-
 scit & cognoscitur, plures etiam ipsius differentias statuere
 par est. Unde non solum αἰσθητικὴ πρὸς καὶ τὰ τὸ πρὸς κινήσει ζωὴ,
 id est, vitæ in sensu & secundum locū motione consistens fue-
 rit, sed etiā λογικὴ καὶ γνωστικὴ, καὶ αὐτὴ πάλιν φυτικὴ, id est, ratio-
 ne & cognitione instructo animali conueniens, & rursum
 quæ ad plantarū naturam pertinet. Et secundum reliquas
 animæ facultatū differentias pari ratione aliqua omnino
 vitæ constituatur. Neq; verò solum earū quæ suapte natura
 ingenerantur virtutū discrimina, vitæ differentes efficiūt,
 sed nihilominus etiam quæ quòd in voluntate sint positæ, vo-
 luntariæ appellantur, quas vel institutio ac doctrina, vel cō-
 suetudo exercitatioq; gignit, nō paucas vitæ ostendunt diffe-
 rentias. Itaq; & πολλοὶ φέρουσιν αἰσθητικὴν καὶ θεωρητικὴν dicūt Græci,

&

ὁ ζωὴν, καὶ περὶ αὐτὴν, καὶ ἐν αὐτῇ ζωὴν, & in huius generis re-
 liquis differentiis cōsimili modo vitæ quædam notatur. Iam
 verò & morū & ingenij qualitates ac cōditiones & vitæ de-
 genda rationes ζωὴς appellare solent: unde Πρωτῶς dicitur
 ζωὴ, καὶ μαλακὴ, et ζωὴ πύθη, cuiusmodi nobilis illius Diogenis Cy-
 nici fuisse legitur. Sed & vitæ spacium, quæq; ad vitā degen-
 dam opportuna sunt & necessaria, & facultates ac possessio-
 nes, ζωὴ nonnunq̃ nominant Græci, ut & apud Homerū est
 inuenire. Quanquam posterioribus his aliquot differentiis,
 bis frequentius q̃ ζωὴς appellationem tribuere consueuerūt,
 cuius talem nobis significationē distinctionem tradidit Phi-
 lotheus. Apponemus autē ipsius auctoris orationē græcam, à
 nobis in latinū sermonē cōuertendam: τὸ τὸ εἶς ὄνομα πολλὰ ὡς
 ἔρεται. λέγεται γὰρ βίος ὁ τόπος, καὶ ὅν φαμεν ἀμείβειν ζωὴν, ἀ καὶ ἐν τῇ
 χρόνῳ ὅτ' ἐν τῷ ὕδατι βίον διώκῃ, ὡς αἱ φάκαι, καὶ οἱ κροκόδειλοι, ὅ
 τὰ λοιπὰ. βίος καὶ τὸ ἐπιτήδευμα, καὶ ὃ φαμεν τὸν ἀνθρώπον ἰατρικῶς
 βίον μετρίαι, καὶ κῆνον φιλοσοφον. βίος ὁ ἡζυξίς τῶ γάμου, καὶ ὃ
 λέγεται ὅτι βίον ὁ ἀνθρώπος ἔπος μετρίαι. βίος καὶ τὸ ἥθος τῆς ψυ-
 χῆς, καὶ ὃ φαμεν ὅτι σώφρονα βίον ἔχει ὁ κόσμιον ἢ τὸ ἀνάπαλιν ἀκόλα-
 στον. βίος καὶ ὁ χρόνος τῆς ζωῆς ἡμῶν. ὅτι τὸ το γὰρ πῶς ἀπεχέσθην
 τῆς ψυχῆς, ἀπεβίωσιν προσεχρόνῳ. Id est: vitæ nomen multis
 usurpatur modis. Dicitur enim vitæ, locus: quæ ratione am-
 phibia dicimus animalia, quæ tum in terra, tum in aqua vi-
 tam degant, ut vituli marini, crocodili, & reliqua his consi-
 milia. Vita & institutum exercitiumq; appellatur, quæ si-
 gnificatione dicimus, hunc quidem hominem medicam vi-
 tam degere, illum verò philosophicam. Vita & nuptiarum

PRÆFATIO.

coniunctio, quo genere dicitur, hic homo vitam aliò traduxit. Vita & animi mores, quæ ratione temperantem & moderatam dicimus vitam, & rursus intemperantem. Vita & viuendi tempus: eam nanque ob causam animæ separationem excessum è vita appellamus. Ex his Philothei verbis quinque colliguntur huius nominis significationes tantum, quarum prima & tertia, aut alieniores esse videntur, aut certè ab ipso non rectè explicatæ. Quis enim vnquam locum, aut viri & mulieris legitimam coniunctionem, vitam dixerit? quæq; ab ipso pro argumentis adferuntur exempla, minime id docere videntur. Neque enim ex loco ἀπορίας dicuntur animalia, sed ob diuersam ac dissimilem vitæ victusq; rationem, quæ in loco quidem instituitur, & ex eo aliquousq; animaduertitur, non tamen idem quod locus est, sed res penitus ab ipso diuersa. Consimili autem modo cum inquit, δὲ αὐθιγὰς ἑῶν τὸ βίον μακροῦ καὶ, nihil aliud ex his verbis, vt mihi quidem videtur, intelligatur, quàm quòd vitam aliò, id est, ad aliud statum transtulerit: ex quo certè minime conficitur, nuptiarum coniunctionem vitam appellari. Iam verò neque omnes τῶν βίῶν significationes enumerauit, quasque posuit, in eas temerè magis incidisse, quàm methodo aliqua ad earum inuentionem vsus fuisse videtur. Quam ob causam nos ratione & via, vniuersam huius vocis vim ac potestatem explicemus. Id igitur primum omnium est animaduertendum, tam latè nonnunquam apud Græcos huius nominis vsus patère, vt omnibus tantum non τῶν βίῶν significationibus

cationibus accommodetur, interdum verò sic contrahi, ut ad solos homines pertineat, aut certe ea tantum quæ rationis sunt participia: vnde Aristoteles, Βίος ὅστις, inquit, ζῶν λογικόν. Verum ut certo ordine & methodo eius significationes omnes comprehendamus, sic habetote, Βίον ut & ζῶν, quanquā hoc quidem magis propriè, illud verò minus, animæ cuiusvis in corpore præsentiam, ut notionis definitione res explicetur, esse, siue plantalis illa, siue animalis sit, aut etiam rationalis. Ex quibus sanè differentijs & vitæ rursus differentes constituuntur. Atque secundum hanc quidem τῆς Βίος significationem, ἀφ' ἑωσὶς dicitur, τὸ ψυχὸς ἀφ' τῆς σώματος ἀρχῆς ἑσὶς: itemque περὶ τῶν τῆς Βίον ὁ μέχρ' ἔσ' αὐτὸς Βίος ἦ, & quæ eiusdē sunt generis. Quanquā hæc omnia vsitatus rationis compoti, ut diximus, animali tribuantur. Secundū eius autem differentiarum acceptionem αἰθερώπιον, καὶ κατ' αἰθερώπην Βίον dicimus, rursusque βοοκημὶτ' Βίον, atque item φυλικόν. Quoniam autem harum animæ seu partiū seu specierum quis dicere malit (vtrunq; enim est non incommodum, ut alias probabimus) suas qualibet & proprias obtinet facultates, ex quibus actiones profluunt, nō raro tum facultates tum actiones, vitas appellare solent veteres, non alia, ut arbitror, ratione, quā qua medicorum nonnulli sanitatem & morbum in actione constituerunt, in primis nimirū inherentes notionibus, minimè autē ad substantiam eorum sese promouentes. Sic igitur animalia nonnulla, οἷς πολίπικόν καὶ διμερεγικόν Βίον μελέσαι, alia verò μονόβια dicuntur, ut rursus ἀμφίβια quædam. Na-

C

P R A E F A T I O.

tura enim unicuique animali, ipsi convenientes facultates & actiones debet. Itaque cum multae sint, ut inquit Aristoteles, alimenti species, vitae etiam diuersae tum animalium tum hominum sunt. Pari autem ratione & λογισμὸν βίου ὡς dicitur, quaeque reliqua his sunt similia. Huc pertinent quae à Graecis βίον appellantur, id est, cum animalium, tum hominum ingenia moresque, non quidem studio & exercitatione comparata, sed à natura insita. Cum verò homo non solum primas has & suapte natura ingeneratas facultates actionesque obtineat, sed harum etiam adminiculo alias sibi compareret, fit ut & προαίρεσις & ἡθὺς & ἐπιτήδευμα, βίος non raro nominentur. Itaque φιλοσοφίαν βίου dicimus, & πολιτικὴν τῆς πόλεως, καὶ Πυθαγόρειον καὶ Περικλέειον βίον, & rursus σώφρονα καὶ κόσμιον, & ἀκρόατον, parique ratione μηχανικόν, στρατιωτικόν, γεωργικόν, & βασιλευσικόν. Iam verò & victus ratio, quā διαίτην Graeci vocant, quòd vitam hac tueamur & conseruemus, nonnunquam βίος appellatur, unde nimirum βίος μεταλλαγμὸς & ἀλλοιωσιμὸς, rursusque ἀκαταστάτος ἢ σκληρὸς dicitur. Eodemque genere, inquit Cicero, hominum vita plurimum distat à victu & cultu bestiarum. Et quoniam huc ab hominibus opes facultatesque comparantur, quaeque reliqua sunt necessaria & opportuni usus obtinentia, & his quoque interdum βίος appellatio tribuitur: & ἀβίος ἄνθρωπος, qui his destituuntur, appellamus. Postremo verò & vitae tempus βίος nominatur, quae ratione βίος βραχύς ab Hippocrate dicitur. Et graeca quidem huius vocis tot sunt significationes. Eadem autem & latina

P R A E F A T I O.

xxii -
fuerint. Tot igitur modis vita cū dicatur, scopū autē huius
libri esse statuerimus, vitæ humanæ, id est, τὸ βίον τὸ ἀνθρώπινον
væ (est enim hæc vox altera huc accommodata magis) descri-
ptionem, vitam pro vniuerso vitæ humanæ cursu accipere
oportet, id est, eo quod ex naturalibus facultatibus actioni-
busq₃, itemq₃ acquisitijs, quæq₃ huc spectant studia, mores
& instituta, constat & compositum est. Ac sic quidem,
quod in scopo ambigui hærebat, distinctum cū sit, nunc
ad ipsum conuenienter auctore transeamus, eiusq₃ solertem
ac subtilem humanæ vitæ descriptionem
mente acri, & vt ita dicam,
sagaci intueamur.

P R A E F A T I O N I S F I N I S.

C ij

CEBETIS THE BANI TABVLA.



IN Saturni ut deambularem fano
usu ueniebat, in quo multa quidem
cum alia donaria contemplabamur,
tum uerò tabula quæpiam ad templi
ingressum suspensa erat, in qua pere-
grina quædam pictura, quæq; singu-
lares haberet fabulas, continebatur:
quas quænā essent, & ad quæ tempora pertinerent, con-
iectura assequi minimè poteramus.

*In hac præfatione, quæ ad eum usque locū protenditur,
ubi inquit, Accepta igitur uirga, hæc potissimū contineri quis
dixerit: in primis congressus occasionem: deinde eorum præ-
parationem, qui ad tabulæ explanationem adhibendi sunt
auditores: quæ quibus partibus constet, suo dicemus loco.
Nunc de priori illo agamus, consideremusq; quàm opportu-
num huic sermoni initium dederit. Incipit enim à narratio-
ne, qua primū quidem exponitur, quomodo peregrini ac
hospites, ut ferè fieri solet, loca ciuitatis celebriora dum spe-
ctant (quod tamen non additur, causam autem paulo post
intelligemus) Saturni quoq; templum sint ingressi, ibiq; sin-
gula oculis lustrantes, in huius tandem tabulæ, cuius expli-
cationem sibi propositam habet autor, contemplationem in-
ciderint. Atque id quidem hîc animaduertendū est maxi-
mè, neq; nimium longè hoc esse repetitum narrationis prin-
cipium, neq; ut quis dixerit, abruptum, sed quammaximè
oppor-*

portunum & cōueniens. Id hoc pacto potissimum cognosca-
tur. Nam si hoc modo exordiretur, vt & à patria disces-
sum, totiusq; itineris rationē exponeret, quoq; huc delati mo-
do, singulis in ciuitate insignioribus lustratis locis tandem
in Saturni templum peruenissent, vbi & alia permulta, &
hanc tabulam spectassent, in eandem nimirū incurrisset re-
prehensionem, in quam Ennianum illud:

Utinam ne in nemore Pelio securibus
Cæcæ cecidissent abiegnæ ad terram trabes,
Néue inde nauis inchoandæ exordium
Cæpisset, quæ nunc nominatur nomine
Argo, qua vecti Argiui delecti viri,
Petebant illam pellem inauratam arietis
Colchis, imperio regis Pelie per dolum:
Nam nunquam hera errans mea domo efferret pedem
Medea animo ægra, amore sæuo saucia.

Neque enim quicquā ad propositum faceret negocium, aut
à patria abscessus, aut ipsa seu nauigatio, seu per terram pro-
fectio: quemadmodum nec quòd reliqua celebriora inuis-
erint loca: vt taceam interim, id & ex peregrinantium more,
maximeq; eorū qui liberaliora colunt studia, & ex ijs quæ
narrantur facile intelligi posse. Rursus si citra hanc in Satur-
ni fano deambulationem, vel à Senis congressu, vel à tabulæ
conspectu inciperet, necessariorum ad hypothesim omisisse
aliquid deprehenderetur. Nam & Saturni templum ex ijs
est, vt ex præfatione didicistis, quæ vim aliquā ad argumen-

C ij

tum obtineant. Et sic quidem recte hinc initium fecisse cognoscitur. Quod ad reliqua huius orationis attinet, de ade quidem Saturno sacra, & cur hic tabula, in qua vita humana descriptio facta est, collocetur, in praefatione nostra satis est declaratum. Quenam autem alia illa fuerint donaria, de eo nihil certi colligere possumus. Verisimile tamen est huiusmodi quae iam fuisse, quae & ipsa ad temporis omnino ratione pertinerent, & sub tempore continerentur. Donaria autem quae vertimus, Graecis ἀναθηματα à seponendo siue suspendendo, ut recte in annotationib. in Euangelium Lucae, Hollandiae nostra lumē atq; ornamentū DES. ERASMI ROT. indicat, appellantur, cuiusmodi sunt quae Dys consecrata in parietibus & columnis templi suspenduntur. Ceterum in tabula quod peregrinam picturam, quaeq; fabulas singulares habeat contineri dicat, id cuiusmodi sit ex sequentibus cognoscetur. Quod verò inquit ipsos fabulas coniectura non potuisse assequi, quanam essent, & ad quae pertinerent tempora, id perquam δικονομικὸς ab autore est factum. Praemitti enim dubitationem quandam & conatū ipsi philosophica huius tabulae explicationi oportebat, quod, ut inquit Aristoteles, τοῖς δι' ἀπορίας βουλευμένοις ὅτι προέγρηται διὰ τὴν ἀπορίαν καὶ λῆξιν, id est, ut sententiam quam proximè vertamus (leporem enim & festiuitatem sermonis quae in πρὸς νόμους vocumq; affinitate consistit, assequi non possumus) Qui volunt quae ad rei alicuius cognitionem faciant sibi suppetere, hos operae precium est recte prius dubitasse. Neq; verò
hac

hac solum ratione summatim contentus est autor ipsorum
 hesitationem proposuisse, sed etiam latiori verborum tra-
 ctu in subiyciendis eam persequitur, simul etiam conatum
 quendam, seu appetitionem, seu aggressionem, seu quocunq;
 tandem modo ἐπιχείρησιν quis vertere velit, mirabili quo-
 dam artificio adiungens, cum inquit:

Neque enim ciuitas nobis id quod pictū erat esse ui-
 debatur, neque castra, sed ambitus erat, alios duos intra
 se ambitus continens, hunc quidem maiorē, illum verò
 minorem. Sed & porta in primo erat ambitu: huic autē
 plurima nobis imminere turba videbatur, Cæterum in-
 tra ambitum, mulierum multitudo quædam conspicie-
 batur. Ad primi verò vestibuli & ambitus introitum se-
 nex quidam adstans, ingredienti turbæ quid imperantis
 speciem quandam præ se ferebat.

Ut præcedens narratio apta compositione & verborum
 quodam quasi tractu, tardiori inambulantes gradu, insi-
 stentes etiam nonnunq; aspectantes, ita nobis expressit, vt nō
 narrari, sed agi potius res videretur, sic & hæc tam comode
 nobis dubitantes hesitantesq; subiycit, vt non solum mentis
 nunc in hanc, nunc in illam sententiam inclinationem, ac
 rursus reuocationē cernere te credas, sed gestus propemodum
 sic affectorū intuearis: quæ certè narrationis, vt superius di-
 ctum est, non minima est virtus. Nam cum in picturam in-
 tueri eos facit, ambitus sanè conspecti, ciuitatis quandā ima-
 ginationē ipsis suggererebant: sed cum aut nullæ, aut certe
 perquam raræ ibi conspicerentur ades, ab ea nimirū cogita-

tione recedunt. Et quoniā munita sunt & castra, huc animo feruntur: verū cū ne tentoria hīc appareant, castra sanē esse non posse manifestum est. Cūque nihil occurreret prater ea quō animū referrent, ipsam, ut est, picturā oculis & mente percurrunt, eiusq; insigniora quæpiam sermone persequuntur, quæ & in tabula depicta spectare licet, & satis apertē ab autore referuntur. Et hactenus quidem eorū subiecta est dubitatio de pictura, cuiusmodi tandem esset. In sequentibus verō & hoc subiicit, neq; quā vim hæc haberet, quidq; significaret, ipsos vlla ratione, quanquā plurimū laborassent, assequi potuisse.

Cū verō de fabulæ inter nos mutuō explicatione multo dubitarem tempore, senex quispiam assisens, minimē mirū, ō hospites, inquit, si de pictura hac dubitetis: nam ex indigenis non multī, quid hæc fabula sibi velit, norunt. Neq; enim ab hac ciuitate id muneris profectum est, sed hospes quispiam huc quondam aduenit, vir prudens & sapientia pollens, ceterū dicto factoque Pythagoreæ cuiusdam & Parmenideæ uitæ æmulator, qui & fanum hoc & picturam Saturno dedicauit.

Duo sunt quæ in huiusmodi symbolicis ordine sese comitantur. Nam primū quidem, quidnam id sit, quod ad aliam quampiam rem significandam adhibetur, scire oportet. Deinde, cuius rei notandæ & adumbrandæ causa, id effectum sit & delineatum, inquirere: sic enim singula singulis applicando, vniuersa fabulæ interpretatio procedit. Cū igitur in præcedentibus de priori egisset, in his de posteriori
mentio

mentionem facit, multo quidem ipsos tempore ut fabula interpretationem inuenirent conatos esse, sed parum alioqui rem ipsis successisse. Et hæc quidem de dubitatione, quæ appositè admodum conuenienterq; hætenus præmissa est. In sequentibus autem hoc mihi considera, quàm dextrè dubitantibus hîc senem adesse facit, planè ut dici solet, *Σενὸν ἄγε μὴ καὶ* vñs, qui primò hospites benignè comiterq; compellans, quam ex dubitatione animo cõceperant molestiam mitigat, dum quod is hîc accidit, id nō ipsoꝝ vitio, aut ingenij tarditate accidere ostendit, sed ipsius potius rei & fabula natura, quæ paucis etiam admodum illius loci indigenis cognita esset. Rursus autem, quoniam quæ publicè in ciuitate consecrata & suspensa sunt, maxime verò si recentior adhuc eorum memoria extet, in is rudes omnino esse eius loci homines, aut inertissimæ segnitie esse videtur, aut stuporis profundissimi: ut huiusmodi criminis suspitione & suos liberet, nec à sua ciuitate hoc profectum donariū inquit, esseq; admodum vetus, & proinde rarissimis etiam indigenis notū. Hospitem enim quendam eius autorem esse: quem deinceps prædicando, per quàm rhetoricè ab auctoris excellentia & antiquitate picturam cõmendatiorem reddit, & desiderium eius cognoscendæ in is auget, eaq; sanè ratione futuræ fabulae explanationi ipsos præparat. Sed agè singula perpendamus commendationis momenta. Primum igitur cū inquit, Sed spes quispiam huc quondam aduenit, antiquitatis nomine ipsius autoritatē augustiorem reddit. Deinde verò cū sub

D

igitur, Vir prudens & sapientia pollens, non solum ingenij vim
 & bonitatem, qua natura sponte ad optima ferretur, in ipso
 fuisse ostendit, sed etiam studio comparatam sapientiae doctri-
 nam: neque vero eam quamlibet ac vulgarem, sed raram om-
 nino & eximiam. Postremo vero & philosophiae genus ad-
 igitur, inquit: Caterum dicto factoque Pythagorae cuiusdam
 & Parmenidae vitae amator. Atque hic quidem non so-
 lum à philosophiae ipsius genere, quod nihil non excelsum ma-
 gnificumque tractat, estque in omnibus, ut quis dixerit, subli-
 mipetum, ipsum commendat, sed etiam, quod cum plerique inue-
 nirentur quorum vitae professioni esset dissimillima, huius
 & oratio moribus, & mores per omnia orationi responde-
 rent: quam verae sapientiae germanaeque philosophiae solidam
 & expressam effigiem esse, merito quis statuerit. Neque
 vero hoc loco mihi laborandum arbitror, ut aut Pythagorae
 philosophiam primae apud Graecos dignitatis fuisse probem:
 nulli enim non, qui vel aliquousque in veteribus sit versatus,
 id notum: aut Parmenidis nil humile cogitantis celsum &
 erectum ingenium, nil à professione alienum agentis, exi-
 miam raramque virtutem: satis enim & haec veterum, & prae-
 cipue Platonis scriptis nobilitata. Hunc igitur tot nomini-
 bus commendatum virum, tum templum hoc Saturno, tum
 picturam dedicasse inquit: hac quoque oratione insinuans, non
 quemvis è vulgi numero eum fuisse, sed diuitem, & alicuius
 omnino dignitatis. Nam & haec, nescio quomodo, quamvis
 externa sunt, non nihil tamen & autoritatis addunt & gra-
 tia,

tia, quòd fortasse animi bonorū quadam indicentur veluti indicia. His igitur rationibus & autore & tabula cōmendatis, deinceps res exigit, vt seni quoque autoritas, prater eam quā ipsi adiungit etas, de qua superius egimus, concilietur: quod quā peritè à nostro fiat autore, consideremus.

An ne igit, inquā ego, & ipsum illum de facie nostit? Et quidem admiratus ipsum, inquit, multo sum tempore. Nam iunior cū esset, multa & seria, quæq; nō leuis essent momēti, adferebat. Et uerò fabulæ huius explanationē, sæpe ipsum latiori pertractantē oratione audiui.

Admirabilis hic sanè ordo, & artificij plena oratio. Nam cū in præcedentibus & ipsos præmissa dubitatione quodammodo preparasset, & senis interuenientis oratione tabulā & autorem cōmendando, ipsos huc antea etiam propensos, magis fabulæ interpretationis cognoscendæ ardore inflammasset, restare videbatur, vt diximus, vt ipsi quoq; explanatori futuro sua constitueretur autoritas: quod ita comode facit, vt nō studio conquisita & affectata, sed vltro & naturæ veluti sponte oblata huius videatur occasio. Ferè enim ita natura fieri solet, vt cū aliquē à quopiam laudari audimus, statim an ipsum nouerit interrogemus. Itaq; hic hospitum quendam ex sene percontari fingit, ipsum ne autorem de facie nouerit, vt sic seni sibi quoque auctoritatem conciliandi occasio detur: quod quanta dexteritate faciat, consideremus: simul autem & castigatam veterum breuitatem animaduertamus, qui nihil in sermone superuacaneū, nihil redundans facile patiantur. Non igitur

D ij

ipsis verbis se de facie eum nouisse inquit, sed ex coniunctio-
nis copulatiuæ à Grāmaticis appellatæ vi, eoq̃, quod maius
est subiecto, id potius subindicat: Et quidem admiratus ip-
sum, inquit, multo sum tempore: quod mea quidem sen-
tentia perinde valet ac si dixisset, non solum ipsum de facie
noui, verumetiam familiarius eo sum vsus: ex quo factum
est, vt multo mihi tempore, ob rara quæpiam ingenij & eru-
ditionis dona, vt statim subiicit, admirationi esset. Nam, Iu-
nior, inquit, cum esset, multa & seria, quæq̃ non leuis essent
momenti, adferebat. Et verò fabula huius explanationem
sæpe ipsum latiori pertractantē oratione audiui. Qua certè
oratione quantumlibet breui, multa complectitur, partim
quidem ad tabulae rursus autoris cōmendationē facientia,
partim verò vt senī autoritas concilietur, ipsiq̃ in spem eri-
gantur, fore vt rem iam antea desperatam assequantur, &
fabulae huius interpretationē cognoscant. Itaque ad autoris
quidem existimationē facit, quod ipsum admirationi sibi
fuisse inquit: hoc enim ipso ostendit, magnas se, excellentes
quasdam & singulares & præter opinionem in eo virtutes
animaduertisse, quod ipsum & sequentia manifestè indi-
cant. Nam, Iunior, inquit, cum esset, multa & seria, quæq̃
nō leuis essent momenti adferebat. In quibus cum iuniorem
eum facit, id non sic accipiendum, ac si iuuenis quispiam fu-
erit, neque enim id huic argumento consentaneum, sed qui
frequens est apud autores huiusmodi comparatiuorū vsus,
hic pro contrario positiui cum aduerbio minus usurpatur,
ac

ac si dixisset, minus senex: ut eius aetatis ipsum fuisse intelligas, quam Græci ἀνὴρ vocant, aut certe nō ultra hanc multum processisse, quod hæc ætas ut corporis bonitate ad summum profecit, ita animo quoq³, cuius corpus instrumentum est, plurimum iam valere incipiat, cessantibus nimirū illis quæ incrementi tempore obtinebant in corpore, materiæ fluctibus & agitationibus. Erat igitur id in eo præter opinionē, quod ea statim ætate qua primum sedatis ac repressis fluctibus verè modestus & frugi, ac, ut quis dixerit, sobrius homo secundum naturā redditur, tantū in eo, nō dico ingenij, sed veræ sapientiæ relucet, ut tam multa, tamq³, seria, quæq³ non levis essent momenti (sic enim ἀποδῶα interpretor) in medium adferre posset, ut non immeritò seni admirationi fuerit. Ceterum nec illud prætermittendum arbitror, non solum dicere senem, Et quidem admiratus sum ipsum, sed adijcere in super, multo tempore, ut firmam & constantē admirationē intelligas, utpote cui solida & expressa subsit, minimè autem adumbrata causa. Sunt enim quædam, quorum in fronte ostentatio est, sed cū nihil subsit solidi, diligentius inspecta facile cōtemnuntur. Et sic quidem tabulæ autoris opinio & existimatio angustior reddita est. Sed ex ijs ipsis senis quoque aliquo modo constituitur autoritas. Nam ut hominū vulgus, qui qualibet cōmuniter obuia mirantur, ita qui magnis & eximys tenentur rebus, non nisi magni sint oportet. Et si enim admiratio imperfecti quid, atque adeo ignorationis in se habere videtur, unde illud Horatij,

D ij

Nil admirari propè res est vna Numici,
 Solaq̃ quæ possit facere & seruare beatum,
 adsit tamē huic oportet & generosi aliquid: primò quidem
 quòd nihil admiremur, cuius non sensum aliquem habea-
 mus, cuius nō quasi adumbratam intelligentiam animo ac
 mente conceperimus. Deinde verò, quæ admiramur, etiam
 appetere & amare videmur, esseq̃ ad hæc, vt Græci loquun-
 tur, *ὁλοιοῖτο*, maximè verò si stabilis & fixa, cuiusmodi
 senis fuisse narratur, sit admiratio. Iam verò & hoc aestima-
 tum, non nihil etiam seni cōmendationis adiicit, quòd inter
 eius loci homines vel solus, vel certè cū paucissimis, ipsi cum
 tabulæ huius autore consuetudo & familiaritas intercesse-
 rit: nam, vt veteri prouerbio fertur, *ὁμοιον ὁμοίῳ ἀεὶ πελάζει*,
 id est, Simile simili se semper adiungit. Quòd autē dicitur,
 Et verò fabulæ huius explanationē saepe ipsum latiori per-
 tractantem oratione audiui, id præcipue ad propositum fa-
 cit negocium. Verùm priusquam hoc explicem, illud mihi
 prius animaduertito, quod philosophicam quandam in se
 contemplationem habet. Nam ab admiratione exorsus, in
 cognitionem desinit, id est, ab imperfecto ad perfectius, quæ
 humanæ nimirum naturæ est conditio. Quare & Aristo-
 teles inquit, *ὅτι γὰρ τὸ θαυμάζειν, οἱ ἀνθρώποι ἐν νῦν, καὶ τὸ πρὸ τοῦ
 ἡγῆαντο ὁλοφθαῖν*, & cætera quæ sequuntur: vt nimirū ad-
 miratio vestibulum quoddam & aditus ad philosophiam
 esse videatur. Qui enim admiratur rem, veluti eximiā &
 præclaram admiratur, cuius tamē cognitione vel omnino
 vel

vel aliqua saltem ex parte destituitur. Nam primæ illæ & inchoatæ intelligentiæ & notiones, artificis certè & scientificæ cognitionis pars nulla sunt, ac ne principia quidem: siquidem nondum is artifex à nō artifice distat: inuentionis tamen theorematum principia, illas constituisse nihil prohibet. Sed de his aliàs: nunc ad institutum reuertamur, & quam vim superius posita oratio habeat, æstimemus. Inquit igitur, se cū alia multa ipsum explicantē ac differentem audiuisse, tum huius fabulæ explanationem sæpe & latiori oratione pertractantem: quo quid dici ad rem propositam possit cōmodius? Cū enim duo sint præcipua quæ in doctore, alteri qui rem tradet, requirantur, primū quidē vt rem exacte distincteque perceptam cognitamque habeat, deinde verò vt memoriā eius præsentem: sic enim fiet ut cōmode procedat explicatio, maximeque cū verba, ut inquit Horat.

Prouisam rem non inuita sequentur:

hac vna certè oratione vtrunque in sene fuisse ostenditur. Nam cū sæpe audiuisse se dicat, hinc sanè colligitur, explanationem fabulæ & melius ipsi perceptam, & fideliori memoria comprehensam. Semel enim aut bis audita tantū, in summa rarissime, vt facile ex animo excidunt, ita nec admodum exquisitè cognoscuntur. quorum autē explanatio sæpenumero repetitur, præcipue verò si fusior sit, vt hanc fuisse ex voce δὲ λόγος intelligimus (est enim δὲ λόγος & δὲ λόγος, vt compositionis ratio indicat, rem perfecte pleneque à principio ad finem vsque exequi) horū & in pleniorē du-

cimur cognitionem, dum posterior, ut serè fieri solet, priori semper aliquid adyiciat auditio, & memoriam omnino firmiorem diuturnioremq; retinemus. Quare id ipsum ut ad senis, id est, futuri explanatoris cōmendationem precipue facit, ita & hospites in spem adducit, ad fabulæ interpretationis cognitionem perueniendi. Itaq; statim subiicit Cebes:

At enim per Iouem, inquā ego, nisi magna quapiā sis occupatione impeditus, hanc nobis edissere. Nam admodum audire desideramus, quidnam tandem hæc fabula sibi uelit.

Quā vim habeat superior oratio, vel hæc argumento fuerint, quæ hîc ab hospite dicuntur: excitatos enim planè eos, & senis oratione inflammatos apparet. Quare & ab obtestatione numinis, eiusq; summi, exorditur hospes: & nō simpliciter, Nisi occupatione quapiam impeditus sis, inquit, sed magna, adyicit, ut leuiorem occupationem vix videatur pro excusatione admissurus. Deinde & desiderium huius interpretationis audiendæ vehemens subiicit. At non statim horum cupiditati satisfacit senex, neque etiam se difficilem præbet, sed arte quadam eos tractat, magis etiam adhuc ad fabulæ auditionem ipsos præparans.

Non recuso, inquit, ô hospites. Verum id uos audisse oportet, periculosi quid & ancipitis hanc in se enarrationem continere.

In hac oratione admirabilis quadam imitatio, & ut græcè significantius dicam, ἡ δομιὰ habetur. Nam ut in præcedenti inuenilem quendam expressit feruorem, ita & hîc senilis

senilis cuiusdam prudentiae cautionē ac moderationē, qua concitatiores hospitum animos nō cohibet ille quidem penitus (neq; enim id faciendum) sed flectit potius ac temperat. Et statim quidem, quod eam maximē etatem & id vitæ genus decet, τοῦ τῆς ἡδὺς ὁλιγὸς ἡμετέριον, id est, mansuetudinem morū, facilitatem & humanitatē, sed cum gravitate quadam & severitate temperatā, ostendit. Cum enim inquit, οὐδὲς φθόνος, quod verbum verbo redditum, nulla invidia, est, quo significare volunt Graci, nec operam nec industriam suam denegari, nec aliquod omnino alicui cōmodum in ipsis claudi, nos autem, non recuso, verimus, Latinis vsitata loquendi forma, quæq; parem vim obtineat, senis exprimit facilitatem & humanitatem. At cūm, Verūm id vos audisse oportet, periculosi quid & ancipitis hanc in se enarrationem continere, gravitatem quandam humanitate temperatam subicit. Atq; id quidem est quod ad ἡδοκίαν pertinet. Sed nec illud interim prætermittendum arbitror, & hæc, & quæ sequuntur ad finem fermē proœmij vsq; eò spectare præcipuē, vt attenti reddantur hospites, huius fabulae explicationi auditores adhibendi. Nam cūm ἐπιεικὴς ἔστι, quæ vox apud Græcos & in bonam & in malam usurpatur partem, quemadmodum & hoc loco accipienda est, & nos sanē interpretati sumus, periculosi quid & ancipitis, hanc continere enarrationē dicat, certē huiusmodi quid fabulae explicationem in se habere ostendit, cuius maximē illorum intersit, vel in hanc, vel in illam partē. Unde statim

E

etiam hospes subicit:

Cuiusmodi, inquā ego. Quod si attenderitis, inquit, & dicenda perceperitis, prudentes & beati efficiemini. Sin minus, insipientes, miseri, acerbi, rudes & indocti reddituri male uiuetis,

Uel ex his, quod à me dictum est, manifeste patet, vocem mediam, id est, quæ in vtrāq³ valeat parte, ἐμμενέμενον esse. Itaq³ interroganti sic respondet hospiti senex, vt doceat, quid boni & utilis, contraq³ quid mali & incōmodi, ex hac sit expectandum explicatione: non q³ ipsa in se, aut per se quid mali habeat, sed pro diuersa audientis affectione, vt ipsa aperte verba ostendunt. Nam si attenderitis, inquit (quod certe prius est: qui enim attentus non est, rem vt cognoscat & assequatur fieri non potest) & dicenda perceperitis (sic enim ὡς ἔστιν interpretor, quo hīc vocabulo admodum appositè est vsus: est enim ὡς ἔστιν, vt vocis compositio indicat, ὡς ἐπὶ ἐπὶ ἰστίῃ, id est, vt quamproximè vertamus, cum altero ire, hoc autem est, enarrante & veluti praeunte rem assequi & percipere) prudentes & beati efficiemini: quod certe prorsus Socraticè ab autore dictum est. Nam, vt autor est Aristot. libro magnorum Moralium priore, & ad Eudemum libro itidem primo, & ex Platonis non vno in loco scriptis est cognoscere, virtutes scientias esse Socrates statuit. Quæ quidem meo iudicio sententia nec tam absurda est, vt eam videri volunt pleriq³, de quo tamen paulo pōst exigente materia & argumento agemus, & commode explicata suum
habet

habet nec contemnendum vsum. Ostendere enim mihi Socrates velle videtur, id quod res est, omnem virtutem ad rectam rationem & prudentiam tanquam normā esse dirigendam, & sic demum veras esse censendas virtutes, si inferiores & rationis expertes animæ seu facultates seu partes, à rectæ rationis præscriptione nusquam auersa, huic constanter & perpetuo obtemperent. Quoniam igitur & à ratione perfecta & prudentia, quam & scientiam appellare veteribus mos est, ut inferiora omnia à superioribus, suam sortiuntur reliquæ virtutes absolutione, & quodammodo substantiam ac formā, & alioqui id quod scientiæ propriū est, ijs maxime convenit, quod Græci τὸ ἀμεινότερον, id est, quod flecti & abduci nequeat, vocant: has nimirū ob causas tum Socrates, tum quicunq; huius opinionis fuerunt, virtutes scientias appellarunt. Sed, ut ad rem redeamus, ut quid cōmodi hæc habeat narratio ijs qui attenderint, dicendaq; perceperint, exposuit, hoc videlicet quod prudentes sint efficiendi, quodq; deinceps necessario sequitur, omni virtute ornandi: ut enim docet Aristoteles libro Ethicorū ad Nicomachū sexto, vera prudentia ceteras virtutes omnes secum trahit, quibus subiectis beatitudinem consequi necesse est, quæ nihil aliud est, ut græcæ vocis etymologia ostendit, quàm bona animi constitutio: ita econtrà quid mali & incōmodi ijs qui diuersa & contraria ratione sunt affecti, adferat, docet cum inquit: Sin minus, id est, neq; attenderitis, neque dicenda intellexeritis, insipientes, miseri, acerbi, rudes & indocti

E ij

redditi male viuetis. Quæ profectò vt breuiter sunt propo-
 sita, ita vim magnam habent, & conuenientissimū inter se
 ordinem. Nam insipientiam vitiofitas reliqua, vitiofitatem
 miseria sequitur, cuius rursus sunt comites acerbitas et ama-
 rulentia, ruditas, & simpliciter vita mala & ærumnosa.
 Sed hæc omnia cuiusmodi sint, suo quidque loco tradentur.
 Nunc ad sequentia pergamus.

Est enim hæc explicatio Sphingis ænigmati adsimi-
 lis, quod illa hominibus proponebat. Siquidem igitur
 id quis intelligeret, seruabatur incolumis: si uero non
 intelligeret, à Sphinge interimebatur.

Sphingis
 fabula.

Ut ex rationis reddituina cōiunctione patet, ea quæ dicta
 sunt, ita se habere vt ab ipso sunt posita probat. Est autem
 ipsa probatio, vt græcè significantius dicam, ἀπαγορεύω, eius
 quæ huc in collationis parte adhibetur Sphingis fabulæ oc-
 casione. Inquit igitur, hanc expositionē Sphingis ænigmati
 adsimilem esse, quod illa hominibus proponebat. Verum-
 enim uero vt manifestius pateat quā in eo, in quo conferun-
 tur, similitudinē habeant, ipsam Sphingis fabulam quam
 breuissimè fieri poterit prius proponemus. Fingūt itaq; hanc
 puellam nō indecora facie, auium pennis, leonis pedibus præ-
 ditam, infra umbilicum pilis hirsutam. Addunt nonnulli
 & longam ipsi caudam. Hoc autē monstrum in edito quo-
 dam loco situm, circa Thebas, vt fabulantur, prætereuntib.
 ænigma huiusmodi proposuisse fertur, Quodnam animal
 vnum & idem mane quadrupes, meridie bipes, vesperti tri-
 pes

pes esset. Sic enim nonnulli temporis differentijs adiectis propositum volunt. Ausonius autem nulla temporū mentione facta, sic simpliciter describit:

Qui bipes, & quadrupes foret, & tripes, omnia solus.
Sed & apud Græcos carmine heroico, incerto, ut arbitror, autore, latius aliquanto idem tractatum inuenio, hac sanè ratione:

Εἰ δὴ πονεῖν ἔστι γὰρ, καὶ περὶ αὐτῶν, ἓ μὲν φωνῇ,
καὶ τρεῖς πονεῖν. ἀλλὰ σὺ δὲ βολῶ μένον ὅας ἢ γαῖαν
ὅς περὶ αὐτῶν, αἰὶνὰ τ' αἰδέεσθαι, & κ' ὄντων.
ἀλλ' ὁ πότμος πλείστοισιν ἐπὶ γόμφων ποσσὶ βαίνῃ,
ὅς τε τάχως γήϊοισιν ἀφαιρόμεν πέλα αὐτῶν.

Quæ sic in linguâ Latinâ eiusdem generis carmine utcunq;
ut arbitror, verterimus:

Est bipes in terris, quadrupes, tripes, omne quod vnum
Nomen habet, vocemq; inter quod cætera solum
Immutat, quæ terra, mare, & circumfluus æther
Continet: at pedibus quoties incedere multis
Nititur, inualidi mouentur tardius artus.

Et quod quidem proposuit ænigma huiusmodi fuit. Talis autem erat statuta conditio, ut id qui soluere non possent, à Sphinge deuorarentur: qui autem solueret, ipse quidem seruaretur incolumis, Sphinx verò victa ex edito illo loco sese præcipitem daret. Atq; ipsa quidem fabula, quantum ad præsens negotium attinet, satis, ut arbitror, conuenienter exposita, sic sanè se habeat. Nam quæ alia ad ea quæ iam dicta sunt, affingunt adiunguntq; Poetæ, ut de Iocastæ cōnubio, &

E ij

Thebarū regno solūti præmij loco proposito, itemq; de Oedipo, nihil huic conducunt argumento: quemadmodum nec quæ à Suida veræ historiæ loco commemorantur. His igitur hac ratione expositis, deinceps consideremus, in quibus hæc explicatio Sphingis ænigmati a similis videatur. Sanè id in sequentibus his verbis docet autor:

Consimili autem modo, & in hac explicatione seres habet: insipientia enim hominib. Sphinx est. Obscurè autem ac in ænigmate proponit & hæc, quid bonum, quid malum, quid neq; bonū neque malum in uita sit. Hęc igitur si quis non intelligit, interimitur ab ipsa non semel ac repente, ut qui à Sphinge deuoratus interibat, sed sensim per totam uitam contabescit ac perit, quo sanè modo qui in cruciatum dantur. Si uero quis cognouerit, è contrario insipientia quidem perit, ipse uero incolumis seruat, ac felix & beatus per omnem fit uitam.

Cum duplex sit insipientia, ut & ignorantia, altera quidem quam Aristoteles, quiq; eius doctrinæ sunt æmuli, κατ' ἀπόφασιν vocant, id est, ut verbum verbo reddamus, secundum negationē: altera verò, ut iidem appellant, κατ' ἀνάγκην, id est, secundum affectionem: illius quidem simplex quædam fuerit ratio & natura, huius autem minimè simplex, sed quammaximè varia & multiformis. Est autem ea quam κατ' ἀπόφασιν vocant, cuiusmodi vulgariū, quiq; planè sunt rudes, esse cernimus, quib. & hoc ipsum persuasum est, quod quæ nesciant ignorent. Quam verò κατ' ἀνάγκην, hominū est falsa & inani scientiæ & cognitionis opinione seductorum,
qui

qui sibi suæ incitiæ minimè sunt conscij, sed quæ nesciunt, sci
re se arbitrantur. Neq; verò præter rationem id accidere vi
detur, quòd duplicis hæc sint significationis. Nam vt autor
est Galen. lib. de Hippocratis & Platonis dogmatib. quarto,
quæcunq; ex priuante particula α Græcis composita sunt
nomina, vt & Latinis arbitror ex illi respondente particu-
la in, eorū gemina vis est et potestas, vt vel priuationē signifi-
cent, vel vitium, aut incommodum, aut omnino prauitatem,
vel quocunq; tandem modo κακῶς vertere lubebit. Ut, ex-
empli gratia, αἰώνες dicimus pisces quidē & plantas, quòd
vocem prorsus nullam habeant. Citharædos autem & præ-
cones, quòd vel exilem, vel mollem, vel asperam, aut obscu-
ram, aut etiam absonam & absurdam obtineant: quæ sanè
omnia ad vocis prauitatem & vitium pertinent, vt quæ a-
pud Aristot. lib. quarto τῶν μὲν τὰ φυσικὰ, seu primæ philo-
sophiæ, est diuisio, quanq̃ pluribus cōstat membris, tamē ab
hac Galeni nihil dissideat. Verū de hoc ipso aliàs dabitur
cōmodior differendi locus, in eo nimirum opere, vbi de philo-
sophicorum vocabulorum vi ac vsu agemus. Nunc autem
quantum ad præsens attinet negotium, id sciſſe oportet, ob
hoc geminæ huius significationis à nobis mentionē factam,
quòd & αἰσώμη, quam nos insipientiam vertimus, ex con-
simili particula sit composita: vnde vt inquiramus ratio po-
stulat, in qua significatione hīc sit accipienda. Sanè quæ κατ'
ἀπόφασιν dicitur, & prudentiæ absolutam priuationē signi-
ficat, eam hoc loco vt intelligamus minimè conuenit, quòd

Velsij liber de
vocabulorū phi-
losophicorū usū
& vsu.

cum Sphinge nullam penitus habeat similitudinē, cum arguta hæc, subtilis ac spinosa, illa cōtrā hebes, tarda, pinguis, & ut semel dicam, rudis atq; impolita esse videatur. Iam verò, quæ privationis est natura, cum ignava hæc, minimeq; actiuosa sit, Græcis ἀργός dicitur, hominem certè heluari, & prauis animum opinionibus corrumpere non poterit, quod tamē insipientiæ ad Sphingis similitudinem tribuit senex.

Insipientia qua
tenus Sphingi
similis.

Altera igitur illa sit oportet, quæ κτ' ἀδελφόν Peripateticis dicitur, & in vitio est habenda. Sed in quonam tandem hæc Sphingi sit adsimilis, consideremus. Et primū quidem κτ' ὁ Φαίνομενον τὸ μύθος, ut Græci loquuntur, id est, secundum externam & in promptu positam fabulæ speciem & veluti corticem. Deinde verò, secundū interiōrē & reconditam eius vim. Quantum igitur ad externā fabulæ speciem attinet, quomodo similitudo constet, satis, ut arbitror, ex ipso auctore intelligi potest. Nam ut Sphinx prætereuntib. ænigma proponebat, quod ad hominis externam & sensibilem naturam atque adeo corpus attineret, ita insipientia, quod ad animum internamq; ipsius naturam. Etsi enim & animi & corporis & externa appellata bona & mala sub hoc ænigmate, quid bonum, quid malum, quid neque bonum neq; malum in vita sit, quodammodo comprehenduntur, quæ tamen corporis & externa à Peripateticis dicta bona ut organica quædam ad animum referuntur, & pro vtentis conditione aut bona sunt aut mala: eam ob causam ad animum hoc pertinere ænigma nō male quis dixerit. Rursus autem,

ut

ut Sphinx qui id quod propositum erat solvere non possent, deuorabat, ita & qui hæc dydicare nequeunt, ab insipientia interimuntur. Quamquã & quadam huic similitudini coniuncta sit dissimilitudo, nec ipsa ab autore omissa. Nam qui à Sphinge deuorabantur, semel ac repente interibant. Quos autem insipientia perimit, hi sensim & per totam vitam contabescunt ac pereunt, non secus, inquit autor, atque qui in cruciatum dantur. Et ut econtrà, soluenti præmium erat propositum, sui quidem incolumitas, Sphingis autem interitus: sic & ei qui de bonis & malis, itemq; nec bonis nec malis recte constituerit, ut beatus reddatur, & per omnem vitam in nullam incurrat perniciem, præmiy loco est constitutum. Et sic quidem quo ad externã fabulæ speciem, insipientia Sphingi adsimilis fuerit. Quod verò ad interiorem & reconditam fabulæ vim attinet, nõ contemnenda sanè sunt quæ à Michaele Psello in allegoria de Sphinge dicuntur. Quare quæ huic instituto maxime sunt conuenientia, inde mutuari non grauabimur, nõnulla tamen nec minus, ut arbitror, probabilia ex nostro ingenio adycentes. Inquit igitur Psellus, nihil aliud esse Sphingem, quàm hominem ex dissimilibus concretũ. Nam res ex multis constans partibus nostra est substantia: siquidem partim is quæ rationis sunt cõpotes coniungimur facultatibus, partim verò rationis expertem naturã sortiti sumus. Nam & quod in nobis primum est, & qui huic proximus est intellectus, & quæ post hunc cogitatio naturalis habetur, & vera opinio cogitationis nimi

Sphingis fabule
iuxta Psellũ de-
claratio.

F

rum conclusio, rationis participia sunt omnia & diuina. Imaginatio verò & sensus, & quaecunque corporis vt subsistant indigent, in rationis experte & brutam, quæq; ad externa vergat naturã propendent. Possunt igitur hæc & per se ratione distingui. Sed hominis conformatio omnia confundit, & hætenus minimè conspicua sunt. Siquidem igitur statim ad sapiendum philosophicam quis mentem obtineat, & cognoscat quanam res sit mens, & anima quo creata sit, materiã quidem oderit, corpus autem aspernetur ac respuat. Sopitis autem sensibus, & imaginatione longũ valere iussa, primũ quidem animam in sua & propria construet substantia: deinde verò intrò ad mentem sese recipiat, & per mentẽ cum Deo conuersetur. Si verò quoquo modo generationi inhareat, & sensibus quidem vtatur, vitam autem imaginationi addictam nactus sit, ad ferarum naturam institutis vitæq; genere sese proripit. Quò sanè cùm peruenierit, eorũ quidem quæ reuera sunt, nihil esse existimat: ea verò sola esse arbitratur, quæ tantũ non manibus iniectis apprehendat. Atenim in huiusmodi vitæ genere & canes sunt rabidi, & sylvestres porci, & apri immanes ac feri, hiniensesq; equi, ad vicinã & proximã ipsis vitam à diuina scriptura sic annominati. In altero verò angeli sunt, & Dei filij, imò & dij inquã, secundum illud, Ego dixi dij estis. Sed quoniam tantũ inter se distare opposita oportet (hiatus enim magnus firmatus est inter Deum & feram) mediam quoq; quandam inter vtranq; vitam concedi necesse est, quam

quam Chaldaeorū quidem oracula, ἑπεροφονῆ & ἑπεροκυνφῆ secundum eam quæ ad alterū fit extremorū inclinationē & vicinitatē, ego verò absolute humanā appellauerim. Triplicem igitur, vt ratio dictauit, inuenimus vitam, ferinam, humanā, & diuinā. Sed in ferina quidem corporea omnia & diuini nihil. In diuina verò, philosophica conuersatio, sensuumq; demolitio. In media autē, humana nimirū, vtrorūq; cōmixtio: hīc enim neq; fera sumus, neq; Deus, sed vtrūq; ac ne id quidem purē. In quā igitur harum trium vitarum Sphingem inuenisse nos arbitramur? an scilicet in media & humana? Nam hæc neq; homo perfectē est, quod pubetenus fera sit: neq; exquisitē fera, quod ijs quæ supra vmbilicū sunt partibus homo sit: volebat enim vniuersam generationē deserere, & prorsus virgo esse pulchra. Sed imaginationi dedicata vita tanq; e corpore emergens, hac apprehensa, inferiorē eius partē in feram cōuertit: eamq; ob causam voce quidem vtitur humana. Quatenus enim a fera natura recessit, articulata ipsi vox est: quatenus verò ad diuinā vitam nō plenē se transtulit, obscura & confusa eius pronunciata. Sic enim se res habet, vt quicquid hīc arcani sit vobis aperiā. Omnes entium formas intellectus in se continet. An verò & fiendorū anima, vt quidam certē asserit, alius fuerit sermo, quiq; latioris explicationis indigeat. Imago autem, fallax est res & stulta per se. Ceterū separata sunt à se mutuo, intellectus inquam & imago, vt in angelo & fera. Et ille quidem omnia simul cognoscit, ex superiori loco fontibus

F ij

in ipsum deriuatis, imaginatio verò vnius rei cogitatione occupata districta^q tenetur. Ambo autem in homine cum misceantur, & alterum alterius impleatur, intellectus quidem imaginatur, imaginatio autē intelligit. Eam^q ob causam & cum homines nos intellectu operamur, non sine imaginatione intelligentia est: & cum imaginamur, operatione intellectus non prorsus destituti sumus. Hæc autem accidunt, cum in nobis pugna corporis sit & spiritus: vincente quidem corpore prorsus imaginationibus dediti efficimur: prævalente verò spiritu, intelligentiæ puritate vigemus. Cum verò alternis nunc hoc nunc illud vicibus vincat & vincatur, Sphinges reuera sumus. Sed & nomen hoc indicare videtur. Nam cum ex corpore euolare anima parat, superior quidem eius pars excurrit, inferior autē ab imaginatione quodammodo constringitur, & in generatione detinetur. Propterea quod quidem euolauit, virgo euasit, & veluti mens incorrupta & integra, & ab externo tegumento nuda. Quod verò constrictum tenetur, fera est pedibus hirsutis & vnguibus validis: ut quod ad Sphingem attinet, vniuersum sit imaginatio mentis & intelligentiæ particeps, aut mens aliquid secum inferioris generationis trahens. Et hæc quidem sunt, quæ de Sphinge commentatus atque meditat^{us} prodidit Psellus, arguta quidem illa & exquisitè tractata, sed quibus nec subtilitate, ut arbitror, nec verisimilitudine cedant, quæ à nobis subijciuntur. Videntur enim mihi veteres aliò omnino respicientes, hanc de Sphinge fabulam confecisse.

confecisse. Neq³ enim à veritate multū abhorret, sed prorsus probabile est veteres illos, qui primi inueniendis artibus & scientijs incubuerūt, cum sine instrumento, quo vera à falsis, recta à prauis dijudicaret & distingueret, parū se in his proficere posse animaduverterent, ad hoc comparandum sese applicuisse. Deinde verò, vt fere fieri solet, veri quadam imagine deceptos in Sophisticā incidisse, aut certè eam Dialectices partē, quæ dubitare quidem faceret, ad scientiam autē & cognitionem minimè adduceret. Hæc igitur ipsa, quæ nō solum vulgarem popularemq³ sensum præstigijs quibusdā & captionibus irretire solet, sed etiam eorum non paucos, qui quasi maiorum gentium philosophi sunt, præpeditos tenere, vt quos Græci ἐφελκυστὶς & σκεπτικὸς, à perpetua consideratione assensionisq³ retentione, Galenus ab autore Pyrrhone, & stupore agresti et importuno, composito nomine ἀποκρυπτικὸν vocat, ea est nimirū quam veteres Sphingem finxerunt, quod & vocis ratio indicare quodammodo videtur: σφιγξ enim ἀπὸ τῆς σφιγγειν, id est, à constringendo dicta est. Sed qui in dubitationē impulsus est, constricto ac victo, vt in libris τῶν μὲν τὰ φυσικὰ inquit Aristoteles, adsimilis est. Quod verò superne, ijs nimirum quæ extant partibus, κρηδύπρωτος, id est, puella decora facie esse dicatur, id non ita intelligendū arbitror, ac si vera forma germanaq³ pulchritudine cōmendata sit, sed quòd natiuam fuco ac fallacys speciem sit ementita. Est enim hæc eius protinus natura, vt orationis præstigys quibusdā & fallacys, mentis, vt ita dicam,

Quid veteres in
figenda Sphin
gis fabula doce
re voluerint, ex
Velsij sententia.

F ij

oculos perstringat. Inferioribus autē partibus quod deforma-
 ta in feram multiformē desinere fingatur, id quō spectet, ex
 his potissimū intellexerimus. Nam cum ex ijs quidem, quæ
 sub probabilitatis assumpserat specie, sic inter se cōiunctis, ut
 fictam & adumbratā argumentationis & omnino ratio-
 cinationis imaginem præ se ferant, portentosam inferat con-
 clusione, ad quam monstrosiores etiam sequantur actiones
 & operationes (nam, ut recte inquit Galenus, quæcunq; in
 omnibus artibus perperam fiunt, atque adeo in vitæ actio-
 nibus vniuersis, ex sophismatibus oriuntur) quis non videt,
 quā appositē in Sphinge Sophistices nobis naturā deline-
 rint veteres? Est igitur hæc supernè quidem, virginis specie cō-
 mendabilis, propter eam quæ ipsi cum vera ratiocinandi fa-
 cultate, atq; adeo philosophia & analytica est similitudo.
 Infernè verò, fera, ob falsi prauiq; in quod desinit, naturā.
 Quod enim falsum & prauū est, quoniam à veritate & re-
 cto, id autem est, à ratione desciscit, meritò fera & rationis
 experti naturæ adsimilatur. Neq; verò nihil est quod auuū
 pennis, & leonis pedibus ipsam præditam fingunt: sed his
 ipsis, altero quidem leuitatem, vanitatem, inconstantiam,
 & præcipitem lubricamq; huius facultatis naturā notant,
 utpote quæ nunc huc, nunc illuc, ut de lamys fabulantur,
 nos abducit, passimq; per auia raptet: altero verò fallacis &
 captiosi orationis generis violentiam, quæ volentes nolentes
 nos constrictos tenet, nec temerè elabi patitur. Quod verò in-
 fra vmbilicum pilis hirsutam hanc faciant, addantq; non-
 nulli

nulli & longam ipsi caudam, id Sophistarum garrulitatis,
 petulantiae, libidinis, & omnino intemperantiae, ac, ut semel
 dicam, vniuersae vitiositatis est indicium: alterum enim à
 physiognomicis acceptum signum Sphingi affinxerunt, alte-
 rum verò ab animalium caudae natura. Ceterum quòd edi-
 tum quempiam ipsi locum assignarint, id vel conuenientissi-
 mè ab ipsis factum videtur: arcem enim rationis Sophistica
 inuadit, quā eousq; quidem occupat & obtinet, quoad velu-
 ti ligatis sensibus menteq; constricta, obscure ac tanq̃ per um-
 bram res intuemur, nec nodū vinculūq; inuenire possumus:
 vnde & sic affecti ab ipsa interimimur ac morimur, cū
 animi mors, ex Hieroclis Stoici philosophi sententia, nihil al-
 liud sit, q̃ ignorantia & vitiositas, quae varijs homines affe-
 ctionibus & perturbationib. distendit & excarnificat. At
 cū inuento nodo nos expeditimus, & ad rerū notitiam ac-
 cedimus, praecipitata perit Sophistica, nos autē ex cognitio-
 ne in cognitionem, ex virtute in virtutem proficimus, & ve-
 re beati reddimur. Et haec quidem fabulae explicatio, mea
 certē sententia, fuerit. Neq; tamen ea quae à Michaele Psel-
 lo sunt dicta improbo, sed haec nostro instituto conuenientio-
 ra existimo. Nam quòd Sphinx soluto anigmate perire di-
 citur, qui autē soluit seruari incolumis ac beatus fieri, qua
 ratione Pselli expositioni cōueniat, nō inuenio. Quantū au-
 tem ad nostrū attinet autorem, huic per omnia nostra qua-
 drat interpretatio. Nam insipientiam ut suprā diximus ac-
 ceptam, Sophisticen appellare videtur, & ἀποινσιπῶν ἐσθλῶν

hæitationem. Cætera autem, ex ijs quæ iam dicta sunt, quomodo auctoris sententiæ sint applicanda, cuius est manifestum: quare ad id quod sequitur pergamus. Sequitur autem:

Vos igitur attendite, minimeq; uestræ peregrinentur aures.

Quod superius dictum est, hinc manifestè verum esse patet, orationis huius à sene instituta scopum fuisse, hospites attentos reddere. Itaque nunc tanquam conclusionem quandam subiicit, Vos igitur attendite, minimeq; uestræ peregrinentur aures. Sic enim cōmodissimè verti hoc loco παρὰ ὅτιν ποσὶν posse existimaui. Significat enim παρὰ ὅτιν ποσὶν primò quidem & per se, ὅτι καὶ ὅτιν ποσὶν, id est, perperam & non rectè audire. Id autem duplex est: aut enim ἀμυδρῶς καὶ οὐκ ἀκριβῶς, id est, obscurè nec exactè, aut παρὰ τὸ πρῶτον, id est, deprauatè, cum aliud videlicet sit quod dicitur, aliud quod ab altero intelligitur. Quoniam autem ijs qui aliud agunt, & mentem peregrinantem habent, vtrunque id vsu venire maximè solet, sit vt interdum παρὰ ὅτιν ποσὶν, sit δὲ παρὰ ὅτιν ποσὶν ὅτι καὶ ὅτιν ποσὶν, id est, obiter & minime adhibito studio audire: quod sanè hoc loco significari arbitror, vt paulo post ostendam. Vult igitur eos non negligenter auscultare, & dicenda rectè percipere. Neq; verò à scopo aberrasse ex ijs quæ sequuntur ipsum apparet.

O Hercules quàm magna quadam nos cupiditate incendisti, hæc modò si sic se habeant. Atenim sic se habent, inquit,

Senis

Senis orationis vim & efficacitatem hæc hospitis verba manifeste ostendunt, in quibus nō sat habuit autor nude simpliciterq; affectum orationis vi in ipsis excitatum exponere, sed ab exclamatione, quæ magnitudinis desiderij sit signū, incipit: desinit autem in dubitationem, metus cuiusdam indicium, quod ab eo convenientissimè, simul autem & artificiosissimè factum esse videtur. Nam cū maxima sint bona quæ ex tabula huius enarrationis perceptione reportanda esse dicit (quid enim prudentia & beatitudine maius?) cumq; talia, quæ ad eos ipsos maximè pertineant, quod & ipsum per se manifestū, cū in his hominis absolutio & perfectio consistat: ad hæc verò, cū præter omnem expectationem videantur oblata, non immeritò talis animi motus, talis ipsos inuadit affectio, cuiusmodi hac oratione exprimitur. Exprimitur autem huiusmodi, ni fallor, quæ cum summa expectatione & spe, nōnullum tamen coniunctum habeat metum. Et expectationis quidem & spei quæ sint causa, ex iam dictis haud obscure patet, is certe qui quid spes sit non ignorat. Si enim, ut ex Chrysippi sententia desinit Cicero, Spes est boni expectatio: aut potius secundum veriore sectam, animi ob boni expectationem dilatio: ea nimirū quæ in senis oratione cōtinebantur magnifica promissa, huius affectionis causa efficientes censebuntur. Metus verò, etsi & ipsæ iam dictæ sunt, quia tamen minus sunt evidentes, latiori aliquanto oratione videntur explicandæ. Cū igitur metus sit vel mali expectatio, ut vult Chrysippus, vel animi

G

ob mali expectationem contractio, ut alijs sanioris iudicij visum est: aut etiam, ut Aristoteles lib. secundo Rhetoricorum statuit, dolor, aut perturbatio ex futuri mali, aut perniciosi, aut molesti imaginatione: necesse certe fuerit huiusmodi vel expectationis, vel imaginationis aut causam, aut occasionem saltem, in senis uerbis contineri, ne prater rationem id hospiti accidisse videatur. Neque verò ea parte, qua quid non attentos nec intelligentes consequatur mali exponit, minime enim id vereri videntur ne dicenda non percipiant, sed qua parte bona & comoda enumerat, quæ is qui attende- rint, dicendaque perceperint, sunt expectanda. Huc enim dubitatio, quæ metum præ se ferre videtur, spectat. Verum hoc exacte ut intelligatur, scire oportet, cum in bonum incidere, in bonis sit habendum: non solum in malum incidere, sed etiam à bono sperato excidere, malum esse iudicandum. Utrunq; enim prius dicto contrarium est, quamuis non secundum idem. Quod quidem cum sic se habeat, rationi certe consentaneum esse videtur, in plurimis spem metumque concurrere, præcipue verò si rerum magnarum & ex improviso oblatarum vehementiori cupiditate incendamur: quod & his usu venisse nunc fingitur. Sed spes quidem longè maior, metus verò exiguus supponitur: unde & senis unica assertione tollitur, intuentibus ipsis non tam in id quod dicitur, quam in ipsius dicentis personam, cui turpe nimirum esset, talis cum sit ut superius descripsimus, non ita multo post mendacii coargui. Inquit igitur senex, At enim sic se habent. Ipse verò ho-
spes,

spes, tanquā iam ei prorsus persuasum sit ita se rem habere, quod tota hac oratione à sene confectū est, veluti conclusionis cuiusdam in modum subycit:

Haudquaquā igitur nos enarrando anteuertis, ut qui nō negligenter attendemus, quandoquidē & merces huiusmodi proposita est.

Quò spectaret vniuersa senis oratio, ab ipso superius est sene dictū. Quid verò ea confectū sit, hospitis nunc verba ostendunt, qui nō solū attentionē pollicetur, sed etiā talem quæ nihil frustra à sene dici patiatur, ut simulatq; ab ipso dictū fuerit, ilicò et perceptū sit. Hoc enim est, haudquaquā nos enarrando anteuertis. Quod verò sequitur, ut qui non negligenter attendemus, eius quod præcedit ratio est. Is enim qui non negligenter attendit, facile dicentē assequitur. Ceterū q̄ superius dixerat μή πρᾶκτέη, quā vim eo loco habeat & significationem, hinc intelligi potest, cūm dicat, ὡς ἡμῶν προσεξόντων μὴ πρᾶγως. Παρακτέην enim, ut diximus, ibi significare videtur, δὲ πρᾶγως ὅτι μὴ πῶς οὐδ' ἡς ἀκτέην, id est, obiter & minime adhibito studio audire, quod ibi minime faciendū dicebat, hīc autē se nō facturos pollicentur. Ceterū quod in fine huius orationis est, ἐπεὶ πόρῃ ἢ ἐπὶ τίμῳν ζῆτον ὄσιν, id est, quandoquidē & merces huiusmodi proposita est, quò spectet ex superiorib. manifestū est. Et hīc quidē primi comentariorū nostrorū libri terminus est, qui tum nostrā in hoc opus præfationē, tū præmiij autoris explicationē cōtinet. Reliqui verò sequētes, circa quod quisq; potissimū versabitur, suo loco dicetur.

G ij

Iusti Velsii Hagani in Cebe- tis Thebani tabulam cōmentario- rum liber secundus.



*I*N secundo hoc cōmentariorum libro, quæ ad primi ambitus explicationem pertinent, à nobis tractabuntur. Sunt autem hæc potissimū. Prima in vitam ingressio. Vis rationis homini insita, sed quæ humiditate prægrauata, ignaua quodam modo reddatur. Opiniones, voluptates, cupiditatesq; variæ, cum quibus ut primū nati & in lucem editi sumus, necessario nobis cōmerciū est, quarumq; occasione variè agitur & circumducimur. Fortuna, in quam nostri quodammodo iuris facti incidimus, varij casus & vicissitudines. Vitia deinceps, inferiores animæ partes seu facultates inuadentia & corrumpentia. Quodq; ad hæc necessario sequitur, dolorum & malorū agmen vniuersum, cum ipsa ad eò miseria. Ad extremū, pœnitudo, eiusq; vis & facultas in ijs, quibus commodiori vsus fortuna ea contingat. Atque hæc quidem summa eorum sunt capita, in quibus primi ambitus explicatio consumetur. Quibus sic breuiter expositis, nūc ad ipsum autorem progrediamur, consideremusq; quanto artificio hæc ab ipso tractentur.

Assumpto igitur bacillo & picturæ admoto, Videtis' ne, inquit, hunc ambitum? Videmus. Hoc vos primū scire oportet, quòd locus hic uita uocetur, & quòd turba illa numerosa quæ portæ imminet, qui in uitam sunt ingressuri hi sint,

Hic

Hic nunc ipsum ag greditur negocium, & tabulae explanatione: primoq³, quomodo totum illud, quod ex triplici constat ambitu, vocetur, quamq³ vim habeat, docet. Vitā enim locum illum appellari inquit. Ceterum vitam hoc loco accipere oportet, ut in scopi explanatione diximus, pro vniuerso vitæ humanae cursu: in hoc enim nobis & naturales facultates, affectiones, & actiones, & acquisitiua quæ studio & consuetudine paratur, quæq³ huc spectant reliqua, exquisitè describuntur, ut singulis explicandis manifestè patebit. Incipit autem conuenienter à totius vniuersaliori, & ut Græci loquuntur, ὁλόκληρος explanatione, qua præmissa ad singula progreditur, Anatomicos videlicet imitatus, qui prius totum corpus spectandum proponunt, deinde dissecando singula ipsa rimantur. Explicata autem loci in vniuersum natura, ad turbam illam plurimam progreditur, quæ primi ambitus portæ imminet, esseq³ hos asserit, qui in vitam sunt ingressuri: quod sanè ex Pythagoræ & Parmenidis sententia, quos etiam in hoc sequitur Plato, dictum esse intelligi oportet. Hi enim viri videntur talem omnino opinionem habuisse, animæ quidem speciem eam seu partem, quam λογιστικὴ vocant, nos æstimatoricem dicere possumus, omnino esse immortalem, reliquis nimirum quæ rationis expertem naturam sunt sortitæ, morti & corruptioni obnoxys: certo autem annorum spacio & circuitu, in noua subinde se corpora insinuare. Quò certè respexisse videtur Maro libro sexto Æneidos, cū inquit:

De anima, Pythagoræ & Parmenidis sententia.

G ij

Donec longa dies perfecto temporis orbe
 Concretam exemit labem, purumq³ reliquit
 Aethereum sensum, atque aurai simplicis ignem.
 Has omnes ubi mille rotam voluere per annos,
 Letheum ad fluuium Deus euocat agmine magno,
 Scilicet immemores supera ut conuexa reuisant,
 Rursus & incipiant in corpora velle reuerti.

Cum enim inquit, Purumq³ reliquit Aethereū sensum,
 atque aurai simplicis ignem, τὸ λογιστικὸν describit ab omni
 bus affectibus absolutum ac liberū. Et de hoc quidem vt mi-
 nimè ambigatur, ita non omnes fortè concedant, quod Pla-
 tonicorū nonnulli velle videntur, per aethereum quidem sen-
 sum, primū animæ seu vehiculum seu instrumentū quis di-
 cere malit, significari, quod tum αἰθερῶδες, tum ἀσπερσῶδες, q³
 luminosum ac splendidum, astrorumq³ substantiæ simile sit,
 appellare consueuerunt. Per aurai verò simplicis ignem, se-
 cundum: quod quoniā ex purissimis constat elementorū &
 simplicissimis, hoc autē est, sincerissimis portionibus, iisdem
 illis autoribus αἰθερῶδες nominatur. Sed potius ad Stoicorū
 opinionem respexisse Poetam existiment, qui animā spiritū
 quendam esse asseruerunt, quemadmodū & naturā, sed hu-
 midio rem quidem & frigidio rem, hanc, sicciore m verò cali-
 diore mq³, illam, vt animæ hæc quidem cōueniens quæpiam
 sit materia, ipse inquam spiritus, species verò & forma, tem-
 peratura, redacta nimirum ad æqualitatem quandam &
 symmetriā aprea & ignea substantia. Neq³ verò hīc quem-
 piam

Stoicorū de ani-
 ma opinio.

piam moueat, quod hac ratione diuersas & aliqua etiam ex parte dissidentes in vnū cōmiscere sectas videatur, Stoicam in quā & Pythagoricā: minimè enim id apud Poetas nouū. Neq; existimet, vt sanè arbitrari queant nonnulli, ex Stoicorum sententia, animas absolute cum corporibus interire, & sic ne consistere quidem hunc in corpora reditum cum ipsorum decretis posse: minimè enim ita se res habet: nam, vt auctor est Theodoretus Cyrensis Episcopus libro de Euangelicæ veritatis ex Græcorū & gentiū philosophia cognitione, quinto, animas à corporibus seiunctas sibypsis ad vitam sufficere Stoici affirmant. Quare vt non prorsus immortales eas fecerint, at longo tamen tempore absq; corporibus, id autem est, crassis istis & organicam compositionem obtinentibus, subsistere posse asseuerarunt. Verum cū hac ad Poetæ magis q̄ nostri auctoris explicationē faciant, in præsentia quidē omittantur. Id autem, quod magis ad rem facit, cōsideretur, an auctoris nostri hæc animorū qui vitam sunt ingressuri descriptio, & reliquis philosophorū sectis, qui rationis participem animā immortalem fecerunt (nam qui & hanc mortalem esse volunt, eorum vt nimis absurda, quæq; hominis præstantiam præ cæteris animantibus nō aduertit, iam pridem explosa est sententia, & nostræ præcipuè religioni, quam longè verissimā esse cognoscimus, & indubitata fide tenemus) aliqua ratione accommodari possit. Neq; enim in hoc opere eum solum habemus scopū, vt auctoris sententiā explicemus, sed etiam (quod prius certè & præstantius arbitramur) vt

vniversa vitæ humanæ conditione cognita & percepta, vndiq; quod ad eam melius & honestius instituendam subsidij habere possimus, id ipsum quoquo modo nobis comparemus. Quod igitur ad philosophos attinet, præter Pythagoreorum & Academicorū, in quorum numero & hic noster habendus est autor, sententiam, quæ quantum huic instituto sat est, partim quidē superius est explicata, partim verò passim in sequentibus, ut quilibet postulare locus maximè videbitur, à nobis exponetur, tres fuisse celebres inuenimus opiniones, quarum duas quidem, qui nostræ religionis sunt Antistites, ut falsas reprobarunt, tertiam autem ut legitimam & veritati maximè consentaneā retinuerūt & amplexi sunt.

Peripateticorū
opinio de anima.

Sunt autem, ut breuiter eas exponamus, huiusmodi. Nam nonnulli quidem propagari à parentibus animā voluerunt, ortumq; ut loquuntur, habere ex paterna animæ traduce. Atque hanc quidem ab Aristotele quodammodo & Peripateticis, ut qui ad naturales potissimū causas omnia reducere sunt conati, oriundam sectā, inter latinos Tertullianum & Lactantiū secutos esse quidam cōmemorarunt. Verū hi eo peccant maximè, quod hac ratione animā, quod minimè tamē velle videntur, mortalem faciant. Quicquid enim hoc modo, id est, à causis naturalibus ortum habet, id insita quoq; sibi natura ad interitū fertur. Alij verò olim à mundi initio animas à Deo creatas existimāt, certo autem ipsius iudicio & consilio, ut quanq; vocat ordo, indies in corpora insinuari: cuius sanè opinionis & Græcorum plerosq; &

& Origenem fuisse accepimus. Cæterum habet non parum incommodi & hæc sententia, atque adeò fluxisse videtur ab Academicorū & Platonis opinione. Unde & fictas & cōmentitias de animæ descensu, & varijs vitarum conditionibus, tandemq; ex æquatis omnibus, in pristinum statum totius naturæ instauratione, in ipsorū scriptis fabulas inuenire est, quæ probant quidem nihil, ipsorū autem sectæ absurditatem ostendunt. Præter has autē duas opiniones, & tertia quadam habetur, quæ animas à Deo optimo maximo singulis vicibus ex nihilo creari statuit, & corporibus in matris utero compactis & coagmentatis & compositionē organicam adeptis infundi: quam, quòd cæteris probabilitate anteeat, & à diuino numine traditis nobis dogmatibus per omnia magis consentiat, inuiolabilis Ecclesiæ retinuit auctoritas. Et quòd rationi quidem magis consentaneum sit hoc dogma, hinc facile, arbitror, intellexerimus. Nam cū animæ quidem (dico autem eius quæ rationis est compos & particeps) corpus sit instrumentū, est quidem ipsa corpore intentione considerationeq; prior, ut finis omnis, idq; cuius gratia fit aliquid, is quæ ad ipsum referuntur: ortu autē posterior. Quòd verò & diuinis arcanisq; scripturis magis congruens sit & cōueniens, argumento fuerit primus humani generis parens. Adamus, de cuius origine sic loquitur scriptura: Formauit igitur Dominus Deus hominē de limo terræ, & inspirauit in faciem eius spiraculum vitæ, & factus est homo in animā viuentē. Ex quo certē intelligere est, & in hominis

Verior de anima sententia.

H

generatione, vt in ceteris omnibus sub tempore comprehen-
sis, ab imperfectiori ad perfectius progressionem fieri. Tres
igitur cum sint Philosophorum de animæ, quæ rationis est
compos, ortu sententiæ, quod auctoris nostri descriptio & ei
quæ secundo loco à nobis exposita est, conueniat, manifeste
patet. Nam cum olim à mundi statim initio, secundum hanc
sectam, animæ creatæ esse fingantur, & ante ingressum in
corpora, omninoq; in generationem eas ad primi ambitus
portam collocasse, cum hac hypothesi minimè pugnat. De
reliquis autem duabus merito quis ambigat, neque facile
qua ratione & ijs hanc accommodet descriptionem inue-
niat. Sed solertius intuenti & illud patebit, alteri saltem,
quam orthodoxam esse diximus, cuius præcipuè nobis ha-
benda est ratio, aliquo modo conuenire posse. Nam & secun-
dum hanc, animæ corporibus in matris utero, vt diximus,
formatis infunduntur: quare in generationem, hoc est, pri-
mum ingredi ambitum recte statuuntur: vt quamuis non
huc propriè respiciens hæc scripserit Cebes, sed ad Pythago-
ream, vt superius ostendimus, sectam, nihilominus tamen
& hunc nobis usum præstet. Verum cum hæc satis iam sint ex-
plicata, ad ea quæ apud auctorem sequuntur progrediamur.

Senex autem ille qui superiori stat loco, chartam quan-
dam manu tenens, & altera ueluti quid ostendens, Nu-
men appellatur. Cæterum ingredientibus imperat, quid-
nam ipsos facere oporteat cum in uitam introierint, com-
monstratq; uiam qua incedere debeant, si quidem in ui-
ta seruandi sint incolumes.

Quem

Quem hoc loco describit Senem, eum nec Dæmonem cuiusq; vitæ particularem esse præsidem existimo, cuius in decimo de Repub. Platonis libro fit mentio. Et an Prophetæ ratio, quem & ipsum ibidem fingit, ei per omnia conveniat, haud facile equidem dixerim, neq; adeò multum ad hunc locum pertinere arbitror. Illud tamen satis constare videtur, quem Maro Deum animas evocare facit, eum esse cuius hic meminit autor Senis. Dæmonem autem ipsum appellari inquit, nos Numen vertimus: quod quam vim habeat, haud difficile erit intelligere, si quæ ipsi ab autore tribuantur, diligenter perpenderit. Chartam igitur quandam ipsum manu tenere facit: quod nonnulli sic intelligunt, ex Maronis verbis occasione accepta, ac si catalogus quidam sit, eorū nomina continens, qui in vitā sunt ingressi, qui ingrediuntur, & qui sunt ingressuri. Verū meo quidem iudicio aliā hæc res vim habet, quod & ab ipso autore paulo post ostenditur. Nam cum duo quæpiā seni attribuat, unū quidē chartā manu tenere: alterū verò, veluti quid manu altera ostendere, prius cuiusmodi sit exponit, cum dicit, Ceterū ingredientib. imperat, quidnam ipsos facere oporteat, cum in vitā introierint. posterius verò, cum subijcit, Commonstratq; viam qua incedere debeant, si quidē in vita servādi sint incolumēs: ut nihil aliud per senem convenientius intelligas, q̃ principem illam legem & ultimā, quam ex Academicorū sententia Cicero mentē esse inquit, omnia ratione aut cogenitis, aut vetantis Dei. Nam ab hac lex illa naturæ à nostris

H ij

appellata fluxisse videtur, & notitiæ quædam rerum, quas
 Græci *ἄνοιος* vocant. Hæ sanè ex Pythagoreorum & Plato
 nis sententia, ante ingressum in corpora non parua, debiles
 & obscuræ sunt, vt hic ab initio esse cognoscuntur, sed illustres
 firmæ ac amplæ. Quòd verò deinceps hebetentur, obscurio-
 resq; euadant, id quæ ratione accidat, in sequentibus videbi-
 mus. Ceterum quanquã hæc Pythagoreorū & Academi-
 corum sunt propria, paulo tamen post & nostris, id est, sanio-
 ribus dogmatibus aliqua accommodari posse ratione docebi-
 mus. Ut igitur breuiter vniuersam autoris sententiam ha-
 beamus, per senem quidem, mentē, vt diximus, intelligi par-
 est, & rationem summi illius Dei, quem autor, quòd sum-
 ma præditus sit prudentia, *δαίμων*, quasi *δαίμων καὶ φρόνιμος*
 vocat: sic enim in Cratylo Plato huius vocis vim explicat:
 nos autem Numen vertimus, quòd eiusdem illius nutu atq;
 arbitrio omnia regantur. Neq; verò immeritò Senem hunc
 facit, sed hoc ipso maximam & infinitam Dei prudentiam
 significare vult, q̃ hac ætate ea maximè in hominibus adul-
 ta esse deprehendatur. Per chartam autem, quã ipsum ma-
 nu tenere ait, vim legis humanis veluti animis inscriptæ in-
 dicat: vt mentis & rationis lumen, quo potissimum vita or-
 natur & instruitur, per alterum illud, quod viam qua ince-
 dere debeant, cōmonstrare fingatur. Nam à perpetuo illo lu-
 mine tanquã fonte vberissimo, quicquid hic in hominibus lu-
 minis est, fluxisse cognoscitur. Atq; hæc quidem omnia no-
 stris consentanea literis esse videntur. Nam & Daniel anti-
 quum

quum dierū, ipsum vocat Deum: & vis legis in cordibus nostris scripta, quam nonnunquam legem mentis nominat, nonnunquam verò internum hominem, itemque luminis naturalis, quo id quod de Deo cognosci potest, manifestum in nobis est, meminit insignis ille gentium doctor Paulus. Illud autem hoc loco obiter annotandum existimo, quaecumque ab autore in hoc opere tractantur & traduntur, ea non ad futura, sed ad praesentis tantum vitae beatitudinem tanquam finem referri. Unde illud non minimum nos mouere debet, & ad virtutis & honestatis studiū incitare, dum perpendimus, quanto solidius nobis premium sit propositum, quantaque huc diuini numinis beneficentia contigerint subsidia, quibus veteres illi philosophi (de gentilib. loquor) vel penitus, vel magna saltem ex parte destituebantur. Sed de his aliàs plura, nunc ad sequentia pergamus.

Quanam igitur uia eos incedere iubet, aut quonam modo, inquam ego.

Cum duo, ut vidimus, numini tribuantur, de posteriori prius hoc loco percontatur hospes: de priori verò posterius, ad finem ferme huius libri, ut cum eò loci ventū fuerit ostendemus. Querit igitur de via qua sit incedendū, ut quis in vita seruetur incolumis. Ad quā quidem percunctationē haud pauca respondet Senex, sed ut percunctationis natura exigit, utpote inter quam & interrogationē, ut libro de doctrina Christiana tertio refert Augustinus, hoc veteres interesse dixerint, quod ad percunctationem multa responderi

H ij

possunt, ad interrogationem verò, aut Non, aut Etiam, fusio-
ri ipsi oratione satisfacit, & vniuersam via rationem ape-
rit, non solum quæ ad beatitudinem proxima & quasi com-
pendiaria sit ostendens, sed etiam diuerticulis flexionibusq;
commonstratis quæ à recto quoquo modo abducunt. Incipit
autem hoc modo:

Vidēs ne, inquit, ad portam solium quoddam posi-
tum eo ipso loco per quem ingreditur turba, in quo se-
det mulier fucata specie, & ad persuadendum apposita
Video. Sed quenam hæc est: inquam. Seductio, inquit,
uocatur, quæ omnes homines in errorem inducit.

Aptè sanè congruenterq; vitæ vniuersæ tanquã via cu-
iusdam descriptionem ag greditur, ab ipso in generationem
descensu facto initio: quã Plato quidem & Mercurius Tris-
megistus latius persequuntur, autor autem noster hactenus
quatenus præsentī instituto sat est. Neq; enim physicum est
hoc opus, sed ethicum. Facit igitur ad portam, id est, ad in-
gressionem in vitam, mulierem quandam in solio sedere, eo
nimirum loco per quem ingreditur turba, fucata specie, &
ad persuadendum apposita. Quibus sanè verbis, meo qui-
dem iudicio, nihil aliud significare velle videtur, quàm ip-
sam generationis vim & naturam, quæ quòd materiae &
organī, id est corporis suppeditationi sit præfecta, non au-
tem animæ, quæ forma est, & corpore vt instrumento vti-
tur, merito mulier ab autore esse fingitur. Quòd autem in so-
lio ipsam sedere facit, eo ipso præsidem illam esse custodemq;
gene-

generandorum ostendit. Fucam autem specie idcirco sub-
 icit, quoniam nulla eius esse substantia videatur, nec id quod
 producit, unquam verè sit, eoq; intelligentia cum ratione mi-
 nimè comprehensibile sit, sed opinione cum rationis exper-
 te sensu opinabile. Ad persuadendum verò appositam eam
 esse dicit, propter voluptatem ipsi admixtam, & omnino cu-
 piditatis vim, quæ ex corpore & corporeis scaturire vide-
 tur. Hæc enim animi aciem perstringit, & mentis quasi lu-
 minibus officit. Caterùm quod illam ἀπατηλὴν, id est, sedu-
 ctionem appellet, quodq; omnes homines in errorem induce-
 re asserat, id quid sibi velit, ea quæ sequuntur ostendunt.

At hæc quid tandem agit? Eos qui in uitam ingredi-
 untur, sua ipsius facultate imbuat. Hæc autē potio quæ-
 nam est? Error, inquit, & ignoratio. Quid postea? Hæc
 potione hausta uitam ingrediuntur. Vtrum igitur om-
 nes errorē imbibunt, an non? Imbibunt omnes, inquit,
 sed hi quidem magis, illi uerò minus.

Multa quidem apud Platonem, quiq; ab ipso sunt phi-
 losophi, de obliuionis poculo, multa item apud Poetas de Le-
 thæo inueniuntur fluuiis, quæ omnia commemorare, ut lon-
 gum, ita superuacaneum existimo, cū nulli non sint no-
 ta, utpote passim obuia. Quam autem & ea vim habeant,
 quæq; hic ab autore de erroris & ignoratiæ potione recitan-
 tur (sunt enim eiusdem omnino significationis) breuiter ex-
 ponam, à Platonis quodam in Timæo loco exorsus: is enim
 animam propter corporis humiditatem in obliuionem eo-

rum, quæ priusquã in corpore illigaretur sciret, venire arbitrat^{ur}. Inquit igitur hoc modo, eo nimirũ in loco, vbi Deos ait hominẽ fabricatos esse animo immortalⁱ in corpore influente & effluente illigato, puerorũ videlicet infantĩũ humiditatem his ipsis innuens: At illi in flumen immersi copiosum, neq^{ue} tenebant, neq^{ue} tenebantur, sed vi ferebantur ac ferebant, vt totum animal moueretur illud quidem, sed inordinate quocunq^{ue} contingeret progred^{eretur}, citraq^{ue} rationem. Et rursus paulo post: Nam cũ plurimus esset qui inundaret & deflueret fluctus nutrimentũ præbens, multo etiam maiorem turbam faciunt quæ extrinsecus singulis occurrunt affectiones. Rursusq^{ue} interpositis nonnullis sic tandem inquit: Et has omnes ob affectiones nunc ab initio animus amen^{ditur} redditur primũ cũ in corpore mortali illigatur. Ex quibus sanẽ intelligere est, ex Platonis sententia, amentia, quod ad ortum nostrum attinet, nimiam & redundantem humiditatem, causam esse, quæ animi aciem retundat & hebetet, notionesq^{ue} natura insitas obscuret, ac quodammodo extinguat. Quem hoc loco noster secutus autor, Pythagoreorum more, per quadam inuolucra & integumenta suam de generationis vi ac natura nobis proponit sententiã. Vocat autem generationem, quam & naturam vniuersaliori nomine appellat Trismegistus ἀπάτης, apposito sanẽ, vt mihi videtur, quantum ad hoc institutum pertinet, vocabulo. Est enim τὸ ἀπάτης, vnde ἀπάτη, τὸ ἀπάτης ἢ πάτης ἡ τοῦ ὁδῶ, id est, à recto itinere ac via abducere, quod genera-
tionis

tionis maximè proprium ex Pythagoreorū & Platonis est sententia. Unde & Mercurius Trismegistus hūc in modum inquit: Homo autem cū considerasset in patre suo rerum omnium procreationem, ipse quoq; fabricare voluit: vnde à contemplatione patris, ad sphaerā generationis delapsus est. Cumq; omnium in se potestatem haberet, opificia septem gubernatorum animaduertit. Hi autem humanae mentis meditatione gaudentes, singuli eorū proprii ordinis hominem participem reddidere. Qui postquam didicit horum essentiam, propriamq; naturam conspexit, penetrare atq; rescindere iam exoptabat ambitum circulorum, vimq; gubernatoris praesidentis igni comprehendere. Quiq; arbitriū & potestatem omnem habuerat in animantia mundi mortalia & ratione carentia, per harmoniam emerisit atque exiit, penetrans ac resoluens potentiam circulorum, ostenditq; naturam, quae deorsum labitur, velut pulchram Dei formā. Qui cū naturam contueretur mira pulchritudine praeditam esse, actionesq; omnes septem gubernatorum, atque insuper Dei ipsius effigiem possidere, illi amore ingenti subrisit utpote quae humanae pulchritudinis speciem in aqua specularetur, eiusdemq; adumbrationem quandam in terra conspiceret. Ille praeterea conspiciatus similem sibi formam in se ipso existentem, velut in aqua, amavit eam, secumq; congregandi concupiuit. Effectus euestigio secutus est voluntatem, formamq; carentem ratione progeniuit. Natura verò illud in quod tota ferebatur amore complexa, illi penitus sese impli-

cuit atque commiscuit. Quandoquidem solus homo ex vniuersis terrenis animantibus duplicis naturæ censetur: mortalis quidem propter corpus, immortalis autem propter hominem ipsum substantialem: immortalis enim est, cunctorumque arbitrium obtinet. Cætera verò viuientia quæ mortalia sunt, fato subiecta patiuntur. Homo igitur harmonia superior extitit: in harmoniā verò lapsus, periclitatus, seruus effectus est. Atque ex his quidem Mercurij verbis satis patet id quod superius diximus verum esse, generationi nimirum τῆς ἀπάτης vocem pulchrè conuenire. Iam verò & hoc si quis perpendat, quòd cū homo mens sit potissimū & ratio, huius autem conditio sit & natura, ad superā & cælestia, quæq; verè sunt, utpote cognata, sese attollere: quæ hinc certè nos auocat, & ad terrena detrahit generatio & natura, nō immeritò ipsi ἀπάτη appellari videbitur: ut omittam interim, & secundum sacram scripturā, nihil aliud quàm peregrinationem, vitam nostram esse super terram, ut quæ huic initium dederit generatio, non iniuria deceptio nominetur. Et de vocis quidem ratione hæc hæctenus. Tribuitur autem deceptioni, quòd nos sua ipsius facultate imbuat: sic enim græcā accipiendā existimo, ποτίσει τῆ ἐκείνης διωλῆς, quod a nullo interpretum animaduersum esse miror. Appellat autem ipsam potionē, errorem & ignorationē: quod fortasse ἐκ πᾶσι λέγου, id est, ut altera vox alterā interpretetur, dictum existimari potest. Potest autem et ea ratione, ut utraque suam & propriam vim obtineat. Nam cū &

corpus,

corpus, quæq; hinc veluti efflorescunt rationis expertes facultates, naturæ & generationis sint opera, ad has autem causas omnem animi tumultum & perturbationem referat Plato, corporis quidem, ut diximus, puerorum infantium intemperiem humidam, amentiam, quam ignoracionem noster vocat autor, causam existimare non incommodum: rationis autem expertes facultates, tum quæ λογικὴ & θεωρητικὴ à Græcis dicuntur, vitales & appetitivas vertunt nonnulli, tum quæ γνωστικὴ, id est, cognitionis, ut sensus, quæq; hinc oritur imaginatio, & huius ipsius, & erroris insuper. Sed dicat forsitan aliquis, nonnihil incommodi hanc habere expositionem, quòd ea ratione superuacanea videatur meretricium, quarum mox mentionem faciet, descriptio: sub rationis enim expertibus facultatibus & has contineri. Verum sic si quis sentiat, plurimum à veritate aberraret. Nam primum quidem, aliud sunt innata & insita facultates, aliud verò assumptæ & aduentitiæ opiniones, cupiditates & voluptates. Deinde possunt, ut in sequentibus ostendemus, & pro obiectis, quæ facultates moveant & impellant, hæc accipi, ut & sic ab ipsis facultatibus sint diuersa. Et hæc quidem de deceptione eiusq; poculo, quantum ad nostri auctoris sententiã. Ceterum quanquam omnes hanc hauriant potionem, & sic vitam ingrediantur, non tamen omnes æqualiter, inquit, sed hi quidem vberius, illi verò parcius. Per quæ sanè verba temperaturarum, quæq; has consequuntur facultatum differentias intelligit. Sunt enim statim & puerorum infan-

tium, hi quidem humidioris, illi verò, ut in tali ætate constituti, siccioris temperamēti, ut alij rursus inter hos quasi medij, cuius occasione maior minorue in his inuenitur error et ignorantia. Atque de generationis vi ac natura hæc hæc hactenus. Nunc quomodo in lucem editi, ab alijs quibusdam afficiamur, consideremus.

Vides ne præterea intra portam mulierum meretricum quandam multitudinē, quæ uariæ sunt & multiformes? Video. Atenim hæc, Opiniones, Cupiditates, & Voluptates nuncupantur. Cum itaque turba ingreditur, affiliunt hæc, & quemlibet cōplectuntur, deinde abducunt.

Ut quæ hic ab autore dicuntur cōmodius intelligantur, nonnulla prius hypothesis in modum à nobis sunt subiicienda & explicanda: quorum primum fuerit, quod non vnum sit anima humana, sed pluribus & dissidentibus constet partibus. Deinde verò hoc probato considerabimus, quot, & quanam hæc sint partes, quæq; tum per se, tum ad se mutuo, ratione sunt affectæ. Atq; his constitutis ad autorem veniemus, facilius quid ab ipso dicatur percepturi. Quod igitur ad primum attinet, nec longa, nec difficilis huius esse probatio videtur. Nam quæ ratione corpus ex pluribus concretum esse elementis ostendit medicorum princeps Hippocrates, eadem & nos hic uti possumus. Si enim vnum anima esset, nullæ in ipsa affectiones, nullæ perturbationes existerent. Nunc autem sunt variæ & multiformes, non igitur vnum est anima. Verum hoc loco forsitan non immerito quis ambigat, quomodo huic ut firmæ satis probationi fidamus, cum
fieri

Quod anima
nō sit vnum.

fieri posse videatur, ut anima quidem uniusmodi sit & simplex, ac proinde ex se nullis turbetur affectibus, corporis autem occasione variè afficiatur, ac motibus & mutationibus cieatur & agitetur pluribus. Nos autem dicimus, primum quidem, ut e corpore nō pauca affectiones in animū redundent, nō omnes tamen e corpore ortū habere, sed esse quæ ad animū propriè pertineant, quamvis ad earū non paucas & corporis motus & mutatio sequatur. Amor enim & odiū, ira & metus, gaudiū & tristitia, animi nimirum sunt affectiones. Intemperies autem calida, frigida, humida, sicca, ebrietas, tormina, nervorum contractiones, & quæ his sunt similia, corporis. Deinde verò, quomodocunq; & de his affectionibus quis constituere velit, illud tamen quovis magis verum inueniet: quod uniusmodi est & simplex, id quatenus tale est, non solum à seipso affici pati q; non posse, sed etiam ne ab externo quidem: eo q; quæ à nobis appellantur elementa, verè quidem elementa, id est, corpora simplicia non esse, sed ad horum naturā proximè accedere. Quare Gracorum nonnulli σοιχδωδη potius hæc, quàm σοιχεα nominanda censuerunt. Ipsum enim quod absolute simplex esset, cogitatione potius concipi, quàm in rerū natura subsistere. Et hæc quidem est, quam ab Hippocrate, ut diximus, mutuati sumus demonstrationem. Est verò & alia quædam Platonis, quæ non solum, animam nō esse unum docet, sed illud etiam quodammodo ostendit, quot huius sint partes seu species. Dixi autem, quodammodo, quòd dum aliud esse quo discimus,

resq̄ percipimus, aliud quo irascimur, aliud quo concupiscimus demonstrat, diuersitatem quidem animæ partium per se, numerum autem per accidens probat. Alioqui si de partium numero per se constituere vellemus, ea sanè commodior esset ratio ac via, quam Aristoteles ad inueniendā rerum principia libro naturalis auditionis primo delineauit. Sed in præsentia quidem Platonis demonstratione cōtenti, eam hīc subiiciamus. Inquit igitur libro de Repub. quarto hunc in modum: Hoc autem iam difficile, eodē ne hoc qualibet agamus, an tria cū sint, aliud alio, vt eorum quæ in nobis sunt, vno quidem discamus, alio verò irascamur, concupiscamus autem rursus tertio quæ ad cibum & Venerem pertinent voluptates, quæq̄ his sunt cognatæ: an verò tota anima horum quodlibet agamus cū eo ferimur. Hæc fuerint quæ pro rei dignitate haud facile distinxeris. Deinde verò sic proposita quæstione, eius tractationem aggreditur, à tali exorsus axiōmate. Manifestum igitur est, quòd idem contraria agere & pati secundum idem certè & in idem simul ne queat. Quo deinceps latius explicato & distincto, quòd nō nulla hīc obijci posse viderentur, huiusmodi sumptionē subiicit. Anne igitur, inquam ego, allicere & amoliri, aliquid appetere & aspernari, asciscere & depellere, omnia huiusmodi cōtrariarum sibi inuicē statuas seu actionū seu passionum dicere mauis? Nihil enim quod ad hanc rem attinet interest. Et his quidem vniuerse subiectis, sunt enim cōmunia demonstrationis principia, ex quibus, quo discimus, tum
ab eo

ab eo quo concupiscimus, tum quo irascimur, ipsaq; hæc inter se diuersa esse probauerimus, eas quæ vniuscuiusq; sigillatim membri propriæ sunt sumptiones & demonstrationes, subiungit: & primò quide ostendit, aliud esse β ϵ π α δ μ α ν λ ϵ ν , id est, quo concupiscimus, aliud verò æstimatricem animæ partem: sic enim ρ λ γ σ τ ν interpretor, quòd nò solum rationis compotem partem, sed & sensus sub se comprehendat. Procedit autem demonstratio hoc modo. Nam primò quidem sub vniuersali sumptione talem particularem accipit. Quid igitur, inquam ego, Sitire, esurire, & omnino cupiditates: rursumq; desiderare, velle, nòne omnia hæc in ijs collocaueris generibus, quæ modo sunt recitata? vt, semper cupientis animum, nonne vel appetere dices id quod cupit, vel asciscere quod sibi adesse vult, aut rursus quatenus sibi aliquid confici desiderat, hoc ad se allicere animæ in star eius ortum expetentem? Ego quidem. Quid verò, nolle, & non desiderare neque cupere, nòne ad depellere & à se abigere, omniaq; illis contraria pertinere dicemus? Deinde verò, ne si per singula procedat demonstratio, in infinitum oratio extendatur, ipsum sitire & esurire cupiditates esse sumit, & illud quidem potus, hoc verò cibi. Ad cuius rursus lemmatis distinctionem nò pauca adferens, quæ facile omnes quæ hîc fieri poterant obiectiones summoueant, ipsum tandè sic tanquam satis firmæ fidei subicit: Sitientis igitur anima, quatenus sitit, non aliud vult quàm bibere, & id expetit, eoq; fertur. Cui rursus alia duo adiungens lemmata, deinceps con-

clulsionem infert. Apponam autem ipsius verba, quæ nō solum breuiter quod propositū est conficiunt, sed etiam (quod quis miretur) illustrem habent rerum explanationem. Inquit igitur hoc modo: Si quid ergo ipsam aliquādo sitientem retrahat, aliud quippiam in ipsa fuerit ab eo quod sitit, & tanquam feram ad bibendum incitat. Neq; enim dicamus, idem eadem sui parte circa idem contraria simul agere. Nimirum. Quemadmodū certe, vt arbitror, de sagittario nō recte dicatur, quod ipsius simul manus arcū propellant & adducant, sed quod altera quidem sit quæ propellat, altera verò quæ adducat. At enim profus ita se res habet, inquit. Anne igitur putemus quosdam interdum sitientes bibere nolle? Et multos sanè, inquit, & sæpenumero. Quid nā igitur, inquā, de his quis statuatur? Nonne inesse quidem in anima ipsorum quod iubeat, inesse autem & quod bibere vetet, quod diuersum cum sit, iubente sit superius? Mihi certè, inquit, videtur. An non igitur quod huiusmodi prohibet, cum adest, à ratione proficiscitur: quæ verò impellunt ac trahunt, ab affectionibus & morbis ortum habent? Videtur. Non absque ratione itaque, inquam ego, censēbimus has duplices esse, & à se mutuo diuersas animæ partes, quæ quidem res æstimat, æstimatricem appellant: quæ vero amat, esurit, sitit, & ad cæteras cupiditates immoderatè fertur, tum rationis expers, tum cupiditatibus deditum, repletionibus nimirū quibusdam & voluptatibus mancipatū. Et hæc quidem sunt quibus Plato eam quæ cōcupiscimus animæ partem ab æstimatrice

trice

trice diuersam esse demonstrat: ac proinde de earum quæ hæ-
 tenus inuenta sunt numero sic constituens inquit: Atq; hæ-
 quidem, inquam ego, duæ nobis definitæ sint species, quæ in
 anima insunt. Solet enim Plato nunc partes eas, nunc spe-
 cies appellare, quòd hæ quodammodo ad animæ, vt sic dixe-
 rim, coagmentationem non aliter se habeant, atque ad cor-
 poris compositionem primæ & simplices partes, quas Ari-
 stoteles ὁμοιομερῆς, id est, similes nominat. Itaque vt in cor-
 pore & partes hæ recte appellentur, quòd totum compleant
 & perficiant: & rursus species, alia enim corporis species ca-
 ro est, alia nervus, alia os, alia cartilago, & reliquarū par-
 tium similium quæuis: ita & in anima τὸ λογιστικόν, & τὸ θυμὸς
 δὲς, & τὸ ἐπιθυμητικόν, & partes non male & species animæ esse
 dixeris: partes quidem, quatenus tota his anima absoluitur
 & perficitur: species verò, quatenus diuersæ inter se sint ra-
 tionis & naturæ plurimū ac substantiæ dissidentis. Verum
 de hoc posterius considerabimus, eo nimirū loci, vbi harum
 partium tum per se, tum ad se mutuò affectionem inuestiga-
 bimus. Nunc ad institutū reuertamur, videamusq; qua ra-
 tione & animosam animæ partem ab vtraq; diuersam pro-
 bet. Inquit igitur hoc modo: At verò animosa, quæq; irasci-
 mur, tertiā ne fuerit animi pars, aut vtri harum cognata
 eam dixeris? Fortasse, inquit, alteri, ei quæ cupiditati-
 bus est addicta. Atenim, inquam ego, quod aliquando au-
 diui, ei fidem habeo, quòd nimirum Leontius Aglaionis fi-
 lius ex Piræo reuertens, sub boreali muro extrā cūm perce-

K

pisses cadauera apud carnificem iacere, simul quidē ea vide
 re cupierit, simul autem indignatus fuerit, seseq³ auerterit:
 & hactenus quidem pugnarit, oculosq³ contactos habuerit.
 Victus autem tandem à cupiditate, diductis oculis ad cada
 uera accurrens, Ecce vobis, inquit, miseri, expleamini pul
 chro hoc spectaculo. Audiui, inqt, & ipse. Hac sanè, inquā,
 oratio indicat iram interdum cum cupiditatibus pugnare,
 vt diuersum quid cum diuerso. In his Plato ostendit, quòd ea
 qua concupiscimus, diuersa sit animi pars ab ea qua irasci
 mur, vsus eodem illo, quod ab initio exposuimus, axiomatico,
 quòd nimirum fieri nequeat, vt id quod vnum ac simplex
 & incompositum est, aliquid appetat, idemq³ simul auerse
 tur ac respuat: aliquo gaudeat, & delectetur, atq³ id simul
 indignetur, ab eoq³ se auertat: sed necesse sit, vt aliud qui
 dem sit quod cadauera videre cupiat, aliud verò, quod pro
 hibeat: & quod ei quidem quod videre cupit, inde omnino
 voluptas aliqua accedat, ei verò quod prohibet, molestia &
 dolor. Irasci enim ei quod concupiscit, eiusq³ impetus graui
 ter ferre, & cupiditates prohibere velle, increpare insuper
 & accusare, & quaecunq³ his sunt similia, alterius animæ
 partis opus fuerint, nō eius ipsius quod concupiscit. Neque ve
 rò hac solum ratione demonstrat Plato hac à se mutuo esse
 diuersa, quo irascimur, inquā, & concupiscimus, sed etiam
 alijs quibusdam subiyciendis, quibus insuper comode ad id
 quod quæstionis est reliquū, viam sibi pręparat. Est autem
 reliquum, vt rationis participem animæ partē ab animo
 sa, quaq³

sa, quāq; irascimur, diuersam esse ostendat. Atq; id quidem
etsi ijs quæ non ita multo post apud ipsum sequuntur, aper-
te satis probatur, tamen & ijs quæ nunc subiiciemus aliquo
modo doceri videtur. Sequuntur autem hæc apud Platonem
proximè ea quæ superius sunt exposita. Atqui & alibi, in-
quam ego, sæpenumero animaduertimus, cum contra ratio-
nem cupiditates quempiam violenter aliquò rapiant, eum
tum sese increpare, tum ei quod in ipso vim adfert succense-
re, & tanquam duo inter se dissiderent, huius animos ratio-
ni opem auxiliumq; ferre. Caterum ut cum cupiditati-
bus coniuncti & consociati, rationis voluntati & decreto in
quoquam obsistant, id verò nec arbitror vnquam in teip-
so expertum esse, nec in alio vlllo. Non per Iouem, inquit. Hac
sanè oratione Plato quantumuis breui multa docet. Nam
primò quidem ostendit, quod antea tamen probatum est, quæ
irascimur partem & quæ concupiscimus, diuersas esse, utpote
quæ digladiari inter se sæpenumero solent. Deinde verò, &
ab utrisque rationis compotem partem differre, aliudq; præ-
ter hæc esse, quod cum altera quidem dissideat, alteram au-
tem sibi aduersus alterā adiutricem habeat. Tertio autem,
animosam animæ partem nunquam se contra eam quæ ra-
tionis est compos, cum cupiditatib. dedita consociare & con-
iungere, sed semper pro ratione, si quando hæc cum cupidi-
tatibus pugnet, stare. Quod etiam cum in sequentibus latius
ostendat, ne quis hinc suspicetur æstimatricis speciei esse quæ
irascimur, ac proinde non tres, sed duas tantum esse animæ

K ij

partes, hæc deinceps subiicit Plato: Recte, inquam ego, quod dicere volo intelligis. Verum anne & hoc insuper animaduertis? Quidnam? Quod contrà atq; paulò antè nobis res se habere de animosa animi parte videatur: tunc enim ad cupiditatis naturam, ipsam referendam putabamus: nunc autem multum abesse dicimus, imò verò multò magis ipsam in animi seditione & discordia proratione arma capere. Prorsus, inquit. Anne igitur ab æstimatrice diuersa fuerit, an huius quædam species, vt nō tres, sed duæ species in anima sint, ea quæ rationis est compos, & quæ cupiditatibus addicta? An verò potius vt in ciuitate tria quæpiam inueniebantur genera, quæ ipsam cōtinerent, quæstuosum, auxiliarium, consulare: sic & in anima tertiam hanc statuerimus animosam partem, quæ æstimatrici quidem natura opem auxiliumq; ferat, nisi mala educatione sit deprauata? Neesse, inquit, hanc tertiam statuisse. Certè, inquam ego, siquidem ab æstimatrice diuersa esse videatur, vt ab ea quæ cupiditatibus est addicta differre probata est. Atqui haud difficile, inquit, id fuerit deprehendere. Nam & in pueris hoc quis animaduertat, quod iræ quidem & animi statim pleni reddantur: rationis autem nonnulli, vt mihi quidem videtur, nunquam compotes fiant, quidam verò serius tandem. Per Iouem, inquā ego, recte dicis: insuper autem & in feris, id quod asseris quispiā perspiciat. Ad hæc, & quod superius alicubi diximus, Homeri illud testimonio fuerit:

Pectora percutiens dictis cor comprimit hisce:

Cor

Cor tolera, quondam multò grauiora tulisti.
 Hic nanque manifestè, tanquam diuersa sint, alterum increpare alterum facit Homerus, quod de meliori & deteriori ratiocinatur, id quod præter rationis præscriptum excedit. In hac sanè oratione duobus argumentis clarè & perspicuè docet Plato, diuersas inter se esse eam qua irascimur anima partem, & qua res æstimamus & percipimus: quorum alterum ex eo sumitur, quòd has à se mutuò separari videmus. Et in feris quidem omnino: neq; enim vnquam rationis compotes redduntur. In pueris autem ad temporis aliquod spacium. Nam qui modo nati sunt, & teneriori adhuc ætate, quanquã rectè rationis participes esse dicantur, eius tamen vsum actu, vt loquuntur, nondum habent, sed potentia tantum. Alterum verò ex eo, vt dictum est, quòd ab eo quod rationis est particeps, id increpetur quo irascimur. Necesse enim est omnino, id quod increpatur, ab increpante esse diuersum. Nam id ad ea quæ superius sunt constituta, necessario sequitur. Caterùm Homeri hic locus quem citat Plato, habetur vigesimo Odyssæ lib. Fingitur enim ibi Ulysses ancillarum petulantia permotus, ab ira quidem ad sumendum de eis supplicium impelli atque incendi, à ratione verò inde reuocari, vt quæ opportunitatem abesse doceret. Ac quòd tres quidem animæ sint partes à se mutuò diuersæ, satis explicatum esse arbitror: sequitur vt de earum facultatibus & operibus agamus. Sunt igitur eius quidem quæ rationis est compos opera, per se quidem & absolute considera-

Anima partium
 facultates.

K ij

ta, imaginatio, memoria, intelligentia, cogitatio. In relatione verò ad aliud spectata, ut tum sensus, is quæ sensu prædita sunt partes, tum motus, quæ secundum appetitionem mouentur, fons sit & origo. Eius autem quam animosam appellamus, per se quidem opera sunt, animi excelsi & inuicti magnitudo & robur, & perseverantia in is quæ ratio iubet. Secundum affectionem verò, tanquam innati caloris feruor, desiderante nimirum tunc anima, vlcisci eum qui iniuriam fecisse videtur, vocaturq; id ira. In relatione verò ad aliud, ut caloris singulis sit principium corporis particulis, et arterijs motus pulsatilis. Reliquæ verò partis, quam ἐπιθυμία λέγουσιν, quod cupiditatibus maximè sit dedita, vocant Græci, quæ ad nutritionem, autionem & generationem pertinent vniuersa, sunt opera. Huius autem ipsius fuerit, & voluptatum fruitio, & quæcunq; his sunt affinia. Verum explicatis hoc modo vniuscuiusq; partis facultatib. & operibus, eadem enim vtrorunq; est diuisio, reliquum esse videtur, ut quæ ratione ad se mutuo sint affectæ dicamus. Cum igitur tres sint ut superius demonstrauimus, animæ partes, quæ quidem rationis & cogitationis est particeps, utpote quæ ad diuinam q̄ proximè conditionem accedimus, secundum naturæ certè præscriptum, in nobis imperantis tantum locum obtinet. Quæ verò cupiditatib. est addicta, cum tota in corpus vergat, subditi. Tertia autem cum inter vtrasq; sit media (neque enim, ut quæ cupiditatibus est dedita, penitus sese in corpus immer sit, huius perpetuo visibus & commoditatibus inserviens: nec verò

Animæ partes
ut ad se mutuo
sint affectæ.

verò rursus à corpore prorsus est absoluta & libera, tanquã
 propriæ cuiusdã quæq³ citra corpus consistere queat substan-
 tia, cuiusmodi est eius quæ rationis est compos) merito tum
 subditi tum imperantis rationem sustinet : ad eam quidem
 quæ rationis est particeps collata, subditi : ad alteram verò,
 cui cupiditas nimirum tribuitur, imperantis. Atq³ hæ qui-
 dem ex Platonis sententia animæ fuerint partes, cum facul-
 tatibus & officijs suis, & ea quam ad se mutuò affectionem
 obtinent, explicata. Ceterum quoniam Aristoteles, quiq³
 eius doctrinam sequuntur Peripatetici, à Platone in non-
 nullis dissidentes, aliam animæ partitionem faciunt, neque
 eam hoc loco prætermittendam censuimus. Est enim non so-
 lum accurata & exquisita, sed etiam non contemnendum,
 ad ea quæ apud autorem habentur rectius intelligenda, usum
 obtinens. Verum priusquã hanc exponamus, quænam illa
 sint quæ his autoribus inter se sunt cõtrouersa, dicamus. Pri-
 mum igitur quas Plato tum species tum animæ partes, ut
 prius est dictum, nominat, eas Aristoteles facultates, mini-
 mè verò aut partes, aut species, sub propria certè harum vo-
 cum significatione, appellandas censet. Neque enim has sub-
 stantys differre, quæ Platonis est sententia, existimat : sed o-
 mnium vnã quidem esse substantiam, facultates autem
 plures. In quo certè, si quid ego iudico, fallitur plurimũ : nam
 ab eadem substantia ut non solum diuersæ, sed etiam dissi-
 dentes, quæq³ inter se digladientur, facultates oriantur, qua
 ratione fieri possit, non inuenio. Sed quoniam hæ considera

tia ad tractationem de anima potius pertinet, impraesentia
omittatur. Deinde verò nec in eo consentiunt, quòd Plato
quidem diuersas his partibus sedes tribuat: rationis quidem
compoti, cerebrum: animosa verò, cor: ei autem quæ cupidi-
tatis est, iecur: Aristoteles autem omnes ad cor contrahat,
in angustumq; veluti adducat. Et in quibus quidem inter se
dissentiant, quod ad præsens attinet negocium, hæc sunt. Di-
uidunt autem Peripatetici animā in eas, quas ipsi tribuunt
facultates, hoc sanè modo. Nam primū quidem tripartitam
instituunt diuisionem, vt animæ facultatum alias rationa-
les esse dicant, irracionales verò alias, & tertias præter has,
quas ἀπὸ τῆ φύσεως, vt vult Galenus, φύτικὰς appellant, vt ego
autem dixerim, ἀπὸ τῆ φύσεως, quòd & in plantis hæc faculta-
tes inueniantur. Deinde verò harum differentiarū quamli-
bet in alia rursus partiuntur membra: & rationalium has
quidem cognitionis esse dicunt, quæ in vero cernendo & ex-
quirendo maximè versantur: illas verò appetitus, quæ ad a-
gendum impellunt. Vocant autē has græcè & ζωτικὰς, quas
vitales quis latinè ad Græcorum imitationem non male ap-
pellauerit. Rursus autem eas quas cognitionis esse diximus,
in mentem, qua vniformi appulsu citra omnem discursum
animiq; agitationem principia cognoscimus, & cogitationē
(sic enim διαλογισμὸν vertimus) cuius officium fuerit de ijs ratio-
cinari, cuius principia aliter se habere nequeunt: atque præ-
ter has opinionem secant, quæ circa ea versatur quæ Græ-
ci αἰδέεσθαι vocant, recentiorum nonnulli contingentia.

Quas

Quas verò appetitus esse statuunt, has in βούλῃσιν, id est, voluntatem, partiuntur, & προαίρεσιν, quam eorum qui hoc seculo philosophantur nonnullis electionē appellare mos est. Differunt autem hæc inter se, quòd προαίρεσις eorum quæ fieri nequeant minimè sit: voluntas autem & horū, ut in hac vita consequenda immortalitatis, quod fieri certè non potest. Insuper voluntas & eorū est, quæ per nos minimè fiant, ut actorem quempiam aut athletam in certamine superiorem esse: electio autē nullo modo. Ad hæc voluntas finis ipsius est potius, electio verò eorum quæ ad finem referuntur. Addunt autem nonnulli & huiusmodi differentiam, ut βούλῃσι quidem, ipsius per se sit rationalis anima, προαίρεσις verò, cum irrationalitate copulata. Cum enim, inquiunt, extra generationem est anima, voluntate sola impellitur: nam in solo acquiescit bono. Cum verò generationē fuerit ingressa, quoniam irrationales ipsi coniunguntur facultates, tum sanè propter irrationalis naturæ copulationē, electionis est compos & particeps. Quam etiam ob causam, nūc quidem ad irrationalitatem inclinatur & propendit, nunc verò ad rationem se applicat, & hoc illi eligendo præfert. In summa, ut in ijs quæ in cognitione posita sunt facultates, ad mentem se habet cogitatio, ita quodammodo & in his, ad voluntatē electio. Nam voluntas quidem in id, quod aut absolute simpliciter quod bonū est, aut certè cuius videtur, citra omnem animi agitationem promptè fertur: electio autem non nisi præcedente quadam deliberatione. Unde rectè προαίρεσιν libro

L

Moralium ad Nicomachum tertio sic definit Aristoteles:
προαιρεσις ὅστιν ὁρεξις βουλευτική τῇ ἐφ' ἡμῶν, id est, electio est appe-
titio deliberativa eorum quæ in nostra sunt potestate. Cate-
rūm q̄ idem lib. eiusdem operis sexto, duplicem προαιρεσεως
definitionem adferat, dicatq̄ προαιρεσιν esse aut ὁρεκτικὸν ὄν,
aut ὁρεξιν διανοητικὴν, id quam obrem ab ipso sit factum, mini-
mè prætermittendum arbitror. Habet enim non parvam
vim ad huius facultatis, quæ hominis certè est propria, natu-
ram rectius intelligendam. Scire igitur oportet, q̄ προαιρεσις
quidem propriè dicta, vltima quædam vis sit animæ ratio-
nalis, quæ quod ab ea decretum sit & constitutum, exequa-
tur: eoq̄ non male veluti animæ manus, quibus res appeti-
mus & apprehendimus, eam esse, in opere de virtutibus in-
quit Theages. Quoniam autem huic proximè antecedit sen-
tentia, quam Græci γνώμην vocant (est autem hoc loco sen-
tentia, animi quæpiam affectio & quasi propensio, qua in eo
quod iudicatum est acquiescimus) sententiam verò rursus
dijudicatio, & dijudicationem antegreditur deliberatio: fit
ut προαιρεσις modo etiam pro sententia, modo pro dijudica-
tione apud Græcos vsurpetur: interdum autem fortasse, licet
rarius, & pro deliberatione. Nam cūm ἐν προαιρεσεως, seu
ἐν προαιρεσιν (idem autem est ac si ἐν προνοίᾳ dixeris) ali-
quid factū esse asserunt, Latini consultò factū & cogitatò
dicere solent, nihil aliud certè per προαιρεσις, quàm delibe-
rationem & consultationem intelligere velle videntur. Tot
igitur modis cūm προαιρεσις dicatur, cuius etiā occasione
plures

plures apud Latinos ipsi voces respondent (nam interdū institutum, interdum propositū, nonnunq̃ delectum aut electionem, est & ubi arbitrium & arbitratum, liberamq̃ voluntatem, non incommode verteris, prout locus & materia exigere videantur) cū quidem aut in propria vsurpatur significatione, aut pro sententia, tum ea potius ipsi competit definitio, qua ὁρεξις διανοητικὴ vel βελουλευτικὴ esse statuitur. Cū verò vel pro κρισις, id est, dyudicatione vel deliberatione accipitur, tū vs̄s ὁρεξιτικὴς, aut βελουλευτικὴς ὁρεξιτικὴς, rectius definiatur: vnumquodq̃ enim quod in mixtione præpollet ac superat, id absolute esse dicitur, alterum verò πρῶτον μὸς, id est, vt nōnulli vertunt, denominatiuè. Atque rationalium quidem facultatum, quibus hominis natura circumscribitur ac definitur, hæc fuerit diuisio & explicatio. Irrationalium verò, alias rursus pari modo cognitionis esse dicūt, appetitus alias. Et quas cognitionis faciunt, in imaginationem, quam Graeci φαντασία vocant, Cicero in Academicis ad M. Varro- nem questionibus visum vertit, & sensum diuidunt: inter quæ hoc sanè discrimen fuerit, quòd sensus quidem porrigatur ac vergat in id quod extrà est, imaginatio verò interiore cognitione polleat: & sensus quidem id solum quod adest, quodq̃ præsens est, percipiat: imaginatio autē quas à sensu accepit rerū sensibiliū formas, subinde in se renouet, fingendoq̃ veluti instaurer: vnde & παρὰ τὴν αἰσθητικὴν νοῦν, id est, vt verbū verbo reddamus, passiua mentē, ipsam appellat. Aristoteles: mentē quidē, vt quæ intus, quod ipsius est subiectū cognitio-

L ij

ni, habeat: passivam autem, quod cum formis quibusdam et affectionibus. Obtinet autem hæc, ut lib. cōmentariorum in primum Geometricorū Euclidis elementorum secundo inquit Proclus, medium quasi centrū inter eas quæ cognitionis sunt facultates: idq; indicare volens Aristoteles, sic eam appellandam censuit. Ut autē sensus, sic & imaginatio quod percipit & cognoscit particulare est & singulare. Et hæc quidē de ijs quæ cognitionis sunt. Quæ vero appetitus ab ijs esse dicuntur, has in διμὸν, id est, ut ego verterim, animositatem, & ἐπιδιμύαν, id est, cupiditatem partiuntur. Est autem διμὸς, quem & διμύουσι appellat Theages, animi quædam vis irrationalis, quæ ad subeunda pericula & aduersa depellenda, alacris est & prompta, vinciq; nescia. ἐπιδιμύα vero, quæ ad id quod iucundum & expetibile, ac naturæ accommodatum esse videtur, amplectendum propendet. Ceterum hoc loco id admonuisse non intempestivum fuerit, cuius occasione gravissimos etiam autores in errorem impulsos esse videmus, nec διμὸν, nec ἐπιδιμύαν vno modo dici: sed interdum quidem pro animæ seu partibus, seu facultatibus usurpari: quo sanè genere & nos hoc loco his utimur, & Platonici Peripateticiq; cum διμὸν & ἐπιδιμύαν non modo naturales esse dicunt, sed etiā vtiliter à natura dari. Item hæc non extirpari ac funditus tolli, sed subigi potius, edomari & comprimi debere. Rursus cum διμύον magnitudinem & robur deijci vetant, ipsum autem domari & conducferi velint. Consimili etiam modo cum rationem hoc tanquā auxiliario

liario milite aduersus cupiditatem vti asserunt. In his enim & similibus, Peripatetici quidem facultates intelligunt, Platonici autem tum has, tum ipsas etiā, vt ex superioribus est intelligere, quarum hæ sunt facultates, animi partes: inter- dum verò pro affectionibus seu passionibus, quas Græci πάθη vocant: sed ne sic quidem simpliciter vnāq; significatione, cum nec πάθος simplicis sit potestatis, sed multifariā apud Græcos accipiat. Nam primò quidē & maximè, vt Plato definit, πᾶσι δὲ πᾶσι πάθη, πάθος περὶ ἑκάστην, id est verbum verbo redditum, omne quod quis patitur, passionē appellare par est, siue id in subiecti interitum & perniciem vergat, siue ad eiusdem incolumitatem & salutem, perfectionē atque absolutionem faciat: neq; enim minus hæc quàm illa apud Græcos πάθη dicuntur. Atque hac ratione & sensuū alterationes tum πάθη, tum παθήματα vocant: visus quidē eas quæ ab albo, nigro, flauo & cæteris coloribus fiunt: tactus autem, quæ à calido, frigido, humido, sicco, duro, molli, reliquisq; id genus omnibus. Pari verò ratione & reliquorū sensuum cuiuslibet. Quòd autem huiusmodi alterationes, si facultatis modum nō superent, in subiecti perfectionem tendant, quis est qui dubitet? cū animaduertat vnumquodq; his ipsis à potentia ad actum prouehi: esse autem potentiam veluti inchoatum quid ac rude, actum rei cuiusq; absolutio nem ac perfectionem. Cæterum huic τὸ πάθος in genere significationi (dico autem in genere, quòd omnes, tum quæ secundum naturam, tum quæ contra naturam sunt affectio-

nes in se comprehendat) altera quasi ex parte respondet, quam Græci ἀσπείων vocant, nos operationem seu efficientiam, aut etiam actionem appellemus licet. Est autē ἀσπείων sic usurpata motus actiuus: ut πάλδος qui ab altero in alterū fit motus. Et secundū hanc quidem ἀσπείων & πάλδος acceptionem, nō solum θυμός & ἐπιθυμία, sed etiam aliæ his finitimæ affectiones, ut ira, odium, dolor, metus, & cetera id genus, siue moderatæ sint & castigatæ, siue efferatæ et immodicæ, tum ἀσπείων, tum πάλδος dici possunt. Exempli causa: θυμός, quatenus quidem ab obiecto aliquo, seu rationis circa id cogitatione, aut omnino imaginatione quadam incitatur & quodammodo irritatur δὲ θυμώδης, huius seu partis seu facultatis meritò πάλδος esse censeatur: quatenus verò sic incitatum vel ad depellenda aduersa, vel pœnas sumendas impellit ac stimulat, ἀσπείων rursus eiusdem fuerit. Quæ certè ratione Peripatetici θυμόν, quem non rectè iracundiā & in Academicis & Tusculanis quæstionibus vertit Cicero, cum huic ἀγαλόν τις potius apud Græcos vox respondeat, fortitudinis quasi cotem esse dicunt. Quanquam & illud forsitan miretur quispiam, quòδ σίμωψς cotem sit interpretatus, aciem nimirum, id est, ferri acumen, rem hebetem, de qua inquit Horatius: *Acutum*

Reddere quæ ferrum valet exors ipsa secandi.

Nam ut alterū rectissimè θυμός conferatur, est enim ταχύς καὶ ὀξύς, id est, celer & acutus, ut inquit Aristoteles, ita alterum aliqua ex parte ab eius natura videatur alienius.

Atque

Atque ut hac ratione animosæ partis operatio, recte dicatur *δυνος*, ita rursus incitati corporis & instrumenti, *πάθος*. Quemadmodum utiq; & cum cupiditati contra rationem quempiam violenter aliquò rapienti succenset, & pro ratione contra ipsam arma capit, tum sanè qua quidem parte et cupiditatis importunitate accenditur, & rationis ad se vocantis edicto parer, *πάθος* ipsius fuerit. Qua verò cum cupiditate confligit, partim *πάθος*, partim *ἐνσπύδα* censerì debet, non solum animosæ animæ partis, sed etiam eius qua cupiditatis est, quòd omnis huiusmodi motio ex actione passio neq; constet. Neque verò id quispiam miretur, quòd hoc modo in idem subiectum cum actione coeat passio, & hætenus nihil distent, ratione tamen differant. Nam & qua à secante in eo quod secatur fit diuisio, una eademq; res cum sit, secantis quidem actio, eius autem quod secatur passio fuerit. Quanquam si quis exactius rem introspiciat ac perpendat, nec huius simpliciter solum passio, nec illius actio fuerit, sed utriusque tum actio tum passio. Nam & quod secat, qua retunditur & hebescit, patitur: & quod secatur, hac ratione in id quod secat agit. Atque una quidem utriusq; harum vocum, *ἐνσπύδα* dico & *πάθος*, significationis ratio hæc statuatur: secundum quam, ut superius dictum est, *δυνος* & *ἐπιθυμία*, quæq; his sunt finitima, siue secundum naturam & moderata in subiecti perfectionem tendant, siue contra naturam & efferrata in eiusdem perniciem ferantur, tum *πάθος* tum *ἐνσπύδα* dici possunt. Altera verò, qua qua secundum

naturam est motio, αἰσθητικὴ appellatur: quæ verò contra naturam, πῶς. Verum enimvero cum secundum naturam multis dicatur modis, hoc quidem loco sic accipere oportet, ut quod principali ratione à natura fit, secundum naturam esse censeatur. Principali autem ratione ea fieri à natura dicimus, ad quos tanquam scopos spectat, cursumq; suum dirigit, minime autem si quæ, res alias consecutione quadam necessario sequantur. Et talis quidem motio secundum naturam esse dicitur, siue à seipso, siue ab alio impellatur id quod mouetur, eiq; quæ contra naturam est opponitur. Secundum quam rursus horum nominum acceptionem διὸς & ἐπιδιὸς, & quæcunq; reliquæ in nobis sunt rationis expertium facultatum affectiones, cum non exorbitant, nec à mediocritate recedunt, αἰσθητικὴ nominantur. Cum verò aberrantes, à recto quidem & medio desciscunt, immoderate autem ac temere nunc ad id quod nimium est excurrunt, nunc ad id quod parum, diuertunt, πῶς appellatur. Verum quoniam hæc breuius dicta, obscuriora sunt fortasse, agè exemplis & similitudinibus quibusdam adhibitis rem illustremus. Intellige igitur in nobis rationis compotem partem aurigæ, reliquas verò equis proportionem respondere, currum corpori. Ut igitur equi edomiti, nunc quidem aurigæ imperium sentientes, ad eius arbitrium & nutum vel celeriori vel tardiori cientur motu, currumq; quocunq; is impellat trahunt, nunc verò efferati percitiq; vel ambo, vel eorum alter (vtrunq; enim vsuuenire potest) præcipites feruntur,

tur, turbulenterq; ac temerè currum per vias, per inuia ra-
 ptant, nec habenis nec aurigæ uiribus eos refrenare ac co-
 ãercere ualentibus: interdum autem econtrà ita remissi &
 languentes sunt, ut nec calcaribus adhibitis incitari, nec
 flagellis impelli possint: ita & in homine triplicem huiusmo-
 di differentiam est inuenire. Nam nonnunquam rationis
 expers animæ pars utraque, ei quæ rationis est compos obe-
 diens, ad huius uoluntatem nutumq; suis composite cietur
 & agitur motibus, nosq; ad agendū impellit: aliquan-
 do uerò uel utraq; proiectior effrenatiorq; redditæ, uel alte-
 ra uehementius prorumpit, secumq; cū alterā quasi per-
 cussam, tum corpus abripit, frustra resistente & repu-
 gnante ueluti aurigæ ratione. Est etiam cū ita summis-
 se & abiectæ sint, ut nullis, propè dixerim, incitari stimu-
 lis posse uideantur. Harum igitur trium differentiarum,
 cū in prima tantum id quod secundum naturam est in-
 ueniatur, utpote in qua quod præstantius est in deterius do-
 minatur, imperiumq; tenet: eæ quæ in hac irrationalibus
 animæ partibus tribuuntur motiones, cuiusmodi & illic
 equis, secundum posteriorem hanc *ἐν ἡγεσίᾳ* & *πᾶσι* distin-
 ctionem, *ἐν ἡγεσίᾳ* appellabuntur: quæ uerò in reliquis dua-
 bus, *πᾶσι*: quarum quæ in priore quidem, ad exuperatiam
 pertinebunt: quæ uerò in posteriore, ad defectionem. Hinc
 itaque manifestè patet, unum idemq; pro uaria harum uo-
 cum acceptione, nunc *ἐν ἡγεσίᾳ*, nunc *πᾶσι* nominari posse.
 Ad hæc *διὰ τοῦτο* & *ἐπὶ τοῦτο* præterea & pro animæ parti-
 bus,

bus, quas tamen usitatus το δουοειδης, καὶ το ἐπιδουοειδης ap-
 pellare solent, & facultatibus non raro usurpari. Qua-
 re non recte quis fecerit, cum aut Platonem aut Peri-
 patericos δουοειδης laudare audiat, & utiliter à natura da-
 tum asserere, si statim hos reprehendat, aut etiam con-
 tradicere conetur, non inspecta nec animaduersa huius
 uocis multiplici potestate. Sic enim non tam ad ea quæ ab
 ipsis sunt dicta disputet, quam ad suam ipsius quam ex eo-
 rum non recte intellectis uerbis opinionem mente compre-
 hendit. quod Ciceroni & Senecæ usuuenisse uidemus. quo-
 rum ille quidem libro Officiorum primo sic inquit: Prohi-
 benda autem maximè est ira in puniendo. Nunquam enim
 iratus qui accedet ad pœnam, mediocritatem illam tene-
 bit, quæ est inter nimium & parum: quæ placet Peripate-
 ticus, & recte placet, modo ne laudarent iracundiam, & di-
 cerent utiliter à natura datam. Illa uerò omnibus in rebus
 repudianda est. Rursus Tusculanarum Quæstionum quar-
 to: Quid? quod idem Peripatetici perturbationes istas,
 quas nos extirpandas putamus, non modo naturales esse
 dicunt, sed etiam utiliter à natura datas? quorum talis est
 oratio. Primum multis uerbis iracundiam laudant: sub
 quæ deinceps subiectis nonnullis, quæ partim à Peripateti-
 cis de ipsa facultate, partim de eius actione, quam & μέ-
 dos appellari superius admonuimus, dicuntur. tandem sic
 inquit: Nec uero solum hanc libidinem laudant (est enim
 ira, ut modo definiui, ulciscendi libido) sed illud ipsum ge-
 nus

nus uel libidinis, uel cupiditatis (intelligit autem τὸ διψῶν δὲ
 à Græcis appellatum, quod his uerbis circumscribit ac ue-
 luti definit) ad summam utilitatem esse dicunt à natura
 datum. Ex quibus sanè uerbis haud obscure diligentius
 intuenti patet, non alia ratione inductum Ciceronem ut
 Peripateticos reprehenderet, contraq; ipsos diceret, quàm
 quòd nominis διψῶν ambiguitatem nò animaduertit, sed
 ad unam tantum eius significationem respexerit, qua im-
 moderata quæpiam & concitata animosæ partis motio,
 quæ ad exuperantiam pertinet, esse statuitur: qua uerò
 pro eiusdem quadam facultate & operatione usurpatur,
 de ea ne cogitari quidē. eamq; esse causam existimo, quòd
 iracundiam διψῶν uerterit, cui tamen & in hac ipsa signi-
 ficatione excandescentiæ nomen magis conuenit. Atque
 ut hac quidem parte, quid ipsum in errorem induxerit fa-
 cile intelligo, ita nescio qua tandem ratione in τὸ διψῶν δὲ οὐ
 uoce deceptus sit, cum hac absolutè ac sine aliquo cui adhæ-
 reat posita, aut facultatem, aut animæ partem tantum si-
 gnificet: affectionem autem, aut actionem, quantum hactē-
 nus mihi obseruare licuit, nunquam. Neq; uero hic solum
 errauit Cicero, sed etiā quòd affectiones prorsus extirpan-
 das existimauit: quæ tamen non solum Aristotele ac Pe-
 ripateticis, sed his etiam ipsis antiquioribus Philosophis au-
 thoribus, ut paulò post ostendemus, uirtutum sunt mate-
 ria. In quem sanè errorem Stoici ipsum ut & in priorem
 impulerunt, qui parum dialecticè uocis multiplicis defini-

tionem,

tionem, non præmissa eiusdem distinctione, sunt aggressi. Itaque Zeno Stoicæ sectæ autor, πᾶδος δ᾽ εἰναι, inquit, ἢ ἄλλος καὶ παρὰ φύσιν ψυχῆς κίνησις: ἢ ὅμῃ πλεονάζουσα. quāquam hanc posteriorem definitionem nonnulli ad alios referunt autores. Ad quas definitiones perpetuo respiciens Cicero, multa ibidem contra Peripateticos disserit, quæ omnia τὸ πᾶδος nominis ambiguitate explicata & distincta illico corruunt, utpote parum firmo fundamēto nitentia. Caterum ut id quod dixi uerum esse intelligatur, nonnulla ex quarto Tusculanarum quæstionum libro hic subiiciemus: in quo proposita hac quæstione, Utrum in sapientem caderet πᾶδος, necne: subiectisq; nonnullis, quæ partim ad disputationis instituendæ rationem pertinerent, partim hypotheses continerent quasdam, ex Platonis quidem sententia utcunque factas, cum Stoicorum autem decretis manifestè pugnantes, primum à πᾶδος definitione disputationem incipit hoc modo. Est igitur Zenonis hæc definitio: ut perturbatio sit, quod πᾶδος ille dicit, auersa à recta ratione contra naturam animi commotio. Quidam breuius, perturbationem esse appetitum uehementiorem dicunt: sed uehementiorem eum uolunt esse, qui longius disceßerit à naturæ constantia. Deinde uerò τὸ πᾶδος partibus & speciebus subiectis, alijsq; nonnullis eòdem ferè spectantibus, & sapientis (erat enim hic alter quæstionis propositæ terminus) notione latius explicata, sic ad extremum concludit: Quod qui faciet, non ægritudine solum uocabit (hoc enim eiusdem

eiusdem operis libro tertio ex Latina uocis *ui* & etymologia, cum Græcis *ῥῆσις* dicatur, argumento nimirum fallacissimo, minimeque ualido, ut libro de Hippocratis & Platonis dogmatibus secundo ostendit Calenus, conficere conatus est) sed etiam perturbationibus reliquis omnibus. Est autem uniuersæ argumentationis rhetoricæ fusiùs ab ipso tractata & explicata uis huiusmodi. Nam in secunda figura hoc modo procedit: In quem *ῥῆσις*, in eum cadit auersa à recta ratione contra naturam animi commotio. Sed in sapientem non cadit auersa à recta ratione animi commotio. Igitur in sapientem non cadit *ῥῆσις*. Ad quæ, ut ex superioribus patere potest, hoc nimirum dicamus, *ῥῆσις* definitionem, qua syllogismi maior propositio nititur, definito angustiore contractionemque esse. Neque enim solum *ῥῆσις*, quam perturbatione hinc ferè semper uertit Cicero, auersam dici à recta ratione contra naturam animi commotionem, sed etiam eam, quæ rectam rationem sequitur, & secundum naturam est: ut ante hæc ipsum etiam genus, quam uirtutum materiam esse dicimus. Quod quidem si animaduertisset Cicero, neque in his deceptus fuisset, neque unquam, quod apud ipsum paulo post sequitur, dixisset: Quocirca mollis & enervata putanda est Peripateticorum ratio & oratio: qui perturbari animos necesse esse dicunt. sed adhibent modum quendam, quem ultra progredi non oporteat. Modum tu adhibes uitio? An uitium nulum est non parere rationi? & cætera quæ ibidem apud
At ij ipsum

ipsum sequuntur. Et Ciceronis quidem hi sunt lapsus à Stoicis, ut diximus, oriundi. A quibus etiam tanquā fontibus Seneca profluxerunt errores: qui libro de ira ad No natum primo, et si multis quidem & uarijs argumentis in Peripateticos inuadit, proficit tamen nihil, omnes eius incursiones atque impetus unica illa eademq; machina, & duarū nimirum homonymia distinctione, haud magno negotio repellente ac reijciente. Nam de hoc cum aut pro facultate usurpatur, aut eius operatione, quam & affectionem seu passionem non raro appellari iam saepe superius diximus, affirmant Peripatetici, quod secundum naturam sit, quod utilis, quod aliqua ex parte retinenda: minime autem de turbulenta, & temeraria, & periculosa illa animi affectione, quam in hoc opere solam, neque uero eam simpliciter, sed summam, ut ex ijs quæ ipsis tribuit symptomatibus & effectibus est uidere, describit Seneca. In qua quidem descriptione, antequā ad reliqua eius progrediamur, id primum occurrit admiratione dignum, quod non animaduernerit, se parum consentanea ijs scribere, quæ paulo post ab ipso subyciuntur. Nam cum multa uehementis iræ indicia in hominibus commemorasset, quasi ad uniuersalius quid reuocato theoremate, sic de animalibus uniuersè subycit: Non uides, ut omnium animalium, simul ad nocendum insurrexerūt, præcurrāt notæ, ac tota corpora solitū quietumq; egrediantur habitum, & feritatem suam exasperent? Spumant apris ora, dentes acuiuntur attritu, tauro-

rum

rum cornua iactantur in uacuum, & arena pulsu pedum spargitur, leones fremunt, instantur iritatis colla serpentibus, rabidarum canum tristis aspectus est. Nullum est animal tam horrendum, tamq^{ue} perniciosum natura, ut non appareat in illo, si ira inuasit, nouæ feritatis accessio. Atqui hac non erant eius, qui Stoicorū impudentiam secutus, contra omnem euentiam, feras ira carere, & omnia præter hominē assereret. Hac enim sunt ipsius uerba, quæ non ita multo post ea, quæ modo recitauimus, sequuntur: sed hominis potius uerecundioris, qui euentiæ ratione habita, ex tam aperta sensibusq^{ue} exposita symptomatum similitudine, ac, ut sic dixerim, identitate affectionem quoque eandem agnosceret: quod sanè hic facit, cum non solum in homine, sed etiam alijs animalibus, ijsq^{ue} potissimum quæ immiores ac feriores sunt natura (causam autem statim subiiciemus) multis iræ notis & indicijs expositis, ad extremum sic quasi cōcludit: Nullum est animal tam horrendū, tamq^{ue} perniciosum natura, ut non appareat in illo, si ira inuasit, nouæ feritatis accessio. Nam cum docere uellet iram, breuem esse insaniam, ut quosdam è sapientibus uiris dixisse inquit, Græcos, an Latinos intelligens ambiguit: certè Horatius in Epistolis iram, furorem breuem esse asserit: & Cato Maior iratum ab insano tempore tantum distare uult: insanorum & iratorum inter se indicia confert, & eadem omnino esse utraque ostendit. Atque hac ratione iræ deformitatem exaggerans,
hanc

hanc omnium affectionum minime occultari posse probare conatur. Quod meo quidem iudicio haud infeliciter facit. Nam sicubi certè abscondi posset, in ijs id usuuenire maxime uerisimile esset, quæ iam antea ex naturali constitutione huiusmodi notas quàm plurimas haberent. Tales autem sunt ferae & immanes beluæ: siquidem in mitioribus, quæ contrarijs informantur symptomatibus, facilius ira indicia efflorescere patet. Cum igitur ne in his quidem intanta similibus symptomatum turba huius notæ latere possint, sed & hic conspicuæ sint & emineant, constat in aperto iram quàm maxime esse positam. Sed hæc, ut diximus, etsi uerissima sunt, quibusq; euidentia omni ex parte attestatur, tamen cum Stoicorum placitis pugnant: in quorum sententiam, sprete cum certissimis argumentis euidentia, leui impulsus ratiuncula. Seneca concedit. Cum enim initio quarti capitis libri primi, iram esse constituisset pænæ exigendæ cupiditatem ex iniuria seu lesione, aut lesionis cogitatione oriundam: ac deinde Aristotelis peruulgatam illam definitionem adiecißet hoc modo Latine redditam: iram esse cupiditatē doloris reponendi: contra utramque, inquit, dicitur, feras irasci nec iniuria irritatas, nec pænæ dolorisue alieni causa. Quæ cum contra omnem rationem, contra communem intelligentiam ac notionem, contra ipsum denique sensum impudentissimè dicantur, tamen Senecam permouerunt, ut priore, quanquam coniecturali, firmissima tamen, demonstratione posthabita,

feras

feras nunc ira carere, & omnia prater hominem concedere. Verum nos minime hoc terremur argumento, neque sinimus talibus nos sophismatibus à vero abduci, si modo sophisma dici possit, cuius falsitas tam cōspicua extat, atque eminet, ut non artifice ad eam deprehendendam oculo, sed vulgari tantum populariq; sensu sit opus. Nam quis quæso adeo stupidus est, ut bestias temere nullaq; de causa incitari & exasperari credat, ac non potius lesione, aut saltem lesionis (iniuriæ enim nomine etiam si communius hic possemus, ob sophistarum tamen importunitatem & calumnias uti refugimus) imaginatione irritatas, cum videat canes dum os aliquod rodunt, si quidem ipsis eripere id quis tentet, aut id suspicentur facere quempiam uelle, illico ringi, nonnunquam & eripientem mordere: si uero nemo ipsis molestus sit, nec infesti quippiam expectent, quiescere, nec ulla commoti animi indicia ostendere. Iam uero nec illud obscurum arbitror sui ulciscendi repetendaq; pœna, & ut Seneca loquitur, reponendi doloris cupiditate sic affectas teneri feras. Id enim ipsum effectus manifestè docet: nam quod Seneca huic quasi tacita obiectioni occurrens inquit, Nam etiam si hoc efficiunt, non hoc petunt. id nullius est penitus momenti, cum contra ipsam evidentiam dicatur: quod ut manifestius appareat, huiusmodi duo, quæ tamen non raro usuuenire solent, fingamus. Sit enim felem in alicuius mulierculæ sinu cubantem, repentino aliquo strepitu exterritam unguis temere atque inconsidera

N te

te dum explicat, eius manum ledere. Rursus laceſſitam
 unguibus alicui in faciem inuolare. Horum ſanè alterum
 præter felis accidit uoluntatem, alterũ uerò minimè. Qua-
 re illic quidem locum habebit id Senecæ: hinc autem nullo
 modo. Quæ quidem cum ita ſe habeant, uel hinc certiſſima
 demonſtratione conficitur, in beſtias non minus, quàm in
 hominem iram cadere, cum & in has pariratione eius defi-
 nitio quadret. Unde & id patet, falſam eſſe Stoicorum
 opinionem, ex qua tanquam hypotheſi hoc dogma pen-
 det, τὰ πάθη nimirum εἰς ῥήσεις, id eſt, affectiones eſſe æ-
 ſtimationes & indicia: quemadmodum rursus, quod om-
 nium horum & conſimilium errorum eſt fundamentum,
 eam, qua in totum τὸ ἀλόγητον τὸ πάθος τῶν ζῴων, id eſt,
 quicquid animæ rationis expers & affectibus obnoxium
 eſt, in nobis tollunt. Sed horum quidem in his falſas opinio-
 nes, in quibus tamen non perpetuò ſibi conſtant, inter ce-
 teros doctiſſimè confutarunt, Calenus in opere illo eximio
 de Hippocratis & Platonis decretis, & Plutarchus in li-
 bello uerè aureo de morali uirtute, ut Poſidonium interim
 taceam, qui contra huiusmodi ut Stoicorum proprias, ita
 non leues ruinas, Stoicus quidem & ipſe, ſed cæteris longè
 tum doctior, tum uerecundior, non uno ſuorum operum in
 loco apertè diſſerit, Platonis in hoc magis quàm Stoicorũ
 adſtipulator. Verum his dimiſſis ad ea rursus Senecæ re-
 deamus, in quibus illi cum Peripateticis certamen eſt, dum
 probare conatur διὰ τοῦ, quem iram uertit, non eſſe ſecundũ

nasu-

naturam, nec utilem, nec aliqua ex parte retinendam. Ex
 primum quidem ostendamus non aliam ipsi quam Cicero-
 ni erroris occasionem fuisse, nominis nimirum *to* *duas* am-
 biguitatis, ut superius est dictum, ignoracionem, ut eadem
 solutionis ratio & in hunc conveniat, qua antea in refu-
 tando Ciceronis argumentis usi sumus. Nam cum proposi-
 tis hunc in modum questionibus, nunc queramus, an ira
 secundum naturam sit, & an utilis atque ex aliqua parte
 retinenda, deinceps disputationem aggrediens subiungit,
 an secundum naturam sit, manifestum erit si hominem
 inspexerimus: quo quid est mitius, dum in recto animi habi-
 tu est? quid autem ira crudelius est? Homine quid aman-
 tius? quid ira infestius? Homo in adiutorium mutuum ge-
 neratus est, ira in exitium. Ille congregari vult: illa discede-
 re. Hic prodesse: illa nocere. Hic etiam ignotis succurrere: il-
 la etiam charissimos petere. Hic aliorum incommodis vel
 impendere se paratus est: ira in periculum, dum modo secum
 deducat alium, parata descendere. & cetera quae sequun-
 tur. manifeste nimirum, id quod diximus, declarat, se alio
 mentem quam Peripateticos retulisse: eoq; non ipsorum
 dogma, sed suam ipsius opinionem labefactat & conuellit.
 Atque hoc quidem ipsi cum Cicerone commune. Illud au-
 tem proprium, quod non tam quod propositum est, conclu-
 dere, quam iram non esse hominis naturam & substantiam,
 probare videatur: quod ipsum non gravate ei Peripatetici
 concedant, qui hominis naturam rationalibus illis supe-

N y rius

rius expositis circumscribi facultatibus, his uero animalis
 statunt. Verum non id erat quod querebatur, sed an du-
 uos quam iram ille dicit, secundum naturam sit. Hoc au-
 tem est, an homini, cum præter id quod homo, animal etiã
 sit, secundum naturam huiusmodi irrationalis facultas
 eiusq; operatio insit. Id enim est quod Peripatetici asserunt,
 minime autem hanc hominis esse naturam. Caterum quod
 hæc Peripateticorum sit sententia, quodq; cum duos, aut
 etiam τὸ δουρὶς, laudant, & secundum naturam esse uti-
 literq; datum asserunt, horumq; similia huic tribuunt, ani-
 mi facultatem eiusq; operationem intelligant, etsi multis
 ex locis doceri potest, in præsentia tamen uno atque altero
 cõtenti erimus, ab eo qui apud Calenum libro De proprio-
 rum in anima cuiusque affectuum dignotione & curatio-
 ne habetur, exorfi. Is enim cum rationẽ quandã ac uiam
 subiceret, qua quis usus et affectus suos agnoscere, & agni-
 tos ingenuo quodam pudore & uerecundia refrenare &
 coërcere posset, inter cetera inquit: Sic enim si feceris, po-
 teris tandem aliquando τὸ δουρὶς οὖς, id est, animosa partis
 in te facultatem, tanquam beluam quandam mãsuetam
 & mitem reddere. Alioqui absurdum fuerit, domitores
 quidem, cum equos feros acceperint, exiguo tempore hos
 mansuefacere: te uero non extrinsecus assumpto animali
 quopiam, sed quæ in anima est facultate rationis experie,
 cum qua perpetuo habitat ratio, eam non posse mitem red-
 dere, si minus repente, at longiori saltem tempore. Didum

autem

autem est uberius ac fusius, in ijs, quos de moribus conscrip-
psimus, commentarijs, quomodo eam quis optimam effi-
ciat, & quod robur quidem ipsius deycere non oporteat, ut
nec equorum & canum quibus utimur, sed potius ad obe-
dientiam, ut & in ijs fieri uidemus, ipsam exercere. De-
monstratum autem tibi & in illis non minus est commen-
tarijs, quae ratione & ipsa hac rursus animosae partis fa-
cultate tanquam auxiliario milite utaris aduersus alte-
ram, quam inducunt ueteres appellarunt philosophi, cum
contra rationem ad corporeas feratur uoluptates. Quibus
sanè Caleni uerbis uniuersa ueterum non Peripateticorum
modo, sed etiam antiquiorum philosophorum de hac animi
facultate sententia breuiter comprehensa est, adiectis etiam
nonnullis, quae huc ueteres induxisse uidentur, argumen-
torum momentis, quae tamen latius aliquāto persequitur,
non de hac solum facultate, sed etiam de tota rationis ex-
perte in nobis natura disserens in libello de Morali uir-
tute, cuius paulo ante mentionē fecimus, Plutarchus. Ad-
scribam autem & eius hinc uerba, quae non paruam uim &
ipsa obtinent ad Stoicorum errores confutandos. Sunt au-
tem haec: Caterum qui mirantur, quomodo rationis expertus
cum sit (intelligit autem id quod superius adduxi appella-
uit, quodq; ratione priuatum propria esse dixit) eidem ta-
men obediāt, mihi sanè rationis uim parum perspexisse ui-
dentiur, quanta sit, & quoad continendo impellendoq; pro-
grediatur, non duris neque praefractis impulsibus, sed soli-

N ij dis

ne, quam & πένος appellari saepe numero iam admonuimus, quæ sit ueterum sententia audiamus, eius tamē prius cōmone facti, quod de qua nunc loquuntur affectione, hanc ut genus accipere debeamus: cui quidem contrariæ accedentes differentia alias duas constituunt species, sed quæ plerunque generis nomine appellantur. Quanquam interdum Peripateticis, quæ castigatæ sunt & moderatæ, ἡσέα, id est, urbana: quæ uerò effrenatæ & indomitæ, ἄγρια πένου, id est, ferae agrestesq; affectiones nominantur. Apud Thea- gem autem, quæ prioris sunt generis, ἡδύ: quæ uerò posterioris, πένου absolutè dicta inuenias: quem sanè in hoc & qui rhetorices præcepta tradiderunt secuti sunt, ut ex Cicerone & Quintiliano patere potest. Plato igitur non de hac solū affectione, sed reliquis etiā consimilibus, quæ generis rationē subeunt, libro De legibus primo, sic loquitur: Hoc autē scimus, quòd hæ affectiones, cū in nobis tanquā nerui aut uincula quadā insint, nos trahāt ac retrahant, sibi mutuo contrariæ ad contrarias actiones datæ, ubi sanè uirtus & uitiositas dispertita consistit. Unum enim iubet ratio semper impulsū sequentem, nec usquam ab eo desciscetem reliquis quodlibet neruis nunc huc, nunc illuc trahere. Hunc autem esse inquit ratiocinationis ductum aureum & sacrum, quæ ciuitatis lex communis dicitur. Alios duros & ferreos: hunc mollem, utpote aureus cū sit, reliquos uerò multiformes illos præstantissimo ductui semper opitulari debere. Nam ratiocinationis præstantis quidem

quidem, sed lenis minimeq³ uiolenta his ministris egere dudum, ut aureū in nobis genus reliqua uincat, & subigat. In quibus Platonis uerbis mirum quanta & quā recondita lateat doctrina. Neque enim solum, cuius gratia hunc adduximus locum, affectus id genus uirtutum esse & uitiorum materiam docet, sed etiam neruorum collatione cuiusmodi materia sit ostendit. Caterum ut commodius quod dico intelligatur, alius aliquāto rem repetentes hoc modo dicamus. Quod in corpore musculi, quos nunc neruos uocat Plato, id quodammodo affectiones in anima: quodq³ rursus illic cerebrum, id hic ratiocinatio est. Ut igitur musculorum hi quidem ad brachij, exempli causa, porrectionem, illi uero ad contractionem, motus nimirum contrarios à natura sunt instituti: ita & affectionum alie ad has, alie ad contrarias actiones sunt datae, omnes tamen si modum seruent, suo & tempore & loco utiles: quod appositè sanè Carminum libro secundo in spe & metu ostendit Horatius cū inquit,

Sperat infestis, metuit secundis
Alteram sortem bene prae paratum
Pectus.

Verum ut in his quidem exacte constat similitudo, ita in illo non parum disidet collatio, quod in affectuum mediocritate animi uirtus, in immoderatione uero uitii consistat: in musculorum autem nec symmetria tantum, nec ametria corporis compositi aut uirtus aut uitium, sed re-

O quira-

quiratur reliquarum insuper partium, similarium quidem commoda temperies, organicarum autem, in dictarum iam partium numero, cuiusq³ magnitudine, conformatione, ac inter se copulatione compositioneq³ convenientia. Nam ut omnes quotquot in corpore sunt musculi rectè sint affecti, fieri tamè potest, ut membrorum motus incommode se habeant, ob alterius alicuius partis in instrumentis affectionem, eiusq³ occasione corpus uitio aliquo laboret. At in anima aliter se res habet. Nam omnibus ad mediocritatem reductis affectibus, fieri nequit ut non in anima uirtus sit. Sed haud facile fortè fuerit in omnibus perpetuam inuenire convenientiam, satisq³ existimari debet, si haec tenus constet similitudo, quatenus ab autore adhibetur, ipsiq³ utilis est. Quanquam & in his quoque similitudo congruit, quòd ut ratiocinationis, ita & cerebri pulsus mollis sit: musculorum autem, ut affectuum, motus ualidissimi, quos duros nimirum eam ob causam & ferreos appellat, quodq³ cerebri mollis minimeq³ uiolenti pulsus his uelut ministris egeat, ut membra pro arbitrio agat & impellat. Eodem enim modo & ratiocinatio affectibus. Atque ex his manifestè constare arbitror, quòd organicam quandam & ministram huiusmodi affectiones naturam obtineant, eaq³ ratione uirtutum sint & uitiorum materia, quòd in harum moderatione & rationi obtemperatone uirtus, in contrarijs autem uitium consistat. Neque uerò hoc loco miretur quispiam, quomodo affectus eos tali honore

honore dignemur, ut uirtutum esse materiem dicamus, quos paulo antè Plato insipientes cōsiliarios appellat. Videntur enim hæc nonnullos permouisse, quorum est & Seneca, ut affectus in totum damnarent & reijcerent: cuius hæc sunt uerba: Sed quidam, inquit, in ira se continent. Utrum ergo ita nihil ut faciant eorum quæ ira dictat, an aliquid? Si nihil faciunt, apparet non esse ad actiones rerum necessariam iram, quam uos quasi fortius aliquid ratione haberet aduocabatis. Verum hi non animaduertunt, aliud esse ut cōsiliarium, aliud ut ministrum aliquid adhibuisse: & quod Seneca quidem adfert, nullo negotio solui potest. Sit enim, ut nihil eorum quæ dictat ira faciant, Horatij monitis & præceptis obtemperantes, qui recte inquit,

-qui non moderabitur ira,

Infectum uolet esse, dolor quod sua serit & mens:

Dum pœnas odio per uim festinat inulto.

ex hoc sanè nullo modo sequitur, tantū abest ut appareat, non esse ad actiones rerum necessariam iram, non magis hercle quàm equos non esse ad currum trahendum necessarios, quia nihil eorū faciat auriga quæ dictat equi. Quamquam in his & similibus translatitiè ac non propriè hæc dicuntur, dictare, suadere, pro eo nimirū quod est incitare ac impellere. Sed ut hoc argumentū cuiusmodi sit, facile perspicitur, ita & quod apud eundē sequitur. Deniq; interrogo, ualentior est quàm ratio, an infirmior? Si ualentior, quō

O y illi

illi modum ratio poterit imponere, cum parere nisi imbecilliora non soleant? Si infirmior est, sine hac per se ad rerum effectus sufficit ratio, nec desiderat imbecillioris auxilium. Est enim & hoc priori quodammodo simile, ut eodem adeo de equis modo dicere liceat. Denique interrogo, ualentiores sunt quam auriga, an infirmiores? Si ualentiores, quomodo illis modum auriga poterit imponere, cum parere nisi imbecilliora non soleant? Si infirmiores sunt, sine his per se ad currum impellendum sufficit auriga, nec desiderat imbecilliorum auxilium. Hec igitur si quis dicat, ut merito audiat: At qui o bone uir, quid tandem inquis? quomodo aurigam equis, & in quo confers? An non animaduertis, aliud equorum, aliud aurigae esse officium: ut illi quidem currum trahere, hic autem ipsis moderari debeat? Quid igitur est quod dicis, Si ualentiores? Neque enim si ad currum trahendum ualentiores sint equi quam auriga, cuius id prorsus opus non est, recte ex hoc concluderis aurigam equos regere ac moderari non posse. Non enim tam uirium quam artis hoc est opus. Freno ori imposito, adhibitoque flagello aut calcaribus, domitos tamen prius & condoces factos quocunque uult impellit. Iam uero & alterum diuisionis membrum quam sit absurdum quomodo non animaduertis? Nam praeter ea quae dicta sunt, ut idem statuamus aurigae & equorum opus, nullo tamen modo recte dicatur, si infirmiores sunt, sine his per se ad currum trahendum sufficit auriga, nec desiderat imbecilliorum auxilium, cum
 sepenu-

Sæpenumero uideamus fortiores ad imbecilliorum opem
confugere, ut Herculem ipsum: qui cum aduersus Hydram
& Cancrum duo sophistica mostra solus pariter pugnare
non ualeret, nepotis sui Iolai, uiribus licet ipso longè inferio-
ris auxilium & implorauit, & abunde expertus est, ut in
Euthydemo refert Plato. Hæc igitur ut merito is audiat,
ita & Senecæ, arbitror, rectè dicatur, utranque diuisionis
partem ipsi uacillare ac claudicare, nec quicquam omni-
no concludere. Et priorẽ quidem propter collationem non
rectè factam, & rationis uim non satis animaduersam:
quam tamẽ cuiusmodi sit, in superius citata oratione satis
ostendit Plato: cum nimirũ non duros & ferreos eius pul-
sus, sed molles & aureos esse asserat. Cuius sanè explicatio
quædam esse uidentur, quæ aliquanto antè ex Plutarcho
sunt adducta. Posteriores uerò, quòd præter alia quæ ha-
bet uiria, etiam cum euidencia & sensu ipso pugnet. Sed
his dimissis ad rem redeamus. Quæ igitur Platonis de hoc
affectuum genere sit sententia, ex iam dictis satis patet: at-
que alijs adeo permultis in locis eadem apud ipsum inue-
nias, quæ huc transferre, præsertim tam multa cum sint,
passimq; obuia, minime uisum est. Quare ad Theagem pro-
grediamur, siue is quæ apud Stobæum ex libro de uirtuti-
bus habentur fragmentorum sit autor, siue, ut nonnulli uo-
lunt, Theano Metapontina seu Thuria, Pythagorea,
quæ & ipsa ad Hippodamum Thuriæ librum de uirtu-
tibus scripsisse traditur: nos certè, ut in præcedentibus, ita

O ij & hic

& hic & in ijs quæ sequentur, sicubi usus postulabit, sub
 Theagis nomine ea citabimus. Is igitur non solum id ge-
 nus affectus uirtutū esse materiam asserit, cum circa hac
 & in his consistant uirtutes: sed etiam illud insuper osten-
 dit, minimè hos esse extirpandos, sed potius ad mediocrita-
 tem redigendos, cum inquit: Oportet autē uirtutem, quæ
 conuenientis est habitus, & affectuū mediocritas, nec pror-
 sus affectibus carere, nec nimium his deditam esse. Nam
 affectionum quidem uacuitas, quàm ἀπαιδευτα Græci nomi-
 nant, tum incitari nesciam, tum instinctus diuini affla-
 tusq̃ expertem animam ad honesti studiū reddit. Εὐπαιδευτα
 uero nos effrenatum & præcipitem affectum non incom-
 mode uerterimus, conturbatam & rationis usu destitu-
 tam. Oportet igitur affectū sic in uirtute leuiter represen-
 tari, & quasi interlucere, ut umbram & lineam in pictu-
 ra. Nam uiuidum illud, molle ac tenerum, quodq̃ uerita-
 tem imitatur cum quadam colorum bonitate ac suauita-
 te, his maxime constat. Viuidi uerò ex incitamento & af-
 flatu uirtutis, quæ secundum naturam, animi redduntur
 affectus. Ex affectibus enim oritur uirtus, orta q̃ cum ijsdē
 consistit: ut id quod ritè contentum est, ex acuto & graui:
 quod temperatū, ex calido & frigido. Non igitur eximere
 ex anima affectus oportet: neque enim id utile foret, sed ad
 id quod conuenientie & mediocritatis rationē obtinet ac-
 commodare. Atque quod hoc quidem loco asserit, adiecta
 tamen nonnulla probatione, idem alibi quoque exquisitijs
 demon-

demonstrat his uerbis: Cum uirtus morum circa affectus uersetur, affectuum autem uoluptas & dolor supremi sint: patet non in eo consistere uirtutem, ut animi affectus uoluptas & dolor extirpetur ac funditus tollantur, sed ad mediocritatem & conuenientiam redigantur potius. Nam neque sanitas, quae commoda facultatum corporis temperies est, in eo consistit, ut frigidum, calidum, humidum, siccum eximantur, sed inter sese contemperentur. Est enim horum quadam symmetria. Neque in musica concentus in eo consistit, ut acutum eximatur & graue: sed in acuti ac grauis conuenientia aptaque coniunctione consonum quidem continetur, expellitur autem dissonum. Calido uero, frigido, humido & sicco rite contemperatis oritur sanitas, perit morbus. Congruentibus autem animositate & cupiditate, uitia quidem & affectus eximuntur, ingenerantur autem uirtutes & mores. Et haec quidem Theagis. In quibus ex similibus quibusdam, sed nobis notioribus, id quod in quaestione positum erat, dilucide probat, non esse nimirum huiusmodi affectus extirpandos, sed ad modum quendam & mediocritatem reducendos. Quam etiam sententiam saepius in libro De morali uirtute, cuius ante mentionem fecimus, repetit Plutarchus. Aristoteles autem libro moralium ad Nicomachum secundo, capite tertio, non pauca in eam quoque disserit sententiam, quod moralis uirtus circa uoluptates & dolores uersetur, & ab his tum augeatur, tum corrumpatur, non eodem modo se habentibus, &
quod


quòd his actiones dirigamus, aliaq nonnulla eòdem ferè spe
 etantia. Caterum quòd sint, præter iam dictum genus affe-
 ctuum, quòd uirtutum & uitiorum materiam esse docui-
 mus, cum ipsi & bene & male adiungi queat, & alij qui-
 dam, hi immoderati & ad malinaturam inclinantes, illi
 uerò castigati & in bonum uergentes, ex Aristotelis se-
 cundo Moralium ad Nicomachum libro manifestè pa-
 tet. Nam capite quidem sexto de priori genere sic inquit:
 Non quæuis autem actio neque affectus cuius mediocrita-
 tis est capax. Quædam enim statim ipso nomine uitiosita-
 tem contentam præ se ferunt: ut *τις κακότης*, quam male-
 uolentiam libro Tusculanarum questionum quarto in-
 terpretatur Cicero, uoluptatemq esse definit ex malo alte-
 rius sine suo emolumento, impudentia, inuidia: & in actio-
 nibus, adulterium, furtum, homicidium. Omnia enim hæc
 & huiusmodi dicuntur eò quòd ipsa mala sint, sed nò quòd
 horum aut exuperantie, aut defectiones. Nunquam itaq
 in his rectè quid fieri inueniatur, sed semper peccari: & cæ-
 tera quæ ibide sequuntur, haud obscure docentia tum actio-
 nes, tum affectus plurimos inueniri, qui mali quidem sunt
 ac uitiosi, cuius occasione nulla ipsorum est mediocritas, ac
 proinde nec uirtus: ipsa tamen idcirco uitia propriè non
 sunt, quòd uirtutes & uitia neque facultates neque affe-
 ctiones, sed habitus esse superius ab Aristotele sit proba-
 tum, ut sermonis in hoc quispiam notetur abusus, sed adeo
 frequens, ut cum ipso propemodum certare usu uideatur,
 cum

cum & hæc uirtutia nominantur. De posteriori uero, eiusdem libri capite septimo hæc inuenias: Sunt autem & in affectibus, & in his quæ ad affectus pertinent, mediocritates. Ue recundia enim uirtus quidē non est, laudatur tamen & ue recundus. Nam & in his, hic quidem medius esse dicitur. ille uero exuperans, ut attonitus, qui ob quauis uerecundatur. Qui autem deficit, aut prorsus pudoris est expers, impudens. Medius autem uerecundus. Nemesis uero, quam indignationem nonnulli uertunt, mediocritas est inter inuidiam & maleuolentiā. Versatur autem circa dolorē & uoluptatē, quæ oriuntur ex ijs quæ proximis accidunt. Nam indignabundus quidē dolet de ijs, qui præter dignitatē ac meritum rebus utuntur secundis. Inuidus uero hunc exuperans, omnia dolet. Maleuolus autē tantū ut doleat abest, ut etiā gaudeat. Neque uero hi solum affectus urbani sunt, sed etiam misericordia, beneuolentia, concordia, amor, & si qui alij sunt huiusmodi: non quòd exquisitè mediocritates sint, sed quòd in boni magis naturam uergant, ut de misericordia statim apud Aristotelem uidere est libro secundo de arte dicendi, ubi nemesis & misericordiā *μετὰ τὸν ἄνδρα* *χρηστὸν*, id est affectiones boni & suauis ingenij appellat. Neque uero hæc Aristotelis tantum est sententia, esse nimirum affectiones quasdam quæ laudabiles sint & bonæ, sed etiam Stoici *ὁρμητικὰς* quasdam constituerunt, easque *τῶν ἀνθρώπων* *ὁρμητικὰς* definierunt: quam sanè ob causam magna animum subit admiratio eorum, stupiditatis dicam, an inconsiderantia.

tia, qui nō animaduerterunt suis parum dogmatibus hæc
 congruere, cum δὲ παρὰ αὐτὴν ὅλην πᾶσι sit quoddam: omne au-
 tem πᾶσι ἰσὺς illis authoribus, sit ἀλλοῦς καὶ παρὰ φύσιν ἡ
 ἡμετέραν. Ita enim fiet, ut in unum idemq̃ ὅς ἀλλοῦς concu-
 rat τὸ δὲ λόγον: quod fieri nullo modo posse uidetur: & alio-
 quiritio postulat, ut δὲ παρὰ αὐτὴν contraria quæpiam καὶ παρὰ
 αὐτὴν opponantur, πᾶσι autem quasi commune quippiam
 ad quodammodo genus in medio relinquatur. Quanquam
 nō sum nescius quid hoc loco pro Stoicis dici possit, nimirū
 ipsos ἡμετέρας has, non δὲ παρὰ αὐτὴν appellasse: argumento au-
 tem esse, quod apud Ciceronem libro Tusculanarū qua-
 stionum quarto Constantia nominentur, cū inquit: Sic
 quatuor perturbationes sunt, tres constantia: quoniam
 ægritudini nulla constantia opponitur. Verum id ita mi-
 nime se habere uidetur. Nam & Plutarchus in libro de
 Morali uirtute hoc modo inquit: Atqui ipsi rursum gau-
 dia illa, uoluntates & cautiones δὲ παρὰ αὐτὴν uocant, nō ἀπαρ-
 τήν, rectè hīc nominibus usi. Fit enim δὲ παρὰ αὐτὴν ratione af-
 fectum non extirpante, sed ornante potius ac dirigente,
 & Diogenes Lærtius in uita Zenonis Stoici. Esse autem
 & δὲ παρὰ αὐτὴν tres inquit, gaudium, cautionem, & uolun-
 tatem. Ex quibus sanè apertè satis cōstat, δὲ παρὰ αὐτὴν has, nō
 ἀπαρτήν à Stoicis fuisse appellatas, quicquid tandem le-
 git Cicero. Verum his dimissis ad rem redeamus. Expli-
 catis igitur & irrationalibus animæ facultatibus, quibus
 animantis natura circumscribitur, eæ restant, quæ quòd

& plantis sint communes à Græcis φύται dicuntur. Hæ sanè in omni deprehenduntur animato, diuidunturq; in eas quæ ad nutritionem, auctiorem, & generationem pertinent, ut alio ostendemus & proprio loco. Nam hic eas explicare minime opportunum arbitror, cum ad Physiologiam artemq; Medicam id magis pertineat. Caterum ut uniuersa hæc facultatum secundum Peripateticos descriptio in conspectu ponatur, tabulam hanc subiiciendam diximus, & Græcè quidem, quòd nonnulla non aequè commode Latine reddantur.

Υπογραφή τῶν δυνάμεων τῆς ψυχῆς.



Atque hæc quidem ex Aristotelis enarrationibus animæ facultatum sumpta est descriptio. In qua duo quæpiam mihi desiderari uidentur. Quæ enim rationis sunt expertes & animalis naturam constituunt, prima diuisione nō in duo tantum, sed tria potius membra secari debebant.

P ij Addis

gè etiam prius. Quod δὲ vox multiplicis est potestatis, de eius prius significationibus hoc loco distinguendum esse videtur, ut appareat, quo genere hic ab autore usurpetur. Δόξα igitur, nunc quidem pro rationali animi facultate accipitur, ut in superiore à Peripateticis facultatum descriptione. Nunc uerò pro huius facultatis quadā seu actione, seu affectione: nam utroque huiusmodi nomine appellari posse superius est demonstratum. Interdum autem & quod opinamur, δόξαν & opinionem uocamus: ceterum hæc est sententia & quadam quasi propositio, id est τὸ δόξαν ὅτι οὐδὲν, καὶ ὅτι οὐκ ἔστιν. Iam uerò & existimatio quæ de aliquo habetur, siue bona, siue mala, δόξα nominatur: sed cū absolutè tamē citraq̃ adiunctionem dicitur, in meliorem ferè partem usurpatur. Itaque & pro nominis celebritate, honore, gloria, maiestate, ceterisq̃ consimilibus non raro accipitur. Tot igitur modis δόξα & opinio cū dicatur, in secunda aut tertia significatione nunc ab authore usurpari uidetur: neque uero facile dixeris, quod ad hunc locum attinet, utra alteri præferenda sit. Nam si ad naturalem respiciamus ordinem, eaq̃ quæ superius sunt à nobis dicta, facultates nimirum, cū inter obiecta sua uersari incipiunt, necessario ab his affici, secundam huic magis congruere loco significationem arbitrabitur. Si uerò ad id quod dicit autor, has assilire & quemlibet complecti, itemq̃ abducere, ad tertiā rursus significationem cogitatione trahimur. Verū scire oportet, quæ his duabus significationibus indicatur, idē

P ij quo-

quodammodo subiecto esse, ratione autem differre: quod ut commodius intelligatur, aliis aliquanto res repetenda est. Sit igitur primò quidem subiecta facultas, ipsa nimirum opinatio. Huic id quod opinabile dicitur, obiectum est: agatque alterum in alterum. Iam sanè ipsum opinabile, quod Græci *δῶξασόν* uocant, fit *δῶξαζ' οὐδ' οὐκ*, id est, quod opinione concipitur, seu opinandum: opinatio autem opinans. Sed quoniam, ut superius est traditum, quæ hoc modo ad se mutuo sunt affecta, in idem cœunt subiectum, hætenusque nihil distant, sola autem ratione differunt, fit ut & opinantis & opinandi eadem omnino sit opinio: sed alterius quidem ut agentis, alterius uerò ut patientis. Quare quod ad hunc certè auctoris locum attinet, commodissimum mihi uideatur, ut *δῶξα* seu opinionem sic accipiamus, tanquam ex secunda & tertia significatione coniunctum quid, & quodammodo compositum. Cæterum quod de opinione est dictum, idem & de cupiditate & uoluptate intelligi uelim, eo tantum excepto, quod uoluptas pro animi facultate non accipitur, ut opinio & cupiditas. Videtur autem opiniones quidem, ut dictum est, parti rationis compoti, uoluptates autem ei quæ rationis est expers obieciße, quod huius eæ proprie esse uideantur. Quam enim cum discimus, aut pulchri quid mente cōtemplamur, delectationem percipimus, eam nō *ἡδονήν*, id est, uoluptatē, sed *δι' ὀφθαλμοῦ* potius, id est, oblectationem seu letitiam, appellandam censent. Utrique autem cupiditates. Nam hoc loco cupiditatis uocem generalius accipientem

dam existimo, ut & Plato non raro usurpat, cum multas quide æstimatricis partis cupiditates esse aßerit: plures autem animosæ: multo autē plures magisq̃ uarias & multiformes tertia partis, quæ ob hoc etiā ipsum secundū quandam exuperantiā generis sibi peculiariter appellationem uendicant. Verum de his paulo post exactius cōstituemus. Nunc quare has mulieres, meretrices, multas, uarias & multiformes faciat autor, intraq̃ portam collocet, inspiciamus. Neque enim quicquam temere ipsis ab autore tribui existimare par est, sed omnia summa cum ratione. Mulieres igitur has fingit, tum natura illarum inconstantiam, tum tenerum illud ac molle & enervatum significare uolens, quod in his manifestè deprehenditur. Meretrices uerò, propter peruulgatam omnibusq̃ expositam earum communicationem. Neque enim ut artes artificum, & scientia eorum qui scientia sunt præditi, propriæ sunt ijsque ueluti addictæ, ita & opiniones, uoluptates, & cupiditates certi alicuius hominum sunt generis, sed omnium planè communes, quod etiam indicat autor, cum inquit has assilire, & quemlibet complecti. Iam uerò ut meretrices uagæ sunt & leuicula, & fucato plerunque nitore commendabiles, fictis officijs & simulata sedulitate homines in sui amore pertrahere conantur, ita & harum uagæ est & dubia natura, adumbratamq̃ potius boni ac ueri quàm solidam & expressam obtinentia speciem, probabilitate quadam ac uerisimilitudine sensuumq̃ bladimentis nos sibi adiun-

adiungere tentant. Multitudinem autem harum cur subi-
iciat, nulli non manifestum: quemadmodum, arbitror, &
cur varias esse ac multiformes dicat. Neque enim aut opi-
nionum, aut cupiditatum, aut uoluptatum unica tantum
est species, sed harum qualibet, in quam maximè varias di-
ducitur formas: quæ quidem non solum inter se sunt diuer-
sæ, sed pleraque etiã contrariæ & pugnantes. Ceterũ quam
obrem intra portam has collocet, id ex superioribus facile
intelligatur, quòd facultates priusquam inter obiecta sua
uersari incipiant, ab his affici non possint. Inter obiecta ue-
rò sua non prius uersari incipiunt, quàm in lucem homo sit
editus. Has igitur meretrices, cùm ingreditur turba, assi-
lire facit, & quemlibet complecti: quod quam uim habeat,
iam antea est explicatum. Quod uerò sequitur, deinde du-
cunt: id quid sibi uelit in sequentibus ostendemus. Ad quæ
priusquam progrediamur, nonnulla explicanda & ex-
cutienda uidentur. Nam primum quidem non immerito
quis ambigat, cur cùm tres sint rationalium animæ facul-
tatum, quas cognitionis superius esse diximus, unius tan-
tum harum seu actionis seu affectionis dicere mauis, nunc
author meminerit reliquis in totũ præteritis. Deinde uerò
qua de causa, cùm tot & tam uarij in qualibet etiam æta-
te animi inueniantur affectus, duorum hic tantum, cupidi-
tatis nimirum & uoluptatis, mentionem fecerit. Ad hæc
& illud fortasse quis quærat, quot omnino sint affectus,
quæque ratione à summis quibusdam generibus exorsi me-
thodo

rhodo hos inuenire possimus. Quod igitur ad primum attinet, scire oportet minime difficilem hanc esse questionem, atque adeo in precedentibus aliquo modo iam explicatam. Habet enim hæc ætas, qua de nunc agitur, cuius principium quidem est ortus ipse, finis autem pubertatis initium, τὸ ἀρχαῖον καὶ ἀκμαῖον, ut autor est Aristoteles, id est, rationis compositionem animæ siue partem, siue facultatem quis dicere malit, inchoatam & imperfectam: ut opinari quidem possit, scire autem & intelligere minime. Quam etiā ob causam quæcunque huic ætati præcepta morum & vitæ traduntur, ea non secundum exquisitam scientiæ rationem, quatenus scilicet materia quæq; & huius sit capax, ipsis proponuntur, sed dialecticis quibusdam, seu potius rhetoricis probationibus suffulta, in summa huiusmodi quæ tenera illa ætas assequi ualeat: cuius sanè sunt generis mythologiæ, paræneses, exēpla, & quæcunque tandem his sunt cōsimilia. Et de prima quidem quæstione hæc hæctenus. De secunda uerò, est autem ea præcedente longè difficilior, illud primum omnium nouisse oportet, affectionum alias quidem esse summas ac ueluti prima quædam genera: alias uerò sub his quasi generibus contineri. Et summas quidem, alios duos facere, ἡδονὴν καὶ πόνον, id est uoluptatem & dolorem, quorum de numero Theages est, ipsumq; secutus Aristoteles. Alios uerò quatuor, ut Stoicos, qui πόρον, id est, metū, & ἐνδομίαν, quam cupiditatem malim quàm libidinem uertere, iam dictis addūt. Qua autem de causa tum hi, tum illi

Q sic

sic senserint, in sequentibus uidebimus. Habent enim utriusque opinionis suae probabilem certè rationem. Quòd autem à Galeno ex ueterum sententia quinque animi affectiones numerentur, in libro de propriorum in anima cuiusque affectuum de iracundia & curatione, λόγος, ὀργή, θυμός, ἐπιθυμία, φόβος, id est, dolor, ira, excandescencia, cupiditas, metus, id quam rationem habeat, ut ingenuè quod sentio dicā, prorsus non uideo, quòd neque has omnes esse sciam (multo enim plures inueniuntur) nec quomodo pro summis generibus habeantur inueniam. Verum quomodocunque de his constitutatur, id est, siue ut Theages & Aristoteles, siue ut Stoici uolunt, aut etiam ut Galenus, cum horum certè nullo nostro conuenit auctori. Nam etsi duas & hic affectiones facit, non tamen easdem, quas illi. Quam igitur nostrum autorem rationem secutum esse dicemus? An Stoicorum uidelicet, ut secundum castigatam ueterum breuitatem, duorum mentione affectuum facta, reliquos quoque ipsis contrarios simul intelligi uelit? Hæc enim mihi maxime probabilis uidetur ratio: quanquam nescio, quid adhuc in commodi in se habeat. Nam aliquanto post, ubi Pæna reliquumque malorum agmen, quod flagitiosos manet, commemoratur, inter cetera doloris quoque fit mentio. An diuersus hic censendus est dolor ab eo quem affectibus, qui uirtutum & uiciorum sunt materia, connumeramus, cum huius quidem nulla sit mediocritas, illius autem aliqua omnino inueniatur? Atque sic quidem explicata quaestio
ne se-

ne secunda, ad tertiam ueniamus, in qua de methodo inueniendorum affectuum agebatur. Et primò quam Stoici secuti sunt, ostendamus: deinceps uerò quam nos maxime legitimam censemus. Stoici igitur definito, ut antè dictum est, affectu, subiectoque, omnes iudicio fieri & opinione, summa horum genera hoc modo producere conantur. Aiunt enim omnem affectum ex opinione aut boni, aut mali, eiusque uel presentis, uel futuri nasci: ita in uniuersum quatuor esse. Ex presentis quidem boni opinione, uoluptatem: futuri uerò cupiditatem. Rursus ex mali, presentis quidem, dolorem: futuri uerò, metum. Caterum hæc etsi ex falsis, ut superius est demonstratum, hypothesis sunt orta, conuenienti tamen ratione ac uia ab ipsis sunt producta. Quas uero deinceps his generibus subiiciunt species, eas, siquidem methodo procedere uellent, partim ex bonorum & malorum diuisione, partim ex opinionis circa hæc qualitate & quantitate, alijsq; nonnullis consimilibus sumere debebant: aut quocunque tandem alio modo ex generalium affectionum subiectis definitionibus producere. Verùm hi tantum abest, ut horum quid fecerint, ut mihi quidem fortuna potius in has incidisse species, quàm artificio aliquo inuenisse uideantur, cum nec omnes, nec ullo omnino ordine eas enumerent, ut taceam interim de nonnullis dubitari etiam posse, an sub proprijs collocentur generibus. Caterum id quod diximus uerum esse, manifestè deprehendet, qui uel

Q. y Zeno.

luptas. Verum hoc loco animadvertere oportet, hanc quidem presentis boni opinionem, tum veram, tum falsam esse posse: affectiones autem reliquarum partium, ei vel respondere, vel ipsa maiores minoresue esse. Si quidem igitur vera sit opinio, respondeant autem ei aliarum partium affectiones, sit in aestimatrice quidem $\alpha\upsilon\tau\acute{o}\tau\eta\varsigma$, in reliquis autem partibus $\epsilon\upsilon\pi\acute{\alpha}\delta\epsilon\alpha$. Sin falsa altero manente, aestimatrice $\alpha\upsilon\tau\acute{o}\tau\eta\varsigma$ tantum fuerit: quod vero ad alias animae partes attinet, nihil perturbationis deprehendas. Rursus autem sit vera quidem quam diximus boni opinio, sed vel animosa partis, vel eius in qua cupiditas residet, vel utriusque, huic non respondeat affectio: tum sanè ab errore quidem animus est liber, affectu tamen vitioso laborat: neque vero hoc tempore animosa partis $\epsilon\upsilon\delta\upsilon\mu\acute{\alpha}$ rectè dicitur (est enim hac eius bona quadam habitudo) sed potius, si quidē opinione maior, tumor seu elatio, quam Graeci, ni fallor, $\chi\alpha\upsilon\upsilon\acute{o}\tau\eta\varsigma$ uocant. Quod si autem $\epsilon\varsigma$ falsa quidem sit boni presentis opinio (uoco autem falsam, non solum quæ id quod malum est, bonum esse statuit, sed etiam eam quæ circa qualitatem eius, aut quantitatem, aut aliam quampiam conditionem aberrat, eiq; insuper vel alterius rationis expertis animae partis, vel utriusque non respondeat affectio) tum sanè $\epsilon\varsigma$ $\alpha\upsilon\tau\acute{o}\tau\eta\varsigma$ $\epsilon\varsigma$ $\alpha\upsilon\tau\acute{o}\tau\eta\varsigma$ in animo fuerit. Neque vero has solum affectionum differentias est inuenire, sed etiam huiusmodi, ubi inter se animae partes manifestè dissideant, de quibus cum ad eum auctoris locum per-

peruentum fuerit, ubi de huiusmodi agit affectibus, copiosius disseremus. Nunc quod institutum est prosequamur. Quemadmodum igitur ex praesentis boni opinione hasce affectiones produximus, ita & ex futuri alias quasdam & totidem producemus. Simili autem ratione & ex mali tum praesentis, tum futuri opinione. Sed enim hoc loco querat forte aliquis, cur bitemporē, ac non potius tritemporēam instituerimus diuisionē, cum ex recordatione quoque praeteritorum tam malorum quam bonorum non paucae oriri affectiones uideantur: unde & apud Maronem inquit Aeneas, -forsan & hac olim meminisse iuuabit.

& Cicero certē, Habet enim, inquit, praeteriti doloris securam recordatio delectationem. Verum nouisse oportet, quae praeterita sunt, recordatione quasi praesentia fieri, eoque qui hinc oriuntur affectus, eosdem omnino cum iis esse, quos praesentis boni malive opinio creat: quod sanē ex Cicerone, libro De oratore ad Quintum fratrem tertio est intelligere, cum inquit, Acerba sanē recordatio ueterem animi curam molestiamque renouauit. Et ex boni quidem malive tum praesentis, tum futuri opinione tot sumantur affectionum differentia. Rursus autem non paucae ex eius quod uel boni uel mali causa esse existimatur opinione, oriri possunt affectiones: quas omnes hic persequi neque necessarium esse existimo, neque huic instituto conuenire. Methodum enim harum inueniendarum nunc ostendere, non autem ipsas producere & explicare est animus. Atque haec quidem

dem sunt & huiusmodi, quæ ex eius, quod nobis bonum malumue esse arbitramur, itemq; causæ eiusdem opinione oriuntur affectiones. Ex eo autem quod alteri bonum aut malum, aut eius causam esse existimamus, multo etiã plures sumantur, non ea solum ratione quæ modo exposita est, sed etiam dum perpendimus, quomodo tum erga illos affecti simus, tum illi inuicem erga nos. Affectos autem cum dico, non solum id intelligi uolo, amico an inimico in illos animo simus, an illi in nos: sed etiam societatis humane gradum, quo ipsis iuncti sumus. Exempli causa, sit ut filio mali quid accidere quis existimet, idq; præter ipsius culpã & meritum. Nam huius quoque & contrarij habenda est ratio, & si quid his etiam sit finitimum. Hic sanè in patre orietur affectio, quam Græci ἀγαπᾶν uocant, nos indignationem reddere possumus: quoniam erga filium non aliter affectus est, atque sui aliquid. At idem id si noto quidem alicui accidat, sed cum quo non nimis arcta colligatio ipsi est, iam non hic, sed alius creabitur affectus, misericordia nimirum. Atque hæc quidem in uniuersum methodus est, qua affectiones sunt producenda, quæque ueterum præstantissimi aliqua ex parte usi esse uidentur, alij quidem apertius, alij uerò obscurius. Sed nunc tempus est ut ad autorem nostrum reuertamur, apud quem hæc deinceps sequuntur:

Quonam uerò abducunt? Aliæ quidem ad salutem, inquit, aliæ uerò ad perniciem, propter seductionem. O uir admirande, quàm molestam potionem narras.

Cum

Cum & opinionum, ut superius diximus, alia quidem sint uera, alia uero, quarum longè maxima est turba, falsa: & cupiditatum ac uoluptatum, hæc quidem naturales, necessariae & uiles, illa uero, & quidem plurima, contra naturam, inanes & perniciose, cuius intelligere promptum est, illas tum opiniones, tum uoluptates & cupiditates ad salutem nos ducere, has uero in perniciem agere: idq; est quod interroganti nunc respondet hospiti senex. Quod uero additur, propter Seductionem, huiusmodi est, ut eius poculum in causa esse intelligamus, quod pro ueris falsa, pro solidis expressisq; adumbrata, pro salutaribus noxia amplexemur. Quare non immerito hospes hoc poculum χαλεπὸν appellat, nos molestum uertimus. Posset autem & periculosum reddi, quod hæc uox πολύσπουρος sit, ut nunc seuum, nunc molestum, acerbum ac difficile, nunc atrox, nonnunquam & periculosum significet. Caterum etsi hoc quidem est opinionum, cupiditatum & uoluptatum, quod modo diximus, discrimen, tamen huic præsertim teneræ ætati, quæ de nunc agimus, hoc ipsum dinoscere difficile est, quo fit ut omnes ipsi promiscuè adblandiantur, quod & ostendit senex cum inquit:

Et omnes certè quidem, inquit, ad optima se nos ducturas esse profitentur, & ad uitam beatam, & bonis omnibus perfectam cumulatam. Illi uero propter ignorantiam & errorem, quem à Seductione hauserunt, quænam uera in hac uita sit uia non inueniunt, sed temere oberrant: quemadmodum uides & eos qui prius ingrediebantur,

R huc

huc illuc circumduci, quocunque ipsæ commonstrent.
Hoc, inquam, uideo.

Minimè mirū esse uideatur, si in hac ætate lubrica & incerta constitutis hoc quod ab autore describitur usuueniat, ut nimirum & falsa his uera esse uideantur, & inania & superuacanea necessaria ducant, & noxia pro utilibus consecrentur, cum id temporis sua & propria ratione aut destituantur, aut certè eam imbecillem & imperfectam obtineant, ut aliena potius quàm sua ratione ducantur. Unde non minimi ad uirtutem esse momenti existimamus, si hæc ætas idoneos nanciscatur institutores & doctores, ut & ueris opinionibus statim à tenera ætate imbuantur, & ijs gaudere & dolere, ut inquit Plato, quibus oportet, assuescat. Est enim hæc uera institutio, certaq; ad uirtutem perueniendi uia. Quod si cui non contingat, ut maxima hominum parti non contingit, hunc uia ignoratione temere oberrare necesse est, & nunc huc, nunc illuc circumferri quocunque auocare opiniones, cupiditates & uoluptates uideantur. Neque enim, ut inquit senex, propter ignorantiam & errorem quem à Seductione hauerunt, cuius uis antea explicata est, ueram uiuendi rationem intrare possunt, cum nec de fine rectè constituere, nec de ijs, quæ ad finem perducunt, ualeant, ut merito Persy hoc audiant:

Est aliquid quò tendis, & in quo dirigis arcum?

An passim sequeris coruos testa q; luto q;

Securus quò pes ferat, atque ex tempore uiuis?

Ac

Ac ab ipso quidem ortu ad eam etatem usque, qua actio-
 nis homo compos redditur, ac propriae rationis usum habe-
 re, suiq; quodammodo iuris, inq; sua potestate esse incipit,
 hac uita humana est ratio lubrica planè, incerta & flu-
 tuans, nec uirtutis adhuc, nec uitij particeps, eoq; nec bo-
 ni nec mali in hac etate constitui fuerint. Qui uero alter-
 utrum esse dicuntur, non quòd nunc tales sunt, hoc nomi-
 ne gaudent, sed propter eam quam de se praebeant spem, &
 ad uirtutem aut etiam contrarium habitum indolem. Et
 hic quidem secundi commentariorum libri finis esto: in quo
 etsi quae ad primum ambitum pertinent omnia pertractare
 constituueramus, quia tamen in nimiam excreuit molem,
 reuocato calculo aliter facere uisum est, & quod
 primi restat ambitus tertio commen-
 tariorum libro explicare.

In Cebetis Tabulam commentario
 rum libri secundi finis.

R ij Iusti

quam diximus, imbecillitatem fragilitatemq: cum uero ad summum fuerit peruentum, expedita & facilis. Altera uero contra, propter eam quam ad malum habemus propensitatem & propensionem, à principio quidem accessu facilis, & ut sacra loquuntur liera, lata & spatiofa, sed cuius extremum in miseriam desinat & calamitatem. Noster uero autor ad id quod maxima ex parte usque uenire solet respiciens, non autem ad id quod rarum ac supra communem & humanam sortem esse uidetur, & heroibus quibusdam & semideis contingere fortasse potest, non statim in eunte adolescentia gemina mentionem uia facit: sed alteram tantum, ut dictum est, prosequitur, quae ad infelicitatem pergitur: ac sic demum nonnullis paenitudinem occurrere facit, quae ad binium hoc reuocato homine, alterius itineris ueram ipsi opinionem & cupiditatem rectam duces adiungit. Quare una quidem & consentiens tum Pythagorae, tum nostri autoris hac in parte doctrina est, summam si quis spectet, particularibus tantum quibusdam scopis distincta. Sed his quidem explicatis ad autorem progrediamur, cuius haec sunt uerba.

Sed illa quanam est mulier, quae ueluti caeca & insana esse uidetur, & in lapide quodam globoso insistit? Vocatur, inquit, Fortuna. Caeterum non modo caeca, sed etiam insana & surda est.

Quae hoc loco ab authore dicuntur, rectius, ut arbitror, intelligantur, si prius quidnam sit fortuna explicetur: &
sine

sitne hac omnino aliquid, an uerò inane tantum nomen, cui res nulla sit subiecta. Videmus enim ueterum hic maxime uariare sententias, alijs quidem hanc penitus è medio tollentibus, & omnium rerum certas quasdam & definitas causas reddere conantibus: alijs uerò, omnia fortuna fieri asserentibus, adeo ut mundi huius eiusq; partium tum ortum, tum conseruationem, adhuc & summo ordine factas motiones anniq; temporum uicissitudines, & quaecumque aliae sunt statè eodemq; modo aut semper, aut ut plurimum se habentes rerum mutationes ipsi tribuant, omni penitus sublata prouidentia, ac semel scientijs omnibus & artibus funditus euersis. Sunt & qui inter hos medijs, nec omnia fortuna fieri asserant, neque tamen nulla: quorum nec ipsoru una est oratio, cum alij plus, alij minus fortuna tribuant: quoru omnium particulatim nunc referre sententias minimè necessarium arbitror. Cum igitur fortuna fortuitorum quaedam causa habeatur, fiat autem sepe numero ut ex effectu cognoscatur causa, & rursus ex contraria contrarium: ab artificioso & prudenter facti (hoc enim fortuito ut contrarium opponitur) notione exordiamur. Erit enim hoc commodissimum totius huius disputationis initium. Quòdnam igitur artificiosè & prudenter factum esse dicimus? An non in quo partes omnes accommodatae exquisitèq; congruentes ad eum sunt usum, cuius gratia sunt factae? Sic enim uidemus omnes homines pronunciare, non sanè edoctos, sed natura huiusmodi notione in animis

mis habentes. Sed horū ipforum quæ sic facta esse dicimus, alia quidē semper eodem modo sunt, alia uerò ut plurimū, nonnunquam uidelicet aliquo errato interueniente. Verū hac si artificiosè prudenterq̃ facti sit notio, fortuitum nimirū fuerit, quod ipsum quidem, et si alicuius gratia factū nō est, ita tamen in uno alteroue accidit, ac si eius ipsius gratia fuisset institutū. Unde non immerito Aristoteles fortunam causam per accidens esse statuit in ijs quæ secundū electionem alicuius fiunt gratia. Item indefiniti eam esse, inquit, hominibusq̃ incertam. Atque adeo si quis diligenter, quæ secundo de Naturali auditione libro ab Aristotele de fortuna disseruntur perpendat, inueniet profectò nihil aliud eam esse, quàm priuationem quandam, & cōsiliij prudentiæq̃ ac omnino rationis inopiam. Neque uero hoc genere fortunam aliquid esse constituisse absurdum uideatur, sed rationi uel maximè consentaneum, ut ex ijs, quæ iam dicta sunt, aliquo modo constare potest: quanquam clarius & ex sequentibus intelligitur. Caterū ipsam uel deam facere, uel alio quopiam modo in causarum numerum referre, aut omnino aliquid esse statuere, præter omnem rationem esse uidetur. Atque hoc quidem ipsum & ueterū plerique tum Poëtarum, tum Philosophorū, & noster certè autor significare uelle uidetur, dum ipsam cecam facit, insanam & surdam. Sed operæpretium existimo horum singula, quæ ab autore fortune tribuuntur, quid sibi uelint diligētius examinare. Primum igitur omnium eorum

quæ-

quædam, inconstantiam eius & mutabilitatem, quædam
verò temeritatem & amentiam, & omnino, ut diximus,
cōsiliy & rationis inopiam nobis representant. Nam quod
mulier esse fingitur & in lapide globofo insistere, ipsius mu-
tabilitatem & inconstantiam: quod verò cæca, insana &
surda, temeritatem & amētiam. Neque enim quisquā est
qui ignoret muliebri in genere sexui inconstantiam ferè
tribui, ut virili constantiam. Sed & hoc uel sensui manife-
stum, nullam figura sphaerica uolubiliorem esse, ut rursus
firmiorem ac stabiliorem nullam cubica. Caterum quod
ad insaniam pertinet, id certè constat, quod mentis & ra-
tionis quædam sit priuatio. Et quoniam uisus & auditus
præcipui sunt ad sapientiam comparandam sensus, quod
horum altero plurimas rerum differentias percipiamus, al-
tero uerò ad institutionem & doctrinam utamur, ut omni-
no nullus prudentiæ & consilio locus uideretur reliquus,
& hos ipsi sensus ademit autor. Atque ex his omnibus id
quod superius dictum est, manifestè patet, non antea fortu-
næ locum esse, quàm ad eam ætatem sit peruentum, qua ra-
tionis usum homo iam habere incipit, & actionis compos
redditur, quod non prius priuatio alicui propriè tribua-
tur, quàm cum, quo tempore aliquid quis natura habere
deberet, id ipsum non habeat. Et hæc mea quidem senten-
tia eorum quæ fortunæ tribuuntur uis est & significatio.
Quamquam non ignoro horū quædam aliter ab alijs expli-
cari, inter quos est & Pacuvius, cuius hæc uerba subijciā:

S Fortu-

Fortunam insanam esse, & cacam, & brutam perhibent philosophi,

Saxoq̃ instare globo so prædicant uolubili.

Ideo quò saxum impulerit, eò cadere fortunã autumat.

Cacam, ob eam rem iterant, quia nihil cernat quo sese applicet.

Insanã autẽ aiunt, quia atrox, incerta, instabilisq̃ sit.

Brutã, quia dignũ atq̃ indignũ nequeat inter noscere.

Sed de his quilibet ut uolet statuatur. Illud autem non solum philosophis notum esse uidetur, hominis amentiam consiliq̃ inopiam, aut fortunam, aut certe huius præcipuam esse causam (quod ex Poli dictis ab Aristotele libro primo *ἡ μετὰ τὴν φυσικὴν ἀκρίβειαν τῆς φύσεως ἀκρίβεια τῆς φύσεως* id est, nam experientia quidem artem produxit, imperitia uerò fortunam) sed etiam Poëtis, inter quos Iuuenalis Satyra decima sic fortunam alloquitur:

Nullum numen habes, si sit prudentia: sed te

Nos facimus fortuna deam, cæloq̃ locamus.

Nam hoc modo locum hunc legendum existimo, etiam si in plerisq̃ exemplaribus aliter scriptus inueniatur, ut prius illud sic se habeat, Nullum numen abest, si sit prudentia. Quæ etiam lectio, quanquam alteram germanam magis arbitror, constare potest, quòd tota hæc satyra ad Stoicorũ sententiam scripta uideatur, quorum hoc arrogatissimum est dictum, Quod uiuimus, id deorum munere habemus: ut

autem

autem bene & beatè uiuamus, id totum in nostra situm est potestate. Sed his explicatis ad ea progrediamur, quæ apud autorem sequuntur.

Huius igitur quòdnam est opus? Circumit quaqua uersus, inquit, & his quidem facultates eripit, alijsq; largitur. Ab iisdem autem rursus statim aufert quæ dederat, & alijs temere & inconstanter donat.

Fortuna præmissa descriptione, deinceps quòdnam eius sit opus ostendit: atque id quidem breuiter, sed tamen expresse. Inquit enim ipsam circumire quaqua uersus, & his quidem facultates eripere, alijs largiri. Rursus ab iisdem statim auferre, & alijs dare, sed omnia hæc inconsulto & temere facere, atque adeo parum constanter, quod huiusmodi causæ per accidens maximè conuenit. Neque uerò diuersa ab his, sunt, quæ fortuna libro Tristium quinto assignat opera Ouidius, cum inquit:

Pasibus ambiguis Fortuna uolubilis errat,

Et manet in nullo certa tenaxq; loco.

Sed modo lata manet, uultus modo sumit acerbos,

Et tantum constans in leuitate sua est.

Atque hoc loco mihi perpendas uelim, quomodo fortunæ delineationi huiusmodi maximè respondeant opera. Nam cum mulier esse fingatur, & in globoso insistere lapide, ad hæc & cæca, no mirum, si nunc hue, nunc illuc temere circunferatur. Rursus cum cæca, insuper autem insana & surda, quæ possit dignum atque indignum internoscere?

S i qui

qui iudicio sua distribuere? qui in eius muneribus perpetui aliquid esse? Verum de his plura à nobis postea dicentur, eo nimirum loci, ubi rursus sub finem ferme tabulae fortunae mentionem faciet autor. Nunc quoniam temere & inconstanter sua largiri dixi munera fortunam, quod id etiam ex delineatione eius intelligere sit, docet, cum inquit:

Quapropter & hæc nota pulchrè eius naturam indicat. Quænam illa, inquam ego? Quod in globoso lapide insistit. At hoc quidnam tandem significat? Nec tutum nec stabile esse quod ab ipsa proficiscitur donum. Casus enim magni & acerbi incidunt, cum quis ipsi fidem habeat.

[Quæ hic ab autore dicuntur, manifesta sunt, nec explanationis indigent. Caterum quas *ἐκ τῶν αἰσ* uocat, nos casus uertimus, quod hæc uox illi maximè respondere uideatur. Sunt enim *ἐκ τῶν αἰσ*, ut uocis ratio indicat, ut cum quis secunda fortuna usus subito hac excidit, quas tum casus, tum ruinas Latini appellare solent. Quod uerò inquit, si quis fidem habeat, perinde ualet, ac si dixisset, si quis omiſſa ratione & prudentia ab ipsa dependeat. Et sic quidem fortuna delineata, eiusq; assignato opere, deinceps ad Comites eius, id est, qui ab ipsa dependent, progreditur, & cuiusmodi hi sint tradit.

Turba uerò hæc plurima quæ ipsam circumstat, quidnam sibi uult, & qui uocantur? Vocantur hi quidem inconsulti: petit autem horum quilibet quæ à fortuna proſiciuntur.

De ijs qui fortunam circūstant, duo quæpiā interrogat hospes.

hospes. Prius quid sibi uelint: posterius qui uocentur. Ad quorum posterius, prius respondet Senex, & inquit, ipsos Inconsultos uocari, quod apud hos demum locum habeat fortuna, qui inconsiderata sunt temeritatis, ut in superioribus etiam est dictum. Nam qui omnia consilio & ratione instituunt, hi fortunā aut penitus excludunt, aut quā minimum certē ipsius temeritati reliquunt. Quandoquidem, & hoc merito quis dubitet, an talia quæpiam in uita sint hominum, quæ consilio regi nequeant. Videtur enim id ipsum non solum poetis (ut Terentio, apud quem in Eunucho sic Parmeno loquitur:

Here, quæ res in se neque consilium, neque modum

Habet ullum, eam consilio regere non potes.

In amore hæc omnia insunt uitia, iniuriæ,

Suspiciones, inimiciæ, induciæ,

Bellum, pax rursum: incerta hæc si tu postules

Ratione certa facere, nihilo plus agas,

Quām si des operam, ut cum ratione insanias.)

sed etiam philosophis, quorum non pauci fortunam cum uirtute coniungunt, ad humanæ uitæ eiusq; actionum perfectionem: inter quos Crito est, Hippodamus Thurinus, Euryphamus Pythagoreus, Aristoteles, & tota Peripateticorum schola. Cum enim homo hoc quidem habeat in se diuinum & immortale, illud uerò mortale & caducum: diuini quidem illius ratione, inquit, uirtutis & prudentiæ est capax: mortalis uerò occasione fortuna subiectus.

S ij Sta-

Statuunt autem horum alij, quam rationem habet anima ad corpus, eandem habere uirtutem ad fortunam: Et uirtutis quidem esse fortuna recte uiri, fortuna autem sui usum uirtuti praebeare. Crito autem & eiusdem quidem est & ipse sententia, sed aliam quampiam ex mathematicis, utpote in his uersatus, adhibet similitudinem. Subijciam autem eius hic uerba, quae sanè breuiter multa cōplectuntur.

Φρόνησις καὶ δὴ τυχεὶ ὡς ἐχούσι πῶς ἀλλήλα. φρόνησις μὲν, τὸ ἔμπειρον ἐπὶ τοῖς λόγοις καὶ πράξεσιν. τυχεὶ μὲν γὰρ πᾶσι ὁρίσασθαι ἐν πᾶσι. δὴ τυχεὶ ἡ, τὸ ἀρξάναι καὶ τὸ ἀλγεῖν. ἀτακτοὶ γὰρ πᾶσι καὶ ἀόριστοι ἐν πᾶσι. καὶ τὸ μὲν ἀρχῆ καὶ δυνάμει πράττειν. τὸ δὲ ἀρχῆ καὶ δυνάμει ὕστερον. τὸ μὲν γὰρ κυβερνᾷ καὶ ὁρίζεται πρὸς τὸ τέλος. τὸ δὲ κυβερνᾷ καὶ ὁρίζεται. λαμβάνοντι μάλιστα τὴν συνάρμοσιν ἀμφοτέρων. φρόνησις καὶ δὴ τυχεὶ εἰς τὰν τὸ συνδραμόσας. αἱ γὰρ δὲ τὰ μὲν ἔμπειρα καὶ λόγοι καὶ πράξεις φύσιν, ἔχει ὅτι περαινέται καὶ συντάττει. τὰ δὲ ἀρξάναι καὶ ἀλγεῖν, ἔχει ὅτι περαινέται καὶ συνταχθῆναι. ἔχει γὰρ ἐν τῷ λόγῳ καὶ πᾶσι, ὅτι τῆς ἀφ᾽ ἑαυτοῦ φύσεως καὶ τῆς περαινέσεως. τὰ μὲν γὰρ ἀφ᾽ ἑαυτοῦ, φύσιν ἔχει περαινέσθαι καὶ συντετάχθαι ὡς τῶν λόγων καὶ πράξεων καὶ φρόνησιν. ὕστερον γὰρ ἐπὶ τῆς ἐχούσι τάξι. τὰ δὲ περαινέσθαι, ἐξ αὐτῶν συντετάχθαι καὶ ὁρίσθαι, τέχνης γὰρ καὶ αἰτίας ἐνεργητικῆς ἐπὶ τῇ τάξει. id est,

Prudentia & secunda fortuna sic ad se mutuo sunt affecta: ut prudentia id sit, quod certum est, & rationem habet. Nam ordinatum quoddam ac definitum est. Secunda uero fortuna, incertum & irrationale. Inordinatum enim quoddam & indefinitum est. Et illud quidem origine ac potentia prius: hoc uero origine & potentia posterius. Nam illud quidem gubernare & definire natura solet: hoc uero gubernari & definiri. Atenim conueniunt, si-

bis

biq^{ue} mutuo hæc ambo adaptatur, in idem concurrente prudentia & secunda fortuna. Nam semper, certam quãq^{ue} ratione habentem naturam, quod determinet & ordinet habere oportet. Incertam autem & irrationalem, à quo determinetur & ordinetur. Nam in omnibus sic se res habet de infinita & finiente natura. Quæ enim infinita sunt, ut determinetur & ordinentur ab ijs, quæ ratione & prudentia sunt prædita, naturam habent idoneam, utpote cum materia & substantia rationem obtineant. Quæ uerò determinant, ut ab ipsis ordinentur & definiantur, cum artis & causæ efficientis locum sibi uendicent. Sed hæc quidem posteriora philosophorum, non id, de quo dubitatur, probare uidentur: sed illud potius ostendere uelle, ad humanas actiones & operationes utrunque concurrere necesse esse uirtutem & fortunam, sed ita ut fortuna quæpiam ueluti materia sit, circa quam se uirtus explicet, aut certè organica causæ rationem subeat, ut & ab Aristotele libro Moralium ad Nicomachum primo docetur. Quanquã ita mihi ambigüe nonnulli ex ijs, quos modo commemorauimus, loqui uidentur, ut sæpenumero dubitem, anne præstantiorem aliquam planeq^{ue} diuinam causam seu τὴν θεοῦ seu θεοῦ ὁμοιωμένην nomine significare uelint. Hippodamus enim Thurius cum eorum, qui perfecti censentur, duo genera fecisset, & alios quidem secundum naturam perfectos esse dixisset, bonos nimirum solos, quiq^{ue} uirtute præditi sunt: alios uerò secundum uitam, qui non solum boni sunt, sed etiam beati,
hæc

hac deinceps subijcit. Nam beatitudo quidem, uita huma-
na est perfectio. Vita uero humana, actionum coniunctio
ac congregatio. Ipsa autem beatitudo, actiones absoluit, &
ad exitum perducit. Caterum absoluit actiones uirtus &
fortuna: quo ad usum quidem, uirtus: quo ad directionem
autem, fortuna secunda. At enim deus neque uirtutem
ab aliquo doctus, bonus effectus est, neque fortuna adiutri-
ce, beatus. Natura enim bonus est, & natura beatus: sem-
perque & fuit & erit, nec unquam talis esse desinet, incor-
ruptus cum sit, & natura bonus. Homo autem neque natu-
ra bonus est, neque natura beatus: sed disciplina & prou-
identia indiget: ut bonus quidem reddatur, uirtutis: ut ue-
ro beatus, secunda fortuna. Ex quibus, si quid ego iudico,
manifeste constat, uirtute praestantiorē causam ab ipso
haberi fortunā, quam modo τὸ χεῖρον, modo δὲ τοῦ χείρον appellat:
& tanto certē praestantiore, quanto bonitate beatitudo est
superior. Sed & sequentia idem quodāmodo probare uiden-
tur, ubi uirtuti, laudem: secunda uere fortuna, μακαρίσιν μόνον,
id est (ut quā proximē reddamus) beatificationē tribuit.
Neque uero id mirum uideri debeat, cum, mea quidem sen-
tentia, per τὸ χεῖρον & δὲ τοῦ χείρον, non huiusmodi causam, per ac-
cidens, cuiusmodi superius descripsimus, intelligat, sed po-
tius πρὸ νοῦ, id est, prouidentiam omnia regentis & guber-
nantis dei, ut ex eius uerbis à me citatis est intelligere, in
quibus μακάριον & ἀρετήν, id est, disciplinam & uirtutem,
rursusque πρὸ νοῦ & δὲ τοῦ χείρον, id est, prouidentiam & secun-
dam

dam fortunam aut pro eodem usurpat, aut certè ut alterum alterius sit causa. Nec obstat quod apud eundem autorem statim sequitur, uirtutem quidem, propter diuinam conditionem nos habere: bonam autem fortunam, propter mortalem. Immo uerò etiam hoc nostram magis confirmat opinionem, si quis rectè, & ut oportet, auctoris uerba intelligat. Inquit enim hominem duplicis conditionis & naturæ participem esse: diuinæ, & mortalis: & illius quidem occasione, uirtutis, quæ actionum est domina, capacem esse: huius uero, fortune: idem autem est ac si diuina providentiæ dixisset, quod hæc rerum euenta, quæ in rebus agendis & efficiendis maxima à Socrate apud Xenophontem libro *ἡ ἀπομνημονεύει ἀπὸ τοῦ πρώτου* primo uocantur, sibi potissimum reseruauit, subiectum esse. Caterum huic nostræ expositioni suffragari uidentur, quæ deinceps subicit Hippodamus. Apponam autem eius uerba Græca à nobis integritati suæ restituta, quòd lectio hoc loco deprauata uideretur. *Ἐξήρτηται δὲ, inquit, τὰ μὲν θνατὰ, ἀπὸ τῶν θεῶν, καὶ τὰ ἐπὶ γῆς, ἀπὸ τῶν ἀνθρώπων, τὰ δὲ χεῖροντα, ἀπὸ τῶν βελτιόνων. καὶ οὕτω τὸ ὁ μὲν ἐπὶ ὁμοίων τοῖς θεοῖς, ἄγαθος ὁδοῦται: ὁ δὲ ἐπὶ ὁμοίων τοῖς θνατοῖς, κακοῦται.* id est, Pendunt autem mortalia quidem ex dijs, & quæ in terra sunt ex cælestibus: deteriora autem ex præstantioribus. Eamq; ob causam qui deos sequitur, bonus cum sit, beatus redditur: qui uerò mortalia, miser. Ac hæc quidem de fortuna philosophorum sunt sententiæ, ut quispiam existimauerit, nec inter se, nec cum autore nostro consentientes:

T ut rei

ut rei autem ueritas habet, & uera omnes, & sibi mutuo consentanea. Nam cum τύχη, id est, fortuna multis dicitur modis, & nunc quidem sic accipiat, ut in rationis & consilij priuatione tota consistat, causaq; per accidens sit, qua ratione arti & providentiae opponitur, ut in hoc problemate, ποῦ ἔστι τύχη τῷ τὰ νῦν τῶν ἡσυχῶν διοικῆσαι ἢ προνοίας, id est, utrum fortuna quapiam mundus gubernetur, an providentia. & Claudiam illo, Fortuna nō arte regi. nūc uerò, pro externis appellatis bonis, quāq; in his sunt uicissitudines & uarietates: interdum autem & pro euentu & negotij cuiuslibet exitu, qui etsi consilia actaq; plurimū sequitur, nec ferè citra labores prosper occurrere solet, unde rectè in Electra Sophocles,

πῆντε τοι χαρὶς ὁδὸν βύτυχῃ.

tamen, ut rectè à Socrate est dictum, maximam partem ex diuini pendet numinis arbitrio: cum quidem in prima significatione accipitur, merito ea ipsi tribuuntur, quæ apud nostrum habentur autorem. Cum uero in secunda, uidetur sanè materia cuiuspiam, ad uirtutem & prudentiā collata, rationem subire, quod in externorū bonorum usu, ijsq; quæ in his habentur uicissitudines & mutationes, uirtus potissimum & prudentia elucescat, dum aduersa fortiter, prospera moderatè ferimus: in summa quæ occurrūt omnia arte ac prudentia quadā regimus ac moderamur. Nam ut inquit Comicus:

Ita uita est hominum, quasi cū ludas tesseris,

Si

Si illud, quod maxime opus est, iactu non cadit:

Illud, quod cecidit forte, id arte ut corrigas.

Intertia autem significatione cum usurpatur, non male ipsi conveniunt, quæ ab Hippodamo tribuuntur, quæ sunt à nobis superius satis explicata. Et de philosophis quidem hæcenus. Quod vero ad ea attinet quæ superius ex Terentio sunt adducta, scire oportet eum locum ad fortunam proprie non pertinere, sed ad affectum immoderatum & vitiosum, quem perturbationem recte vocauerimus. Est enim eius natura non solum rationis expers, sed etiam quæ cum ea è diametro pugnet, ut nunquam ipsam admittere, aut cum ea coniungi possit. Quare quod de affectibus in genere male asserit Seneca, de huiusmodi recte dicatur. Facilius est excludere perniciosam, quam regere: & non admittere, quam admissa moderari. Nam cum se in possessione posuerunt, potentiora rectore sunt, nec recidi se minime patiuntur. Deinde ratio ipsa, cui freni iraduntur, tamdiu potens est, quandiu diducta est ab affectibus. Si miscuit se illis & inquinavit, non potest continere, quos submovere potuisset. Commota enim semel & excussa mens, ei servit, quo impellitur. Quarundam rerum initia in nostra potestate sunt, ulteriora nos sua vi rapiunt, nec regressum relinquunt. Ut in præceptis datis corporibus nullum sui arbitrium est, nec resistere morariue deiecta potuerunt, sed consilium omne & pœnitentiam irrenocabilis precipitatio abscidit, & non licet eò non peruenire, quò non ire

T y licuis-

licuisset: ita animus si in iram, amorem, aliosq; se proiecit
 affectus, non permittitur reprimere impetum, rapiat illum
 oportet, & adimum agat suum pondus, etiam uitiorum
 natura procliuus. Sed his quidem explicatis rursus ad no-
 strum reuertamur autorem, uideamusq; quid apud ipsum
 Senex ad priorem interrogationem secundo respondeat lo-
 co. Inquit igitur horum quemlibet petere quæ à fortuna
 proyiciuntur: quibus & donantis temeritatem, & peten-
 tium amentiam simul ostendit: & illius quidem temerita-
 tem, quod nullo iudicio sua spargat & proyiciat, nec digni
 nec indigni ratione habita. Horum autem amentiam, quod
 quæuis temereq; oblata sic appetant, non æstimantes ipsas ne
 hæc utilia an inutilia, aut etiam damnoſa sint futura. Ne
 que uero hoc loco quempiam moueat, quod hæc, quæ fortu-
 na appellantur bona, Aristoteli absolute simpliciterq; bo-
 na habeantur: in quo tamen ab ipso tum autor noster, tum
 Stoici dissident, qui hæc ἀδιάφορα, id est indifferentia, ut Ci-
 cero uertit, uocant. Neque enim quæ simpliciter sunt bo-
 na, illico & cuilibet bona fuerint, non magis hercle quam
 quæ simpliciter salubria, cuius salubria. Ut igitur, qui in
 morbo est constitutus, non recte faciat, si simpliciter salubria
 sibi offerri iubeat, sed ea potius expetere debet, quæ ipsi
 sunt salubria: ita & qui animo parum ualent sanique sunt,
 non quæ simpliciter bona sunt appetere debet, sed quæ ipsis
 sunt bona. Atque hoc est, quod Moralium ad Nicoma-
 chum libro quinto docet Aristoteles, cum de fortunæ bo-
 nis

nis agens sic inquit: Quæ sunt quidem absolute semper bona, cuidam uero non semper. Caterum homines hæc optant & conſectantur. At non oportet: sed optare quidem, ut quæ absolute sunt bona, & ipsis sint bona, eligere autem quæ ipsis sunt bona. Verum hac de re libro commentariorum ultimo copioſius diſceremus, ubi & id cōſiderabimus, utrum Ariſtotelis, an noſtri autoris, & Stoicorum uerior ſit ſententia. Nunc quæ apud noſtrum autorem ſequuntur audiamus.

Qua igitur ratione non idem eſt omnium uultus, ſed horum quidem aliſi gaudere uidentur, aliſi uero extentis manibus triftantur?

Quid commune ſit omnibus qui ex fortuna pendent, ſuperior explicuit oratio. Nunc autem de horum differentia percontatur hoſpes, quod in pictura non eundem omnium uultum animaduertat: ſed hos quidem gaudere & exultare conſpiciat, illos uero triftari, lamentari, manus proijcere, in ſumma incompoſite inordinateq; doloris ſigna edere. Cui ſic interroganti reſpondet Senex:

Qui gaudere & ridere ex ipsis, inquit, uidetur, hi ſunt, quibus fortuna aliquid contulit: qui ſanè & bonam fortunam ipſam nominant. Qui autem flere ac manus extendere uidentur, hi ſunt, à quibus abſtulit quæ prius dederat: hi autem rurfus malam fortunam ipſam appellant.

Qui ex fortuna pendent, eiſq; muneribus inhiant, non ſolum otioſi ſunt homines, artium omniũ & diſciplinariũ rudes, expertesq; conſilij & ingenij, ſed etiam qui eò uani-

T ij tatis

tatis leuitatisq; peruenerint, ut neutram fortunam moderatè ferre queant. Nam rebus quidem secundis, ita efferuntur, exultant, immoderateq; iactantur, ut nihil in ijs compositi, nihil sani deprehendas: dicant autem faciantq; quod ipse Non sani esse hominis, non sanus iuret Orestes.

Rursus autem aduersis ita contrahuntur, animo deijciuntur, lamentantur, omnemq; tristitiam pra se ferunt, nihil ut in his constantiae & decoris animaduertas, sed effeminata, fracta, abiecta q; omnia. Atque id quidem est, quod hospitire pòdet Senex. Caterum qui commodiore usi sunt fortuna, inquit, hi bonam eam appellant: qui uerò contrà aduersam hanc experti sunt, malam: ut nimirum hinc hominum inconstàtia & stultitia uel maximè intelligatur, dum eandem bonam & malam faciunt, & modo quidem ipsam laudant, modo uero eandem uituperant. Sed quoniam hanc hominum stultitiam & leuitatem pulchrè depingit Plinius libro Naturalis historiae primo, cap. septimo, non pigebit eius hic uerba subijcere. sunt autem haec: Inuenit tamen inter has utrasque sententias medium sibi ipsa mortalitas numen, quo minus etiam plana de deo coniectatio esset. Toto quippe mundo, & locis omnibus, omnibusq; horis, omnium uocibus Fortuna sola inuocatur: una nominatur, una accusatur, una agitur rea, una cogitatur, sola laudatur, sola arguitur, & cum còitijis colitur, uolubilis, à plerisque uerò & caeca etiam existimata, uaga, inconstans, incerta, uaria, indignorum faulrix. Huic

omnia

omnia expensa, huic omnia feruntur accepta: & in tota ratione mortalium, sola utranque paginam facit.

Quanam igitur sunt, quæ ipsis dat, quod ii, qui hæc accipiunt, sic latentur, qui uero amittunt, fleant? Hæc, inquit, ea sunt, quæ hominibus plerisque bona esse uidentur.

Optimo ordine procedit autor. Nam descripta fortuna, eiusque opere assignato, itemque iis qui ex hac pendent: nunc quanam sint ea dona, quæ tam auide inconsulti isti & inertes fortunæ comites ab ipsa expectant, ut eorum ad eptione sic gaudeant, amissione uero tam indignè ferant, docet. Inquit igitur ea esse, quæ hominum plerique & uulgares bona existimant: non quidem, ut noster uult autor, prorsus aberrantes (sunt enim ipso genere suaque natura, ut rectè censet Aristoteles, bona) sed in hoc tantum decepti, quod plus iis quam oportet tribuant. Sed de his, ut dictum est, ultimo Commentariorum libro agemus. Caterum quoniam ex hac senis responsione, nondum satis distinctè cuiusmodi ea sint sciri potuit, rursus hospitem interrogantem, & ipsi respondentem senem facit autor.

At enim quanam hæc sunt? Diuitiæ nimirum, existimatio, generis claritas, liberi, tyrannides, regna, & quæcunque reliqua his sunt finitima.

Hoc explicationis genus, quo nunc utitur autor ad docendum, quanam sint illa, quæ hominum uulgo bona dicuntur, nonnulli ὅρα τῶν ἀγαθῶν appellare solent, quo neque rei substantia & natura ostenditur, neque notio, quam de ea
homines

homines habent aperitur: sed subiectis quibusdam particulis tãquam speciebus, cuiusmodi uniuersum sit genus indicatur. Ait autem hæc quæ bona uulgo censentur diuitias esse, quæ tum ad usus uitæ necessarios, tum ad perfrueudas uoluptates expetuntur, consistuntq; non solum in auri argentiq; talentis, & nummorum copia, sed etiam uinetis, segetibus, oliuetis, cæterisq; prædiorum fructibus, ouibus, bobus, gregibus armetorum, reliquiis pecoris, & ut semel dicam, possessionibus omnibus uitæq; commoditatibus: ad hæc existimationem, nominisq; celebritatem, generis claritatem, liberos, tyrannides, regna, & quæ his sunt finitima: sub quibus non solum externa appellata bona continentur, sed etiam corporis, in summa quæcunque organicam naturam obtineant. Quæ noster quidem autor inter bona habenda minimè censet, ut superius Senis oratio innuere uidebatur, cum diceret, quæ hominibus plerisque, id est, uulgo bona esse uidentur. quod animaduertens hospes, huiusmodi interrogationem subijcit:

Atqui hæc quomodo non in bonis sunt habenda?

Non immerito dubitat & querit hospes, cur hæc bona non sint censenda. Videtur enim hoc non solum communi hominum notioni repugnare, sed etiam celeberrimorum philosophorum placitis, Platonis puta, Aristotelis, Theophrasti, reliquorumq; qui horum doctrine comprobatores sunt atque æmuli. Verùm nunc quidem huic quæstioni non satisfacit Senex, sed eam ad finem libri reseruans

seruandam censet, cum inquit:

Posterius, inquit, de his differemus: nunc in fabulae explicationem incumbamus. Fiat sane ut uis.

Cum hoc loco ab hospite propositam questionem tractare & explicare recuset Senex, sed in posterum differat, nec nobis necessarium arbitror eam nunc excutere: multo autem minus & aliorum philosophorum de bonorum diuisione sententias recensere atque examinare: sed cum eo loci peruentum fuerit, tum sane quod ad hanc rem pertinere uidebitur, nihil à nobis omitteretur. Nunc autem, quando eò uocat autor, ad fabulae explanationem rursus nos conuertamus.

Videsne igitur, cum portam hanc præterieris, alium superiorem ambitum, & mulieres extra ipsum stantes meretricio more ornatas? Maximè.

Cum quæ fortuita appellantur bona, ad uirtutes, ut superius est dictum, & uitia materia cuiusdam rationem obtineant, non immerito eorum explicatione præmissa, nunc de uitis quidè primo, quæq; ipsa concitantur mala & calamitates disserere incipit, deinde de iis quæ ad uirtutis pertinent naturã acturus: quod qua ratione ab autore sit factum, prius est explicatũ. Ceterum quoniã utilissimam hanc uitiorum & uirtutum tractationem hypothesis quædam præcedere uidetur, cum aliàs nonnunquam, tum hoc nostro præcipuè tempore à male feriat nonnullis in controuersiam uocata, operæpretiũ sanè uidetur, de hac non-

U nihil

nihil disseruisse. Est autem ea, qua homini libera tribuitur voluntas, seu ut communiter, qui hac de re agunt & disserunt, loqui solent, liberum arbitrium: quod qui homini adimunt, quàm multifariam peccent, quotq; incurrant incommoda, & quæ omnium mentes aspernentur ac respuant, si prius ostenderimus, non inutile id ipsum & ad hypothesis constitutione maioremq; fidem deprehendemus. Primum igitur omnium, qui hominem uoluntate libera spoliant, id est, nihil in ipsius potestate relinquunt, hos duorum alterum statuere necesse est. Aut enim à superioribus & præstantioribus hanc ipsi facultatē adimi: aut ab inferioribus & deterioribus naturis: aut, si omnino nullū diuisionis membrum omitti debeat, ab utrisque. Et à superioribus quidem & præstantioribus, ut qui ex diuina providentia & prædestinatione causarum seriem sempiternam introducunt omnia necessitate fati deuinciant. Ab inferioribus uero & deterioribus, ut qui mentem quidem humanam & rationem, ob primi parentis lapsum, tantis tenebris oppressam, nihil ut cernere queat, uoluntatem autem, ita cupiditatibus reliquisq; irrationalibus affectibus ac omnino malorum generi omni, eorumq; autori diabolo subiectam esse ac seruam statuunt, in sua potestate nunquam ut sit homo, nihil unquam arbitrio suo faciat, semper eò tractus quò hæc rapiant. Ab utrisque autem, ut qui nunc quidem à superioribus hominem cieri & agitari necessario asserant: nunc uero ab inferioribus occupari & abripi, ita ut nullam

nullam portionem nec ad hunc, nec ad illum motum ipse
conferat, aut si quid conferat, non aliter atque iumentum
quoddā, quod ad sessoris arbitrium impellitur. Quamquā
& sic nonnulli nimium humanis viribus tribui existimāt,
si iumento comparetur. Quare ipsum potius rota molari,
rei nimirum inanimatae, quae ab aqua circumagitur, con-
ferendum censent: ut si in hanc quidem partem decurrat
aqua, eò uersus & rotam impellat: si uerò sursum uersus,
quod dici solet, sacra ferantur flumina, in contrarium e-
tiam penitus agāt. In summa alieno & externo pulsu sem-
per, non autem ex se & sua sponte ullo unquam tempore
hominem moueri asserunt, tantum abest ut ipsi liberum fa-
ciant, ut actionum suarum sit autor & dominus. Ceterū
haec quam absurde dicātur omnia, consideremus, à primis
illis initio factō. Videntur autem hi, dum erga deum maxi-
mè py esse uolunt, non satis honestam de eius numine opi-
nionem habere, atque adeo ex providentia causarum serie
sempiterna introducta, ipsam quodammodo providentiam
labefactare: insuper autem & Deum, cui non solum Chri-
stiana religio, sed etiam communis nationum omnium con-
sensus summam tribuit sapientiam, infra uilissimos quosq;
artifices abicere: siquidem hos, eorū quae ab arte faciunt,
nihil frustra facere existimant: illum autem quae in homi-
ne sunt praestantissima, planeq; ut quis dixerit, diuina, ad
nullum penitus usum & finem retulisse, ex ijs quae asse-
runt statuere uidentur. Quòd uerò haec ita, ut dixi, se ha-
beant,

U ij beant,

beant, manifeste constabit, si diligentius quæ ipsorum sequantur opinionem consideremus. Sequitur igitur primo quidem, ut qui omnia quæ fiunt, fieri causis antecedentibus, definitis, & quæ necessario effectus subsequentes habeant, uelint, frustra de rebus agendis deliberare homines, & consultare statuant, cum omnis deliberatio in ijs uersetur tantum, quæ & hoc modo fieri à nobis & aliter possint. Eamque ob causam neque de sempiternis consultamus, neque de ijs, quæ sine controuersia necessario fiunt, quod ex huiusmodi deliberatione nihil penitus nobis accedat. Sed neque de ijs, quæ non necessario quidem fiunt, aliæ autem & non nostræ potestati sunt subiecta, quod & in eam, quæ de his initur, consultationem inanis & superuacanea insumatur opera. Neque uero rursum de ijs omnibus, quæ ad nostras actiones pertinent, deliberamus, neque enim de præteritis, sed de ijs tantum, quæ à nobis confici possunt futuraque sunt, utpote ex qua consultatione aliqua ad nos utilitas redeat. Quam cum funditus tollant portentosi huius dogmatis auctores & comprobatores, quomodo non in Deum iniuriosi & contumeliosi inueniantur, hominem ab ipso consilij & rationis participem frustra factum asserentes? Neque enim id ipsum, quanquam sunt sanè impudentissimi, unquam eos negaturos existimem, quod manifestissimum est, hominem scilicet præter eas, quas cum reliquis animalibus communes obtinet potentias, rationis insuper & intelligentiæ uis, facultate non solum speculatrice,

ce, sed etiam consultrice, ac provida utilitatum oportunitatumque instructum & ornatum esse. Verum hanc quidem si homini consilij capiendi facultatem concedant, ut & evidentia postulat, rerum usus docet, & ea ipsa quæ quotidie tum priuatim & in re familiari, tum publice & in civilibus aut etiam ecclesiasticis negotijs ab ipsis fiunt attestantur: fieri autem nequeat, ut quicquam frustra aut à deo, aut etiam natura fiat ex ijs quæ prima & principaliratione, non autem consecutione quadam & casu principalium illorum à seclâ, ab ijs fiunt, nemini dubium, quin ad aliquem omnino usum hæc ei vis & facultas à Deo natura sapientissimo sit data. Quo concesso & illud necessario sequitur, esse quædam quæ in nostra sunt potestate, & quorum domini sumus, ac proinde in his arbitrij libertatem nos obtinere: quod Græcorum tum Philosophorum, tum Theologorum plurimi τὸ ἐλθὼν δεῖν καὶ αὐτὰς εἶναι uocarūt, non hercle per id significare uolentes, quòd imperitè nonnulli existimant, quòd tota nostri penes nos sit potestas, sed quòd eorum, quæ nostræ consultationi sunt subiecta, domini simus, ut in his liberum nobis sit oppositorum utrūlibet & eligere, & nisi ab externo aliquo impediamur, etiam agere. Neque uerò in hoc tantummodo incommodi & absurdi incurrunt paradoxologi isti, sed etiam hominum uitam uniuersam, quantum quidem in ipsis est, perturbant & euertunt. Nam cum huiusmodi pernicioso errore hominum animos auresque compleuerint, neque tamen propter

U ij ipso-

ipforum falsam opinionem res aliter se habere atque nunc habent possint, quid aliud euenire necesse est, quam ut homines, quæ multo sudore ac labore constant, hæc quidem ualere inbeant: ea autem sectentur, quæ proclina sunt, voluptatemq² coniunctam habent: atque ita uirtutis & honestatis omnis neglectio atque adeo despicientia quadam obrepat, plenius autem, quod dici solet, uelis ad uitia malorumq² genus omne contendatur, quod ad hæc quidem facilis & expedita sit uia: illa uero non nisi corporis labore & animi contentione comparentur: quæ cur quis sustineat, cum prorsus quod futurum est, necessario sit futurum, neque ratione nostra, neque uoluntate ac uiribus fatore reluctari ualentibus? Quare & si quis huius decreti emulatores reprehendere aggrediatur ex ijs ipsis, qui huius dogmatis uel autores sunt, uel patrocinium susceperunt, nonne merito ipsis ridiculus uideatur, & aliena à sua professione facere? audiatq² illud, quod omnibus in promptu est eius farina hominibus? *Εγὼ δὲ διὰ πάντας ἔτι.* id est,

Non ego causa fui, sed Deus, qui omnia tam mala quam bona in nobis & necessario operatur. Nam & hoc unum est ex præclaris illis paradoxis, quibus gigantea ista ingenia optimi & beneficentissimi numinis maiestatem ledere non uerentur, non solum ipsum autorem mali & peccati facientes, sed etiam necessitati subijcientes: quorum utrumq² quam sit impium, posterius suo loco docebitur. Nunc autem in instituto sermone pergamus. Nullus igitur apud hos non solum

solum reprehensioni & obiurgationi locus, sed etiam neque suasioni aut dissuasioni fuerit, neque laudationi aut uituperationi, neque promissioni aut comminationi, ut frustra ab ipsis populi docendi & concionandi munus suscipiatur. Hac enim ab ijs agi par est, qui eam rerum humanarum conditionem existimant, ut etiam si fere propter uitia & imbecillitatem in uitia & impietatem propendeant homines, retrahi tamen inde possint, & ad uirtutem, honestatem & pietatem impelli, illinc quidem pudore & metu auocati, huc autem spe & laude incitati. Quo cum iam impetum conceperint, deinceps doceant, quae sit uera ad uirtutem & beatitudinem perueniendi uia: quorum nihil qui mentem hominis uoluntate libera spoliant, & fati necessitate deuincunt, si sibi consentanei esse uelint, facere queant. Multo autem minus, ad quod tamen nonnulli ex his prompti sunt ac precipites, leges condere audeant: quarum & ipsarum naturam uniuersam intercidere necesse est, hoc semel dogmate recepto, ac proinde omnem societatem civilem labefactari. Nam quibus rebus duabus rebus contineri dixit Solon, premio & poena, haec recte factis & peccatis proponi iuste non poterunt. Sed neque fontes puniri, cum tales non sua sint culpa, sed fati potius necessitate. Desinantque leges necesse est, cum quod imperent, uetent, permittant, puniant non sit, non solum iuris Caesarei dico & Pontificij, quorum illud quidem, utpote ab Ethnicis maxima ex parte profectum, facile contemnant,

nant, hoc autem, uelut exosum, insuper proterant & conculcent: sed etiam Diuini, quæ partim quidem per Moysen populo Israëlitiico, partim uero per Christum & Apostolos eorumque successores nobis sunt traditæ. Iam uero nec magistratus uis ulla sit necesse est, cum quas leges seruet non habeat, frustra que præscribat recta & utilia, quæque ad reip. conseruationem faciant, cum hæc in nostra minime sint potestate. Senatus etiam, qui publici consilij autor & dominus est, quæ tandem erit utilitas, cum frustra omnis de bello & pace, inuehendis & euehendis, equitibus aut pedibus conducendis, reliquisque id genus deliberatio instituat, si omnia necessario eueniant, nihil autem in rebus sit, quod & hoc & illo modo accidere queat? Sed & iudicis officium omne tollatur, nec quicquam interfuerit inter infortunium & peccatum, iniuriam perturbatione aliqua animi & consulto factam. Omnia enim hæc pari ratione ex necessitate pendent. Ac ne singula persequendo sim longior, non solum ex hoc dogmate legibus ac iure labefactato dissoluitur omnis humana consociatio, sed etiam erga Deum pietas, sanctitas & religio funditus eueritur. Nam quis quæso honestam de dei numine opinionem habere poterit, quis tanquam beneficium ipsum uenerari ac colere, qui quæ fatali necessitate faciunt homines, horum non secus ac si sua sponte facerent, pœnas ei pendere cogi arbitretur? quis autem deo uota nuncupare, & cum Iacob dicere, Si fuerit dominus mecum, & custodierit me in uia per quam ego ambulo,

ambulo, & dederit mihi panem ad uescendum, & uesti-
 mentum ad induendum, reuerſusq; ſuero proſperè ad do-
 mum patris mei: erit mihi dominus in deum, & lapis iſte
 quem erexi in titulum, uocabitur Domus dei, cunctorumq;
 quæ dederis mihi, decimas offeram tibi: qui nec ſuo quicquã
 ſubiectum arbitrio, nec deum honeſtis & pijs inſtitutis uo-
 catum adeſſe, eorumq; conſilia & actiones dirigere, & ad
 optatum finem perducere exiſtimet, ſed omnia neceſſitati
 ſubiacere? Iam uero & oraculorum nullus erit uſus, ſi nec
 in poteſtate noſtra ſit quicquam, nec in rebus huiusmodi
 aliquid, ut, hoc quidem ſi faciamus, talis occurrat euentus,
 illud uerò, diuerſus. Quid ergo dominum conſulit Dauid,
 nunc quidem, an aduerſus Philiſtaeos ire & pugnare de-
 beat: nunc uerò an in Ceilam ſit deſcenſurus Saul, ſintq; ui-
 ri Ceila ipſum & qui cum eo erant tradituri in manus
 Saul, ſi omnino quod erat euenturum, non potuit nõ eueni-
 re? Ceterũ quod dico, manifeſtè patebit, ſi quid ſit oracu-
 lum, quæq; eius uis cognoscatur. Videtur autem, ut in ge-
 nere dicamus, nihil aliud eſſe quàm dei reſponſum. Nam
 & id uocis ratio quodammodo indicat. Itaque cùm ambi-
 guus rei alicuius euentus eſſe uidetur, ut in huiusmodi ſæ-
 penumero uſu uenire ſolet, neque ſatis de eo noſtra ipſorum
 prudentia & ſolertia conijcere & conſtituere poſſumus,
 tum ſanè, ſi humani uires ingenij res non excedere uide-
 tur, ad prudentiorem magisq; ſagacẽ hominem uel unum,
 uel plures conferre nos ſolemus: ſin omni humana ſagacita

X

te &

te & coniectura res maior sit, tanquam ad sacram anco-
ram, deum confugimus, eius huiusmodi de euentu sciscita-
turi sententiam, qua consilij cuiusdam nobis usum praestet.
Probatum autem superius est, circa ea consilium uersari,
qua fieri quidem & hoc & illo modo possint, à nobis autem
fieri: eoq; hactenus consultando pergitur, ut rectè docet
Aristoteles, quousque resoluendo actionis principium in
nos deduxerimus: quod & hic fecisse Dauidem uidemus.
Et in priori quidè hoc modo. Nam cum obseſſam Ceilam
liberare uellet, id autem fieri non posset, nisi caſis & fuga-
tis Philistaeis, quod nec ipsum, nisi eo cum suis pergeret, bel-
lumq; ipsis inferret, euenturum uideretur: pergere quidem
& non pergere, bellum item inferre & non inferre, in sua
ſitum potestate, eorumq; qui cum ipso erant, animaduerte-
bat: de eius autem euentu dubius & incertus erat, non so-
lum propter suorum paucitatem, & hostium multitudi-
nem, sed etiam propter id quod sui in primo dum non acqui-
escunt responſo obijciunt: Ecce nos, inquentes, hic in Iu-
dæa consistentes timemus, quanto magis si ierimus in Cei-
lam aduersus agmina Philistinorum? Quare de hoc domi-
num secundo consulit, audiūq; Surge, & uade in Ceilam.
Ego enim tradam Philistaeos in manu tua. In posteriori ue-
rò, ut in eo apertius etiam, quod Graeci τὸ ἀνδραγαθὸν & ὁσιότη-
την τὸν ἥρωα appellant, uoluntatisq; libertas appareat. Inquit
igitur: Domine deus Israël, audiuit famā seruus tuus, quod
disponat Saul uenire in Ceilam, ut euertat urbem propter
me.

me. Si tradent me viri Ceila in manus eius, & si descendet Saul, sicut audiuit servus tuus, domine deus Israël indica servo tuo. Et ait dominus, Descendet. Dixit quoque David rursum, Si tradent me viri Ceila, & viros qui mecum sunt in manus Saul. Et dixit dominus, Tradent. Surrexit ergo David, & viri eius quasi sexcenti, & egressi de Ceila huc atque illuc vagabantur incerti. Nunciatumque est Sauli quod fugisset David de Ceila, & saluatus esset, quamobrem dissimulavit exire. In his enim quis non animadvertat, si David in Ceila mansisset, omnino descensurum fuisse Saul, & viros Ceila ipsum in manus Saulis tradituros (utrumque enim affirmat deus), quorum tamen neutrum ipso cum suis discedente factum est. Discessit autem non fati necessitate compulsus, sed libera sua voluntate inductus, quod hoc tutius ac melius intelligeret. Neque dominum necessario consuluit, sed quod hoc tempore sic rerum circumstantiae suadere viderentur. Ac de prima quidem opinione, ipsae quae ipsam sequuntur incommoda, haec in praesentia sufficiant. Ceterum priusquam ad reliquas confutandas accedamus, duo nobis, quorum superius meminimus, probanda videntur. Prius, Deum nullius mali & peccati autorem esse. Posterius, Deum necessitati minime esse subiectum, cum necessitatis sit autor & dominus. Quare si quis haec dicere aut cogitare audeat, ut sciat se impiam de deo opinionem habere. Nam quomodo alicuius mali deus sit autor & causa, cum reuera sit bonus, id autem est, tota ipsa sui substantia,

X ij ac nota

ac non partim quidem bonus, partim autem & contrarij
pariceps? Neque enim assumpti quid, & aduentitij ac ue
lut habitus quidam in deo ipsum est bonum: sed ipsius po
tius natura & substantia. Ceterum quod hoc genere est
bonum, id noxium certè non fuerit, cum omnis nocendi fa
cultas ab eo quod bono contrarium est proficiscatur. Quod
autem noxium non est, non nocet, id est, deterius subiectum
ad propriam uirtutem non reddit. Et quod non nocet, ma
li nihil dat: ac proinde nullius mali causa fuerit. Ex qui
bus quod propositum est recta ratione conficitur, nullius
mali deum esse autorem & causam. Neque uerò hoc loco
quempiam turbet, quod in pluribus sacra scriptura locis,
mala ad deum tanquam autorem referantur: sed sciat hac
non esse eiusdem generis cum ijs, de quibus nunc agimus,
cum illa quidem, quæ à Deo hominibus immitti dicuntur
mala, non in eorum perniciem & exitium uergant, sed po
tius ad correctionem & emendationem faciant, aut certè
iustæ sint delictorum pœnæ: hæc autem, quorum causam in
deum minime deriuandam ostendimus, pestifera & perni
ciosa sint, & ad prauitatis & uitij naturam pertineant,
hominemq; ad propriam uirtutem, id est, iustitiam deterio
rem reddant: quæ distinguere, ac separare uolentes Theo
logorum nonnulli, non male, ut arbitror, hæc culpæ, illa pœ
næ appellarunt. Verum enim uero dicat aliquis, Si neque
à deo huiusmodi sunt mala, id enim fieri non posse iam de
monstratum est: neq; ab aliquo eorum, quæ diuinitus sunt
oriunda:

oriunda: nam & sic ad deum rursus referrentur autorem: neque sanè plura uno principia prima est introducere, ut aliud quidè bonorum, aliud uerò malorum statuatur principium. hoc enim esset Manichæorum imitari insaniam. unde igitur hæc fluxerunt? Ad hæc perdifficilem & perobscuram quæstionem non incommode, si quid ego iudico, respondere uidentur cum Dionysius in opere de diuinis nominibus cap. quarto, tum Proclus in difficiliorum quæstionum libri de Rep. Platonis secundi explicatione. Caterum Dionysij responsionis & solutionis hæc est summa, quòd ipsum malum, ut nec propriè existit, aut substantiam ullam obtinet, sed in boni priuatione consistens occultè ac uelut ex insidijs in res irrepit, se seque insinuat: ita nec ab una aliqua, uniuersali, primaria, antecedente ac definita causa ortum habet, sed à pluribus, particularibus, primariorum a seclis, à proposito aberrantibus & infinitis. Procli autem eadem quidem cum hac est, ipsam uim si spectes, sed breuior est multo, & tamen clarius quod uult explicat, ex sua, immo Platonis potius sententia talem solutionem adferens. Apponam autè eius hic uerba bona fide à nobis conuersa. Dictum igitur pluribus de his est in alijs: dicatur autem & nunc breuiter, si uidetur, ad primam quidem dubitationem, quòd malum nec diuinitus, nec ab alia sit causa quæ in rerum naturam introitum uelut antegrediat. Neque enim aut malorum ideam ut introducamus, aut materiam ipsorum causam dicamus fieri potest. Omnes

X ij enim

enim forma & diuina sunt, & ratione ac intelligentia continentur, & substantias, aut eas quæ in substantiis sunt perfectiones antecedunt. Et materia diuinitus producta est tanquam mundo necessaria: ac neque malefica est, quæ ad uniuersi generationem confert: neque bonum, quæ inter tota ipsa extrema est: sed locum inter necessaria obtinet. Nam quicquid alicuius est gratia, huiusmodi est. Nullam igitur neque formalem neque materialem malorum causam subicere oportet, neque prorsus principium unum: sed, ut ipse inquit, particularia & dispersa tenuem illam & adumbratam quam obtinet substantiam ipsis conciliare dicendum: ac particularia quidem, quoniam ex totis ipsis nihil, ut mentem, aut animam, aut corpus: multa autem, quoniam non unum. Quamobrem & ipse inquit, alias quasdam ipsorum querere causas oportere. Nam omnino, si corpus sit mali particeps, fuerint in hoc diuersa quedam, quibus immoderate ad se mutuo affectis, suboritur morbus, dum quodlibet exuperare contendit: si uero anima, diuersæ uitæ species & in hac fuerint, ac quodammodo contraria, quibus inter se pugnantibus, ab alijs in alias aliquid mali influit, utralibet quod suarum est partium agente. Oportuit autem & corpus huiusmodi esse, quod ex dissidentibus constaret, ut esset quippiam mortale & caducum, ac mundus ipse perfectus ex omnibus constans: & animarum hic permissionem existere, ut quæ hic sunt, rationalium non essent expertis animalium. Neque rursus quæ rationis sunt com
potes

potes nitæ absque medio corporibus inseruntur, aguntq̃, ac patiuntur ea, quæ rationis expertes naturas est consentaneum, appetunt, sentiunt, imaginantur. His enim opus est mortalibus, si uel minimo tempore incolumia sint seruanda. Suboriuntur igitur mala ad primarias rerum operationes, nec propter aliud quàm bonum, subortisq̃ ipsis conuenienter utitur uniuersum: & bonitatis quandam naturam induunt, & hæc utentium ui ac potestate. Quapropter nullum malum inconditum ac syncerum, sed quoduis boni aliquod uestigium est adeptum. Est igitur & malum diuinitus, ut aliqua ex parte bonum, quanquam ab alijs particularibus causis & pluribus, aduertiæ naturæ cum sit, ortum habet. Ac de malorum quidem origine hæc Dionysij & Platoniorum est sententia, ut manifestè hinc constet, nullius mali causam deum esse statuendum. Sed quòd nec fati necessitati sit subiyciendus, efficacissimè mihi probare uidetur Gregorius ille Nysæ Episcopus, Basilij Magni frater in libro de fato, qui Philosophiæ ipsius est sextus. Subijciam autem & eius hoc loco uerba, quibus Platonis de fato exposita sententia, quid in ea probet & quid rejiciat ostendit, cum inquit: In hoc igitur quòd dei ordinationem & uoluntatem fatum appellat, & in hoc quòd fatum providentiæ supponit, parum certè à diuinis eloquijs distat solam providentiam omnia dispensare dicentibus. At multum differt ex necessitate sequi fines, quæ sunt in nobis affirmans. Nos enim non secundum necessitatem sequi ea
quæ

quæ sunt providentiæ dicimus, sed contingenter. Nam si secundum necessitatem, primum quidem rationis pars tollitur. De solis enim actionum principijs rationes erunt, secundum eum, ut meliora eligamus. Post electionem autem inanis est deinceps ratio, his quæ sequuntur, ex necessitate inductis. Nos uerò in his quoque rationem posse determinamus. In providentia enim esse naufragari navigantem uel non, neque ex necessitate quidem alterum esse, sed contingenter. Non enim sub necessitate est deus: neque uoluntatem eius seruire necessitati, fas est dicere: etenim necessitatis est conditor. Nam necessitatem sanè imposuit astris, ut semper secundum idem moueantur, & mare circumterminauit, & uniuersalibus & generalibus terminū imposuit. Quem si fatum uocare uolunt, eò quòd ubique & semper secundum necessitatem sit, ut omnia per successionem sint in generatione, & corrumpantur, nihil curamus. De nominibus enim non uelit amur aduersus eos. Ipse uerò supra omnem necessitatem non modo consistit, sed & dominus & factor eius est. Omnipotens enim existens, & suapte natura ipsa potestas, nihil neque natura necessitate, neque legis dispositione facit. Omnia uerò ei sunt contingentia etiā necessaria. Et ut hoc monstretur, cursus solis & lune, quæ necessitate feruntur, & semper uno modo se habent, quandoque stare fecit, ut ostendat, nihil à se secundum necessitatem fieri, sed omnia per potestatem contingenter. Semel autem talem diem fecit, ueluti scriptura significauit, ut solū
monstret

monstret, non uerò dispositionem necessarij astrorum motus, quam à principio imposuit, dissoluat. Ita & quosdam homines in uita conseruat, ut Heliam & Enoch mortales existentes & corruptioni subiectos, ut per omnia hac potestatem eius, & non necessitate coactam uoluntatem intelligamus. Atque ex his quidem Nysseni uerbis manifeste patet, deum necessitati minimè esse subiectum: sed contra potius, quæ in rebus eodem semper modo se habentibus conspicitur necessitas, eam diuino numini parere, cuius nimirum lex quæpiam & sanctio esse merito creditur, ut nō iniuria impietatis damnentur ij, qui Dei immortalis, qui infinite reliquis omnibus bonitate ac perfectione antecellit, ut nulla prorsus ex parte cum ipso cōparari queant, deteriorē in ipso uniuerso faciūt conditionē, quā mortalis in rep. Principis, quem legibus solutum non solum Iurisprætorum communis statuit consensus, sed etiam Aristotelis libri Politicorum tertij confirmauit demonstratio. Sed his explicatis redeamus ad illud unde diuertimus, ac reliquas consimili ratione opiniones examinemus. Sanè quam secundam fecimus, uidetur illa quidem multum habere probabilitatis. Quis enim est, non dico, eorum solum, qui nostræ sunt religionis, sed etiam gentilium philosophorum, aut quorūcunque tandem hominum, qui nō maximam humanæ naturæ deprauationem ac morbum agnoscat? Sed aliud est in morbo hanc esse & in uoletudini obnoxiam, aliud funditus interijse. Neque enim quempiam esse existi-

mo,

mo, qui uel aliquam saltem evidentiae habeat rationem, qui hoc dicere sustineat, ex primi parentis lapsu, hominis omnino intercidisse naturam, ut & omnis intelligentiae & rationis uis, qua uera à falsis, à malis bona discernimus, & uoluntatis, qua appetimus & aspernamur, eligimus & repudiamus, ac simpliciter quaecunque hominis informant & constituunt naturam facultates in totum sint extinctae (hoc enim esset hominem, hominem esse, negare) sed potius inclinatam lapsamq, haecenus ipsius uiribus attenuatis & imminutis, ut suis tantum naturalibus instructus praesidijs & auxilijs homo, in quae praecipitatus est mala, ex ijs emergere nequeat, & ad solida ueraq, bona se erigere, beatitudinemq, attollere, sed peccati mole prae-grauatus inferioribus & deterioribus, quibus sua subiectus est uoluntate, seruire cogatur. Quae quidem si quis dicat, cum hoc haud longa mihi fuerit concertatio. Sed de nonnullis tamen monendus uidetur, quae non animaduersa multos turbare solent. Primum igitur cum de humanis absolute uiribus sit quaestio, eoq, an aliquid in nostra sit potestate: ad hoc autem problema philosophicè, id est, scienter ac peritè excutiendum experientiam & rationem, tanquam duos quibus firmitus ingrediamur, pedes adhibere oporteat: non quis sanè nobis proponendus est, in quo iudicium hoc & periculum faciamus. Neque enim Asotorum de numero aliquis, aut qui alioqui neglectus & perditus in omne uitiorum genus est prolapsus, ut intemperans quiq, se in omni libidine

ne

ne effudit. Hic enim in sua minimè est potestate, nihil suo arbitrio facit, semper in eo dominante libidine: sed qui ad præclaram, uirtutis & ingenij indolem commodam etiam educationem, & à tenera ætate institutionem nactus, cum adoleuerit, suiq; iuris esse cœperit, exercitatione & consuetudine & commentatione ad summam, quoad eius fieri potest, humane naturæ absolutione peruenit. Talis enim reuera humanarum simpliciter uirium norma fuerit, ut quod hic possit, id in hominis potestate, quod nequeat, supra eius vires esse aſſeramus. Nam & medicos sic facere uidemus, cum de ijs quæ absolute simpliciterq; uel salubria, uel ad concoquendum facilia, aut his contraria, & omnino quæ ad facultates naturales & corporis referuntur, agunt. Neque enim cuiusmodi horum unumquodq; uel egroti adhibuit, uel ualitudine & natura imbecilliori esse uideatur, huiusmodi & simpliciter esse statuunt: sed quale ijs, qui & temperaturam & corporis constitutione optimam sunt sortiti. Reliquos autem omnes, quo huic uel uiciniores sunt, uel plus ab hoc distant, eo plus minusue posse statuendum est, omnes tamen aliquid, donec ad eos sic peruentum, qui plenè cumulateq; iniusti sunt & intemperantes, quos ex alto præcipitantibus si quis compareret, meo quidè iudicio, minimè errauerit. Deinde uerò nec sic vires hominis æstimare oportet, omnem penitus diuinam ab eo ut seiungas opem & gratiam: & quod sine hac nihil possit boni homo, idcirco nihil omnino posse pronuncies. Nam

Y y nec

nec oculi facultatē hoc modo exploramus, cecum eum esse indicantes, qui in craſſiſſimis tenebris conſtitutus nihil uideat: ſed in huiusmodi facultatibus examinandis conſiderare oportet, & ad quod hæ referantur, & quomodo, ac reliquæ pari modo diſtinctiones adhibendæ, quarum mentionem facit Ariſtoteles libro primæ philoſophiæ quinto, ubi de priuatione agit. Quare neceſſario qui de uiribus humanis rectè diſſerere uelit, huic gratiarum quedam diſtinctio eſt adhibenda, quæ et ſi iſſis uerbis in ſacris literis non habetur, ut ſtatim cū quis hanc profert criminantur, qui ſupra ueteres omnes & catholicos, nouo quodā erroris & arrogantiæ ſpiritu turgidi, ſapere ſibi uidetur, ui autem & poteſtate in iſs contineri facile animaduerti poteſt, atq; adeo ſuo idipſum loco à nobis probabitur, cū nimirum ad proximam progreſſi quæſtionem, quanam tandem in noſtra ſint poteſtate inquiremus. Nunc autem quòd aliqua liberi ſit arbitrii uis, neque funditus hanc extinxerit primi parentis peccatum, ſatis patere arbitror, cū & experientia diſtincta id doceat, ut in gentiliū philoſophorum plerisq; & ratio probet, quemadmodū ex iſs quæ contra primam ſunt diſputata opinionem conſtat: ad hæc autem & ſacrarum literarum autoritas confirmet, ut ex diui Pauli ad Romanos epiſtola cap. primo & ſecundo patet, ubi non ſolum aliquam homini numinis potentie & diuinitatis agnoſcendæ, agnitamq; uenerandæ & colendæ facultatem concedit: nam hinc iuſtam aduerſus ethnicoſ dei iram adſtruit:

adstruit: sed etiam gentes, quæ legem scriptam nimirum
& Mosaicam non habent, natura, id est naturalibus in-
structos uiribus, sub quibus & ea continentur quæ exerci-
tatione & meditatione à nobis cōparantur, quæ legis sunt
facere, ac sibi ipsis in quibusdam legem esse innuere uide-
tur: quod certe facere non possent, si nulla in his liberi arbi-
trij uis existeret, sed ea penitus ex originali peccato interci-
disset. Quare nec secundam subsistere opinionem posse ma-
nifestum est. Tertia autem, quæ reliqua est, omnium sanè
mihi absurdissima uidetur, quòd non solum inter hominē
& beluam discrimen omne tollat, sed etiam, quæ nonnul-
lorum est sententia, inter animatum & inanime, quorum
hoc quidem omnes ex communi notione, pulsū agitari ex-
terno, illud uerò ex se & sua sponte moueri statuunt. Cete-
rum quæ contra alias duas diuissim sunt disputata, ea &
aduersus hanc coniunctim omnia adferri queant. Illud au-
tem in hac præcipuè miretur quispiam, quānam tandem
ratione alternas has pellendi uices, nūc deus & superiora,
nunc uerò dæmon & inferiora obtineant. An ne scilicet
ex pacto & conuentu, ut horum quoddam ludibrium sit
homo? An uerò potius ipsis inter se de hoc tanquam impe-
rio quodam certantibus, ut nunc quidem hac, nunc uerò
illa obtineant, rerumq; potiantur? Sed & hoc absurdum
uidetur, quòd hac ratione tale aliquid deo tribuamus opor-
tet, quod citra summam impietatem facere non possumus.
Nam si interdum in huiusmodi cum dæmone pugna suc-

I ij cumbe

cumbere ipsum ac uinci statuamus, ac sic hominem diuino profligato numine ab aduersario obtineri, necesse certe fuerit hoc ipsi aut ob uirium imbecillitatem, aut defatigationem, aut configendi imperitiam, aut negligentiam & incuriam, ut ab hoste incautus opprimatur, usuuenire. Sed horum nihil in deum cadere ullo modo posse uidetur. Quae enim ratione ei, qui praeter id quod bonitate, potentia insuper & cognitione, ut in libris De legibus inquit Plato, ut sic dixerim, informatur, id est, cuius haec sunt substantia, aliquid eorum accidere potest, quae cum substantia ipsius pugnent? Nam sic mortalem ipsum ac dissolubilem redderemus. Siue enim uirium ipsi imbecillitatem tribuas, siue lassitudinem, utraque certe statim cum sempiterna eius potentia pugnat. Quare nec sempiterna illa fuerit, & contrarij particeps dissolubilis erit. Cuius autem substantia est dissolubilis, & ipsum mortale sit necesse est. Simili autem ratione & imperitia & negligentia ac incuria, ipsius cognitione & aeternae providentiae sunt contraria. Quamobrem causam neque haec in ipso locum habeant. Ex quo manifeste constat, inuidetum omnino esse deum, nec ulli succumbere posse, ut inepta eorum sit oratio, qui deo inuicemq; demoni alternas has uincendi, cedere uices affingunt. Patet igitur, ut arbitror, & tertiam hanc, quae homini uoluntatis libertatem adimit, opinionem multis modis esse absurdissimam, ut quae in multa & grauia incurrat inconuenientia: quae omnia facile declinet, qui ueritatem propter euiden-

siam,

riam, quasq̃ adduximus rationes amplexus, & catholicis
inherens dogmatibus, aliqua in nostra esse potestate fatea-
tur. Quo sanè iam satis probato ac constituto, proximum
est, ut quenam sint illa, quæ in nobis sunt, & quorum do-
mini sumus, consideremus. Primum igitur constat sensuum
operationes, ac motus voluntarios, quæ ex nobis & nostra sponte
facimus, in nostra esse potestate, quod animantium omnium
commune est. Deinde uerò, quæ sunt hominis facultates
proprie suapte natura ingenerate, tum cognitionis, tum
appetitus, & harum actiones nostro arbitrio subiectas di-
cimus. Sunt enim huiusmodi facultates omnes, ut autor
est Aristoteles, libro primæ philosophiæ octauo, contrario-
rum eadem. Quamquam autem hæc à deo optimo ac sapien-
tissimo, eiusq̃ administra natura, ad bonum, non autem
ad malum sunt data, fit tamen non raro, ut quæ per se uti-
les & salutares sunt, ab utentium errore & uitio noxiæ
& pestiferæ reddantur. Itaque contrariorum alterius qui-
dem per se, alterius autem per accidens quodammodo hæc
fuerint. Caterum his instructi tam corporis quàm animæ
dotibus, quas sanè sermonis compendij causa, donum seu
gratiam primam ac naturalem, quod omnium sit commu-
nis, ut faciunt nonnulli, appellare licet (neque enim cum de
rebus constat, de nominibus est contendendum) alias quas-
dam seu facultates, seu habitus dicere mauis, inter quos
sunt & artes & scientiæ omnes, quarum aliæ corporis ac
uitæ

uitæ necessitatibus subueniunt, aliæ animum cognitione
& uirtutibus instruunt, nostro quidem labore ac studio,
sed dei beneficio & munere, qui menti, in tenebris ab ipso
iam ortu inde constituta, diuinitatis suæ lumen præfert,
conatusq; efficaces reddit, comparare possumus, & sic
ad beatitudinem humanæ naturæ conuenientem aspi-
rare. Possumus autem & nos ipsos negligentes ac infe-
riora sequendo à deo eiusq; gratia auersi, talentum no-
bis concreditum in terram defodere, ac proinde socordes,
inertes, inscientesq; reddi, & in uitia prolabi, miseriq;
fieri. Quare & hæc ipsa rursus in nostra esse potestate di-
cimus, & ea sanè, qua explicatum est, ratione: ut hinc
iam secunda quadam intelligatur gratia, quam exti-
mulantem nec male appellare solent plerique: cuius quæ
sit ratio, quàm fieri poterit exquisitissimè, explicare aggre-
diar, à tali exorsus initio. Omnibus hoc legitimè philosopha-
tibus confessum est, Deum qui hominem cum ijs, quas dixi-
mus, facultatibus creauit, assidue etiã eundem, quãquam
sua culpa auersum, quæ ipsius immensa est bonitas & mi-
sericordia, ad se conuertere, & si quidem ipsi obsequatur,
quod in hominis positum est arbitrio, conuersum purgare,
purgatum illuminare, illuminatum perficere. Hæc enim
circa hominem ipsius sunt opera, & operum ordo. Cate-
rum ut creare, prima opus gratiæ: sic conuertere, secunda
statuerim. Prouocat autem huc nos diuina clementia &
benignitas multis certè modis & occasionibus, quæ sunt
quadam

quædam ipsius ad hoc ueluti instrumenta. Nam primum quidem ex cæli & mundi, eiusq̃, quæ in his deprehenditur, descriptionis & ordinis obtutu, quo hominem non solum, quæ in animo eius sunt, facultates inuiuant, sed etiam ipsa corporis, quod nec pœta ignorant, figura, inter quos inquit Naso:

Os homini sublime dedit, cœlumq̃ uidere

Inssit, & erectos ad sidera tollere uultus.

in sempiternæ ipsius potentia & diuinitatis notitiam quædam nos ducit, ut & gentium ille doctor Paulus primo ad Romanos capite asserit, & ante hunc Psalmista cum inquit, Cæli enarrant gloriam dei. & cætera quæ sequuntur. Ex qua rursus notitia ad ipsum uenerandum & colendū, tanquam omnium nobis bonorum, quæ secundum rationē eueniunt, autorem, si modo nostri uel aliquis sit usus, incitatur. Deinde uerò & in nos ipsos conuersi, partimq̃ dignitatis, ad quam conditi sumus, in memoriam uenientes, partim miserie, quò prolapsi sumus, sensu perculsi, cum quoad corpus quidem, nudi, inualidi, rerum omnium indigentes, & mille morborum generibus obnoxij, quoad animum uero inertes, & ad uirtutem bonaq̃ tardi, ad uitia autem proclines, turbato nimirum in eo naturæ ordine, in lucem editi sumus: & ad mala hæc incommodaq̃ depellenda, & bona illa nostræ primigeniæ conuenientia naturæ comparanda excitamur, & ad opem diuinā implorandā, sine qua nihil posse salutariter ac rectè aut instituere, aut

Z perfi-

perficere hominem, communis omnium, qui modo aut educatione, aut institutione aliqua deprauati non sunt, statuit consensus: quod ex eo manifeste constat, quod tum ipsa ueluti natura dictante, à numinis inuocatione quicumque maioris aliquid ac serij operis aggredi uelint, auspicetur, ipsique adeo poeta, tum artes præclaraque inuenta omnia, non ad se, aut homines, sed diuiniorum aliquam naturam perpetuo autorem referant. Neque uero ab his tantum quæ iam dicta sunt extimulamur, sed quocumque oculos rerum creaturarum uerterimus, undique nobis diuinæ maiestatis splendor occurrit, quâquam aliàs quidem illustrior, aliàs uero obscurior: qui, ut lumen externum, quod in oculis ipsi cognatum est, impellit, & ad uidendum actuosum facit, ita & quod in animo luminoso est, incitat, & ad se conuertit, & aliquousque efficax reddit, nisi ipsi uiam præcludamus, nosque indignos tanto beneficio aestimantes, à splendore ad tenebras auertamus. Ad hæc quoniam, ut auctor est Hippodamus Pythagoreus, tres sunt uirtutis causæ, seu potius, ut quispiam exactius loqui studens dixerit, à uitijs quidem abstinentiæ & recessus, ad uirtutem autem progressionis, metus, cupiditas, pudor: sub quibus & ea intelligi par est, quæ his sunt opposita, spes, auersio, & honesti nominis expectatio aliqua omnino, nec ea minima excitulantis gratiæ portio, lege, quæ tum recte factis præmium, tum peccatis pœnam proponit, oratione, quæ ad honesta quidem & utilia incitat, ab inhonestis uero & inutilibus auocat,

auocat, & uita consuetudine, publiceque receptis moribus,
 quorum reuerentia quadam tenemur, constabit. Caterum hæc
 ipsa quo puriora sunt, proximiusque ex ipso fonte hausta,
 eo etiam efficaciora esse, nulli dubium est. Quare quæ per
 Moysen tradita est lex, quæque ad populum Israëliticum ex-
 tant sanctorum uirorum & diuino spiritu afflatorum ad-
 hortationes, ac dehortationes, & omnino orationes, mo-
 res item & instituta, quæ inter eos antiquitus habebantur,
 omnia certe hæc ceteris gentilium legibus, orationibus &
 consuetudinibus longè antecellunt. Sunt autem hæc, quæ
 ad excitantem gratiam pertinere diximus, ad Chri-
 stum, eamque, quæ per Christum nobis offertur, gratiam, quæ
 quod nos deo reconciliet, acceptosque & gratos faciat, non
 male gratum faciens appellatur institutio quadam, ut
 per ea, et si nondum abolito, quod ex primi parentis præua-
 ricatione in nos propagatum est peccatum, ueræ iustitiæ,
 quæque apud deum ualeat participes reddamur, ipsi tamen
 quodammodo præparemur, ut Cornelij Centurionis exem-
 plo patet, & Aethiopis ad quem Philippus fuit missus.
 Ipsius autem huius summæ gratiæ, quæ per Christum hu-
 mano generi contingit, uis est ac opus: primo quidem, ut pec-
 catum tollat: deinde uerò, mentem nostram nouo iustitiæ
 lumine compleat, totumque interiorem hominem renouet,
 & ueræ uirtutis actuosum reddat, si modo, quod in ipso
 est, ad hanc gratiam se accommodet. Neque uerò hoc solum,
 sed etiam eiusdem præsidio, conueniente exercitatione &

Z ij medi-

meditatione adhibita, in dies in uirtute & iustitia proficiamus, in eaq̃ conseruamur, quod ab eodem, à quo quid sit, & construetur & augeatur. Atque hæc quidem, quæ huic gratiæ tribuimus, eidem & conuenire, nemo est qui ignoret, qui uel aliquousque in sacris sit uersatus literis, cum nouum instrumentum & præcipuè Paulinæ epistolæ horum sint plenæ. Quare non male conclusuri uidemur, hanc trimembrem gratiarum distinctionem & ueram esse, & per omnia sacris literis consentaneam: esse autem in nostra potestate, ut quod cuiusque est gratiæ proprium, id cuiusque etiam præsidio asequamur, dum illa quidē, suo qualibet modo, præluceant, nostra autem uoluntas ad has se accommodet, ac quodammodo informandam præbeat. Et quod homo liberam habeat uoluntatem, & in quibus, & quomodo, quantum quidē ad nostrum attinet institutum, satis probatum existimo. Quare ad autorem nostrū reuerſi eius uerba examinemus. Inquit igitur portam primam prætergressis, alium sese offerre ambitū, extra quem mulieres starent meretricio more exornatæ, per quæ & ætatis processum innuit, & quæ hoc tempore plurimum hominibus usuuenire solent exponit. Nam cū rationis usum habere iam incipimus, licet infirmū etiamnum, quod plurimum in nobis adhuc uigeat & dominetur quod rationis est expers: propter rationis quidē usum electionis, & actionis, ac proinde uirtutis iam & uitij capaces reddimur: propter eius autem imbecillitatem & partium irrationalium

cum

cum hac pugnantium robur, ferè in vitia propendimus. quæ quòd nobis fucata quadam boni specie adblandiatur, non iniuria meretricio cultu exornata ab autore finguntur. Caterum extra secundum, & intra primum has ambitum collocat, quòd bruta & irrationalis natura in his uel sola dominetur nusquam reluctante, immo potius & ad malum cooperante ratione, ut in intemperantia, quam Græci ἀκολασίαν uocant, uel certè superiores partes obtineat, ut in ijs quæ imperfecta vitia à nonnullis appellatur. Nam hic huius ambitus ueluti terminus est, cū in secundo contrà, irrationalitatem ratio exuperet. Atque has quidem meretrices cū hospiti exhibuisset Senex, deinceps quæ nam eæ sint subiicit.

At enim ex his alia quidē Incōtinentia uocatur, alia uerò Luxuria, Inexplebilis auaritia alia, alia Assentatio.

Atirum auctoris ingenium, qui non solum ordine pulcherrimo in omnibus utitur, sed etiam quàm facile in omne uitiorum genus prolabamur, quantoq; contrà labore ac sudoribus ad uirtutē perueniatur, utrunque tum pictura, tum explicatione tam clarè suo loco ob oculos ponit, ut nihil possit inueniri illustrius. Itaque hic, quas ἡμετέρις κακίας uocat Theages, à reliquis non separat uitijs, sed omnia coniungit, uicinàque facit, Hesiodum in hoc secutus, qui rectè uitiorum naturam describit, cū inquit,

τὴν μὲν τοι κακὸν πῦρ ἐγὼ ἰλασθῶν ἐστὶν ἐλέσθαι
 ρηιδ' ἴως, ἀλὲν μὲν ὁ δ' ὅς, καὶ αὖ δ' ἐγγύθι ναίει.

Z ij At

At quæ ἡμετέρις ἀρεταὶ appellantur, eas longo satis intervallo, eoq̃ difficili & acclivi à virtutibus seiungit, atq̃ toto adeo ambitu, ut proximo libro docebimus. Caterum ut quæ hic à nobis sunt dicta, & in sequentibus dicentur, facilius intelligi possint, fuerit, ut arbitror, nō intempestivum, quid inter vitiositatē, & eam, quæ ἡμετέρις dicitur καλὴ, quidq̃ item inter virtutem, & ἡμετέριον ἀρετὴν intersit, ostendisse. Quod itaque in anima, aliud quidem sit, quod rationis est compos & particeps, aliud verò, quod eiusdem expers, πεδύλον à nonnullis appellatum, superius satis est probatum. & quod secundum naturam, illud imperare, hoc parere debeat. Cum igitur quod rationis est expers perfectam rationi obedientiam præstat, aut certe nusquam ei resistit, nec reluctatur, sed omni ex parte discussis perturbationibus, tanquam nebulis quibusdā, in animo pax est, tum & laudabilis in eo existit affectio, & virtus perfecta. Est autem huiusmodi animi status non absimilis aeris constitutioni, in qua tanta tranquillitas est & serenitas, ut nec ullæ nubes conspiciantur, sed undique illustre & clarum appareat cælum, & à ventis prorsus sit quies. Itaque ut ibi suo lumine sol omnia complet & illustrat, ad infima usq̃ vim suam lumenq̃ nullo prohibente diffundens: ita & in anima mens & ratio inferiores potentias, nullis perturbationum & cupiditatum nebulis offusas, illuminat, & ut omnia compositæ & apte in nobis administrentur efficit. Unde non immerito huiusmodi animi affectio Cræcis οὐρανός

φρὸς τὴν

ῥησὶν dicitur, quod sit τῆς ῥησιῶσιν quaedā σωτηρία, id est, prudentiæ conservatio. Huic laudanda & perfecta animæ constitutioni contraria est ea, in qua turbidi affectus & libido plene dominantur, ratio autem aut prorsus succumbit, aut etiam affectum, tanquam servus dominum, sequitur, quam Græci ἀκολασία, Latini intemperantiam vocant. Licebit autem & hunc animæ statū tempestati comparare, qualis apud Maronem, libro Aeneidos primo, describitur his verbis:

Eripiunt subito nubes cælumq; diemq;

Tæcra ex oculis, ponto nox incubat atra.

Ceterum inter hos extremos habitus, alie quaedam affectiones sunt intermedia, quæ quidem, ratione eius quod magis & minus est, in infinitum propè secari possunt: reducuntur tamen ad duas manifestas & oppositas differentias. Nam cum in rationis cum affectu luctatione quadam consistant, cum superior quidem sit ratio, ἐγκράτεια, id est continentia: cum uero inferior, ἀκρασία, id est, incontinentia in anima oritur. Est autem & harum affectionum similitudinem quandam in cælo notare, cum nunc quidem in eo soli ui nubes discutiantur & superentur: nunc uero contrà nubium natura præualeat. Ex his autem quatuor animæ constitutionibus, duæ extreme: hæc quidem, quod in ea omnes animi partes in honesti studium conspirent, perfecta est uirtus: illa uero uitiū absolutum omnibus rursus animæ partibus, & in hac in turpitudinem consentientibus.

bus. Media autē, quod hoc quidē in se boni, illud uerò mali obtineāt, imperfecta tū uirtutes, tum uitia sunt. Nam incontinentia, quod ratio quidē superet, bonū est: quod uerò affectus cum ea luctetur, malum. In incontinentia contrā, quod affectus sit superior, malum: quod autē ratio affectui aduersetur & repugnet, bonum. Ac de his quidem hac in præsentia sufficiant. Nunc ad aut orē reuersi, quo in uitiosis animi constitutionibus describēdis ordine utatur, cōsideremus. Primā igitur facit incontinentiā, idq; merito, quod hac omnium uitiorū, ut Pythagoreis & Stoicis placet, mater sit. Neq; uero id quispiam miretur, quod cū infima animæ partis, eius nimirū quæ cupiditatis est, hæc sit affectio, mater uitiorū esse dicatur. Nam ut à ratione & superioribus bona, ita à cupiditate & inferioribus mala oriri par est. Caterum incontinentia, alia quidem absolute simpliciterq; dicitur, quæ eius animæ partis, in qua cupiditas residet, affectio quadam est uitiosa circa corporearum uoluptatum perfruitionem: alia uerò cum adiunctione, ut lucri putæ, ambitionis, iræ, & cōsimilium. Hoc autem loco eam maxime intelligamus ratio postulat, quæ absolute & simpliciter dicitur, ex qua tanquam radice reliqua suppullulant uitia. Ab hac autem proximum luxuriæ locum tribuit, quod mihi sanè conuenienter admodum facere uideatur. Nam cū incontinentia, à qua facilis etiam ad intemperantiam est transitus, ut duo hæc, tanquam cognata, sub uno nunc nomine comprehensa uideātur, circa corporeas, ut di-

ut diximus, uersetur uoluptates: ad has autem extra modum & mensuram, quæ intemperantis est natura, perfrueudas, sumptus etiam immodici requirantur, merito primam illam animi affectionem prauam, ea apud autorem sequitur, quæ Græcis ἀσώτεια, Latinis luxuria dicitur, animi nimirum quoddam uitium, quo fit, ut in uanas istas & noxias uoluptatum cupiditates profusè impendamus, sumptumq; faciamus. Neque uerò in his solum commodus notatur ordo, sed etiam, quam tertio loco uitiositatem posuit, ex secunda ortum habere, manifestum est. Hæc autem est auaritia, quam generaliori uocabulo inextinguibilem auaritatem, sic enim ἀνιστία interpretor, appellat autor: de qua Cicero libro De oratore secundo, Auaritiam si tollere uultis, inquit, mater eius tollenda est luxuries. Idem in oratione pro Sex. Roscio Amerino, Ex luxuria existat auaritia necesse est, inquit. Aristoteles autem, libro Moralium ad Nicomachum quarto, non solum in eadem esse sententia deprehenditur, sed causam etiam huius ipsius ostendit consecutionis, cum ait: Sed luxuriosorum plurimi, ut dictum est, & unde non oportet accipiunt, & sunt in hoc illiberales. Ad accipiendum autem propensi redduntur, quod sumptus quidem facere uelint, neque facile possint, cum cito facultates hos destituant. Coguntur igitur alium de conquirere. Et simul, quia nullam habent honestatis rationem, sine discrimine & undecunque accipiunt. Largiri enim cupiunt: quoniam autem modo, aut unde, in nullo

Aa discrimi-

discrimine ponunt. Quare nec liberales sunt ipsorum largitiones. Neque enim honesta, neque huius ipsius gratia, neque ut oportet: sed interdum, quos pauperes esse oportebat, hos diuites faciunt: & qui temperatis moderatisque sunt moribus, ijs nihil largiantur: assentatoribus autem, aut qui aliam quampiam voluptatem excogitant, multa. Quā obrem & intemperantes ipsorum sunt plerique. Prompte enim impensas facientes, & in libidines sunt sumptuosi: & quia non ad honesti studium vitam componant, ad voluptates declinant. Ex quibus Aristotelis uerbis, id quod dixi, manifeste constat, tum hac inter se coherere uirtus, tum qua ratione ex altero oriatur alterum. Est autem auaritia, ut quā breuissimè ipsam explicemus, iniuriosa alienorum appetitio. Hanc Græci interdum ἀπὸ τοῦ πλείου τοῦ προσήκοντος ἔχειν ἐφίεσθαι, id est, quod plus aequo habere cupiat, πλεονεξία appellant: interdum latius patente uocabulo ἀπλησία, cuius quæ sit ratio, deinceps ostendam. Initium autem huius considerationis ea nobis præbebit inextinguibilis auiditas, quæ circa nutrimenta est. Cibi igitur plus ac potus moderato conuenientiꝝ ingerere & appetere, inextinguibilis esse auiditatis, omnes statuunt. Conuenientem autem moderatumque cibum & potum, nutrimenti usu æstimant, qui nimirum est corpus nutrire. Caterum nutriet, si recte concoquatur. Concoquetur autem, si modum non excedat. Nam quod modum excedit, crudum manere nouimus. Quod cum sit, eius usum perdi necesse est. Et si quidē crudorum ciborum morsu

morsu laceſſita alijs uniuerſa excernat, uentris quidem profluium ipſum appellatur accidens, alimenti autem uſus perditur. Neque enim ut per inteſtina permeet & tranſeat, idcirco ipſum aſumimus, ſed ut ſingulis adijciatur corporis particulis. Si uero in corpus digeratur non probe concoctum, ~~ut uoluit~~ id eſt, uitiatos humores in uenis efficit. Poſtquam igitur cuiuſmodi in corpore affectio ſit & ~~ad uſum~~ didicerimus, age ad animum tranſeuntes, & in eo hanc conſideremus. Scire igitur in uniuerſum oportet, inexplibilis auiditatis cauſam eſſe, ut in politicis uult Ariſtoteles, quod hominum pars maxima, ut uiuat, non ut recte uiuat, laboret. Cum autem huiuſmodi cupiditas ſit infinita (neque enim ullus uiuendi modus alicui ſtatuitur, quem ultra progredi non cupiat) & efficiencia infinita expetuntur: ut diuitiarum & poſſeſſionum, quaeque ad uitam ducuntur neceſſaria, nullus unquam occurrat terminus, ſemper ulterius ſeſe proferente cupiditate. Iam uero ut inueniantur etiam nonnulli, quibus non ſolum ut uiuant, ſed etiam recte ut uiuant cura ſit: quoniam tamen ipſum illud recte uiuere, alij in uoluptate & uita delicata & molli, in honoribus & exiſtimatione alij conſtituunt, eſt autem nec uoluptatis circunſcripta terminataque natura, & honorum inſatiabilis cupiditas, ſit rurſus ut nulla ſic affectis opes ſint ſatis: quemadmodum nec iſ, qui has non propter aliud, ſed ipſas propter ſe expetendas ducunt. Nam & hi in infinitum diuitias augere ſtudent, & opes opibus accu-

Aa ij mulare.

mulare. Videntur autem hi postremi propriè, & per se esse auari, quos Græci φιλοχρημάτους peculiari etiam nomine appellant, cum priores, illos quidem φιλοζῶτες, hos uero φιλόδοξους, quemadmodum & tertios φιλότιμους, ab eo nimirum, quem quisque sibi ueluti finem proponit, nominent. Et talis quidem in animo inextinguibilis diuitiarum auuiditas est affectio, talibusque ex causis oriunda. Quanquam præter iam dictas & alia quæpiam esse uidetur, contentio quadam studiumque se ditiores semper superandi: quod cum sit infinitum, infinita hinc quoque existit pecunie cupiditas. Cæterum ut ἀρεσῶτα, alia quidem absolutè dicebatur, alia uerò cum adiunctione, sic & ἀπληστία. Nam quam modo explicuimus, absolutè dici uidetur. Quæ uerò præter hanc sunt reliquæ, cum adiunctione fere enunciantur, ut honoris puta, regni, uindictæ, & consimilium. Huic autem perniciosæ affectioni, ἀνταρτία optima animi constitutio opponitur, quæ ex uniuscuiusque rei ueri usus cognitione potissimum oritur. Ex hoc enim modus cuiusque & mensura inuenitur. Porro ipsum usum, finis, quo quidque destinatur, optimè docet: quod & Persius Satyra tertia indicare uidetur, cum præcipit:

Discite quæ ò miseri, & causas cognoscite rerum,
 Quid sumus, aut quidnam uicturi gignimur, ordo
 Quis datus, aut metæ quàm mollis flexus, & undæ,
 Quis modus argento, quid fas optare, quid asper
 Utile nummus habet, patriæ charisq; propinquis

Quantum

Quantum elargiri deceat, quem te deus esse
Iussit, & humana qua parte locatus es in re.

Verum de hac optima animi constitutione in sequenti-
bus copiosius agemus. Nunc autem ad vitiosas redeamus
affectiones, uideamusq; qua ratione & quarta reliquas
consequatur. Hæc autem est, quæ Græcis *κολακεία*, Latinis
aſentatio & adulatio dicitur. Sanè si quis, quæ apud Ca-
lenum libro methodi medendi primo statim in principio ha-
bètur, legerit & intellexerit, ei non difficile fuerit, qua ra-
tione inexplebilem cupiditatem aſentatio consequatur
animaduertere. Sed & ipsa quoque aſentatoris definitio,
ab Aristotele libro Ethicorum ad Nicomachum quar-
to aſignata, id ipsum manifestè ostendit. Inquit enim aſen-
torem esse, qui uoluptati esse studeat, ut utilitas inde quæ-
piam ad ipsum redeat uel pecunia, uel eorum quæ pecunia
comparantur. Cæterum hoc loco aſentationis uox latius
accipienda est, ut non solum uulgo notam illam compre-
hendat, quæ & *παρανομία* peculiari nomine appellatur,
sed etiam omnem affectionem seu studium uoluptatis alie-
næ sui emolumentum causa conquirenda. Sic enim Plato in
Gorgia de ipsa statuit, eamq; aſerit præstantissimarum
artium, quæ circa corpus & animam uersantur, loco sese
uenditare. Hoc tamen ubique inter eam & legitimas artes
discrimen esse, quod hæc id, quod optimum est, semper sibi
scopum præfixum habeant. Aſentatio uero nulla huius
ratione habita, eò quod maximā uoluptatem adferat, ho-

Aa ij mines

mines dementare querat. Quo sanè loco & quadrifariam ipsa diuisa, in ὁποῖον τινα, ὁμοῖον τινα, σοφιστικόν & φιλοσοφικόν, & quam quæq; ueram artem ementiretur ostenso, non par-
 cis deinde interiectis, tandem subiicit. Adscribam autem eius hic uerba, quòd ὁλακείας naturā optimè mihi explica-
 re uidentur. Hæc igitur primum, inquit, considera, an tibi satis rectè dici uideantur, & esse quadam circa animam huiusmodi diuersa studia, alia quidem artificiosa, quæ cogitatione quadam curâq; in id incumbunt, quod circa ani-
 mam est optimum: alia uerò quæ id negligunt, considerant autem rursum, ut illic, uoluptatem tantum animæ, quoniam nimirum modo ipsa comparetur. Caterum quæ ex uoluptatibus melior sit aut deterior, ne cogitant quidem: nec quicquam aliud ipsis est curæ, quàm ut gratificentur solum, siue pro-
 fit, siue ob sit. Nam mihi quidem ὁ Callicles & esse uidentur, & ego sanè assero huiusmodi rem esse as-
 sentationem & circa corpus, & circa animā, & circa quod-
 uis aliud, cuius quis uoluptatibus seruiat, nulla considera-
 tione habita eius quod melius est, aut deterius. Hactenus Plato. Ex cuius uerbis apertè quid sit assentatio, & quàm latè pateat intelligimus. Atque adeo si quis diligenter rem consideret, ut hodie artes uulgo tractantur, assentationes uerius quàm artes sunt censenda, quod de sua etiam ætate queritur Galenus. Nam cum ad lucrum potius, quàm artis cuiusque finem respiciant homines, animaduertantq; obsecundando uberius id, quàm artem legitime exercendo
 proue-

prouenire, omnia quò gratificentur facere sunt parati, artibus ipsis non secundum naturam utentes. Sed de uitiosis istis affectionibus, ipsarumq; inter se consecutione hac in presentia sufficiant. Igitur ad autorem nostrum reuerſi, quidnam ipsis operis assignet uideamus.

Quidnam igitur hic ſtant? Obſeruant, inquit, eos qui à fortuna quippiam acceperunt. Quid tum poſtea? Aſſiliunt, ipsos complectuntur, adulantur, rogantq; apud ſe ut maneat, aſſerētes uitam ipsis fore ſuauem, doloris expertē, quæq; nihil in ſe moleſtiæ & ſollicitudinis habeat,

Quæ hic ab autore dicuntur, manifeſta ſunt, nec explanationis admodum indigent. Nam hæſce, quas finxit meretrices, fortunæ bonis inſidiari, inquit, quòd in hæſ quicquid eſt opum & facultatum facile impendatur. Cæterum quòd aſſilire & complecti eos, qui à fortuna quid acceperunt, adulari item, rogareq; apud ſe ut maneat, facit, & reliqua quæ ſequuntur, eo ipſo blandam nobis, fucatā, & fallacem uitiorum naturam deſcribit, quæ ſeſe ſenſuum illecebris & cupiditatum lenocinijs penitus in animum inſinuauit. Eſt autem hoc loco animaduertendum, cū finis idq; cuius gratia quodq; fit, non minimam uim habeat ad impellendum, artiſcioſiſſimè hic ab autore fingi, uitia fallacis & fucosi finis obtentu, homines ad ſeſe pellicere. Itaq; ipsos uitam experturos ſuauem pollicentur, doloris expertem, quæq; nihil in ſe moleſtiæ & ſollicitudinis habeat. Hæc enim, ut & Ariſtoteles cenſet, uulgarem popularemq; ſenſum maxime impellit, qui modo in doloris uacuitate,
modo

modo in uoluptate beatitudinem constituit. quæ hic utraque coniunxit autor, ut hoc etiam efficacius incitent. Verum quàm misere hæc meretricula, qui ipsis credunt fidem habent, decipiunt, uideamus. subicit enim autor:

Si quis itaq; ab ipsis persuasus ad Vitam se uoluptariam conferat, tantisper quidem hæc congressio suauis esse uidetur, dum hominem titillat: postea nō item. Nam cum ad se redierit sobriusq; factus fuerit, tum demum sentit non se edisse, sed ab ipsa depastum esse & indignis acceptum modis.

Ἡδὺν τὰ δαῖτα, quam nos Vitam uoluptariam uertimus, est autē proprie affectio iucunda & suauis, ab autore tanquam fallacem & fucosum proponi finem ex superioribus satis patet. Eoq; eius domum quandam esse facit, quod mansionis & quietis, quæ fini conuenit, est nota. Sed tantum abest ut hic acquiesci possit, ut nihil ipsi magis, quàm quies contraria esse uideatur, cū tota eius in motu consistat natura. Quare recte inquit autor, tandiu quod cum illa habemus commercium iucundum uideri, quandiu quasi titillaret sensus, & ad eos cum suauitate afflueret & illabere-
tū. Nam hoc tempore obtinente affectu, obscuratur atque penē obruitur mens & ratio, & perinde afficitur atque in graui ebrietate & crapula. quod significare uolens autor inquit: ὅταν γὰρ ἀνακινῶμεθα, id est, cū ad sobrietatem redierit. id autem fit, tanquam fluctibus quibusdam & tempestate sedato affectu, discussaq; quæ inde erat caligine, ac sic mente rursus & rationis ui praeualente, quæ sit uoluptatis
natura

natura animaduvertimus. Nullam enim ab hac aut animo aut corpori accessionem esse factam (id enim non edisse hoc loco significat) sed hanc potius tum in animum, tum in corpus esse grassatam, eaq; indignis affecisse modis, dum animam quidem uitijs obnoxiam, ac proinde ad proprium opus deteriorem reddiderit: corporis autem sanitatem & robur labefactarit: interdum autem & morbosum & uitiatis humoribus obnoxium effecerit: ad hæc autem & externa appellata bona attriuerit, aut etiam penitus absorpserit. Nam hoc est, quod per uoces *καταδύειτο* & *εβρίκειτο*, indicare uoluit autor. Sed his explicatis ad sequentia pergamus.

Quapropter cum omnia consumpserit, quæ à fortuna acceperat, his seruire mulieribus cogitur, omniaq; sustinere, & indecorè se gerere, earumq; gratia facere quæ noxia sunt, ut aliena furripere, sacrilegium committere, perierare, prodere, prædari, & quæcunque his sunt finitima.

Quemadmodum in superioribus, qua ratione quatuor illa explicata uitia, aliud ex alio oriretur ostendimus: ita & hic consideremus, quomodo superiorum illorum occasione, ad iniustitiam omneq; flagitiorum genus protrudamur. Primum igitur quod incontinentia, luxuria, inextinguibilis cupiditas & asentatio, quæq; harum ueluti domina est, *ἡ ἀνάγκη*, id est, ut uerbum uerbo reddamus, suauis affectio, ijs, quæ à fortuna dantur, insidientur, inq; se infirmi cogant, superius satis est declaratum. Deinde uero & illud

Bb patet,

patet, quod qui his sese vitis dedant, quoniam honestati nullam habent rationem, ad honesta certe studia & artes, quibus vita necessaria sibi comparent, non admodum sese applicant. Neque enim à voluptatibus & vitis tantum otij ipsis est, animusq; satis liber, & diutina consuetudine, quæ in naturam propemodum abiit, inertes, ignavi & desides sunt redditi. Et tamen prioribus exuti bonis, alia sibi conquirant necesse est, quæ in procaces istas meretrices impendant. Itaque, quod Cicero inquit, hinc erumpat audacia necesse est, inde omnia scelera ac maleficia gignantur. Cum igitur inquit Senex, Quapropter cum omnia cōsumpserit, quæ à fortuna acceperat, his seruire mulieribus cogitur: necessitatem ostendit, priori exhausta, noua pecuniæ conficienda. Cum uerò, omniaq; sustinere: ex necessitate hac erumpentem audaciam describit. Nam utroque apud Græcos, & sustinere apud Latinos, animū ad aliquid inducere & audere non raro significat. Quæ uerò deinceps sequuntur manifesta sunt. Ex audacia enim huiusmodi oriri affectum, quo pudori & honestati renunciamus, ac proinde scelera & maleficia uniuersa docet, quorum etiam nonnulla speciatim enumerat, ut furtum, sacrilegium, periurium, proditorem, prædationem. Esse autem hæc noxia inquit, illis ipsis nimirum scelerum autoribus. quod ex ijs quæ sequuntur manifestè patebit.

Cum igitur omnia ipsos defecerint, Punitiōni traduntur.

Quis

Quis scelerum, & maleficiorum, & omnino vitiorum
sit exitus & finis, deinceps docere instituit. Quod certè
quàm utiliter fiat, nemo est qui ignoret. Hinc enim fit, ut
ab ijs absterreamur. Caterù finis quidem est miseria, quo
statim quis precipitatur. Neque enim longa ad ipsam est
uia. Excipit autem primò homines in scelera prolapsos,
quæ Cræcis *μυωγία* dicitur, nos Punitiōem uerimus, ut
genus generi responderet. Est autem hæc, animaduersio &
castigatio quedam, tum ad utilitatem eius ipsius perti-
nens, qui punitur, si quidē de eo aliqua sit spes reliqua, ut
in posterum ab iniustitia abstineat, meliorq; fiat: nam fa-
ctum infectum fieri non potest: tum ad exemplum aliorū,
ut quæ patiatur animaduertentes, à uitijs absterreantur,
ut ex Platonis Protagora & Gorgia est intelligere. Caterù
puniuntur homines, nunc quidem à legibus & magistratibus,
nunc uerò à deo optimo & sapientissimo, dum aut mor-
bi ipsis immituntur, aut fame, aut bello premuntur, aut
aliud quippiam mali sustinent: ad hæc autem, quod non
minimum supplicium censet Plato, scelerum admissorum
conscientia cruciantur. Atque hæc omnia in hac uita:
nam de ea nunc Punitiōe agimus. Quanquam fuerit non
incommodum & alterius quoque, quæ post mortem homi-
nes manet, rationem habere, quod uim non paruā & hæc
ob oculos sæpe posita habeat, ut pulchrè docet Zaleucus in
proæmio legum. Rectè autē noster autor Iniustitiæ statim
Punitiōne subijcit, quod *μυωγία* sit, ut autor est Plato libro

Bb ij de Le

de Legibus quinto, ἀδικίας ἀνίστατος παθόν. Verum quoniam Senex tradi quidem eos Punitiōi dixit, minimè tamen quam illa esset ostendit, non immerito deinceps subiicit Hospes:

Quanam hæc est? Vides à tergo ipsarum, inquit, quoddam quasi hostiolum paruum, & locum quempiam angustum & tenebricosum. Quinetiam mulieres turpes, sordidæ, pannisq; obsitæ adesse videntur. Maxime.

Hæc explicationis parum indigere videntur, in pictura spectanda. Quanquam illud, à tergo ipsarum, ad priores meretrices ἡδονῶν, non ad sequentes mulieres pertinet. Nam locus qui hic describitur, ab illarum tergo est: hæc autem hic degunt. Cæterum nec illud prætereundum, nonnullos hic pro δούλιον, id est hostiolum, δούλιον legisse, quorū est Lodonius Odaxius Patavinus (bestiola enim uerit) sed male, ut quiuis facile uidet. Describitur autem hic paruum hostiolum, & locus angustus, quo nihil aliud ab autore significatur, nisi quòd harum affectionum natura sit, animum contrahere, coarctareq; ut contrariarum dilatare, ac explicare, & quodammodo fundere. Tenebricosus autem, uel quòd menti tenebras offundant, uel quòd sic affecti tenebras ament, lucem oderint. Ipse autem mulieres cur turpes, sordidæ, pannis obsitæ fingantur, cuius promptum est intelligere. Neque enim aut uerè quicquam in se boni habent, aut ulla boni specie & adumbratione hæc affectiones sunt commendabiles: sed quales sunt, tales & esse uiden-

uidentur. Igitur turpes sunt, sua nimirum ipsarum natura. Sordida & pannis obsita, utpote quæ nulla assumpta & aduentitia boni specie sese uenditare studeant. Itaque ab omnibus ex æquo fugiuntur. Quis enim est, qui harum affectionum aliquam sibi, siue bonus is, siue malus sit, expectandam ducat? Quod si hæ nonnunquam causæ boni sunt, id certè per accidens est, non per se: ut ultimo commentariorum libro docebimus. Ceterum quod ad orationem attinet, quanquam haud ita magni refert, uariè hæc distingui potest, ut aut tota usque ad, *Maximè, Senis esse statuitur*, siue enunciatiue quis eam, siue interrogatiue legat: aut prius quidem illud, *Vides à tergo ipsarum*, inquit, quoddam quasi hostiolum paruum, & locum quempiam angustum & tenebricosum, *Seni. posterius uerò, Quinetiam mulieres turpes, sordida, pannisq; obsita adesse uidentur*, hosti tributamus: atque ita illud, *Maximè, Senis* rursus erit, cuius & ea sunt, quæ sequuntur.

At enim ex his, quæ flagellum manu tenet, Punitio uocatur. Quæ caput ad genua demissum habet, Aegritudo. Quæ capillos sibi euellit, Aerumna.

Tres hic ponit mulieres, quarum prima, quam uim habeat, superius est traditum. Nam delicta punire, eius esse ostendimus: qua de causa & flagellum manu tenet. Duæ uerò reliquæ, animi sunt perturbationes, quæ Punitiōnem sequuntur: quarum prior Græcis νόσος dicitur, Cicero Aegritudinem uertit. Hæc uariè à Stoicis definitur. Nam

Bb ij Chry

Chrysippus, nunc quidem δῖξαι πρὸς φατὴν καὶ παρσείας, id est, opinionem recentem mali præsentiæ, nunc uero μέωσις ἐπὶ φευκτῷ δεικνύτι ὑπάρχειν, id est, imminutionem ob id, quod fugiendum esse uidetur, ipsam statuit. Zeno autem, οὐσα ληυ ἀλόγου ψυχῆς, quod Cicero libro Tusculanarum Quaestionum quarto interpretari uidetur, animi aduersante ratione contractionem: neque id fortasse malè. Cùm enim apud Cræcos τὸ ἀλόγου duobus accipiat modis, interdum quidē, ut τῷ ἐν λόγῳ opponatur, ac sit ἀμαρτυμία καὶ κρίσις μοχθηρὰ, id est, error & uitiosum iudicium: interdum uero, quod citra omnem sit rationem, cuiusmodi est, quæ secundum perturbationem fit appetitio & motio: hanc certè, quoniam sit ἀπειθαρχία καὶ ἀπειθαρχία τῷ λόγῳ, ut in primo de Perturbationibus uult Chrysippus, aduersante ratione fieri, nō malè quis dixerit. Sunt autem hæ definitiones uitiosæ omnes, quinetiam nonnullæ inter se contrariæ. Neque enim rectè ad opinionem, quæ estimatricis animæ partis est affectio, tanquam genus, ægritudo, quæ ad ἐπιθυμιακὸν pertinet, reducat. & nunc quidem δῖξαι eam facere, nunc uero μέωσις aut ἀλόγου οὐσα ληυ, pugnantia omnino est dicere. Caterū rectè eam definias, si animi perturbationem esse dicas. propter opinionem recentem mali præsentiis. Nam sic & rationis expertis animæ partis eam feceris, & simul affectionis causam definitione comprehenderis. Hanc autem Punitio nem sequi, rectè facit autor, quandoquidem ea præsens quoddam malū esse uidetur. Sed quam tandem ob causam

caput.

caput ad genua demissū ipsam habere facit? An quia hic mos est eorū, qui agitudine sunt affecti? An uero potius ad Stoicorum definitionem respiciens, qua ipsam *συστάλη* *λύξ* *ἀδύο* esse asserunt? Certè contrahi animoq; deici uideamus, qui ita sunt affecti, uel corporis id habitu indicāte. Quae uerò deinceps sequitur erumna, sic enim *ἡδύνη* Ciceronem imitatus interpretor, species quidē, ut uolunt Stoici, agitudinis est: definiunt autem eam *λόγῳ ἐπὶ πένον*, id est, agitudinem laboriosam, quod non solum hac affectio animum affligat, sed in corpus etiam redundet. Unde & capillos sibi euellere fingitur. Neque uerò hac solum mala Punctionem sequuntur, sed etiam alia duo, de quibus statim interrogat *Hospes*.

At enim alius hic, qui ipsis adstat, deformis, corporis habitu tenui & nudus: ac deinde quædam ei similis turpis & macilenta, quinam sunt? Hic quidem *Luctus* uocatur, illa uero eius soror *Anxietas*. His igitur traditur, & cum his uitam agens supplicio afficitur.

Præter superiores, alios insuper duos Punctioni adiungit comites, *ἡδύνη* & *ἀδύνη*, id est, *Luctū* & *Anxietatem*. quorum illum quidem deformem, tenui corporis habitu & nudum facit, ut pote qui tristis & acerbus cum sit, homines pallentes, squalidos, exangues, demique sic affectos reddit, ut mortis quampiam imaginem te uidere credas: hanc uerò illi per similem, quam proinde sororem eius nominat, *ἡδύνη* illis, ut arbitror, de causis. Ceterum *Luctum*

Etum Cicero libro Tuscu. Quæst. quarto sic definit: Luctus
 est ægritudo ex eius, qui charus fuit, interitum acerbo. quæ
 certè definitio, et si uerissima est, tamen nostro huic Lu-
 ctui, Punitionis comiti parum cōuenit, sed ea potius quam
 ibidem lamentationis facit, ut Luctum, de quo nunc agi-
 mus, esse dicamus, ægritudinem cum eiulatu. Quamquam
 posset forsitan aliquo modo & Luctus apud Ciceronē defi-
 nitio, etiam nostro huic accommodari: si nimirum sic affe-
 ctum, sua ueluti interijse opinione accipiamus, ac proinde
 seipsum lugere. Neque enim alter quispiam, quàm ipsemet
 sibi quilibet charior est. Existimant autem homines uulga-
 res & indocti, non solum si animo male sint cōstituti, quod
 non usquequaque absurdum uideatur, non esse ipsis am-
 plius uitam uitalem, sed etiam, si quid corpori grauius ac-
 cidat, aut amissio quæpiam bonorum maior intercizat, de
 se penitus esse actum. Hinc apud Comicos & Tragicos cre-
 bræ illæ uoces, Nullus sum, perij, interij, occidi, ut apud
 Plautum Euclyonem, qui quadrilibrem auri aulam perdi-
 derat. ἀδύνα νερὸ, id est, *Anxietas* quid sit, sic arbitror,
 optime cognouerimus, si primum inspiciamus, cuius ani-
 mæ partis sit affectio. Sanè, ut uox ipsa ostendit, τὸ δύνα
 ὄντ' esse manifestum est. Et quoniam τὸ δύνα priuationem
 quandam ipsa compositione significare uidetur, non cu-
 iusuis ipsius operis, sed eius, quod per se est, fuerit. Id autem
 esse prius traditum est, animi excelsi & inuicti magnitudi-
 nem & robur, sic enim τὸν τένον τ' ἄλγος, καὶ τὸ ἀντίστον inter-
 pretor.

pretor. Quare huius ipsius defectio & dissolutio, aduicia ni-
 mirum fuerit: cum qua aut eadem, aut admodum cert
 uicina affectio est dicitur, ratione tantum maioris mino-
 risue distans. Ad aduicia ut & hoc obiter explicemus, a
 alterum eiusdem huius partis per se opus pertinet, per seue-
 rantiam nimirum in ipsis, quæ ratio iubet, ut animi in ipsis exe-
 quendis, quidam sit languor & desidia. Ex aduicia autem,
 quæ dicitur quædam est species, quæ & *χελεωδης* dicitur.
 Ceterum nos *δουλικη* Anxietatem uertimus, nec omnino,
 ut arbitror, male. Nam si quod *αδω* est corpori, id aduicia ani-
 mo, quod, ut ibi corporis uires à corpore grauantur, ut nul-
 lam decubitus figuram facile ferant, ita hic à curis & con-
 similibus affectionibus animus premitur, ut quietem
 nusquam inueniat. Cicero autem angorem, qui ab anxietate
 hoc differt, quod ira ab iracundia, egritudine premen-
 tem definiat, non prouocantem ad luctum, & mœrentem, sem-
 perque ipsam se sollicitudinem, asserat, nemini dubium: quoniam
 quod *αδω* Græcis, id Latinis sit anxietas. Hoc tamen in-
 ter has uoces interest, quod Latina ab efficienti causa effe-
 ctus, Græca autem à patientis animæ partis affectione effe-
 ctus illum comitante sit appellata. Videtur autem Ver-
 gilii libro *Aeneidos* sexti, *Luclui* non sororem aduicia,
 sed *Curas* adieciſſe, cum inquit.

Vestibulum ante ipsum, primisque in faucibus Orci

Luclius, & *ultrices* posuere cubilia *Curae*.

Sed & hoc in idem recidit, quod *Curae* Anxietatis sint

Cc causa.

causa. Unde Cicero libro De diuinatione primo, eas anxio-
feras appellat, & Accius, Ubi cura est, inquit, ibi anxitu-
do acerba. Et has quidē quatuor affectiones Punitiōni ad-
iungit, sub quibus etiā alias consimiles cōprehensas esse, in-
telligi oportet, ut mœrorē, solitudinem, molestiam, affli-
ctationem: & cum his in cruciatu & supplicio, qui Puni-
tioni traditus est, uitam agere aſerit, atque ita, quod gra-
uissimum est, ad infelicitatem detrudi, ut in sequentibus
docet.

Deinde rursus hinc in aliud domicilium detruditur
ad ipsam Infelicitatem, & ibi quod uitæ est reliquum in
omni miseria traducit, nisi pœnitentia ipsi à fortuna oc-
currerit.

Ut beatitudo bonorum omnium finis est & extremū,
ita malorum infelicitas. Quare & domum quandam eius
facit. Porro infelicitas, quam ~~κακότης~~ κακότης Craci uocant,
status quidam est, non solum omni uitiorum genere, sede-
tiam corporis & externis malis cumulat. In huius igitur
domicilium ad extremum detrudi ipsum aſerit, & quod
supereſt uitæ in omni miseria degere, nisi Pœnitentia ipsi
à Fortuna occurrerit. Nam sic omnino Græca accipienda
uidentur propter articulum τῆς, Fortune additum. alioqui
interpretari liceret, Nisi Pœnitentia ipsi forte occurrerit.
Unde non immerito quispiam dubitet, cur Pœnitentiam
à Fortuna proficisci uelit, quod nimirum rationis & men-
tis est particeps, ut ipsius nominis uis & etymologia indi-
cat,

cat, ab eo quod in rationis privatione consistit, ut superius est traditum. Utrum igitur hoc loco per Fortunam, Providentiam intelligere oportet, ut superius nonnunquam apud autores usurpari uideri admonuimus? An uero potius idcirco à Fortuna Pœnitentiam occurrere facit, quod inconsultè ac temere præterquam nostrum institutum in eam incidamus? Neque enim ob hoc ad uitia uitamque uoluptariam nos contulimus, ut per Punctionem & reliqua mala atque ipsam etiam Infelicitatem ad Pœnitentiam tandem perueniremus: sed accidit sic agentibus & uiuentibus nobis in eam incidere, non secus atque agrum fodientem, uineæ, puta, plantandæ gratia, thesaurum inuenire. Et alioqui rara cuiusdam felicitatis & fortuna esse uidetur, eò prolapsam, ad mentem unquam redire, & emergere aliquando, & se ad frugem bonam, ut dicitur, recipere: quæ pœnitentiæ esse ex ipsius definitione, quæ apud Græcos circumfertur, manifestè patet. Est autem huiusmodi: μετανοία ἐστὶν συναισθησις τοῦ κακοῦ καὶ ἀποκαταστάσις ἐν τῷ καλῷ, id est, Pœnitentia est, tum conscientia animi propter ea quæ perperam sunt facta, tum ad meliorem statum conuersio. Videtur autem Græca uox, si quis diligentius intueatur, non solum à posterius intelligendo, ut uult Erasmus, dicta, ubi quis nimirum lapsus, re peracta, tum demum animaduertit erratum suum: sed gemina quædam hic præpositionis uerba, uis subesse. Altera, de qua modo egimus, quæ ἐπεὶ τοῦ κακοῦ ἀποκαταστάσις significat. Altera uero, quæ ἀπὸ τοῦ καλοῦ ἀποκαταστάσις

Cc ij

eis

εἰς πρῶτον μεταβάσιν. id est, à re ad rem transitum. Nam & in alijs permultis id est animaduvertere, ut in μεταβάσει, quod interdum postremum consilium capere significat: quod Epimethei, non Promethei esse inquit Lucianus. Interdum uerò consilium mutare. Id autem fit, uel sedato affectu discussaq; quæ inde erat caligine, quæ consilij capiendi deliberationem impediebat. cuiusmodi apud Vergilium libro primo Aeneidos de Iunone Veneri pollicetur Iupiter:

-quin aspera Iuno,

Quæ mare nunc, terrasq; metu, cælumq; fatigat,

Consilia in melius referet.

Vel posterioribus cogitationibus, quæ plerumque, ut aiunt, sapientiores esse solent, aliquid animaduvertentibus, quod priores fefellerat: aut etiam temporibus ipsis, reliquisq; circumstantijs mutatis, ad quæ & consilia mutari necesse est.

Tale est illud Terentij:

Pro Iuppiter. M. quid? D. sponse pater interuenit.

Repudio consilium, quod primum intenderam.

Sed tertia hæc quidem consilij mutatio, omni uacare culpa potest, quòd huiusmodi consilij mutandi causæ, in nostra minimè sint potestate. Reliquæ non item, quòd illic πῶδες, hic ἀναστῆναι priori consilio intercurrat. Consimili autem ratione & μεταγνώσκειν dicitur, nunc quidem τὸ πρῶτον γινώσκειν, id est, factum cognoscere, quod νῦν, id est, stulti esse, Hesiodus & Homerus asserunt. Unde & Lactantius libro Diui. Institut. sexto, capite uigesimo quarto inquit:

Quem

Quem enim facti sui pœnitet, errorem suum pristinum intelligit. Ideoq; Græci melius & significantius μετανοῶντι dicunt, quam nos Latine possumus dicere resipiscentiam: nunc uerò sententiam permutare, cuius eadem est, quæ τὸ μεταβολή est ratio, differt q̄ hoc ab illo, quod à conclusione ratiocinatio. Nam γνώμη, τῆς βουλῆς, id est, sententia, consilij quædam est ueluti conclusio. Eodē igitur modo & μετάνοια, nonnunquam τὸ μετὰ τὸ πρῶτον σημαίνει significat: aliquando γνώμη, ut definiunt nonnulli, ἀπὸ πᾶσι ματαιῶν ἐπὶ τὸ ἐναντίον ἀγαθὸν ἐπισκοπῆς, quæ quoniam haberi non potest, nisi præcedente delictorum noticia, fit ut salutaris pœnitentia seu resipiscencia dicere mauis, utroque constet, & eorum quæ perperam facta sunt animaduersione, & ad meliorem frugem receptione, quæ utraque prior Græca definitio completitur. Neque uerò aliter de ea sentire uidetur, loco iam à me citato Lactantius, cū inquit: Resipiscit enim, ac suā mentem quasi ab insania recipit, quem errati piget, castigatq; seipsum dementiæ, & confirmat animum suum ad rectius uiuendum, tum id ipsum maximè cauet, ne rursus in eosdem laqueos inducatur. Sed de Pœnitentia eiusq; occursu hæc propemodum sufficiant. Nunc quis eius usus, quod sit officium, deinceps ab autore audiamus.

Quid tum inde? Si Pœnitentia ei occurrerit, à malis ipsum eripit, conciliatq; ei ac commendat aliam Opinione & Cupiditatē, quæ ad Veram disciplinā ducit, nec minus interim ad eam, quæ Falsa disciplina appellatur.

Cc ij Duo

Duo quæpiam Pœnitentiæ officia tribuit autor. Prius, à malis eripere. Posterius, ad bona promouere. Eripit autem à malis, dum pristinum errorem intelligere nos facit, uitiorum naturam aperit, opinionum, quibus hætenus ducti sumus, falsitatem coarguit, Voluptatum cupiditatūq; adumbratam boni speciem reteggit, ostenditq; quàm damnosa hæc & detestabilia sint. Ad bonum uero promouet, ut ipse inquit, dum aliam nobis Opinionem & Cupiditatem adiungit & commendat, quod quam uim habeat, sic optimè, arbitror, considerauerimus. Cum duplex sit animorum uis, ut superius est traditum, cognitionis altera, altera uerò appetitus: uidetur certè, quod acutè eximium illud ingenij lumen, Ioannes Lod. Vives, libro de Veritate fidei Christiana primo perspexit, propter hanc, animanti illa à natura esse tributa, ut non solum stimulatrix & concitatrix, quod in sensibus potissimū & imaginatione, simpliciterq; in omni irrationali cognitione animaduertimus, sed etiam dux & magistra quædam esset, præcipuè autem quæ rationalis est, cognitio, appetitus. Itaque ad mentem & cogitationem, scientiam & prudentiam diriguntur appetitus: sed in perfectioribus. Diriguntur autem & ad opinionem, ut in uulgaribus, quique adhuc imperfectiores existunt. Neceesse est igitur, si opinio quidem falsa sit (nam & talis, & uera esse potest, mens autē & scientia non ita idē) uitiosum quoque sequi appetitum, atque utrunque deinceps actiones etiam prauas. Idq; ex superioribus est intelligere,

gere, ubi uoluptatem summum bonum existimantes, dolorem contra summum malum, hunc quidem fugiebant, illam uero totis uiribus persequabantur. Quam etiā ob causam in omne uitiorum genus prolapsi, huc tandem per uaria mala ad infelicitatem sunt appulsi. Ceterū hoc ijs accidit, quod eam naturæ conciliationem animaduverterent tantum, quam infima in nobis anima partis, quæ cupiditas est, ratione habemus: à qua sanè non id ducitur, quod hominis est proprium bonum, cum ea nobis sit cum bestiis communis conciliatio, quemadmodum & ea, qua in uictoriam propendimus, quam & ipsam rursus animosæ anima partis occasione obinemus. Quare suo edocti malo nonnulli, & falsam hanc esse opinionem & cupiditatem noxiam pœnitentia docente animaduvertentes, aliam esse hominis dignitatem, aliam excellentiam suspicantur. Neque enim huc, quò reliqua animalia, hunc esse conditum, quæ natura prona, ut inquit Sallustius, atque uentri obedientia finxit: sed ad honesti potius studium, ad quod propter eam, quæ rationis est compos anima pars, conciliationem naturalem sortiti sumus. Hoc enim demum esse, quod hominis, qua homo est, proprium est bonum. Et sic quidem talem opinionem rectus sequitur appetitus, quam cupiditatem hoc loco uocat autor. Quanquam fieri potest, ut non unam aliquam Opinionem & Cupiditatem, sed ipsum uerrarum opinionum genus, Opinionis, & rectorum ac castigatarum cupiditatū, cupiditatis nomine significet, Nam
& ue-

& uerae opiniones & rectae cupiditates, rectè factorum, ut
superius indicauimus, sunt causae. Inquit autem hanc opi-
nionem & cupiditatem ad ueram disciplinam ducere, à
qua falsa & erroneae opiniones & cupiditates prauae ab-
ducebant: simul autem & ad eam, quae Falsa disciplina di-
ciur. Quàmnam autem Veram & Falsam disciplinam
nocet, proximo commentariorum libro explicabimus. Est
enim hoc eius loci proprium. Nunc quid deinde accidere di-
cat autor, consideremus.

Deinde quid fit? Si quidem, inquit, Opinionem hanc
assumpserit, quae ad ueram ipsam disciplinam deducit-
ra est, ab ipsa purgatus seruatur incolumis, ac felix & bea-
tus in omni redditur uita: nisi rursus à Falsa opinione in
errorem impellitur. Papae quàm magnum periculum
aliud hoc est.

In hac Senis oratione nonnulla ambiguitas esse uide-
tur. Primum quod illud, ab ipsa purgatus seruatur incolu-
mis, tum ad Opinionem, tum ad Veram disciplinam re-
ferri posse uideatur, ut intelligamus, uel ab opinione, uel à
Vera disciplina ipsum purgatum seruari incolumem. Ve-
rum ex ijs, quae sequuntur, manifestè constat, de Vera id
dici disciplinam, cuius officium est, accedentibus purgato-
riam uim potandam exhibere. Deinde uerò & hoc, id est,
id est, Sin minus, sic dictum uidetur, ut ex superioribus sit
repetendum, Opinionem hanc assumpserit, & sic ei oppo-
natur, id est, si quidem. Quod quidem si recipimus,
aliud esse *ἡδονὴν*, aliud *ἡδοναίων* necesse est, quod
superius

superius unam eandemq; Opinionem & ad ueram & ad falsam nos ducere Disciplinam dixerit autor. Si uero, quod magis mihi uerisimile est, idem nunc utraque uoce significetur, tum sanè ea mihi magis lectio probatur, quam quidam sequitur interpretum, ἀμὴν πάλιν πλανᾷται ὑπὸ τῆς ἰσοδιδασκαλίας, id est, nisi rursus in errorem à Falsa opinione impellatur. Et hæc quidem, quod ad orationis, pertinet ambiguitatem. Inquit autem autor, si hanc, de qua iam dictum est, Opinionem assumpserit, ab ea quidem ad ueram ipsum ducendum esse Disciplinam: à uera autem Disciplina purgatum (rationem autem ac modum proximo discemus libro) seruandum incolumem, ac felicē & beatum in omni reddendum uita: Nisi, inquit, à Falsa opinione (idem autem est, ac si Falsam dixisset disciplinam) rursus in errorem impellatur: quod qua ratione fiat, quæq; sit Falsæ disciplinæ natura, quod opus, proximi commentariorum libri initium explicabit: ad quod ut transeamus, iam tempestuum arbitror.

FINIS.

Dd

Iustia

IVSTI VELSII HAGANI

IN CEBETIS THEBANI TA=

BVLAM COMMENTARIO-
RVM LIB. IIII.

Umana natura ea est conditio, ut primò quidem cum ignorantia nascatur, non solū omnis uirtutis expers, sed etiam ad uicia & mala procliuus. Deinde uerò, si quidem ab ignorantia ad scientiam, à uitijs ad uirtutes progredi debeat, per media quapiam id fiat necesse est. Neque enim ab extremo subito ad extremum datur transitus, quod & in omni rerum natura spectare licet. Quare inter ignorantem & scientiam, opinio, & disciplina seu eruditio media est: inter uitium uerò & uirtutem, appetitus, & animi quaedā constitutio, in qua lucta quapiā affectus & rationis notatur. Ceterū tam opinio quā disciplina, tum uera tum falsa esse potest: ignorantia non nisi falsa: scientia uera tantum. Consimili autem ratione, & appetitus, & ea, de qua diximus, animi constitutio tum ad bonum, tum ad malum propendere potest, cum uitium tantum sit malum, uirtus contrā bona tantum. Et opinio quidem uera, nihil, aut certè minimum uidetur, quantum ad agendum pertinet, ab eruditione seu disciplina, & scientia differre, quantum ad iudicandum, plurimum. Unde Aristoteles cum triplicem libro tertio Politicorum medicum esse statuisset, *δυνιστογγοῦ*, qui ex alieno praescripto rectisq; opinionibus, quarum neq; demon-

demonstrationem neque rationem probabilem adferre posset, arte exercet. ἀρχιτεκτονικῶν. quem & ἰδοῦτα, id est, scientem ibidem appellat, & πρῶτον διδάσκων, id est, eruditū, his quidem iudicandi vim tribuit, illi autem minimè. Pari autem ratione inter appetitum rectum & eam animi constitutionem, in qua ratio affectum superat, itemq; uirtutem, quantum ad uitæ morumq; probitatem externam spectat, minimum discriminē esse uidetur: quanquā quoad alia quæpiam, ut ex sequentibus cognoscemus, plurimum distant. Voco autem hoc loco appetitum, quem Græci ἄγνιν nominant, qui in pueris rectus plerumque ex institutione quadā puerili excitatur. Sed de ignorantia quidem, opinione & appetitu, quæq; his sunt cognata, itemq; uitijs & malis, in primi ambitus explicatione egimus. De Falsa uero disciplina, etiamsi extra secundum ambitum sit constituta, quoniam tamen ad ipsius ingressum est collocata, eiusq; amatores intra secundum conspiciuntur ambitum: deq; Continentia & Tolerantia, quæ animi quæpiā sunt affectiones, in quibus rationi cedit affectus: itemq; de Vera disciplina, & quæ eius filia esse dicuntur, Veritas & Persuasio (hæc enim omnia ad secundum pertinent ambitum) in quarto hoc commentariorum libro, quantum instituto nostro conuenire uidebitur, differemus, ab his auctoris nostri uerbis exoristi.

Verum enim uero Falsa hæc disciplina quanam est? inquam ego. Vides'ne alterum illum ambitum? Omnia

Dd ij no,

no, inquam, uideo. Extra ambitum igitur ad ingressum mulier quædam consistit, quæ munda admodum & elegans esse uidetur. Prorsus ita seres habet. Hanc itaq; homines uulgares ac leues Disciplinam appellant, cum non sit, sed Falsa disciplina, inquit. At enim seruandi cum Veram petere disciplinam contendunt, huc primum diuertunt.

Quæ de Falsa hic disciplina ab autore dicuntur, ea ut melius asequamur, necessarium esse uidetur, prius quid omnino disciplina sit constituisse. Sic enim & quæ falsa dicatur, facile cognosci poterit. Est igitur in uniuersum prædictæ, tum habitus quidam, qui altera ex parte scientiæ respodet, tum ad huiusmodi habitum institutio, quam etiam ob causam duæ apud Latinos ipsi uoces respondent, Eruditio & Disciplina. Cæterum de prioris eius significatione, Aristoteles libro de partibus animalium primo, hunc in modum disserit: In omni contemplatione ac methodo, tam humiliori, quam præstantiori, duo habitus modi esse uidentur: quorum alterum quidem rei scientiam recte appellaueris: alterum uero eruditionem quandam. Eruditi enim est, quodammodo probabiliter iudicare posse, quid bene, aut non bene explicet qui disserit. Nam huiusmodi sanè quendam, & qui uniuerse est eruditus, esse arbitramur, & eruditum esse, hoc, quod dictum est, facere posse. Sed hunc quidem, de omnibus, propè dixerim, iudicandi ui præditum esse, unus numero cum sit, existimamus: illum uero, de definita quapiam natura. Fuerit enim alius quispiam eodem modo

modo cum iam dicto affectus in una quapiam parte. Quare patet, quod & naturæ investigationis tales quosdam esse terminos oportet, ad quos respiciens modum probandum admittat, citra exquisitam ueri indagacionem atque inuentionem, sicne, an aliter se habeat. Ex quibus Aristotelis uerbis colligere promptum est, hoc inter scientem & eruditum interesse, quod ille demonstratiua methodi præsidio, accuratam, exquisitam, firmam ac stabilem, & ut sic dixerim, scientificam rei cognitionem habeat: hic uero dialectices adminiculo, probabili coniectura & ratione innixam tantum. Et prior quidem traditæ significatio, hæc & huiusmodi est. Posterior uero, qua institutionem quandam ad eam, quam diximus eruditionem, significat, describitur illa quidæ à Platone, libro primo de Legibus satis exquisitè, sed ita tamen, ut, dum suo seruit instituto, ad actionem magis, quàm ad eam, de qua agimus eruditione & cognitione, accommodata sit. Nos autem eam in tribus potissimè consistere iudicamus. Primum ingenij cuiusque exploratione, non ea solum de causa, quod, cum magna sit ingeniorum diuersitas, & alia quidem sint acutiora & perspicaciora, alia uero hebetiora & tardiora, ad horum quidem se captum institutor demittere, illorum uero, altius attollere debeat: sed etiam quod ex ijs, quæ cuique uidentur, & probabilia sunt, cum unoquoque sit agendum. Ceterum quæ ratione ac uia uniuscuiusque ingenij periculum facere oporteat, breuiter quidem, ut fere omnia, in dialecticis do-

D d ij cet

cet Aristoteles: exemplis autem clarissimis copiose explicat Plato, compluribus etiam ipsius dialogis ab hoc ipso περὶ ἡμετέρας appellatis. Deinde disciplinarum earum ac methodorum, quæ ad quamque eruditionem comparandæ sunt necessariae, inter quas dialectica, ut in genere dicam, non postremum obtinet locum, traditione. Tertio uero & postremo, exercitatione, consuetudine & commentatione assidua & quotidiana peritè dubitandi & in utramque partem differendi. Hac enim elicitur & tanquam exprimitur aliquid, quod aut uerum sit, aut ad id quam proximè accedat. Atque hæc quidem πρὸς εἰς due sunt significationes, quarum utraque, quàm quæ apud nostrum habetur autorem, generalior est. Possumus autem eam hoc modo, ex auctoris nostri sententia, qui latiori ipsam oratione explicat, breuiter definire, πρὸς εἰς esse dicentes, σὺ φερεσθὲν πρὸς ἀμείδιος ἀπαλλάττειν καὶ κακίας ἀπίστων ἐκκαθαίρειν, id est, ut sententiam ut cunque reddamus, animaduersionem, castigationem & moderationem, quæ ab imperitia nos liberandi, & ab omni uiciositate expurgandi uim obtinet. Sed hoc quidem si sit πρὸς εἰς, erit nimirum, quæ hanc emendatur, ἡ δὲ πρὸς εἰς, φαντασθεσθὲν σὺ φερεσθὲν ἀμείδιος ἀπαλλάττειν, καὶ κακίας ἀπίστων ἐκκαθαίρειν, ut in sequentibus latius docebitur. Constituit autem hanc extra secundum ambium, sed ad eius tamen ingressum. quo significare mihi uelle uidetur, fucosam & fallacem ipsius esse naturam, sed quæ usum tamen aliquem obtineat, ut suo docebitur loco. Ceterum

etrum cur πῶν καὶ ἀποδιδότα ἔσθαι esse uideatur, cuius intelli-
 gere promptum. Nam quæ alios purgatura uidetur, ipsa
 prius puritatem & mundiciam præ se ferat oportet. & cū
 φανόμενον σωφρονισμὸν eam esse dixerimus, non immerito τὸ
 φανόμενον δίδωται ἑαυτοῖς ipsi tribuitur. Est enim concinnitas, &
 elegantia, sic enim δὲ ταῖς ἑαυτοῖς interpretor, σωφροσύνης, quam
 & ἡσυχία nominant, propria, maximeq; cum, ut in-
 quit libro Politicorum quarto Plato, non absimilis hæc sit
 ἡσυχία. Hanc autem homines uulgares & leues Discipuli-
 na loco habere, inquit, quod si unquam aliàs, hac certè no-
 stra ætate magno mortaliū malò experimur: qua non so-
 lum, quam autor describit ↓ δὲ δὲ πᾶσι δίδωται, sed huius etiam
 ipsius ↓ δὲ δὲ πᾶσι δίδωται ↓ δὲ δὲ πᾶσι δίδωται ἐτίθει, ὅς τις ἐστὶν ἄλλος αἰδω-
 ῶν, omnia tantum non occupare animaduertimus. Sed de
 hoc posterius commodior erit disserendi locus. Nunc in au-
 toris explicatione pergentes, uideamus quare hoc ipsum,
 quod à Sene dicitur, uulgaribus & leuibus hominibus,
 quiq; præcipitis sunt iudicij usuueniat. An hoc ipsum ma-
 nifestum est, cū error adhuc in huiusmodi & deceptionis
 poculum obtineat? Et alioqui fucata & simulata sinceris
 plerunque & ueris maiora uidentur. Sed cur & seruand-
 os, cū ueram petere disciplinam contendunt, huc pri-
 mum diuertere aserit? An & hos deceptos id facere dice-
 mus? quod propemodum ex eo suspicari licet, quod non ita
 multo post apud autorem sequitur, μὴ χρεὶς ἀνὰ πονύριον τῆς ↓ δὲ
 δὲ πᾶσι δίδωται, ἐστὶν ἄλλος αἰδωῶν, & cetera quæ sequū-
 tur.

tur. An uerò potius non sine numine & mente huc sese ipsos applicare dicemus, quod posterius iubere Numē narretur, ut aliquandiu apud Falsam disciplinam commorentur, & nonnulla ipsis usui futura, ab ea accipiāt? Verum de hoc in sequentibus exactius considerabimus. Nunc quid apud autorem nostrum sequatur uideamus.

Nunquid igitur alia uia est, quæ ad Veram ducit disciplinam? Est, inquit.

Cum seruandos, ad Falsam disciplinam diuertere audisset hospes, priusquam ad ueram peruenirent, non ineptè interrogare uidetur, sitne alia quæpiam ad Veram disciplinam perueniendi uia, quàm hæc, quæ per Falsam est disciplinam. Cui Senex, esse quidem respondet: quænam autem illa sit, nunc non explicat, quod posterius id commodius facturus uideatur. Quare nec nos nunc de hac re quippiam dicemus: sed cum ad eum auctoris locum peruenierimus, ubi de hoc agitur.

Sed hi homines, qui intra ambitum reuertuntur, qui nã sunt? Falsæ, inquit, disciplinæ amatores, decepti existimantesq; sibi cum Vera disciplina commercium esse.

Quæ hic ab autore dicuntur facilia sunt, quæq; ocularis inspectionis magis, quàm explicationis indigere uideantur. Sed tamen, quod ex hospitis interrogatione (seu percuntatione dicere mauis) intelligitur, id minimè indiscussū relinquendum arbitror, cur intra ambitū, secundum nimirū, Falsæ disciplinæ amatores reuerti fingantur. Nam hoc

¶

non autem de uia declinare, sibi uelle existimo. Utrum igitur uia, quæ non ita multo post, circa Continentiam & Tolerantiam, proferre se incipit, difficultate deterritos, id eos facere existimandum est? An uerò potius, quòd in ijs acquiescentes scientijs & artibus, de quibus mox agemus, alij his ad gloriam comparandam, alij ad uoluptatem, ad diuitias alij, & alij item ad aliud quid ex ijs, quæ hominum uulgus admiratur & stupefcit, re uera autem per se bona non sunt, abutantur, quæ in primum rursus ambitum eos retrahant? Certè utrunq; usuuenire uidemus. Ceterum quod inquit, hos Falsæ disciplinæ amatores deceptos, arbitrari sibi cum Vera disciplina esse commercium, id propter quandam Falsæ cum Vera disciplina similitudinem ipsis accidit, qua fit, ut hanc ab illa secernere & internoscere huiusmodi homines nequeant, quod & in alijs multis rebus euenire manifestum est, ut docet Aristoteles, in Sophisticis Elenchis, statim in principio.

Qui igitur hi uocantur? Alij, inquit, Poëtæ, alij Oratores, alij Dialectici, alij Musici, alij Arithmetici, alij Geometræ, alij Astrologi, alij Voluptarij, alij Peripatetici, alij Critici, & quicunque his tandem sunt similes.

Qui hic ab autore enumerantur Falsæ disciplinæ amatores, eorum alij à scientia seu facultate, quam profitentur: alij à secta, quam sequuntur, sunt appellati. Et scientiæ quidem, à quibus nomen obtinent, eæ sunt, quas ingenuas

E e &

& liberales nominamus: quarum tres, quæ sermonis sunt,
 Logicas: quatuor uerò, quæ circa quantitatem uersantur,
 Mathematicas appellare, publico usu receptum est. Sectæ
 autem cuiusmodi sint, posterius dicemus. Verum hoc loco
 non iniuria dubitauerit aliquis, quæ ratione has tam nobi-
 les & præclaras disciplinas, quæq; ad sapientiam compa-
 randam uidentur necessariae, ad Falsam referat discipli-
 nam. Nam mathematica, ut de his primum agamus, ui-
 dentur illæ quidem non solum per se expetendæ, cum eius,
 quæ in contemplatione est posita, philosophiæ pars sint non
 minima, ut Nicomachus Cerasinus, libro suæ Arithme-
 tices primo, firmis probat argumentis, & Proclus item
 primo commentariorum in Euclidem: sed etiam uim quan-
 dam habere, ut Græcè significantius dicam, ἀναγωγικὴ καὶ
 ἀεδαγωγικὴ: quarum illam quidē, libro iam à me citato, ex
 Platone docet Nicomachus, cum inquit: Et uerò Plato ad
 finem decimiterti j de Legibus libri, qui à quibusdam Phi-
 losophus inscribitur, quod in eo consideret, qualem Philoso-
 phum esse oporteat, summatim colligens, quæ pluribus di-
 spitata & confirmata sunt, infert: Omne lineamentum,
 numeri q; coagmentationem, ac harmoniæ cōciliationem,
 astrorumq; lationis conuenientiam, unam apparere ei, qui
 commode discat, oportet. Caterum uidebitur, quod dici-
 mus, recte, si quis in unum intuens, omnia discat. Vincu-
 lum enim omnium horum unum apparebit. Quod si quis
 aliter philosophiam tractet, fortunam aduocet adiutricem
 oportet.

oportet. Neque enim sine his quæpiam unquam in rebus
pub. beata reddetur natura. Sed hic modus, hæc disciplina,
sive difficiles, sive faciles, hæc eundum. Negligere autem
minime convenit. Caterum hæc omnia sic qui percipiat, ut
dico, hunc ego sapientissimum appellauerim, iocoq; ac serio
esse contenderim. Manifestum enim est, gradibus quibusdā
ac pontibus has disciplinas similes esse, cum mentem nostrā
à sensibilibus ac opinabilibus, ad intelligibilia ac scientifica
traducant, & ab ijs inter quæ educati sumus ac à pueris
assuevimus materialibus ac corporeis, ad insueta, & à sen-
suum quidē commercio alieniora, materiæ autem carētia
& perpetuitate animis nostris magis cognata, multoq;
prius ei, quod intelligentiæ in eis præditū est. Neq; uerò
ab his disentiunt, quæ apud Platōnem in Phædro habentur,
ubi tres nobis celsos seu erectos, seu sublimipetas, seu quo-
cunq; tandem nomine, quos Græci ἀνοήτους appellant, in-
terpretari uelis, tradit Socrates, qui primam ipsi uitā ab-
soluat, Philosophum, Amatorium, & Musicū. Nam ut
his sua & peculiaria, quibus subuehantur, sunt instrumenta,
& quasi gradus, ita & Philosopho mathematica. Et hæc qui-
dem ἀνοήτους harum artium facultatem satis convenien-
ter probare uidentur. Quæ uerò apud Proclum libro primo
commentariorum in Euclidem habentur, alteram illam,
ὑπερβολὴν nimirum, euidenter astruunt. Inquit enim: Quod
si, quæ ab hac habetur, utilitatem aliò referre oporteat, ad
eam, quæ intelligentia continetur, cognitionem, eius usus

Ee ij erit

erit reducendus. Nam ad eā nos manuducit ac præparat, animi oculum expurgans auferensq̃ à sensibilibus oriunda impedimenta ad cognitionem totius. Quemadmodum igitur purgatoriam uirtutem uniuersam, non ad huius uitæ usus spectando, utilem aut inutile censemus, sed ad eam, qua contemplationi est dedita uita: sic & mathematices finem ad intelligentiam mentemq̃ referre oportet, & uniuersam sapieniam. Sed & apud Platonem libro de Re-pub. septimo, Socrates hanc mathematicarum artium uim & utilitatem uel maximam censere uidetur, cum eum, cum quo disserit, consentaneas quasdam, sed leuiiores minorisq̃ momenti ad mathematicum usum probandum rationes adferentem redarguens, inquit: Suanises, inquam ego, quoniam uereri uideris multitudinem, ne te existiment inutiles disciplinas iniungere. At uerò hoc nequaquam expeditum est, sed perdifficile persuadere, ab harum disciplinarum qualibet animi quoddam instrumentum expurgari & rediuiuum fieri, ab alijs studijs exercitijsq̃ perditum & excacatum, mille corporeis oculis ut seruetur præstabilius. Hoc namque solo ueritas perspicitur. Neque uerò his solum uirtutibus mathematicæ prælucent artes, sed etiam ad reliquas scientias omnēq̃ adeo uitam mirum quantum usum præstent: ut non immerito alicui parū probabilis noster uideatur autor, qui contra atque Timæus & alij probatissimi ueteres senserunt, non ἡ τῶν μαθηματικῶν γνῶσις appellet, sed
ad

ad ἰσοδυναμίαν, quæ tanta utilitate & dignitate commendabiles sunt disciplina, relegandas censeat. Idem quoque de ijs statuendum, quæ sermonis artes esse dicuntur. Si quidem enim & discere & docere res ullo modo citra harum adiumentum possemus, non iniuria Falsæ disciplinæ ipsas esse iudicaremus. Nunc uerò contrà se res habet. Nam instrumenta quæpiam hæ sunt, non philosophiæ solum, sed etiam artium omnium, quæ in ratione consistunt, ut est à nobis in ea oratione accuratè probatum, qua in medico uariarum artium ac scientiarum cognitionem requiri demonstrauimus. Iam uerò & dialecticæ, ut de hac nunc potissimum agamus, quòd ut reliquis præstantior est facultas, ita & philosopho proximiorẽ præstet usum, tantam dignitatem uult esse Plato, quanta alterius scientiæ nullius. Itaque cùm libro de Rep. septimo mathematicas artes, quòd ab antiquioribus hypothesibus ordirentur, scientias esse negasset, de dialectica sic deinceps subiicit. Atqui, inquam ego, dialectica methodus sola hac pergit hypothesibus sublati ad ipsum principium, ut cõfirmetur, compertiq; quid habeat. Et reuera in cæno quodam barbarico animi oculum defossum, sensim extrahit, sursumq; euehit, adiutricibus usæ & auxiliarijs, quas modo recensuimus, artibus. Et paulo post: Anne igitur tibi uidetur, inquam ego, tanquam fastigium disciplinæ dialectica nobis imposita esse: neque ulterius aliam hac superiore ipsi disciplinam rectè imponi posse, sed ad finem iam mathematicũ esse

E e ij peruen-

peruentum? Cum igitur & de hac tam magnificè sentiat Plato, ut eam propriè & aduocet scientiam esse dicat, ac proinde omnium disciplinarum fastigium, cui non mirum uideatur, sic ab autore nostro hanc despici & contemni, ut falsæ discipline in parte ipsam locarit. Nam de Pœtica & Rhetorica minus utique miretur quispiam, cum hanc quidem Platonem audiat, nunc partis Politices simulacrum, remq; turpem ac malam asserere, utpote quæ sub assentatione tanquam genere contineatur: nunc uerò non solum scientiam esse negare, sed ne artem quidem concedere uelle, utpote rem rationis expertem. Illam uerò etiam ex optimè constituta repub. expellere & exterminare, quod iuuentutis ingenia & mores corrumpere uideatur, dum Poëta, cum maiorem partem in imitatione ipsorum ars consistat, partim quidem dissimiliter res, de quibus carmina condunt, imitentur: partim uerò similiter quidem, sed rerum uariarum imitatores cum sint, uarias etiam, ut consentaneum est, imitationes reddant. Neque uerò hæc quispiam sic intelligat, tanquam nullum aut Rhetorices aut Pœtices usum esse Plato existimet (neq; enim ita se res habet) sed quod hæ facultates, nisi Philosophica moderatio ne regantur, hominum abutentium uitio degenerantes, huiusmodi ferè quid incommodi secum trahant. Quid igitur pro nostro autore ad hæc dicemus? Neque enim existimare par est ipsum quæ omnibus eius temporis philosophis notissima erant, ignorasse: & ab his de ijs, quæ tam ualidis sunt

sunt argumentis probata, temere nullaq^{ue} de causa dissentire uoluisse, minimè uerisimile est. Dicimus igitur primum quidem, ipsum, quod sectæ eius, quam sequitur, consentaneum est, ut præter uirtutes, quæq^{ue} animum hominis per se meliorem reddant, nihil in bonis habendum censeret: ita nec ad ueram disciplinam ullas pertinere artes & scientias existimat, quæ non etiam proximè & per se ab ignorantia & falsa scientiæ persuasionibus nos liberet, & ab omni, ut absolute dicam, uitiositate expurgent. quod quoniã hæc, ad quas isti annominantur artes, non præstant, ut ab autore inferius docebitur, non iniuria eas a Vera disciplina separat. Atque hætenus quidem ratio constat. Cur autem ad Falsam disciplinam ipsas releget, adhuc utique dubitauerit aliquis. Postulare enim omnino rationis conuenientia uidetur, ut, quemadmodum inter bona & mala, neutra quedam & media, quæ ἐνδιάμεσα Stoicis appellantur, collocauit, sic inter Veram & Falsam disciplinã has quoque artes & scientias medias statueret, quod naturam in utramque partem uertibilem & inclinabilem obtineant: & nunc quidem usu recto plurimum prosint, boniq^{ue} causa fiant: nunc uero prauo noceant, inq^{ue} malum agant. Verum si quis diligentius rem ipsam perpendat, inueniet & hic nostrum autorem sibi consentaneum esse. Nam ut illic inter bona & mala, indifferentia quedam constituit: ita & hic inter eam, quam secundum affectionem ignorantiam superius Peripateticis appellari diximus, & ueram disciplinam,

nam, has artes medias facit, quas non eo genere falsam disciplinam appellat, quod omni ex parte & penitus sint falsa, nihilq; in se veri contineant (neque enim circa propria subiecta sunt falsa) sed quod in ijs falsitas ueritatem exuperet ac uincat, dum qui ex his artibus nomē inuenerunt, non solum, quæ uniuscuiusque facultatis sunt propria, rectè nouisse se arbitrantur: sed etiam harum ipsarum cognitione elati & inflati, septa, quod dici solet, transilientes, aliarum quoque & maximarum rerum peritos se esse existimant: qui certè error cum sit grauissimus, facile, ut in Apologia apud Platonem uult Socrates, etiam, quam habent, scientiam obscurat. Quanquam uideo & huius ipsius aliam quandam esse, nec minus fortasse conuenientem, solutionem. Videtur enim mihi autor, ut inter uitia & uirtutes absolutas, eas, quæ ἡμετέρας καὶ ἀλλοτρίας καὶ ἀρετὰς, ut diximus, nonnullis appellantur, medias fecit: ita & hic inter insipientiam seu ignorantiam, & scientiam, falsam & ueram interiecit disciplinas: illam quidem, in qua uero falsum præpolleat: hanc uerò contrà, in qua falso uerum: ut quibus gradibus à uitijs absolutis ad perfectam peruenitur uirtutem, iisdem & ab ignorantia seu insipientia, quæ uitiositatis pars quaedam esse uidetur, ad scientiam, quæ ad uirtutis naturam pertinet, fiat progressio. Quare nec hac ratione, malè has ad falsam disciplinam artes ipsum retulisse patet. Deinde uerò & hoc dicere possumus, non temere ab autore factum esse, quod non artes ipsas & scientias

Falsæ

Falsa subiecerit disciplina, sed harum professores potius, eius amatores fecerit. Nam hoc ipso non tam artes, quam artium abusum damnare uideretur. Cum enim harum quælibet non ipsa propter se suumque absolute finem expetenda ueniat, sed usum alio referendum obtineat, qui in his certe acquiescunt, & primario loco huiusmodi scientias colunt, eos manifeste patet plurimum decipi, ac proinde artibus ipsis non secundum naturam uti. Tales autem sunt, qui ex harum unaquaque nomine sibi inuenerunt. Neque enim aut Rhetores, aut Dialecticos, aut Arithmeticos, aut Geometras quosuis uocamus; qui has quidem artes didicerint, in ijs autem minime acquiescentes, ad alia se deinceps seueriora contulerint studia: sed qui hic studiorum suorum finem faciunt, qui has tanquam extremas & ultimas quasdam scientias amplectuntur. Atque in uniuersum quidem, quæ pro nostro autore, ad ea, quæ superius sunt obiecta, adferri possunt, hæc sunt & huiusmodi quædam. Particulatim autem, quod ad artium mathematicarum usum attinet, siue ἀριθμητική, siue γεωμετρική, eum & noster agnoscit autor. sed quoniam hic omnis contemplationi uniuersi seruit potius quam actioni, cuius nobis præcipua habenda est ratio, si modo ad uitam beatam peruenire uelimus, eam nimirum ob causam, harum cognitionem non in totum reijcit ille quidem, sed tantum studium, tamque multam operam ponendam in ea non arbitratur, apud Xenophontem Socrati & hic consentiens, qui à contempla-

Ff tionis

tionis superuacanea curiositate homines auocat, & ad uitam ornandam actionemq̃ instruendam adducit. Itaque & Numen postea iubere ait, apud Falsam disciplinam aliquandiu cōmorari, & quicquid ab ea utile haberi potest, id ipsum arripere: sed breui tamen hinc discedere, maturēq̃ ad ueram disciplinam contendere. Quare minimē inter se pugnant rectē intellecta, & quæ superius pro mathematicis attulimus artibus, & quæ de ijs noster sentit auctor, cum earum cultores & professores Falsæ discipline amatores facit, sed omnia sibi mutuo congruunt, ut uera par est. De dialectica autem, quoniam multis ea modis dicitur (nam interdum quidem omnem disserendi rationem hoc nomine comprehendunt: interdum uerò peculiari quadam ratione probabilis instrumentum intelligunt, id est, eam methodum, qua instructi, de quauis proposita questione, in utramq̃ partem ex probabilibus disserere possumus: nonnunquam autem & demonstratiuam methodum dialecticam appellant, non ea sanè ratione, qua topicem illam probabiliter disserendi rationem, quæ idcirco generis sibi nomen peculiariter usurpat, uel quod proprium & accommodatū nullum habeat, uel quod popularior quædam facultas cum sit, magisq̃ communis, apud hominum uulgus primas facile partes obtineat, maximeq̃ cum circa idem genus cum philosophia, ut tercio τῶν τε τῶν τε quoniam docet Aristoteles, uersari uideatur: sed propter ueram excellentiam dignitatēq̃ qua præfulget, philosophi præcipuum

pium cum sit instrumentum ad scientiam comparandam
 cum sanè in postrema accipitur significatione, merito ipsi
 ea tribuantur, quæ superius ex Platone sunt adducta, mi-
 nimeq; ad falsam, sed ueram potius disciplinam pertineat.
 Cum uero in secunda, falsa utique disciplinæ pars erit,
 eoq; magis, si quis hac, tanquam proprio scientiæ compa-
 randæ instrumento, utatur. Quod cum hodie non solum fa-
 ciant plerique, sed etiam, quod longè est absurdius, ad re-
 ctè solideq; de rebus grauissimis iudicandum, eam rhetori-
 ces partem adhibendam putent, quæ circa concertatorium
 & refractoriolum illud iudiciale dicendi genus occupatur,
 quam omnium deterrimam censet Aristoteles, quod ad
 σοφιστικὴν & ῥητορικὴν quàm proximè accedat, quomodo nō
 multis hos nominibus Falsæ disciplinæ amatores existime-
 mus, qui tum se, tum alios huiusce rei occasione, in grauif-
 simos & perniciosissimos impellunt errores? Verumenim
 uero ut hoc ipsum magis pateat, quoniam superius obiecta
 convenientem solutionē sortita sunt omnia, age de harum
 artium, quarum ab autore cultores, Falsæ disciplinæ ama-
 tores appellantur, uero usu cōsideremus, ab ijs exorsi, quas
 superius sermonis esse diximus. Quoniam igitur inter has
 naturæ ordine prima est grammatica, cuius loco tum par-
 tem eius poetice, tum ῥητορικῆς, unde ῥητορικὴ sunt appellati,
 nunc posuisse uidetur auctor, primum omnium de hac aga-
 mus, & quem usum nobis præstare possit, consideremus.
 Sanè grammatices officium est, quæ ratione mentis sensa

Ff ij quàm

quàm optimè uel dicendo uel scribendo exprimere possimus docere. Nam orationis quidem eiusq̃ partiū hoc proprium est opus, animi sensum explicare. Rectè autem idipsum facere, eius est uirtus, ut prauè, uitium: quod quidem in una dictione, barbarismus: in orationis autem structura, solæcismus generali uocabulo appellatur. Atque hæc quidem cōsiderare, deq̃ his præcepta tradere, grāmāices esse dicimus. Eiusdem autem illius fuerit & Poëtarum reliquorumq̃ autorum, qui ad linguarum cognitionem faciunt, enarratio, quòd præcepta nouisse parum sit, nisi & hæc exercitatione firmentur, atque in habitum ducantur. Unde non minimam huius artis utilitatem est colligere, dum non solum, quo præstamus uel maximè feris, orationis uidelicet usu, cum facilem & expeditum ut habeamus efficit, sed etiam, ut hoc ueluti instrumento, & alios docere, & ipsi ab alijs discere possimus, non modo ijs, qui nostra sunt ætatis, & quibus cum uersamur, sed etiam ueteribus quiq̃ nostra tempora aliquot annorum millibus antecesserunt, dum illorum ex uerbis sententias quomodo eruamus ostendit. Itaque huius ope & cum Platone & Aristotele uersamur, eorumq̃ adiuuamur inuentis, & quæcunque uisum est, ueterum scripta perlustramus. Sed nescio quomodo plerique huius artis naturam non satis animaduertentes, nō iam dicta utilitate ipsam metiuntur, sed omnē in ea ætate cōterunt, uel curiosius præcepta, quàm ex usu sit, disquirentes, uel ad Poëtarū aliorūq̃ scriptorū, unde lin-
gua-

guarū cognitio petitur, lectionē, tanquā ad saxū adhære-
 scetes: & tamē dictū mirū, quā interim sibi placeant, li-
 teratores isti, quā alios prae se contendant, quā seuerē de
 omnibus rebus pronūcient, quā nihil dubitet, maximeq;
 si uel tantula dialectices cognitio acceſſerit, ut unum alte-
 rūue utcūq; cōficere syllogismū possint. Verū hoc non
 solum grammaticorum propriū esse uidetur uitiū, sed
 omnium, propē dixerim, aliorum, qui elegantiora mini-
 meq; sordida tractāt artificia, commune. Hoc autem ipsis
 ex eo accidere uidetur, quod Cræci παρὰ τὸ πρὸς ἀπλῶς uo-
 cant. Nam cū secundum quid, & in una aliqua faculta-
 te sint docti, absolute se simpliciterq; doctos esse existimāt.
 Ceterū huius falsæ de nobis opinionis causa rursus est, im-
 modicus nostri amor, quā Cræci φιλαυτίαν nominant,
 quæ omnia, quæ in nobis bona esse uidentur, in immensum
 exaggerare solet, ut mala ecōtra extenuare, ut aut nulla,
 aut certē exigua appareant. Sed de his aliās fortasse com-
 modius. Nunc ad institutum reuertamur, & explicata
 grammatices uilitate, ad Pōeticen ueniamus, quā supe-
 rius grammatices partem fecimus, tum quod ad nullam
 aliam sermonis facultatem commodius, quā ad hanc, re-
 duci posse uideretur: tum quod grammaticorum plerūq;
 animaduertam, de hac quoq; præcepta tradidisse. Ceterū
 quoniam interdū, cuiusuis carminis, etiā eius, quod mora-
 lia, uel physica, uel alterius alicuius, aut artis aut scientiæ
 præcepta cōtinet, autorem, pōētā nomināt: interdum uerō

Ff ij eum

eum duntaxat, cuius præcipua vis in fingendo imitandoque consistit: fit ut nec poetices, nec poematis seu poëseos utra sit ratio, sed nonnunquam quidem, eam λέγειν μετρίων καὶ ἑρμῶν esse definiant, quam sanè ad Posidonium autorem nonnulli descriptionem referunt: nonnunquam autem δεινὰ καὶ ἀδύνατα πρὸς ἀνθρώπων καὶ θεῶν, id est, divinarum & humanarum rerum imitationem. Atque de hac quidem poetice & hoc poeta nostrum potissimum nunc autorem loqui, intelligere convenit, quod hic demum sit, qui virtutis quadam imagine & umbra, tum ipse seipsum, tum alios etiam decipit. Quare de hac nunc nobis agendum, considerandumque quis huius sit scopus, utrumne eius quod optimū est, quodque prodest aliquam rationem habeat, an vero potius ad voluptatem & delectationem spectet tantum. Sanè si quid Socrati in Corgia apud Platonem credimus, ut ab omnibus hac tantum non, omnis ætatis Poëtis tractata est, videtur, vel solum audientium delectationem, vel maxime certè querere. Quam ob causam, ad assentationem ipsam referendam censet, videturque is connumerare artibus, quæ legitimas & veras ementiuntur. Cuius etiam sententiæ A-
 nitiinus Senerinus Boëthius esse videtur, libro de Consolatione Philosophiæ primo, prosa itidem prima, ubi Philosophiam, conspectis circa ipsum Poëticiis musis, quæ fletibus eius verba dictarent, tanquam dolorem lenatura, commotam paulisper, ut ipse loquitur, ac torvis inflammata luminibus, sic loquentem facit: Quis has scenicas meretriculas ad
 hunc

hunc agrum permisit accedere, quæ dolores eius non modo nullis fouerent remedijs, uerum dulcibus insuper alerent uenenis. Hæ sunt enim, quæ in fructuosis affectuum spinis, uberem fructibus rationis segetem necant, hominumq; mentes assuefaciunt morbo, non liberant. Ex quibus uerbis haud obscurè colligitur, huiusmodi pœticen pro animi & affectuum quadam medicina sese uendicare, cum tamen tantum absit, ut eius officium præstet, morbumq; tollat, ut eum ipsum potius augere uideatur. Caterum quæ ratione id accadat, sic, arbitror, optimè cognouerimus, si naturam ipsius latius aliquanto explicauerimus. Primum igitur ex superioribus id constat, de qua nunc agimus Pœtica, eam habitum quendam esse imitationis. Cum autem omnis imitatio, & quæ imitetur, sibi proponat: & aliquibus ea imitando effingere atque exprimere conetur: insuper autem & modum quendam rationemq; adhibere debeat, hinc sanè magnam uarietatem oriri necesse est. Nam primum quidem quos sibi fingendo exprimendos proponant pœtæ, ij aut boni, aut mali erunt, aut etiam fortasse inter hos medijs. Horumq; rursus aut perpetuo eosdem imitabuntur, aut nunc hos, nunc illos, dissimiles naturas in uno pœmate miscentes. Et quos ipsis tribuent mores, affectus & actiones, hi personæ cuiq; aut congruent, aut ab ea discrepabunt, aut partim quidem conuenient, partim uerò dissidebunt. Deinde uerò cum omnis pœtarum imitatio sermone, harmonia, & rhythmo constet, hæc certè moribus,

bus, affectibus & actionibus, quæ exprimere & effingere student, aut adamussim respondebunt omnia, ipsaq; adeo inter se: aut prorsus tum ab his, tum à se mutuo dissonabunt: aut partim quidem consentanea, partim uerò dissentanea erunt. Tertiò autem, quod ad modum rationemq; attinet, aut narrando explicandoq; quæ uolent, expriment: aut agendo & imitando: aut quedam hoc, quadam illo modo. Si quidem igitur in his poetarum omnis cõsumitur opera, conatus autem ipsis studiumq;, uel omne, uel præcipuum est, ut in Corgia à Socrate probatur, ut delectent: minimã autem curam utilitatis habent: necesse fuerit, ut ex his, nõ quæ optima sunt, eligant, sed ex quibus auditores ac spectatores quàm maximam uoluptatem capiant. Quare quoad primum quidem, non bonos constanter & perpetuo imitando exprimere, ijsq; equaliter unoq; tenore congruentes assignare mores, affectus & actiones laborabunt, quòd hoc spectatoribus parum iucundum fore existiment: sed pœma quàm maximè uarium facere studentes, non solum dispares imitabuntur naturas, sed etiam non raro dissimiliter heroibus non modo auaritiam, illiberalitatem, intemperantiam, insolentiam, superbiam, cõtumaciam, reliquosq; humanos affectus turpes, ipsorumq; persona indignos assignantes, sed etiam de dijs fabulantes, quæ ab ipsorum natura sunt alienissimæ, neque sine summa impietate ijs tribui possunt, ut furta, adulteria, inimicitia, bella, & id genus alia. Animaduertūt enim, homines cū uarietate capi-

tum

tum monstruosa magis, quàm naturalia admirari. Quamquam non hæc ipsis sola tum uariorum & disparium, tum inæquabilis ac dissimilis imitationis est causa: sed non minus etiam illa, cuius Plato in Timæo mentionem facit, paucis uerbis maxima comprehendens, cum inquit, cuius manifestum esse, imitatricem nationem, inter quæ educata est, hæc facillimè & optimè expressuram. Quod uerò extra cuiusq; est educationem, cum factis operosum, tum uerbis adhuc rectè exprimere difficilius esse. Quibus quid quæso breuius, quid rursus accuratius & exquisitius dici potest? Nam primum quidè, cur tum ueteres, tum sui etiam temporis poeta, ut maximè uelint & conentur, nec optimos, nec optima commodè facileq; imitando exprimere queant, ac proinde relictæ meliorum, simplicium & syncerorum imitatione, ad uaria, multiformia, disparia & deteriora ingenia effingenda sese contulerint, causam esse ostendit, quòd inter hæc educati sint, ipsiq; à pueris assueuerint, utpote quorum longè maxima ubique est copia: cum illis autem non perinde commercium habuerint, quod uiri boni & simplices, ueritatis amici, minimeq; fallaces omnibus semper temporibus albo cornu rariores extiterint. Deinde uerò & eandem hanc inæquabilis itidem & dissimilis imitationis causam esse. Neque enim ob aliam causam magis tum heroibus mores, affectus, & actiones personis ipsorum indecores affingunt, tum de dijs tam absurda fabulantur, quàm quòd hæc ipsis maximè sint cognita, utpote

Gg fami-

familiaria & domestica, quæ à uita cōmuni ad ipsos trans-
ferunt: quæ autem uerè sunt bona ac pulchra, heroibus ac
dijs conuenientia, tanquã insolida & inusitata ignorent.
Atque hæc quidem quoad ea, quæ imitando exprimere
conantur, pœtarum sunt grauissima perniciosissimaq; pec-
cata, quibus in hominum uitam graßantur, tum morum
integritatem & innocentiam corrumpentes, quod ferè fie-
ri solet, ut quæ quis admiratur, ijs quàm maxime similis
euadat, & quæ iucunda sunt, cum suauitate quadam in
animos illabentia, ipsis sibi facillimè & uehementissimè
conforment, tum animum falsis & prauis complentes opi-
nionibus & affectionibus, quæ in posterum aut nullo mo-
do, aut cerè difficulter euellantur. Et tamè, si dijs placet,
hos teneræ ætati non modo legendos, sed ediscendos etiam
proponimus: hanc eruditionem liberalem & doctrinam pu-
tamus. Quod uerò ad ea pertinet, quibus ipsa imitatio per-
ficitur, id enim erat secundum, neque æquabile & tempe-
raturum orationis genus colent, quod id minime ijs, quos ex-
primere mores, affectus & actiones cupiunt, conueniat:
sed hoc quoque uarium & multiforme sectabuntur: neque
harmoniam, quæ acuti & grauis quadam est temperatu-
ra, frugi & modestam: neque rhythmum itidem, qui longi
breuisq; quadam ad se mutuo affectione ac ratione cōstat,
optimum, eandem illam nimirum ob causam: sed & hæc
omnia apud ipsos multiplicia & tortuosa inuenientur.
Cuius rursus occasione, & quod in nobis rationis est parti-
ceps,

ceps, & quod affectibus mancipatum plurimum obladi ne-
 cesse est, ut quem illi animi medelam adferre se profiten-
 tur, ea praesentissimum eiusdem inueniatur uenenum. Sed
 haec quidem si sic se habeant, & tertium ipsis respondere
 necesse est, dico autem, rationem ac modum, qui uel maxi-
 ma ex parte, uel etiam totus ipsis in actione imitationeque
 consistet. Ex quibus omnibus colligere promptum est, tria
 haec ex praecleara illa & celebri poetica, quae animi quaedam
 medicina habetur, & ad uitae morumque honestatem insti-
 tutio, reportari incommoda, opinionum uanitatem, & de-
 prauationem, immoderationem affectuum, & in omni ui-
 ta uarietatem & inconstantiam: quorum illud quidem,
 rationis copotis partis est uitium: alterum uero eius, quae
 appetitus est: tertium autem totius animae. Verum enim uero
 dicat aliquis, si ea huius Poëtices est ratio, ut tam res no-
 xia & pestifera sit, cur de Homero eius parente tam praec-
 clare sentiunt, non solum literatorum uulgus, quod facile
 forsitan quis contemnat: sed etiam excellentissima quaeque
 philosophorum ingenia, atque ipse adeo Plato in nonnullis
 dialogorum suorum locis, nunc ipsum prudentissimum, nunc
 maxime diuinum poetam nominans? cur item de hoc in-
 quit Horatius?

Qui quid sit pulchrum, quid turpe, quid utile, quid non,
 Plenus ac melius Chrysippo & Crantore dicit.

Neque uero hoc contentus sententiae insuper suae probatio-
 nem subiicit. Ad quae hoc modo breuiter respondemus. Pri-

Gg ij mura

mum quidem, quod cum philosophi, aut etiam Plato Homerum celebret, Poëtam eum sapientissimū & diuinum appellans, non ipsum simpliciter probet, sed ut Poëtam: neque eam ob causam ipsius poëmata, quod in suo genere sint absolutissima, illico quoque ad primam eruditionem & institutionem accommodata iudicet. Habent enim & hæc suum forsitan usum, quamuis non eum, quem ipsi hominum tribuit error. Deinde uerò, quod ad Horatium attinget, etiam si promptissima responsio esset, non mirum poëta suffragari poëtam: nunc tamen huc confugere nolo, sed quod ab eo dictum est, tanquam uerum recipio. Sed aliud esse dico, quod in Homero laudat Horatius: aliud quod in poëtica ex Platonis sententia nos reprehendimus. Nam Horatius quidem, ut arbitror, cum spinosis Chrysippi & Crantoris scriptis, luculentissimam Homeri poësim comparans, hanc illis præferendam censet, quod uirtutum & uitiorum, expetendorum & fugiendorum naturam copiosius & commodius in ea Homerus, quàm in suis scriptis illi, explicuerit: quod certe negari non potest. Neque enim, siue dictionem spectes, Chrysippi (ut de hoc potissimum agamus, utpote cuius scripta qualia sint ex ijs, quæ passim satis multa à Caleno citantur, cognoscere possumus) inepta loquacitas, & in uerbis nouandis & faciendis licentia impudens, cum Homeri conferenda est appositæ dicendæ ratione & usitati sermonis festiuitate uerecunda: siue rerum tractationem, frivola planeq; illiberales illius argutiae,
cum

cum huius solida atque ingenua doctrina. Nos autē, hanc quidem laudem tum Homero, tum ueterum pōetarum plurimis concedentes, inutilem tamen omnem huiusmodi pōeticen, immo & noxiam formandis puerorum & iuuentutis ingenijs existimamus, ob eas, quae superius à nobis adductae sunt causae. Caterum si quis huius sit usus, eum esse statuimus adultioribus, quiq; prudentiae reliquaq; uirtutis habitum iam sibi compararunt ingenijs, ut in hac tanquam speculo quodam morum & ingeniorum discrimina notantes, uniuersaq; uitae humanae uariam conditionem, uarios casus animaduertentes, hac honestissima simul & utilissima oblectatione seuerioribus studijs defatigatum animum recreent, quod his, utpote prudentia instructis & uirtutis usu roboratis, ab illis nihil amplius sit periculi, à quibus tenera aetate metuebamus. Et haec quidem de his. Illud autem minimè dissimulandum, libro de Legibus secundo, uelle Platonem, primam disciplinam & eruditionem per Musas esse & Appollinem. Neq; tamen existimare oportet, ipsum haec dum dicit secum pugnare, quod de ea hic agat pōetica, quae philosophica moderatione regitur: & uel bonos imitatur tantum, conuenientes ipsis mores, affectus & actiones tribuens, atque hac sermone, harmonia & rhythmo yis proprio & consentaneo exprimēs, orationisq; forma, quae tales maximè personas deceat: uel etiā malos, sed ita, ut turpificati animi deprauationem & sceditatem sic exprimat: sic in tenera illius aetatis sensum penitus in-

Gg ij currere

currere faciat, ut ea non modo offendatur, sed tanquā fe-
disimum monstrum insuper horreat. Quod qua ratione
consequi quis possit, in secundo & tertio de Rep. libris ali-
quousque docet Plato, dum & formas quasdam præscri-
bit, quibus tum deos, tum heroas imitando exprimere de-
beat: & orationis, harmoniæ rhythmique genera cōmonstrat,
huiusmodi subiectis personis congruentia. Ac de pœtica
quidem, eiusq; tum incommodis, tum oportunitatibus hæc
hactenus. Consequens est, ut de rhetorica & dialectica aga-
mus. Et quoniam quatuor hic se methodi offerunt inter se
uicinæ, demonstratiua, dialectica, rhetorica, & sophisti-
ca, fuerit arbitror non incommodum, de ipsis coniunctim
disserere. Harū igitur quatuor methodorū, demonstratiuæ
quidē, scientia est finis: unde & ἐπιστήμη apud Græcos, id
est, ut uerbū uerbo reddamus, scientifica uocatur. Dialecti-
ces autem seu topices, opinio: quæ cum uera fuerit, & fir-
mioribus subnixæ rationibus in habitum quendam abie-
rit, eruditio appellatur. Rhetorices uerò, ea quam Græci
modo πείρα, modo πᾶσις nominant, fidem & persuasionem
nos uertere possumus. At uerò sophisticæ, nullus quidem
per se huiusmodi est finis, ad uitam utilis: sed ei propositum
est, harum semper artium aliquam ementiri, potissimum
autem demonstratiuam aut dialecticam. Unde & nobis
hæc discenda est, non ut eam exerceamus ipsaq; utamur,
neque enim hoc probi uiri officium est, sed ne quid in ueri
inuestigatione ab hac patiamur incommodi. Caterum ex
his

his quatuor methodis, demonstratiua quidem ad ueram
pertinet disciplinam, ut posterius probabimus. Sophistica
autem, quæ eius, quæ secundum affectionem est, ignoran-
tiæ est causa, uidetur illa quodammodo, hoc quidem modo
considerantibus nobis, infra $\lambda\sigma\delta\delta\omega\alpha\delta\epsilon\alpha$ esse, illo uero rur-
sus, uel ipsa $\lambda\sigma\delta\delta\omega\alpha\delta\epsilon\alpha$, uel eius certe aliqua in parte col-
locanda. Nam si quis occasionem omnem, qua tum sese,
tum eos quibus cum uersantur in errorem impellunt homi-
nes etiam quilibet & uulgares, ad sophisticam pertinere
existimet, atque ita hoc nomine utatur, quo sanè modo di-
citur, quod omnia, quæ in uitæ actionibus perperâ gerun-
tur, sophismatibus succedant, tum infra falsam fuerit di-
sciplinam. Si uero generosam illam & peruagatam, maio-
ris eruditionis specie sese uenditantem & ostentantem fa-
cultatem hac uoce intelligas, aut ipsa certè $\lambda\sigma\delta\delta\omega\alpha\delta\epsilon\alpha$
erit, aut ad ipsam omnino pertinebit. Ceterum quod dico
manifestius erit, latius aliquanto explicatum. Qui hic in-
ter falsæ disciplinæ amatores numerantur, omnes aliquo
modo sophistæ appellari possunt, quatenus nimirum, ut
prius est dictum, maiora uero tum ipsi de se cōcipiunt, tum
apud alios profitetur. Itaque & Poëta & Orator & Dia-
lecticus Sophistæ erunt: Arithmeticus item & Geome-
tra, Musicus & Astronomus. Nec minus uoluptarius
Epicureus, Peripatericus argutus, & seuerus Criticus.
Rursus autem, peculiari quadam ratione sophista dicitur,
qui cum philosopho, quemadmodum & dialecticus, eodem

in

in genere uersatur. Sed philosophus ab illo quidē, proposito
uitaēq; instituto differt: à dialectico uerò, facultatis modo.
Nam quæ dialecticus conatur, ea cognoscit philosophus,
scire autem præ se fert sophista. Quare id, quod diximus,
manifestum iam est, peruagatam illam sophisticam, si prio-
ri genere accipias, eandem cum falsa esse disciplinā, aut si-
quidem omnino exactè loqui oporteat, quod in falsa disci-
plina est falsi, id eiusq; causam esse sophisticam: si uerò po-
steriori, tum aliqua eius censenda est portio. Videtur au-
tem sophisticæ in genere ea uis esse & facultas, ut quiduis
uideri, minimè autem esse faciat: ut sapientem uideri, &
non esse: dialecticum item & oratorem, & quemuis alium
artificem. Atq; hæc quidē de sophistica. Dialectica autē,
quod ad falsam pertineat disciplinā, dictum id quidem est
& prius. Dicetur autem & nūc, & quoad eius fieri pote-
rit, conuenientibus argumentis probabitur. Primum igitur
uideamus, quem superius finem assignauimus, is ne ipsi
conueniat, an non. Id autem hoc pacto commodissimè co-
gnouerimus, si eius, qua de nunc agimus dialectica, natu-
ram diligentius intueamur. Dicimus igitur eam, metho-
dum esse, qua instructi de quauis proposita questione, in
utranque partem ex probabilibus disserere possumus. Sed
omnis qui disserit ac ratiocinatur, prorsus aliquid effice-
re & argumenti sententiam concludere conatur. Qui au-
tem de quauis proposita questione, & in utranq; partem,
utramlibet, & nunc hanc, nunc illam contradictionis ut
inferat

inferat partem, euenire necesse est: quarum altera necessario uera, altera autem falsa est. Iam cum omnes, qui commentando & ratiocinando comparantur seu habitus, seu affectiones quis dicere malit, tres sint, nec plures, nec pauciores, scientia, opinio, fides (dabunt enim facile, ut arbitror, qui liberalius sunt instituti, ut hoc modo $\pi\iota\sigma\eta$ Græcorum reddam, maximeq; cum fidem facere Latine dicamus. Nam preposterè in uocibus curiosos, rebus negligentes, & nimis anxie Ciceronianos nil moror) Intelligentia enim, seu $\mu\epsilon\sigma$, & sensus, quæq; hunc sequitur imaginatio, tum natura insunt, tum omni argumentatione & ratiocinatione sunt antiquiora, scientia certè dialectices effectus non erit, quòd scientia uera tantum, non autem & falsa sit: dialectici autem syllogismi conclusio, nunc uera, nunc falsa, cui & animi affectionem respondere oportet, qua in ea acquiescimus. Restat igitur, ut aut opinio sit, aut fides. Sed fides esse non potest, quòd à credilibus, sic enim $\pi\iota\delta\alpha\upsilon\alpha$ interpretor, hæc oriatur, quæ in quolibet inuenire, rhetorices esse officium, libro de arte dicendi ad Theodectem primo docet Aristoteles. Opinio igitur sit necesse est, quæ ex opinabilibus & probabilibus, quæ Græcis $\omega\delta\epsilon\gamma\alpha$ dicuntur, efficit dialectica. Sed uniuscuiusque artis ultimus effectus, & finis eiusdem fuerit, quòd, cum eò sit peruentum, cæset & conquiescat. Hæc enim ipsius finis propria est nota. Quare patet, rectè à nobis dictum esse, dialectices finem esse opinionem. Unde ab effectû, ut demonstratiua methodus $\epsilon\pi\iota$

Hh $\sigma\upsilon\mu\phi\omega\upsilon\sigma\iota$,

sapientia, sic & hæc doctrina non male appelletur. Neque ue-
 rò hoc loco nos inturbet quisquam, dicatq; non solum
 inelegantem & ineruditam, si quidem hic ipsius sit finis,
 sed etiam inutilem & superuacaneam hanc uideri artem,
 quòd in eo comparādo tantum opera & studij ponat, quòd
 tam peruulgata omnibusq; (ut ex auctoris sententia prius
 est dictum) exposita est natura, ut uel nolentium in ani-
 mos obrepāt: tam porro lubricum & incertum, ut ei tuto
 fidere nequeas: sed intelligat præter eam, quam superius at-
 tulimus opinionis significationū distinctionē, etiam aliam
 quandam supersse eiusdem uocis diuisionem, quæ huic à
 nobis loco est reseruata. Nam opinionum aliæ quidem ab
 inferioribus & rationis expertibus, sensu nimirū & ima-
 ginatione ortum habent: aliæ uerò à superioribus & ratio-
 ne præditis, mente & cogitatione. Quarum illæ omnium
 sunt communes & uulgares, inconsideratæ, fluctuantes,
 maiorem etiam partem falsæ, quas superius assilire fecit
 auctor, & quemlibet complecti: deinde abducere: hæ uerò
 contrā singulares & elegantiorum propriæ, ingeniosæ, sta-
 biliores, plurimum ueræ, uel ad ueritatem proximè acce-
 dentes: cuius generis eam esse dicimus, quam dialectices fi-
 nem statuimus. Sed hoc explicato, & illud animaduerte-
 re promptum, quam ob causam ad Falsam hæc pertineat
 disciplinam. Nam præter ea quæ superius sunt dicta, & hu-
 ius conclusionem non perinde stabilem & perpetuam esse,
 ut demonstratiua methodi constat. Neque tamen pro-
 pterea

pterea inutilis fuerit & superuacanea, quod fieri nequeat,
 ut ab ignorantia & temeraria illa ac fluctuante opinione,
 tanquam densissima caligine, ad tantum certissimæ scien-
 tiæ splendore subito transferamur: sed medijs quibusdam
 & hic opus sit, quæ animi oculum temperata paulatim lu-
 ce recreent, & clarioris luminis præparent appulsui. Ac
 de dialectica quidem hæc in præsentia sufficiant. Nunc ad
 rhetoricam ueniamus, quæ & ipsa falsæ disciplinæ in par-
 te locatur. Est autem eius finis, ut prius est dictum, *πίσις*, id
 est, fides, quam & *πείσθω* (persuasionē uertere possumus)
 nonnunquam appellare solent. Quoniam autē huius duæ
 sunt, ut in Corgia docet Socrates, species, altera firma &
 scientiæ coniuncta: altera uerò citra scientiam: cū eam
 rhetorices finem esse dicimus, posteriorem hanc intelli-
 mus. Describimus autē eam hoc modo, *ἡ πίσις ἢ τοῦ πείσθω ἐστὶν
 ἐκ τῆς πιθανολογίας γενεῆν συγκαταθεῖς περὶ πραγμάτων ἀμείνων
 τοῦ σώφρονος*, id est, Fides seu persuasio est, credibilis & uerisimi-
 lis orationis uis, extorta de re dubia assensio. De hac seu ar-
 te, seu facultate, seu experientia, multa omnibus tantum
 non seculis sunt dubitata, & ab excellentissimis quibusq;
 ingenijs disputata in contrarias partes. Nam statim qui-
 dem id ipsum non satis inter scriptores conuenit, quòdnam
 rhetorices sit genus: cū alij eam artem esse uelint, ac pro-
 inde libros suos περὶ τέχνης ἢ τοῦ σοφῶς inscribant: alij uerò, non
 artem, sed uim quandam & facultatem: nonnulli autem,
 quorū est & Plato, experientiā: nec desunt, qui *ἔκστασις*,
 Hh ij id est,

id est, artem quandam maleficam, eam esse asserant: quibus & Plato in Gorgia quodammodo assentiri uidetur, cum rhetoricam rei cuiuscūq; particulam esse, inquit, parū honesta, quam deinceps ῥητορικὴν nominat, & rhetores nihil in ciuitatibus posse probat, si modo quis posse, bonū esse existimet. Deinde uero ex generis inuestigatione occasione sumpta, & hoc agitare cœperunt, utilis, an inutilis, aut etiam noxia sit censenda rhetorica. In qua consideratione non minor rursus inter ipsos, quàm in priore illa, est dissensio, alijs aliud de ea statuentibus. Ad hac multa alia his finitima, de hac in dubium sunt uocata, quæ si quis cognoscere desideret, secundum Quintiliani Oratoriarum institutionum librum adeat. Nos autem, quod ad nostrum institutum ea potissimum, quæ duæ propositæ sunt quæstiones, facere uideantur, breuiter de his agemus. Primum igitur dicimus, minimè mirum uideri debere, si tam uarias atque adeo dissidentes, de eius genere, sententias habuerint ueteres. Neque enim eodem omnes mentem retulerunt, ac de eadem locuti sunt rhetorica: sed alij in ueram eius speciem intuentes: nonnulli artem ipsam esse: quidam facultatem pronunciarunt. Et artem quidem Aristoteles, qui id etiam, breui quidem, sed satis efficaci argumentatione concludit, cum inquit: τὴν μὲν οὐ πολλὰν, αἱ μὲν εἰκὴ ταῦτα δὲ ὥσπερ εἰ δὲ δὴ συνήθειαν καὶ ἀπόψεως, ἐπεὶ δ' ἀμφοτέρω ἐνδέχεται, ἀλλὰ ὅτι εἴη αὐτὰ καὶ ὁδοποιεῖν. διὸ γὰρ ἐπιτυχάνουσιν, οἷτε δὴ συνήθειαν, καὶ οἱ ἀπὸ ταῦτο μάτῳ, τὴν αἰτίαν θεωρεῖν ἐνδέχεται. τὸ δ' ἡ τοῦ ἡδὲ πάντες αὐτὸ ὁμολογῆσαι τεχνικὸν ἔργον εἶναι. Quem subsequen-

tus,

tus, sed timidius aliquanto Cicero, libro de Oratore secundo, non artem eam esse, quod tamen merito posset, absolute concludere sustinet, sed, si non plane artem, at quasi artem quandam esse inferi. Subijciam autem & eius hoc loco verba, quae Aristotelis propemodum orationem exprimunt. Etenim, inquit, cum plerique temere ac nulla ratione causas in foro dicant: nonnulli autem propter exercitationem, aut propter consuetudinem aliquam callidius id faciant: non est dubium, quin si quis animaduertit, quid sit, quare alij melius quam alij dicant, id posset notare. Ergo id qui toto in genere fecerit, is si non plane artem, at quasi artem quandam inuenerit. In quibus tum Aristotelis, tum Ciceronis uerbis maior quæpiam probationis uis, quam prima fronte quis suspicetur, diligentius examinati latere deprehenditur, licet non per omnia Aristotelis subtilitatem expreßerit Cicero. Est autem summa totius demonstrationis huiusmodi. Quicquid fit, ab alijs temere ac nulla ratione, ab alijs ex consuetudine ac habitu, id ad artem redigi potest. Sed appositè ad persuasionem dicere, id ab alijs fit temere ac nulla ratione, ab alijs ex consuetudine & habitu. Ergo appositè ad persuasionem dicere, ad artem redigi potest. Et huius quidem syllogismi propositio minor, quam assumptionem, qui Ciceronianè loqui student, appellant, usu & experientia probatur: quod plurimos uideamus, etiam si non omni ex parte (neque enim hoc temere circa artem usu uenire solet) at aliquosque tamen, alios melius, alios dete-

Hb ij rius

rius id facere. Maioris autem, quam propositionem, si placet, appelles licet, ab eo, quod artis est proprium, dependet probatio. Caterum artis proprium est, causam notitiam habere, hocque ab experientia distat ars, quod haec causam eius, quod ab ipsa fit, cognoscat, illa uero ignoret. Procedit autem argumentatio hoc modo. Cuiuscunque causa notari & percipi potest, id ad artem redigere licet. Id enim ex eo quod iam dictum est, per se est manifestum. At quicquid fit, ab alijs temere nullaque ratione, ab alijs ex consuetudine ac habitu, eius causa notari & percipi potest. Nam & hoc quoque evidens est. Igitur quicquid ab alijs fit temere ac nulla ratione, ab alijs ex consuetudine ac habitu, id ad artem redigere licet. Atque ita uidemus hanc questionem spe citius absolutam esse, eiusque demonstrationem ex solidis principijs, tum eo, inquam, quod sensus & rerum probat usus, tum quae menti sunt euidentia ductam: quae per alia priora ulterius confirmare non est. Et haec quidem eorum est ratio, qui artem esse rhetoricam uolunt. A quibus non multum dissident, qui ipsam facultatem statuunt. Neque enim de rebus est ipsis cum prioribus controuersia: sed uocum quandam subtilem & argutam magis, quam solidam & usitatam distinctionem introducentes, sic artem a facultate separant, ut haec quidem contrariorum utrumque scopum sibi propositum habeat: illa uero alterum tantum. Quanquam enim, ut libro quinto Ethicorum ad Nicomachum inquit Aristoteles, non solum facultates, sed etiam scientiae,

scientiæ, sub quibus & artes comprehendî, eo loco intelligere oportet, eadem contrariorum sunt: attamen alterum tantum contrariorum definitè scopum sibi propositum habent, id nimirum, quod melius est. Cùm igitur contraria dicendo persuadere, rhetorices, ut, in utramq; partem disserere posse, dialectices sit finis, ut ipsi inquiunt, non ars, sed facultas quædam erit censenda. Sed mihi videntur hi, dum nimirum subtiles esse uolunt, planè hebetes fieri. Nam etsi hoc quidem inter dialecticam & rhetoricam, ac ceteras artes est discrimen, quod reliquarum nulla contraria concludat, illæ autem solæ hoc faciant: non tamen propterea contrariorum utrunque scopum seu finem ipsis esse, rectè quis dixerit: sic enim unius seu facultatis, seu artis duplicem fecerit finem, quod absurdum planè uidetur: sed & harum utrique unus tantum & suus, ut & alijs artibus, statuendus est finis. Is autem fuerit, qui per se, non per accedens ipsis conveniat. Videamus igitur quis rhetorices huiusmodi sit finis. Ne eo certè iudicio, cùm omnis eius vis in oratione dicendoque consistat, dictione persuadere, rectè ipsius per se finem esse, cum Aristotele & Cicerone statuerimus. Caterum bona sint, an mala, quæ dicendo persuadere conatur, quod ad artem pertinet, nihil interest: quod ad hominis & ciuis officium, plurimum. Neque enim ullius boni aut hominis, aut ciuis est, mala & inutilia persuadere: & tamen qui hoc possit, bonum nihilominus oratorem dicimus. Accidit autem hoc & in alijs artibus, ut in ipsa
statim

statim medicina. Nam bonum appellamus medicum, qui quamplurimos & commodissime sanet, sintne autem illi Græci, an Barbari Græcorum hostes, quod ad artem pertinet, nihil interesse putamus. Sed Hippocrates tamē Artaxerxis exercitum peste laborantem curare recusat, non quod uereatur, ne boni medici nomen amittat, si quidem hoc faciat: sed quod contra officium boni uiri Græcorumq; amanti, id esse iudicet. Sed uideo quid hic obijci possit: pugnare nimirum, quæ hic à me dicuntur, cum ijs, quæ tertio libro tradidimus. Ibi enim asseruimus, et si quæ cum ratione coniunctæ sunt facultates, contrariorum eadem sunt omnes, tamen contrariorum alterius per se, eius nimirum quod melius est, alterius uerò per accidens esse: hic uerò dicimus, nihil interesse bona sint, an mala, quæ dicendo persuadere instituit orator. Ex æquo enim bonum oratorem futurum, modo accommodatè ad persuadendum dicat. Atqui uidetur, si illud uerum sit, quod libro tertio est à nobis scriptum, arte dicendi abuti, qui hac mala & inutilia persuadere conetur. Neque enim ad malum, sed ad bonum hæc dei concessu ac munere hominibus est data. Quod si sit, & uerum eius usum, ac proinde finem esse, non absolute dictione persuadere, quæcunque illa tandem fuerint, sed bona, iusta & utilia. Quid igitur ad hæc dicemus? An scilicet duobus modis rhetoricam spectari posse? Aut enim absolute & per se: aut cum quadam, quam ad aliam se superiorem facultatem obrinet, affectione cogitat. Et illo quidem modo,

modo, is ipsius fuerit finis, quem superius assignauimus. Hoc uerò, non is simpliciter, sed ad politicos usum, sub qua reliquæ sunt omnes scientiæ, artes ac facultates, coangustatus. Hæc enim est, quæ ad suum perpetuo finem, reip. incolumitatem & salutem, seu beatitudinē respiciens, alias suis seruire commodis iubet, non cōtra naturam his utens, sed quàm maximè secundum naturam. Nam quid magis secundum naturā arti & scientiæ cuique esse potest, quàm si ad bonum facultatis, id quoq; in ipsis adiungatur, quod uoluntatis esse dicitur? Sic enim fiet, ut non solum facultates, ut libro primæ philosophiæ octauo uult Aristoteles, dici mereantur: sed etiam ad uirtutis & officij naturam aliquo modo accedant. Et qui in ueram eius speciem intuiti sunt, sic de illa pronunciarunt. Qui uerò ad aliam quandam adulterinam, quæ per id tempus in Græciæ ciuitatibus insolentius se iactabat, Tisia & Gorgia, & alijs id genus portentis autoribus, se animo & cogitatione conuerterunt, hi non artem eam esse, non facultatem, sed experientiam quandam assentatoriam, & maleficam iudicarunt, & consentaneis in super & uerisimilibus id rationibus probarunt, quas, quòd prolixiores sint, hoc loco subijcere minime est uisum. Quare si quis & has cognoscere desideret, Platonis Gorgiam legere poterit, ubi de his plenissimè tractatur. Nos autem, quoniam prior satis explicata, quantum ad institutum nostrum attinet, quæstio uidetur, ad secundam progrediamur, quam propemodum iam ab-

I. solutam

solutam existimem. Nam ex ijs, quæ prius sunt dicta, constat, sic demum rhetoricam utilem futuram, si uera eius species, ciuili subiecta disciplina, ad eius præscriptum exerceatur. Caterum tum hanc sibi permissam tantum, tum adumbratam illam, inuitiles esse & noxias. Et hanc quidem, toto genere: illam autem, propter eam quam habet instrumentariam naturam, quæ, nisi certa quadam moderatione regatur, usum sui nullum præbet. Sed fortasse querat aliquis, quis sit is, quem in repub. usum hominibus præstet. Dicimus igitur eum esse potissimum, uulgarem popularemque institutionem, atque eorum omnium, qui similiter ut uulgus affecti sunt. Nam cum & hos officium colere, in quo sita est uita honestas omnis, quammaximè reip. intersit, huc autem, utpote imperfecti minusque sapientes, non uirtutis ipsius perspecta natura & officij ratione cognita adduci possint (fuerit enim id omnino elegantioris & philosophici ingenij) alia quadam, deo & natura commostrate, à sapientissimis excogitata sunt rationes, quibus, quod illo modo nequeunt, secunda & proxima, ut dici solet, nauigatione obineant: inter quas est & hæc flexanima orationis uis, quæ non solum ex communibus quibusdam rationis compoti animæ parii fidem facere conetur & ad uirtutem amplectendam impellere: sed etiam eam quæ rationis est expers, spe, metu, pudore, cupiditate, & alijs quibusdam excitandis orationis uis affectibus, à uitijs quidem & turpitudine abstertere, ad probitatem autem & uita ho-

te honestatem incitare moliatur. Neq^{ue} uerò ullam aliam
 hac maiorem ego huius artis utilitatē existimem, eoq^{ue} cum
 rhetorica in tres species, quæ nonnulli causarum genera
 nominare solent, sit diuisa, quam Græci ἀπολογισμῶν, itemq^{ue}
 συμβουλευτικῶν appellant, Latini deliberatiuam, eam om-
 nium præstantissimam indicarim, planēque talem, cui
 aut soli, aut certè potissimum liberaliora ingenia operam
 dare debeant, quod demonstratiuum quidem genus, quod
 Græci ἐκτελεστικῶν, tanquam ingenij uenditationi & osten-
 tationi accommodatum, appellant, nisi huc referatur (id
 autem fiet, si uirtutibus uirisq^{ue} bonis laudandis, aut contrā
 uitijs malisq^{ue} uiruperandis, illinc quidem ad æmulationem
 & uirtutis imitationem homines accendat, hinc uerò à fla-
 gitijs absterreat) usum in rep. nullum penitus habeat: iudi-
 ciale autem, in male constitutis rebusq^{ue}, præcipuè uerò in
 popularibus ciuitatis statibus, ubi & opifex & mercena-
 rius iudices sedent, habere quidem aliquem uideatur, pro-
 pter iudicis conditionem, qui ueris & solidis rationibus iu-
 stum ab iniusto discernere nequit: quam etiā ob causam
 plurimi semper in huiusmodi rebusq^{ue}, exiuerunt oratores:
 sed reuera tamen tam periculosi in his sit usus, non modo
 hæc rhetorices pars, sed ea etiā uniuersa, ut eam prorsus
 nullam ibi esse, quàm cum tanto periculo coniunctam, sit
 satius. Hinc enim & olim in Græcia, & nostro hoc tempo-
 re in Germania pestilentissimū hominum emerfit genus,
 quos Græci ἀπολογιστῆς uocant, populi nimirum assentato-

li y res,

res, qui iuris & legum auctoritatem infringentes, ac legitimam & ordinariam potestatem maledictis insectantes, ab hac ad populum (quod ipsi est non ingratum) prouocant, callide me hercule ac uersute, ne dicam ueteratori facientes. Intelligunt enim, ut arbitror, si quidem id obtineri semel possit, ut penes populum omnis absolute sit potestas, se facile principes uiros in rebus publicis fore, quod multitudinis mentes ad arbitrium suum mouere se posse confidant. Nam in ijs, quae recte sunt constituta resp. & iuris legumque auctoritas retinetur, nullus ipsis est locus, neque ei etiam rhetorices parti, quae in forensibus iudiciorum disceptationibus uersatur, tum quod, ut optimus est quisque, ita primum ibi locum obtineat, tum quod non ex multitudinis suffragiis, sed ex legibus iurisque aequitate sententiae ferantur. Unde reprehendenda omnino, quae hodie passim in scholis obtinet, est consuetudo, qua fit, ut aut in hac una separatim elaborent, eamque solam tradant, aut certe praecipuam temporis partem in hac conterentes alias obiter tantum attingant. Sed hoc usuuenire arbitror, quod hoc genus, quam reliqua, maiorem suppediet, tam apud Graecos, quam Latinos exemplorum copiam: nec minus interim ob eam causam, cuius libro primo rhetorices ad Theodecten meminit Aristoteles. Hac autem est, quod nullo alio in genere magis operae precium sit, quam in hoc, quae extra causam sunt dicere, nec usquam liceat magis argutulum, uersutum, & ueteratorem agere. Huc accedit forsitan & error quidam, quem

quem non solum studiosorum vulgus, sed etiam maiorum quasi gentium, ut sibi certè, & fanaticis nonnullis videntur, theologos occupasse video, qui nomine, ut reor, iudicialis decepti, existimant huius subsidio quæstiones controuersas & plenas disensionis optimè explicari posse, ignorantes, id, si quidem ad ueritatem exquisitè ac scièter fieri debeat, demonstratiuæ methodi esse opus: si uerò eruditè, & ut ad ueritatem quàm proximè accedat, dialecticæ. Ac de sermonis artibus, quatenus nimirum ad nostri instituti rationem attinent, hæcenus dictum est. Deinceps de mathematicis agendum. Sed quoniam tum multa superius de his in genere sunt dicta, tum oratio quædā nostra, De mathematicarum disciplinarum uario usu dignitateq̃, quicq̃ ad harum comparandam cognitionem adhibendi sint auctores: deq̃ optima horum explicandorum ratione, in lucem est emissā: cōtentus nunc ero pauca quedam de eius speciebus subiecisse, quis nimirum cuiusq̃ finis sit, & in quibus potissimum uersetur. Cum igitur, ut Pythagoreis uisum est, mathematice in quatuor partes hoc modo diuidatur, ut aliam eius partem in quantitate disiuncta, Græci πρῶτη nominant, aliam in continua, quam idem πῦλινον appellant, uersari dicamus: & harum rursus utraq̃ duplicem faciamus: quòd quantitas quidem disiuncta, alia per se spectetur, nullam ad aliam affectionem obtinens, ut par, impar, perfectum, & similia: alia uerò ad aliam quodammodo affecta, & cum ea, quam ad alteram illam obtinet, affectionem,

Ii ij ctionem,

etionem, cogitata, ut maius, minus, duplum, dimidium, sesquialterum, sesquitercium, & quæ his sunt finitima: continua uero, hæc quidem in mansione stabilitateq; sit: illa uero in motu & circumnessione: disiecta quidem quantitatis priorem speciem Arithmetica contemplantur, posteriorem uero Musica: continua autem, quod fixum est & immobile, Geometriae erit subiectum: quod uero uolubile & in orbem incitatum, Astronomia. Finitis autem harum uniuscuiusque, proprii subiecti natura cognitio est. Ea in duobus potissimum consistere uidetur: tum substantia in quoque rationem obtinet, tum eius, quod quæ huic per se & propria ratione insunt, consideratione: quorum illud quidem $\gamma\epsilon\upsilon\sigma\ \tau\omicron\ \pi\epsilon\iota\epsilon\iota\mu\epsilon\upsilon\sigma$, hæc uero $\iota\delta\iota\alpha\ \pi\acute{\omicron}\delta\epsilon\iota\mu\epsilon\upsilon\sigma$ à Græcis nominantur. Ceterum, quoniam harum artium subiecta, quantitatem tum disiectam, tum continuam esse diximus, non ipsam absolute multitudinem & magnitudinem per hæc intelligere oportet: sed quod in utroque est genere definitum. Neque enim infiniti scientia ulla esse potest. Ad hæc autem, nec quantitatem, seu continuam, seu disiectam, eam, quæ in rebus sensui subiectis conficitur, has contemplari artes statuemus, quod exquisitum illud & sincerum (Græci $\tau\omicron\ \alpha\gamma\epsilon\iota\sigma\ \kappa\omicron\sigma\epsilon\iota\delta\iota\mu\epsilon\upsilon\sigma$ nominant) in ijs non inueniatur, quo has collineare veterem philosophorum statuit consensus: sed eam potius, quæ mente & intelligentia continetur, utpote in qua & sine altitudine superficies, & sine latitudine linea, omnis que dimensio-

nis

nis expert punctum inueniatur, ut & indiuidua uni-
 tas, & quæ reuera secari nequit diens, centrumq; & poli,
 quæ magnitudinem nullam habent. Unde plurimum
 à uero aberrant, qui ad artium mathematicarum ui-
 litatem probandam, huiusmodi adferunt rationes, quæ
 à uitæ necessitatibus & corporeis externis que ducuntur
 uisibus: Arithmetica quidem magno usui esse dicentes
 ad supputationes, distributiones, contributiones, per-
 mutationes, societates, & commercia: Geometriam ue-
 rò ad castra metandum, ciuitatum & templorum cōstru-
 ctiones, agrorum diuisiones, terræ magnitudinis, & cœle-
 stium corporum ac spatiorum dimensiones: Musicam au-
 tem ad ferias celebrandas, animiq; oblectationes, & deo-
 rum cultus: Sphericamq; denique & Astronomiam ad
 agriculturam, medicinam, nauiculariā, aliarumq; actio-
 num primordia, quarum oportunitatem commoditatemq;
 præsignificat. Neque enim huc deducenda sunt, à quibus
 mentem seuocare & ad rerum contemplationem sublimio-
 rum excitare solent. Nam hoc ipsæ esset contra naturam
 uti, uimq; ipsarum ἀναγορεύειν, quam superius probauimus,
 in ἀναγορεύειν conuertere. Sed aliæ quedam sunt artes, seu
 exercitationes potius, harum extrema propagationes &
 scholæ, aut, ut quod uerius est dicam, umbræ & imagines,
 quæ huiusmodi necessitatibus seruiunt circa sensibilia oc-
 cupata. Has sex numero uult esse Ceminus, Mathematicus
 non ignobilis, Mechanicam, Astrologiam, Opticam,
 Geode-

Geodesiam, Canonicam, Logisticen. Et Arithmetices
 quidem fœtus esse, Logisticen & Canonicen. Geometria
 autem, reliquas quatuor. Neque uerò hoc quispiam mire-
 tur, quòd ad duas has, quæ in rebus menti & intelligentia
 subiectis uersantur, solum, ac non potius ad quatuor illas,
 de quibus superius disseruimus, eas, quæ in sensibilibus sunt
 occupatæ, referat. Est enim eius sententiæ Ceminus, quòd
 due tantum sint artes mathematicæ, quæ in rebus, quæ
 animo & intelligentia continentur, uersantur, Arithme-
 tica nimirum & Geometria. Reliquas autem omnes sensi-
 bilium esse uult. Caterum quæ sit harum uniuscuiusque na-
 tura & ratio, si quis didicisse cupiat, ea, quæ apud Pro-
 clum ad primi propemodum libri commentariorum in Eu-
 clidis Geometrica Elementa finem habentur, legat, ubi
 plenissimè harum pertractatur natura. Nos autem, quo-
 niam de ijs artibus, ex quibus falsæ disciplina amatores no-
 men sibi inuenerunt, satis est disputatū (neque enim hic de
 supputatoribus, mensuris, cantoribus, & diuinatoribus
 astrologis agendū, qui tamen hominum errore, quod & de
 sua etate queritur Galenus, pro illis coluntur, ut quod su-
 perius dictum est, hinc manifestè intelligatur, *ἡ δὲ μαθημα-
 τικὴ ἐπιστήμη οὐκ ἔστιν ἡμετέραν, ἀλλὰ τοῦ κοινού, ὅθεν καὶ τὰς
 ἄλλων ἐπιστημῶν ἀπορρέουσιν, ὡς τὸ ἀπὸ τοῦ κοινού
 τὸ πᾶν ἀπορρέει*, omnia tan-
 tum non nunc occupare) ad sectas transeamus, ad quas uo-
 luptarij, Peripatetici, & Critici annominantur. Cum igitur
 sectæ, seu potius harum emulatores, Simplicio & Am-
 monio autoribus, ex pluribus occasionibus nomen sibi inue-
 nerint,

nerint, nunc quidem ex autore, quem sequuntur: nunc uero, ex auctoris patria: interdū & à loco, in quo uersantur: nonnunquam autem & à uita, quam instituunt, forma: est & cum ex modo rationeque exercitationis & commentationis: & ex fine itidem, quem sibi in philosophando proponunt: insuper autem ex accidente: Voluptarios quidem, ex fine, quem sectantur nomen inuenisse, cuiuslibet manifestum: Voluptatem enim summum bonum esse statuunt, ad quod omnia in uita referri oporteat. Appellatur autem eidem & à sectæ huius autore Epicuro, Epicurei. Peripateticos autem ab accidente, quod nimirum inter philosophandum deambulare soleat, ipsorum sectæ autor Aristoteles, sic appellatos accepimus. Criticos uero à modo & ratione exercitationis. Nam hi poematum & aliorum operum iudicium & censuram ex arte grammatica, secundum eius præcepta, sibi usurpabāt, quam tam seuerè exercuerunt ueteres grammatici, ut autor est Quintilianus, ut non uersus modo censoria quadam uirgula notare, & libros, qui falso uideretur inscripti, tanquā subdititios summouere familia permiserint sibi: sed autores alios in ordinem redegerint, alios omnino exemerint numero. Ceterū cur hos falsæ disciplina amatores fecerit autor, de uoluptarijs quidem in promptu est causa. Hi etenim in summa uersantur errore, ac in maximarum rerum ignoratione. Neque uero ea simplici, quæ minus utiq; grauis esset, sed quam Aristoteles libro posteriorū resolutiorū primo dicit omnia

Kk γινώσκ

ystus nominat, quod rationatione concilietur. Uidetur
 autem hoc ipsis merito accidere, ut qui disserendi arte spre-
 ta, nec ullis aut definiendi, aut diuidendi ac partiendi, aut
 artificiose concludendi rationibus & praeceptis instructi,
 nihilominus & disputare aggrediuntur, & de rebus diffi-
 cillimis citra dialecticas cognitionem constituere, & argu-
 menti sententiam concludere non uerentur. Errant igitur
 illi, tum in physicis, & quidem grauissime, tum in ethicis,
 de quibus potissimum nunc agimus, non minus fædo quàm
 pernicioso errore. Nam uoluptatē, ut ex Epicuri ipsius ad
 Menæceum epistola, quæ moralis eius philosophiæ sum-
 mam quandam complectitur, est uidere, principium & fi-
 nem beatæ statuunt uitæ. Sed qua tandem id ratione pro-
 bent, operæ pretium est uidere. Omne, inquit animal, si-
 mul atque natum sit, uoluptatem appetere, eaq̃ gaudere,
 ut summo bono: dolorem aspernari, ut summum malum,
 & quantum possit, à se repellere: idq̃ facere nōdum depræ-
 uatum, ipsa natura incorruptè atque integrè iudicante.
 O præclarum argumentum, & Epicuro dignum. Sed nos
 ipsam argumentationem diligentius excutiamus & exa-
 minemus. Duo igitur quæpiam sunt, quæ hic probare uult
 Epicurus (nam is huius rationationis est architectus)
 prius uoluptatem summum esse bonum: posterius dolorem
 summum esse malum. Proccedit autem ipsi argumentatio,
 si quam maiorem ipse omisit, quod eduximus, ut agat, quis
 adiciat, hoc modo: Quod omne animal, simul atq̃ natum
 sit,

fit, appetit, quoque gaudet ut summo bono, nondum depravatum, ipsa natura incorrupte atque integre iudicante, id summum est bonum. Sed voluptatem omne animal, simul atque natum est appetit, eaq. gaudet ut summo bono nondum depravatum, ipsa natura incorrupte atque integre iudicante. Ergo voluptas summum est bonum. Consimili autem ratione, & dolorem summum esse malum concludetur, si id tantum in propositionibus tollatur, quod ad boni rationem pertinet, & pro eo, quae mali notionem constituunt, reponantur. In hac ratiocinatione, quam multa Epicurus peccet, consideremus. Nam primum quidem, de qua nunc agitur questione, eam non satis distincte animo ac mente concepisse videtur. Cum enim bonum, alicuius omnino sit bonum, id quod nunc quaeritur summum bonum, non aliterius, ut arbitror, quam hominis fuerit. Neque enim dei, quod hoc, ex Epicuri etiam sententia, supra hominis sit sortem. Neque rursus brutorum, quod longe infra hominis est dignitatem. Et tamen, nescio quomodo, id esse videtur, quod nunc quaerit Epicurus, ut simpliciter pecudis & hominis idem bonum esse, censere videatur. Nam cum, omne animal, inquit, manifestum est, ipsum non hominis proprium, sed quod ipsi cum ceteris animalibus est commune, considerare bonum. Cum vero, simulatq. natum sit, eo ipso innuit, non de eo nunc agi bono, quod simpliciter in omni rerum natura sit praestantissimum, aut alioqui, quod & cum deo nobis sit commune, quem animal immortale

K. ij & bea

& beatum facit, ut hac ratione animalis in genere bonum
 quæsiße uideatur: sed quod mortalis & dissolubilis anima
 lis sit propriū, quod est nobis & cum pecudibus commune.
 Atque in eo quidem, quod concludere propositum ipsi est,
 id est, problemate ipso, hic Epicuri statim turpissimus est
 lapsus, qui cuius rei occasione ipsi acciderit, posterius pate-
 bit. Nunc ad syllogismum ueniamus, cuius propositio ma-
 ior, ueluti notio quædam distincta summi in animante bo-
 ni esse uidetur. Nam si bonum quidem absolute id esse intel-
 ligitur, quod omnia appetunt, erit nimirum animalis bo-
 num, quod omne animal appetit: & summum, quod primo
 loco, id est, ad quod omnia refert, ipsum autem nusquam,
 (id enim ea uerba sibi uolunt) quoq; gaudet, ut summo bo-
 no. Quanquam satis ineptum uideatur in summi boni de-
 scriptione, summi nominatim boni mentionem fecisse, &
 hoc modo, idem ex seipso definire conari. Caterū quoniam
 animaduertebat Epicurus, si hoc modo simpliciter summi
 boni notionem subiceret, obici posse, quod & ipse confite-
 tur, opinionum uanitatem & consuetudinum deprauatio-
 nem imbecillitatem animorum torquere & flectere multi-
 fariam, tanquam distinctionem quandam necessariam,
 notioni adiunxit, nondum deprauatum, ipsa natura in-
 corrupte atque integre iudicante. in qua, ut quid, per non-
 dum deprauatum, sibi uelit facile intelligo: id enim, quod
 iam à me est dictum: ita non satis asequor, quid sit, ipsa na-
 tura incorrupte atque integre iudicante, utrumne hoc ad
 omne

omne animal, an ad solum hominem sit referendum. Nam quod omne quidem animal sine doctore suapte sponte & natura ad voluptatem amplectendam feratur, non ignoro: an uero iudicio quodam hoc faciat, plurimum dubito. Immo si quod mihi maxime probabile uidetur dicere debeam, non iudicio, sed natura & instinctu hoc facere existimem. Sed de hoc paulo post considerabimus. Iam uero nec hoc facile quis dixerit, quid incorrupte atque integre iudicare uocet. An scilicet, interpretatio quadam sit eius, quod praecessit, nondum deprauatum: perinde ac si dicere uellet, nondum deprauatum, id est, ipsa eius natura (per quam, quae animanti natura insit & sunt, facultates intelligit) incorrupta adhuc atque integra iudicante: an uero potius, quod Graeci alio etiam nomine dicunt, ἀδελύς. Utrouis enim modo acceperis, non parum incommodi habet oratio. Neque enim, ut maxime incorrupta sint, quae natura ingenerantur uires & facultates animanti, integrae etiam simul atque natum sit, fuerint, id est, ad summum uigorem & robur perducta. Quare nondum etiam optime ad actiones suas se habeant: sed ab ipso iam inde ortu in dies augeantur, donec ad eam aetatem fuerit peruentum, quam Graeci ἀκμή nominant. Tum enim ad summum perducta incrementum consistunt, neque in melius proficere amplius possunt. Unde non male hanc integram aetatem appellat Terentius. Itaque si in priore significatione Epicuri accipiamus uerba, falsa plane maior erit propositio, etiam huius

Kk ij ipsius

ipsius occasione. Si uerò in altera illa, quid sibi uelit, penitus non intelligo. Neque enim inuenire possum, à quibus animatis natura corrumpatur, ut secus de his rebus, ac sentiat, iudicet. Nam quòd sæpenumero reluctantè ratione, à cupiditate aut ira abripiamur, id ipsum à nobis prius satis est expositum, ratioq; eius indicata. Ut uerò de rebus, non ad aliud, sed ad nos ipsos pertinentibus, cuiusmodi est hæc de summo bono quæstio, aliter atque existimemus, apud nosmetipsos constituamus, eodem illo nimirum tempore, quo sic affecti sumus, id nulla unquam admittit ratio. Sed fortasse dicat aliquis: Neutrum iam dictorum, incorruptè & integrè, in hac propositione significare: uerum superesse, & tertiam quandam harum uocum acceptionem, quæ hic quadrare uideatur. Rectè nanque, ac ut res se habet, de re statuere, id nunc ab Epicuro dici, incorruptè atque integrè iudicare, cui uidelicet deprauatè ac perperam opponitur. Age sanè sit hæc eius sententia, nondum tamen omne incommodum euasit. Quæ enim altera melius iudicare debet natura, eam necesse est, ut & ad hanc actionem melius se habeat, minusq; ipsi adsit impediementi. Consideremus igitur in statim nato animali, quomodo se res habeat: an uidelicet adulto iudicandi facultatem perfectiorem obtineat, minusq; hoc obstaculi. Immo uerò potius, quod prius esse uidetur, id ipsum examinemus, an omnino in eo, quod iam primū in lucem editū est animal, aliqua sit iudicadi uis, quæ iam tum sese exerere, & in actū, ut loquuntur,

eur, prorumpere possit. Certè de quo nunc agitur iudicio &
 iudicandi facultate, hac in eam hominis aetate cadere non po-
 test, inmuta etiam bestiae nullam. Et praecclare sanè nobiscum
 agitur, si uel adultiores rectè de uitae fine constituere possi-
 mus. Sensuum autem iudicia, et si nobiscum nascuntur, ta-
 men temporis progressionem in nobis absolui, ex superiori-
 bus intelligi potest. Caterum ut id, quod dicimus, ita se ha-
 bere manifestè pateat, quandam eorum, quae Craci expetunt
 uocant, hic diuisionem subiiciamus, ipsi etiam Epicuro, si
 modo euidentiae aliquam rationem habeat, non neganda.
 Cum igitur uerum, aestimationis iudicetur cum subiectis
 conuenientia & concordia: subiectorum autem, alia qui-
 dem sub sensum cadant atque appareant, alia uerò abdit
 sint, & ad quae sensus penetrare nequeat: & illorum, alia
 per se in sensum incurrant, ut album, nigrum, dulce, ama-
 rum, calidum, frigidum, & quaecunque his sunt finitima:
 alia uerò ex alijs quibusdam comprehendantur, ut quae ex
 signis & notis percipiuntur: horum autem, alia euidentia
 sint & appellantur, ut quae eidem sunt aequalia, sibi mutuo
 esse aequalia, bis duo quatuor esse, de quolibet aut affirma-
 tionem, aut negationem uerè dici: alia uerò ex argumenti
 conclusione, id est, ratione, quae ex rebus perceptis ad id,
 quod non percipiebatur adducit, cognoscantur, ut ex Stoi-
 corum sententia, diuitias neque bonum, neque malum esse,
 ex hac, quibus bene ac male est uti, & caetera: quae quidem
 ex apparentibus, per se in sensum incurrunt, & patentia
 atque

atque aperta sunt, ea ad sensus iudicium pertinent: quæ uerò ex alijs comprehendendi debent, coobseruatione dyudicantur, ut hunc pleuritide laborare, expirandi difficultate, tussi, febre assidua, dolore ad iugulum usque & præcordia tendente, & ceteris consimilibus signis: cras fore serenam tempestatem, ex uespertino cæli rubore: pluuiam expectandam, ex eo quòd iris appareat: aliquem timere, ex pallore: peperisse hanc, ex eo quòd lac habeat. Omnia enim hæc, cū ex apparentiū sint genere, etiā si nunc nō cōspiciantur, uel quòd in corpore animantis uel aliquo alio inclusa, tanquā in occulto lateant, uel nondum extant, sed futura sint, uel iam præterierint, ex alijs quibusdā eiusdem generis, quæ cum ipsis aut simul esse solent, aut ea præcedere aut subsequi, iam in sensum incurrentibus, sui nobis cognitionem præbent. Est autem horum *κατὰ τὴν φύσιν* *συμπεπαισθητός*, quam coobseruationem, uoce Latina adamussum Græca uoci respondente interpretari sumus, quòd inde hæc uera esse sciamus, quòd diutina obseruatione hæc ad illa sic affecta esse nouerimus. Eorum uerò, quæ abdit a sunt sensibusq; inaccessiblea, quæ quidem euidencia nominantur, hæc communis hominum omnium intelligentiæ iudicio sunt subiecta: quæ uerò ex argumenti conclusione percipiuntur, cum concessis conuenientia consensuq; dyudicari debent. Porro concessa dicimus, tum quæ sub sensum cadunt, tum quæ euidencia sunt: ad hæc autem & quæ demonstratione sunt firmata. Tot igitur cū habeamus rerum dyudicandarum

normas,

normas, sic enim *ἡ φύσις* non male, ut arbitror, uerterimus, ad quam tandem ex his, de summo hominis bono, consistuere pertineat, consideremus. At enim uidetur, quod nec ad sensum, nec ad communem intelligentiam, quæ cum pecudinis suis affectibus sola Epicurus nouit *ἡ φύσις*, Circes, ut credo, uirgam expertus. Neque enim tanta esset, inter peritissimos etiam homines, hac de re dissensio, quod quæ sensu quidem diiudicantur, aperta cum sint & patetia, omnibus eadem, non autem alijs alia uideantur. Ceterum omnibus, cum dico, non eos intelligi uolo, qui morbo aliquo laborantes, quempiam ex sensibus oblatum habeant, sed qui hos sanos & ualentes obtineant: neque rursus eos, qui aut per minus conueniens medium, aut ex maiori minorue quam oporteat intervallo quid spectent, aut audiant, aut alio quouis sensu percipiant, sed qui, ut semel dicam, omnia remoueant, quæ obstant & impediunt, nunc spatium uel contrahentes, uel diducentes, nunc medium permutantes: quæ uero communi intelligentia, in ijs, utpote euidentibus, hominum omnium summa sit consensus, nisi fortasse sophistarum quorundam, qui contradicendi rabiem, animi uitio, quouis corporis morbo tetriori correpti, non ipsi quidem de his aliter in animo persuasi sunt, sed uerbatenus contentionis quodam studio dissentiant, ex quo rerum naturam immutari non posse, manifestum est. Iam uero, nec coobseruationem huius normam esse posse, hinc, arbitror, haud difficiliter perceperimus, quod hac de re-

L l bus

bus sensibilibus ex alijs eiusdem generis iudicet: id autem de quo nunc agimus, nec ex eorum, quæ sub sensum cadunt & apparent, sit numero (animi enim, non corporis est bonum) nec ex alijs apparentibus cognosci possit, sed ex animi eiusq; partium cognitione. Restat igitur, ut cum concessis convenientia consensuq; diiudicetur, quod demonstrationis opus esse, nemo est, cui sanæ mentis uel semiuncia superest, qui dubitet. Ipsam autem rursus demonstrationem, cum ratiocinatio quedam sit, eius animæ partis, quæ ratio nis compos est & particeps, officium esse ac munus, extra omnem est controuersiam. Quare id quod superius dictum est, longè omnium uerissimum esse, iam constat, nec infantibus pueris, nec mutis bestijs, quæ Epicuro penè loquuntur, magistra ac duce natura, nihil esse prosperum nisi uoluptatem, nihil improsperum nisi dolorem: quod tamen nos, utpote quibus batæua est auris, exaudire nequimus, de summo bono iudicandi, ullam uim inesse: quod hæc absolute omnis rationis sint expertes: illi autem potentia quidem sint rationales, actu uerò nōdum, quæ certè Galeni est sententia. Quod si quis & hos actu rationales esse contendat, quanquam perfectum quid, quodq; iam adsit, actu significetur, hoc tamen fateatur necesse est, tum imperfectam in his adhuc nec absolutam rationem, ut in Politicis uult Aristoteles, tum nimia & redundante humiditate, ut prius est traditum, prægrauatā ac oppressam, & ab irrationalis animæ partis, quæ per id tempus aut sola aut maxime cer-
tè ui-

te uiget, affectibus uarijs & multiformibus turbatā, aut prorsus de re omnium longè difficillima iudicare non posse, aut certè multo deterius, quàm eorum, in quibus & corporis & animi uires ad summum iam peruenerunt incrementum. fluctuans autem illa humiditas paulatim absumpta est, & exhausta, & ad temperamenti mediocritatem quādam redacta: in super uerò turbulenti illi affectus, quibus antea, tanquam fluctibus quibusdam & tempestate, obscurabatur atque penè obruebatur mens & ratio, iam resederunt & sedati sunt. Et multis quidem nominibus falsissimam esse Epicurei syllogismi propositionem maiorem, satis iam demonstratum arbitror. Minor autem, priore sui parte, quæ absolutam propositionem constituit, uera est: posteriore uerò, quæ dicitur, id est distinctionis cuiusdā uim obtinet, falsa. Neque enim negandum est, omne animal simulatq; natum est uoluptatem appetere. Nam id euidens est. Sed quòd iudicio hoc faciat, nedum incorrupto atque integro, id uerò minimè concedendum, quemadmodū ex ijs, quæ de maiore propositione à nobis sunt dicta, est intelligere. Natura enim instinctu & appetitione quadam, quam Græci ὀρέειν nominant, ad amplectendam uoluptatem impelluntur. Quare, ut semel finiamus, sic se habentibus propositionibus, ut iam dictum est, non effici nec concludi, quod uult Epicurus, ipsiusq; decretorum comprobatores atque amuli, cuius manifestum est. Quidnam autem sit, quod ipsum in hunc errorem impulerit, id quoque si ad-

Ll ij ieceri

iecerimus, non male, credo, de studiosis merebimur. Dua igitur sunt, ut mihi quidē uidetur, huius Epicuro grauiſſima ruina, in finis conſtitutione, cauſa. Altera quod res quaſdā inter ſe uicinas, & finitimas, & tamē nominibus uſitatis ac tritis diſcretas, à ſe mutuo ſeiuſgere & diſcriminare neglexerit. Altera, quod ex animi partiū ignoratione, nō niſi unā, eamq̃ in nobis uiliſſimae partis conciliationem tantum animaduuerit. Et res quidem quas diſtinxiſſe oportuit, hae ſunt: quid nimirū inter appetitionem, quae eſt ὁρμη Græcè, & uoluntatem, quam eidem Βούλησιν, dicunt, ad quam hoc loco & προαίρεσιν adducere, & tanquam pro eodem habere oportet (cauſam autem paulo poſt intelligetis) itemq̃ inter ἐκδοσιν, ultroneum, ſi recipitis, aut certè ſpontaneum nominabimus, & τὸ ἐφ' ἡμῶν, quod Latine uno nomine uoluntarium dicitur, interſit. Nam etſi tum uoluntas, tum appetitio, utraque auiditas quaedam eſt, (neque enim aliam uocem, quā ὁρμη commodius exprimam, nūc inuenio) ſequiturq̃ eam, quae Græcis συγκατάδοσις, Latinis aſſenſio atque approbatio dicitur: tamen illa ſemper rationalis animae eſt partis, haec autem & eius, quae rationis eſt expers: & illa quidem, eam comitatur aſſenſionem, quae rationis & iudicij ui tantum excitatur: haec uerò, etiā quolibet uiſo commotam. Unde patet omnem quidem uoluntatem, appetitionem eſſe, non omnem autem appetitionem, uoluntatem. Itaque infantibus, pueris, & multis beſtijs appetitionem cōcedimus, uoluntatem adimimus. Conſimili

simili autem ratione & uoluntarium ad spontaneum est affectum. Latius enim hoc illo patet, ut quodcumque uoluntarium sit, idem recte & spontaneum dixeris, non autem econverso. Definiunt autem Spontaneum hoc modo, quod ex minime uolenta, undecunque impulsus, fit assensione. Voluntarium uero, quod cum assensione fit à ratione & iudicio oriunda. Quare rursus quod à pueris reliquisq; fit animalibus, recte spontaneum dixeris, uoluntarium non item. Caterum quamobrem hoc loco ad βέλους & προαίρεσις contraxerim, cum tamē reuera, ut superius est traditum, distinctae & separatae sint facultates, illud in causa est, quod, ut nonnunquam, quae ex sua natura sunt προαίρεσις, nobis fiunt βέλους, quando nimirum in iis, tanquam finibus quibusdā, acquiescimus, ut sapere, uidere, & uoluptates quadam, & honores: ita econtra, & quae simpliciter βέλους, alicui interdum προαίρεσις, cum nimirum dubitet, hocne illo potius sit pro fine habendum ac persequendum, quare τὸ ἐφ' ἡμῶν non minus ad βέλους, quàm προαίρεσις pertinebit. Et prior quidem causa, quae Epicurum in errorem impulit, haec est, quod harum rerum confusam & indistinctam notionem habuerit. Posterior uero, quae animi partium, eiusq; conciliationū est ignoratio, huiusmodi nimirum fuerit. Nam cum hominis anima ex tribus, ut superius probatum est, constet partibus, aestimatrice, animosa, & quae cupiditatis est, ad tria etiam naturae conciliationem obtineat oportet: aestimatrice quidem ratione, ad honesta-

Ll ij tem,

tem, seu, ut quod magis cum ipsa est adequatū dicam, pulchritudinē, quæ Græcis καλὸν nominatur, uel δὲ τὸ καλόν, ut autor est Proclus in commentarijs suis in Alcibiadem Platonis priorem, uel δὲ τὸ καλόν: animosa uero, ad uictoriam. Eius autem, quæ cupiditatis est, occasione, ad uoluptatem. Pari autem ratione, & à tribus alijs, quæ iam dictis sunt contraria, alienationem naturalem habemus, turpitudine, eò quòd uictoriæ opponitur, Græcis ἄρτα dicitur, apud Latinos, quòd sciam, nomen non inuenit, & dolore. Caterum hæc ita se, ut diximus, habere, non tam demonstratione, quàm animaduersione & admonitione cognoscimus. Videmus enim tum pueros, tum reliqua animalia uoluptatem per se & sua sponte, citra omnem institutionem, appetere, sibiq; asciscere, dolorem autē aspernari & à se repellere. Videmus autem & ferocire eos, & calcitrare, & mordere, & uincere cupere, ceterosq; superare, ut & animalia nonnulla, non alio ipsis præter uictoriā ipsam proposito certaminis premio. Atque hæc quidem ab ineunte statim ætate, cum nondum rationis usum obtinent. Procedente uero ætate, cum rationis uis iam actiuosa reddi tur, tum sanè & pudor quidam ingenuus & dedecus fugiens laudemq; maximè consequens uerecundia in ijs apparet, gaudentq; honestis actionibus, & iustitiæ reliquarumq; uirtutum studio tenentur, multasq; tum actiones suas, tum cogitationes ad harum uirtutum notiones dirigunt, cum antea in teneriori adhuc ætate constituti affe-

ctibus

Etibus ducerentur tantum, spretis ac repudiatis, quæ ex ra-
 tione ipsis proponebantur, præceptis. Tres igitur nobis
 cum sint naturæ conciliationes, itemq̃ alienationes, trium
 animæ partium ratione, ut dictum est, Epicurus eam tan-
 tum uidit, quam ad uoluptatem, abiectissimæ animæ par-
 tis occasione, habemus: quæ ipsi altera, ut diximus, est cau-
 sa, male de summo hominis bono uitæq̃ fine constituendi.
 In quo cum tam turpiter errarit, quid in reliquis, is, in-
 quam, quæ ad finem referuntur, ipsum fecisse putemus? Ni-
 mirum, quod dici solet, ὁ δὲ ἐν ὅλῳ. Toto aberret cælo oportet,
 qui in ipso statim portu tam grauitè impingit, cum
 paruus etiam error in principio, magnus fiat in fine. Sed si
 cui & hoc nouisse lubet, habet à Diogene Laërtio eius ab-
 surdissima dogmata satis copiosè explicata in ipsius uita,
 & à Cicerone itidem, in libris de Finibus bonorū & malo-
 rum. Quare non immerito hos Penelopis sponso, Epicu-
 rum, inquam, quiq̃ ab ipso sunt Epicurei, inter falsæ disci-
 plinæ amatores numerari uidemus: quorum non exiguam
 turbam etiam hodie conspiciere est, effrenatis suis cupidita-
 tibus & libidinibus effusis, sanctū illud & augustū Euan-
 gely nomen prætendentium. Ac de Epicureis quidem hæc
 sufficiant. De Criticis autem, quod & hi ad hunc ordinem
 pertineant, id ut probetur, non longa eget oratione. Nam
 si Grammatici, ut prius est dictum, falsæ disciplinæ sunt
 amatores: hi autem omnem ætatem in ea consumunt fa-
 cultate, in minutissimis quibusq̃, ac quæ ad solidam erudi-
 tionem

tionem nullius sunt momenti obseruandis occupati, atque ita artem alioqui non inuilem, ad anilem propemodum su perſtitionem reducunt, ut deinceps quomodo quis loquatur neſciat: quis dubitet, quin uel de principatu in hoc ordine certent. Huius autem generis cum alij hodie ſunt multi, tum etiam illi, qui præpoſtera quadam curioſitate in Ciceronis imitatione uerſantes, ex hoc, Ciceronianorum nomē ſibi inuenerunt, quo tamen nūquam Ciceronem uſum accepiſimus, ut mirum ſit ipſos non perinde ut Chriſtiani, ita & Ciceroniani nomen reſpuere. Minimè itaq; mirum, ut diximus, & hos ab autore in Falfæ diſciplinæ collegium cooptatos. Sed de Peripateticis quid dicemus, maximeq; huius ſectæ autore Ariſtotele, qui ſumma ſemper in ueneratione fuit, qui ſolus ex omnibus philoſophis dignus eſt uiſus, ut in ſcholis retineretur, ad tot nationum cognitionem, ex alia ſubinde in aliam linguam tranſlatus? Nam & hos noſter autor ex philoſophorū honeſtiſſimo cœtu, in hunc adulterinum gregem reycere non eſt ueritus. An ſcilicet autori noſtro diem dicemus, & aut ſententiam mutare atque adeo retractare cogemus, aut cauſam ſuam nobis probare? Nam alterutrum ut faciat, merito poſtulaturi uidemur. Age igitur, quid eſt ō Cebes, quod in Peripateticis noſtris, & eorum principe Ariſtotele huiusmodi deprehendiſti, ut & hos cum falſæ diſciplinæ amatoribus conſociareſ? Neq; enim te credo, tam benè de uirtutibus cum diſeras, aut inuidia ſtimulatum id feciſſe, aut odio, quod Pythagoreis

reis

reis & Platoni, quos tu maximè mihi probare uideris, iniquior esset. Causa igitur, & grauis subsit oportet, cur sic de Peripateticis sentias. Sed uideo propemodum quid sit, quod te mouerit: & in eius quidem sectatoribus præcipuè, in ipso autem non pari fortasse ratione, sed aliquo tamen modo. Contrariam enim hi philosophandi uiam, atque Socrates ingressi uidentur: quòd hic philosophiam à rebus occultis & ab ipsa natura inuolutis auocauerit, & ad uitæ communis cultum adduxerit: Aristoteles uerò, multoq; magis eius æmuli Peripatetici, neglecta propemodum morum disciplina, aut obiter tantum tractata, totis in natura obscuritatem uiribus incubuerint. Itaque factum uidemus ut nec hi de naturæ conciliationibus rectè constituerint: alijs quidem, hominem ad se ipsum conciliationem primam habere asserentibus, quorum de numero Xenarchus est & Boëthius: alijs uerò ad uoluptatem. Neque uerò desunt, qui utrunque coniungentes & ad seipsam, & ad uoluptatem, primam ipsi conciliationem esse statuunt. Nam hæc Alexandri Aphrodisæi sententia esse uidetur. Verginio autem Ruffo, prima naturæ conciliatio, sua cuiq; perfectio est: quam esse dicit, τὸ ἐν ἡμεῖς εἶναι, τὸ εἶναι τὸ ζῆν, καὶ τὰς ἀπὸ τοῦ ζῆν ἐν ἡμεῖς ἐκτελέειν, ὅτι καὶ ἡμεῖς, id est, actu esse, hoc est, uiuere, actiones q; hinc perfectas exercere, quæ iucundæ sunt. Et horum tamen interim quilibet, ad suæ sententiæ confirmationem, Aristotelem testem aduocat, alijs atque alijs, ex eius ad Nicomachum moralibus, locis productis: quod argu

Non mento

mento esse potest, quàm hic in lubrico uersetur Aristoteles, quemadmodum & in ea, quæ de animæ immortalitate est, quæstione, ut huius occasione Alexander Aphrodisæus & alij peripatetici nonnulli, ipsius sententiam esse asserant, animam à corpore separari nō posse, ac proinde cum corpore interire, cum eius sit forma, & uis ac facultas nimirum quæpiam, ex corporis temperamento resultans: alij autem rursus reclamēt, ut Philoponus & Simplicius, qui diuersæ ipsum sententiæ esse uolunt. Iam fortasse & hoc Cebetem offenderit, quòd nouæ sectæ constituendæ gratia, pleraque contentiosius, quàm philosophū & ueritatis inuestigatorem deceat, cum ueteribus disputet, rectè etiam ab ipsis dicta euertere querens, nonnunquam non satis candidè illorum expositis sententijs. Quæ quidem, & fortasse alia his similia, etsi penitus inficiari non possumus, constabit tamen apud nos Aristoteli suus honor, quòd methodi auctor optimus cum sit, plurimum discipulorum & philosophantium studia iuuerit, non solum demonstratiua & dialectica, cunq; his rhetorica ad artem redactis: sed etiam quæ ad naturalem pertinent scientiam uniuersa, quæq; ad primam philosophiam, ita subtiliter, acutè ac scienter ab ipso pertractatis, ut nihil in eo genere fieri posse uideatur argutius: moralibus autem & politicis, etsi in his exquisitam illam & ad tenue eliminatā docendi rationem nō æquè obseruat, sed pinguiore, ut aiunt, Minerva & rudiori conatu & adumbratione ueritatem ostendit, quod & ipse fatetur,

pro

pro subiecta tamen materia natura satis distinctè eleganter apteq; explicatis. Atque de falsæ quidem discipline amatoribus, quorum nominatim noster autor meminit, hactenus dictum est. Quod uerò deinceps subijciit, & quicunque his tandem sunt similes: id quam uim habeat, minimè prætermittendum. Neque enim leuem aut contemnendum usum habet, sed, ut mihi uidetur, longè maximum, in quibus hæc similitudo, qua de nunc agit, consistat, quibusq; notis animaduerti possit, cognouisse. Sic enim non solum alios his similes, sed eos etiam ipsos expeditè ex uniuersalibus quibusdam indicijs, non tanquam ex unguibus leonem, quod dici solet, æstimare, sed potius, tanquam ex auribus prominentibus, solidis ungulis, cauda, nec nò alijs quibusdam coniecturis asinum leonis pelle contactum, agnoscere licebit. Quare ex quibus, tum in artificibus, tum in sectæ cuiuscunque comprobatoribus & æmulis, hæc spectari similitudo debeat, breuiter ostendamus. Dicimus igitur, quòd ex duobus quidem, quæ possunt etiam à uulgari intelligentia ac prudentia communi obseruari & notari, tertio autem artificio. Illorum, alterum est finis ipse & cuius gratia aliquid fit, alterum exitus, quem si & euentum & effectum hoc loco nominare uoles, minime peccaueris. Hoc autem tertium, ea sunt quæ ad finem referuntur. Et ex fine quidem, hoc modo. Nam primum quidem, qui non totius uitæ suæ, omniumq; in hac agendorum, atque ipsius adeo illius, quam quis proficetur artem, finem, ueram beatitudi-

Am y nem

nem statuat, quam non solum eandem hominis & reipub-
 ut uult Aristoteles, sed etiam uniuersæ hominum conso-
 ciationis & communitatis existimare oportet (quenam
 autem hæc sit, cum ad eum auctoris locum, ubi huius men-
 tionem facit, fuerit peruentum, dicemus) sed huius loco uel
 inanem aucupetur rumorem, umbrasq; gloriæ consec-
 tur, uel diuitijs misere inhiet, aut uoluptate capiat, aut
 aliò quopiam falsorum bonorum respiciat, eoq; studia sua
 omnia & actiones dirigat, hunc fallacis & fucosi ipsius ni-
 mirum uitæ finis occasione, falsæ disciplinæ amatorem re-
 cte statueris. Si uerò præterea, quod ferè tamen consequi
 solet, professionis etiam suæ finem adulteret & uitiet, ut,
 exempli causa, ambitiosus aliquis, ut secundum uulgares
 hos uersiculos nunc agamus,

Esurit ars, decreta tument, lex lucra ministrat,
 Pontificat Moyses, thalamos medicina subintrat.

Iuri Pontificio operã dans, animaduertensq; si quidem ue-
 rè solideq; eius peritus effici debeat ac legitime hoc tracta-
 re, quòd & quàm magnarum artium ac scientiarum ad
 eam rem ipsi cognitione sit opus, ut autem esse uideatur &
 non sit, breuiore eò uia perueniri posse: huc se se conuertat,
 & uideri potius quàm esse studeat, quòd sic, quos appetit
 honores, & citius & facilius se asecuturũ speret: hic iam
 duplici nomine falsæ disciplinæ amator merito censeatur,
 quòd tum uitæ, tum professionis suæ finem falsum sibi pro-
 ponat. illius quidem gloriã inanem, huius uerò, Iuris Pon-
 tificij

ificij fictam & adumbratam scientiam. Consimili autem
ratione, & si quis aut opum appetens, Iuris civilis, quod
profitetur, studium non ad legitimæ atque usitatæ in rebus
causisq; civium æqualitatis conservationem, sed ad iusti-
tiam eludendam, & quamvis causam, novis subinde frau-
dibus & fallacys, quas practicas legulei vocant, inuentis,
obtinendam dirigat: aut sacerdotiorum ac dignitatum ec-
clesiasticarum, Theologiam à vitæ puritate & innocen-
tia, pietate & religione, ad hypocrisim & superstitionem,
vel contra, quod hodie nostri pseudoangelici faciunt,
ad carnis libertatem, nimiamq; de sua salute securitatem
& confidentiam, solennium ceremoniarum, sacrificiorum,
& omnibus temporibus sacrosancti cultus divini negle-
ctionem, ne dicam despicientiam detorqueat: aut uolupta-
tum, arte medica non ad sanandum, sed ad obsecundandum
& assentandum utatur, quod hac ratione omnia sibi per-
uia & penetrabilia animadvertat. Nam & hi omnes ge-
minaratione falsa fuerint disciplina amatores. Atque
ex fine quidem sic de ipsis constituas. Ex euentu autem hac
ratione. Sit enim exempli gratia, qui se demonstratorem
profiteatur, aut etiam de demonstratione scribere audeat.
Hic si quidem nec ipse, cum res postulet, hac vii methodo
ualeat, nec alium huc instructum reddere, merito ad hunc
gregem ex euentu pertinere indicabitur. Pasonis enim
Mercurius fuerit, quod intus an extra scientia sit incer-
tum, quemadmodum & ille. Pari etiam ratione (ut & in

Am ij sectis

sectis non minus earumq^{ue} æmulis examinandis hæc ualere, quam in artibus & artificibus intelligamus) si quis nouit hoc doctrine genus, quod, tanquam contagio quædam, ab uno profectum pro dolor latissimè manauit, amplexus, se certum esse de eo asserat, quod ex numero sit electorum, quodq^{ue} fidem iustificantem in se habeat, nec tamen motus animi turbatos cohibere possit, nec à uitijs, etiam crassioribus illis, quæ in Epistola ad Galatas opera carnis à Paulo nominantur, abstineat: hunc certo scias & ipsum seipsum plurimum decipere, & huius falsæ persuasionis & consimilium occasione, in falsæ disciplinæ amatorum gregem reijciendum. Nam quouis magis uerum esse oportet, quod ab eo, qui mentiri nequit, est dictum. Aut facite arborem bonam, & fructum eius bonum, aut facite arborem malam, & fructum eius malum. Ex fructu enim cognoscitur arbor. Itaque, ut iam dictum est, tum ex fine, tum ex euentu, de ijs, qui ad hunc cætum pertinent, constituere poterimus. Ex tertio autem, quod artificiosum appellauimus, sunt autem ea quæ ad finem referuntur, ut rectè iudicemus, ad tria hæc respicere oportet, sitne uidelicet horum quodlibet, quæ uel ad finem uitæ, uel artis cuiuscunque referuntur: primum quidem uerum ac solidum: deinde utile ad id, quo dirigitur: postremo autem consequens, id est, an ad subiecta principia sequatur. Cæterum qua ratione hæc sint dinoscenda, de uero quidem dictum est prius. De utili autem & consequenti nunc breuiter agamus, ut nec illorū

normæ

norma ignorentur. Igitur quod utile futurum est, id prius,
ut fieri possit, necesse est: quod quæ fieri nequeat, inutilia in-
dicentur. Deinde uero & sic, ad quod utile esse dicitur, affe-
ctum sic oportet, ut hoc sine illo aut prorsus consequi ne-
queamus, quod non solum utile, sed etiam necessarium fue-
rit: aut non satis commodè: aut omnino per hoc commodius
& facilius, ut, exempli causa, uirtutes ad beatitudinem
sunt utiles, quod sine illis ad hanc perueniri non potest: rur-
sus grammatices præcepta ad autores intelligendos utilia
dicimus, quod sine his haud temere, ex solo usu quis assequa-
tur, ut ipsos intelligat. Iam uero & astrologia medico uti-
lis esse dicitur, quod commodius meliusq; artem suam huius
præsidio exerceat. Et utilis quidem hæ sunt norma. Conse-
quens autem quid esse, non ex eo iudicamus, quod cum alio
quopiam quomodocunque simul existat, ut nonnulli existi-
marunt, ignorantes multa quidē simul esse, in quibus nul-
la tamen consecutio spectetur, ut diem esse, & respirare
quempiam: sed quo sublato, necessario aliquid simul tolli-
tur, & posito infertur, hoc illi consequens esse, statuendum
est, & omnino, qua ratione, quæ secundum coherentiā
inter se connexa & apta sunt, iudicantur, eadem utendū
& in his, quæ inter se consecutionem habere dicuntur. Sed
ex his, ut dictum est, iudicare, non cuiusvis fuerit: sed in uni-
uersa quidem uita, sapientis & prudentis, eiusq; qui diui-
narum & humanarum rerum est peritus, & civilis scien-
tia cognitione pollet: in qualibet autem arte, eius qui artis
cuiusque

cuiusque notitiam est aſecutus. Et quidnam igitur noſtri temporis hominibus perſuaſit, ut non ſolum licetatorū uulgus ex his de quonīs iudicare audeat, ſed etiam omnis planè eruditionis expertes? Nam & ſutores uideas & ſonarios, cetarios, lanios, coquos, fartores, piſcatores, aucupes, fabros, textores, fullones, camentarios, tinctores, pelliones, alutarios, coriarios, & reliquos operarios uniuersos, cū ex ſcopo, quem tum uitæ, tum artis parum honeſtum ac legitimum plerique ſibi propoſitum habent, moribusq; & uita euangelicæ puritati plurimum repugnantibus, ab aliquo emunctioris naris redarguantur, illico ad doctrinam prouocare, atque hinc cenſerè de profeſſione ipſorum iudicandum eſſe. Hanc enim apud ipſos longè ueriores eſſe, quàm apud aduerſarios: & cū hi in ſophiſticis quibuſdā & inutilibus uerſentur, ut ipſi inquitunt, ſe ea tractare, quæ ad ſolidam pietatem faciant: porro autem & quæ ipſi profitentur, undique tum ſibi conſentanea, & conſequentia eſſe, tum iſ quæ diuinitus à prophetis & apoſtolis, cæterisq; ſpiritu dei illuminatis diuinis hominibus ſunt tradita, cū illorum placita tum plurimum inter ſe diſcrepent, tum ab illis etiam prorsus abhorreant. Quòd ſi quis hic interpellans dicat: atqui de his iudicare rectè, non cuiuſuis eſt, ſed ſummi Theologi, cui & demonſtratiua methodus, atque ipſa adeo dialectica uniuersa non modo exquiſitè cognita ſit, ſed etiam aſidua commentatione & exercitatione in habitum ducta & firmata: continuo obſtrepentes obyciunt:

obiciunt: Christianorum omnium communem Theologiam esse facultatem, non quorundam, qui eam impudenter sibi solis arrogarunt, propriam: ad ea autem, quæ hic tractantur, nihil humana sapientia & prudentia esse opus: spiritu hæc dijudicari, qui mysteria regni cælestis abscondit à sapientibus, & reuelat ea paruulis: eoq̃ non multos sapientes secundum carnem, non multos potentes, non multos nobiles saniori se adiungere doctrinæ, quod & Paulus testatur, sed simplicem potius plebeculam hominesq̃ vulgares, quales & Apostoli fuerunt, quorum nonnulli à piscatu ad apostolicum munus sunt uocati: Matthæus uero etiam ex telonio. Nam hæc ipsis in promptu sunt illico, tanquam inexpugnabilia quedam arma. Sed quàm his nihil agant consideremus, ab illo exorsi, quòd Theologiam, communem Christianorum omnium facultatem esse asserant. uidetur enim mihi, id perinde dici, ac si quis eam, quæ de uita & moribus est, omnium communem disciplinam esse statueret. Nam ut hic neque prorsus à ueritate aberraret, neque penitus eam assequeretur: ita & illos facere censendum. Cùm enim, ut superius dictum est, triplex in qualibet facultate consideretur habitus: scientis, quem εἰδὼτα & ἀφ' ἡμετέρας: eruditi, quem περὶ αὐτῶν: & secundum relictas quasdam opiniones & persuasiones agentis, quem ἀπειθοῦς uocat Aristoteles, secundum postremum quidem hunc habitum, tum moralem disciplinam, tum Theologiam, omnium communem esse concedimus: secundum

Nn priores

priores uerò duos, minimè. Quare de ijs, quæ artificiosi hic sunt iudicij, uulgares nihil neque probabili, neque scientifica ratione constituere posse censemus, sed totum id uel ad eruditos, cuiusmodi Theologiae sunt candidati, uel scientes, ipsos nimirum Theologos pertinere. Quod uerò de spirituius iudicio hic loquuntur, id non parua indiget distinctione. Nam primum quidem, quæ talia sunt, ut arte & scientia in qualibet facultate comprehendi ac tractari possint (sunt autem & in Theologia huiusmodi non pauca) si quis in ijs, spreto hoc dei beneficio, aliò quopiam, cum de horum ueritate queritur, prouocet, hunc ego non satis rectè facere iudicem. Neque enim animaduertere, quæ rerum ipsarum conditio sit & natura: sed perinde facere, ac si quis, cum de niue sit statuendum, alba sit necne, oculorum iudicio repudiato, ad mentem ac rationē confugiat. Esse enim & de quibus mens & ratio iudicet, quæ supra omnē sunt sensum: esse autem & de quibus sensus, quæ infra mentem & rationem sunt posita. Consimili autem ratione & in Theologia esse, tum quæ scientiæ sint subiecta, tum quæ omnis scientiæ modum excedant: in quibus ad spiritū prouocasse, non uideatur forsitan absurdum. Sed hic tamen rursus id ipsum distinguendum arbitror, cum spiritus non uno modo consideretur, sed nunc quidem, ut uniuersè toti adest Christi Ecclesiæ, ijsq; ad quos legitime ecclesiæ trās lata est autoritas: nunc uerò, ut distribuiim secundum donorum diuisionē singulis: atque id rursus dupliciter: aut enim
 peculia-

peculiari quadam ratione, ut prophetis & quos diuino numine afflatos dicimus: aut communiori, ut multis pijs & deo charis hominibus, cum in dubijs quibusdam in religione & controuersis quaestionibus, quae omnem humanam mentis & intelligentiae vim & facultatem exuperant, spiritus appellatur, tum ad eum, ut primo consideratur modo, confugiendum esse: atque hoc esse τὸ ἀνθρώπου, quod habemus in religione κτίσις, cui & scripturae interpretatio, sicubi inexplicabilis aliquis locus occurrat, est subiecta, & controuersiarum disquisitio, ut dictum est, quae omnem scientiam & cognitionem humanam excedunt. Atque in huius simpliciter autoritate acquiescere oportet, qui in Ecclesia catholica uoce resonat, cum reliquis spiritibus non nisi examinatis credere debeamus, tum quod falsi prophetae raro inueniantur, tum quod in prima sua epistola diuus Ioannes moneat, ne cuius spiritui credamus, sed spiritus examinemus an ex deo sint. Unde patet inscienter admodum ad spiritum prouocare, qui Ecclesiam non audiunt. Nam quo minus ipsorum spiritui credamus, in causa est, quod ij spiritus fructus, quos penultimo capite epistola ad Galatas describit gentium ille doctor Paulus, in ipsis non appareant, sed carnis potius opera conspicua sint. Neque uero quicquam pro ipsis facit, quod mysteria regni caelestis abscondi à sapientibus, & reuelari paruulis, ex autoritate Christi & Pauli asserant. Nihil enim hoc contra nos facit, si non etià & pro nobis. Nam Christus quidem & Paulus

Nr ij non

non de uerè absoluteq; sapientibus, neque de uerè simplici-
terq; infantibus & insipientibus loquuntur: sed, ut ex Pau-
li uerbis manifestè patet, de ijs, qui præpostero & peruer-
so carnis & mundi iudicio tales uiderentur: nos autem,
quod superius artificiosum esse statuimus iudicium, à uerè
simpliciterq; hîc insipientibus & ijs destitutis adiumentis,
sine quibus hoc exerceri nequit (tales enim sunt, quos supe-
rius subiecimus uulgares, omnis eruditionis expertes, &
qui affectibus potius quàm ratione ducantur) ad uerè abso-
luteq; Theologica facultate doctos & sapientes, iysq; in-
structos artibus & scientijs, quibus uerum à falso, ab inuti-
li utile, consentaneum à dissenteo dijudicandum ac di-
scernendum est, transferimus, quæ minimè inter se pugna-
re manifestum est. Sed nos his dimissis ad propositum re-
uertamur, & quoniam, quæ ad falsæ disciplinæ amatores
pertinent, omnia satis exquisitè sunt explicata, ad ea quæ
apud autorem sequuntur progrediamur.

Sed mulieres illæ, quæ circuncurrere uidentur, priori-
bus illis similes, inter quas incontinentiam esse dicebas,
& aliæ, quæ cum ijs cōspiciuntur, quænam sunt: illæ ipsæ
sunt, inquit.

Quod superius rectè à nobis Falsa disciplina sit defini-
ta, cum ea, *παρωδεύουσα σωφροσύνην ἀπειθαρχεῖν καὶ ἀπει-
κλᾶν τῶν ἐν ἐκείνῃ περὶ τοῦ καλοῦ, εἶναι* esse diceremus, ex his, & quæ dein-
ceps sequuntur manifestè patebit. Neque enim uerè aut
à uitijs animū expurgat, aut ab ignorantia & errore opi-
nionumq;

nionūq; fluctuatione nos liberat, eoq; in ipsius amatoribus
 ea vitia adhuc animadvertere est, quæ prius sunt enumera-
 ta, incontinentiam nimirum, luxuriam, inexplebilem au-
 ditatem & aſentationem: quanquam fortasse non hos ita
 totos occupant, ut priores illos & vulgares, quod liberalio-
 ribus quibusdam subinde intenti studijs, hæc à se repellant,
 quæ tamen mox, ut primum vacuum rursus animum sen-
 ſerint, & occupationibus illis relaxatum, recurrunt. Idq;
 mihi significare voluisse videtur autor, cum hos circuncur-
 rere, superiores autem penitus complecti ipsa vitia facit.
 Minus enim quippiam τὸ περιτρεχέειν, id est, circuncurrere,
 quam συμπλέκειν, id est, complecti, esse videtur. Cæterum
 non solum, hæc, quæ diximus, vitia circuncurrere hos fa-
 cit, sed etiam Punctionem, Aegritudinem, quæq; reliqua
 superius commemorata sunt mala. Huc enim pertinet,
 quod dicitur, & alia, quæ cum ijs conspiciuntur. Neque
 uerò id mirum uideri debet, quod hæc vitiorum & uolupta-
 tis sit natura, ut ferè dolorem & mala secum trahant, al-
 terumq; alteri succedat.

Vtrum igitur & huc ingrediuntur? Per Iouem inquit
 & huc: sed raro, & non perinde ut in primo uersantur
 ambitu.

Ex ijs quæ iam dicta sunt, & hæc sunt manifesta, nec
 explicationis ulterioris indigent. Inquit enim & huc qui-
 dem ingredi vitia & reliqua mala, sed non perinde obine-
 re, ut in primo ambitu, cuius causa à me iam est explicata.

Nn. ij Anne

An'ne & opiniones? Ita inquit. Adhuc enim & in his potio, quam à Seductione hauserunt, & ignorantia per lo-
uem manet, cumq; hac adeo insipientia; nec ab ipsis tum
opinio, tum reliqua uitiositas discesserit, usque dum Falsa
disciplina reprobata, in ueram ingrediantur uiam, e-
iusq; uim purgatoriam hauriant, malaq; omnia, quæ ha-
bent, efficiant, tum opiniones, tum ignorantiam, tum reli-
quam uitiositatem uniuersam: tum enim demum sic ser-
uentur incolumes. Hic uero apud Falsam disciplinam si
permanerint, nunquam soluti ac liberi euadent, neque
mali quicquam eos deficiet harum disciplinarum ergo.

Cum ex precedentibus, uitia in hunc secundum ambi-
tum ingredi, intellexisset hospes, hoc loco nunc querit, an
& opinionibus huc pateat aditus, quod procul admodum
hinc habitare uideantur, ad primi nimirum ambitus in-
gressum, statim post Seductionem. Respondet autem Se-
nex, & huc eas peruenire, causamq; addit, quod nimirum
etiam nunc in his, qui falsæ disciplinæ sunt amatores, Se-
ductionis potio uim suam exerat, ac proinde ignorantia eo-
rum animos adhuc occupet, quodq; grauius est, insipientia.
Ceterum ignorantiam nunc eam accipere oportet, quæ
uoluntate dicitur, aut etiam eam, quæ uoluntate appel-
latur, sed simplicem duntaxat, non autem rationatione
conciliatam. Insipientiam uero τὴν ἄλογον ἀνιστοῦσαν
ἡμῶν. Neque uero sic interrogationi satis fecisse contentus,
in super & id addit Senex, quousque tum opinio, tum reli-
qua uitiositas hominē comitetur, & quis illarū progressio-
nis sit modus & finis. Nam eum esse statuit, Falsæ quidem
discipline

disciplina repudiatione, vera autem via ingressionem, ubi
 Vera disciplina facultate purgatoria hausta (quenam
 autem illa sit, suo non ita multo post loco explicabimus)
 omnia expellunt exterminantq; mala, ut opiniones, volu-
 ptates, cupiditates, ignorationem, incontinentiam, & reli-
 qua vitia & perturbationes: quibus antea affligebantur
 & laborabant. Quibus demum liberati malis, animi sani-
 tatem recuperant, saluiq; in posterum conseruantur. quod
 certe ipsis, quamdiu Falsa adherent & additi sunt disci-
 plina, usu venire minimè posse, inquit: cuius etiam causa à
 nobis superius est reddita. Atque hæc quidem auctoris hoc
 loco est sententia, minimè ijs, qui superiora rectè assecuti
 sunt, obscura aut difficilis. Sed in verbis fortasse hic quis-
 piam hæreat, nec inueniat, quo τὸ τοῦ illud, in hac oratio-
 ne, καὶ τὸν τῆς τῆς καὶ τῆς δὲ τῆς, referre debeat,
 quod ὁ δὲ, id est, via, quò referri omnino debere uidetur, fœ-
 minini sit generis. Sed huiusmodi generum enallage apud
 Græcos, & potissimum Atticos non est insolens, ut hoc
 neminem offendere debeat. Quod autem ad finem habetur,
 neque mali quicquam eos deficiet harum disciplinarum er-
 gò. quid sibi uelit, ex ijs, quæ de Falsa disciplina amatori-
 bus copiosissimè à nobis superius sunt disputata, facile intel-
 ligi potest. Nam cum hæ disciplina, ut dictum est, nec ab
 ignorantia & falsa scientiæ persuasionem nos liberent, nec
 à reliqua uitiositate expurgent, rectè ab autore dicitur, ha-
 rum disciplinarum ergò, id est, quantum ad has pertinet
 discipli-

disciplinas, nihil eos mali defecturum. Ac de Falsa quidem disciplina eiusq̃ amatoribus, quæq̃ ipsos comitentur uitia & mala, cū hac propemodum sufficere uideantur, deinceps se ad eam conuertit uiam autor, quæ ad Veram ducit disciplinam, quam describere uolens, sic Hospitem de hac interrogantem facit.

Atqui quænam hæc est uia, quæ ad Veram disciplinam ducit?

Optimo mihi ordine uti uidetur autor. Nam omnibus hætenus commonstratis, quæ à recto nos itinere abducerent, diuerticulis ac flexionibus, ipsam tandem rectam subiecit uiam, quæ per Veram disciplinam ad uirtutes & beatitudinem ducit, eamq̃ in sequētibus ita luculenter describit, ut nihil inueniri possit illustrius. Occasionem autem de hac percunctādi, ex superiori oratione arripit Hospes, ubi dicebatur, Usque dum Falsa disciplina reprobata in ueram ingrediantur uiam, &c. Cui deinceps respondens Senex, his uerbis eam describit, atque Hospiti ostendit.

Vides'ne, inquit, supra locum quendam, illum ubi nemo habitat, sed desertus esse uidetur? Video. Nunquid & ianuam quandam paruam, & uiam ante ianuam, quæ nō multum frequentatur: quin etiam admodum pauci eam petere contendunt, utpote quæ accliuus ascensuq̃ difficilis, aspera & petrosa esse uidetur? Quid nī? inquam ego. Atqui & collis quidam excelsus esse uidetur, & ascensus angustus admodum, cuiq̃ hinc inde alta sunt præcipitia, Video. Hæc itaq̃ est uia, inquit, quæ ad Veram ducit disciplinam,

disciplinam, & admodum quidem certè aspectu difficilis atq; ardua.

Quæ ad ueram disciplinam ducit uia, cuiusmodi sit, oculis quidem ipsis intueri non possumus, quòd animi sit, nò corporis: sed tamen quemadmodum uia nomen, quamuis propriè huiusmodi animæ affectioni, qua uel in melius proficit, uel in deterius labitur, non conueniat, ob quandam similitudinem à corpore ad ipsum transferimus, & sic utcunque, quod uolumus de eo intelligi, exprimimus: ita & hoc loco noster autor, à rebus quibusdam sensibilibus ducta similitudine, cuiusmodi ea ratio sit ac uia, qua ad ueram perueniamus disciplinam, ita clarè sub oculos ponit, ut non solum cogitatione in eius quandam notitiam facile peruenias, sed tantum non eam intueri te credas. Primum igitur præcelsum atque editum locum facit, quòd uera nimirum recta q; disciplina animum ab humilibus istis ac corporeis occupationibus exercitijs q; abducere conetur, & ad sublimia quæpiam, cœlestia, menti q; cognata extollere, quò certè nos, ut & antea dictum est, corporis figura uocare uidetur. Deinde talem, quem nemo incolit & habitat, sed planè desertus est: quod quam uim habeat, non iniuria dubita uerit aliquis. Nam si paucissimos ibi degere dixisset, & locum non admodum frequentari, nihil utique quod nos remoraretur esset. Nunc autem cum prorsus neminem ibi habitare dicat, & locum esse desertum, quid sibi uelit, non statim quis animaduertit. Sed meo quidem iudicio, non id

Oo uult

vult autor, quòd nemo ibi sit, aut eam ingrediatur uiam:
 falsum id enim esset: sed quòd nullum in hoc itinere sit di-
 uersorium, ubi interquiescere & reficere se quis possit, an-
 tequam ad ianuam illas aeternas sit peruentum, ubi tamen nò
 diuersorium esse intelligitur, sed locus tantummodo qui-
 dam, ubi paululum quis respiret viresq; recipiat, ex diffici-
 li & arduo ascensu afflictas. Neque enim in hac uia uspiam
 subsistere oportet, sed continenter progredi, quòd tota hac
 lucta quadam consistat rationis cum affectibus, cum quibus
 inducias pacisci neq; tutum est, neq; decorum. Unde & diffici-
 lior & molesta magis hac uia esse uidetur, cum & illis ca-
 reat comoditatibus, quae iter facientibus solatio esse consueue-
 runt. Quod uero de ianua sequitur parua, eiusdem significa-
 tionis est cum eo, quod apud Matthaeum capite septimo, de
 porta angusta habetur. Nam primus quidem ad uirtutem
 aditus, à uitijs autem recessus, res plena laboris & mole-
 stiae est, quòd affectibus illis rationis expertibus, & uolupta-
 ticum dulcedine quadam ad sensus affluentem & illabenti
 renunciare, haudquaquam sit expeditum ac promptum,
 sed si aliud quicquam, difficile & arduum, tum quòd cum
 illis in lucem editi sumus ac à pueris assueuimus, tum quòd
 ad hanc quoque, ut dictum est, conciliationem naturalem
 obtinemus. Eodem autem spectare uidetur, & id quod
 sequitur, de uia ante ianuam, quae non multum frequenta-
 tur. magni enim est laboris, rationis expertes animae facul-
 tates, haecenus effrenatas & indomitas, condocere facere &
 sub

sub rationis iugum mittere. Quare minimè mirū est, hanc à paucis frequentari uiam, cum hominum maxima pars affectibus seruiat, rationis repudiato imperio. Neque uerò id satis auctori fuisse uidetur, quòd hanc non frequentari dixisset, sed quòd maius est, in super addit, quin etiam pauci eam petere cōtendunt, utpote quæ acclius ascensuq̃ difficilis, aspera & petrosa esse uidetur. per quæ id nimirū, quòd res est, indicare uult, non solum paucos ab affectibus sese ad rationem sursum recipere, sed etiam paucissimos huc aspirare, conatumq̃ saltem aliquem adferre, quòd statim tantum non omnium animos desperatio occupet uel ad primum itineris huius aspectum. Ceterum acclius ascensuq̃ difficilis, idcirco dicitur, quòd eiusmodi animi affectiones, cuiusmodi continentia & tolerantia sunt, laboriosæ cui-dam in altum conscensionis adsimiles, ut paulo post ostendemus, uideantur, dum rationem affectu superiore reddere moliantur. Aspera autem & petrosa esse fingitur, quòd offensiones crebræ ac ueluti salebræ hic occurrere soleant, dum affectus rationi reluctantes, eam subinde nutare faciant, ac tanquam ad lapsum sollicitare uideantur. Sed quid tandem sibi uult quòd sequitur? Atqui & collis quidam excelsus esse uidetur, & ascēsus angustus admodum, cuiq̃ hinc inde alta sunt præcipitia. An & hoc eodē pertinet? An uerò potius id in super docet, ipsum id, quòd conamur medium tenere, difficile esse, tum quòd non magnam latitudinem obtineat, sed contractum in angustumq̃

Oo ij sic

fit deductum, tum quòd facili momento hinc excidamus
 & præcipientes feramur, quòd rationis experts affectus, in
 nobis grauitatis & ponderis quandam rationem subeat,
 ratio autem appetitionis seu impetus, secundum quem ani-
 malia mouentur. Itaque ut illa, si quando per prærupta lo-
 ca, quæq; uias angustas obtinent incautius incedant, facili
 momento exturbantur, & corporis mole in præceps ferun-
 tur: ita & nos cum in hoc itinere sumus constituti, nisi at-
 tentissimi, nisi omnia caueamus, facile ab honesto uite
 proposito declinantes, affectuum ueluti pondere depressi
 ruimus. Hoc igitur esse censendum est, quod autor his uer-
 bis exprimere uoluit. Atque his quidem sic subiectis, hanc
 esse uiam, inquit, quæ ad ueram ducit disciplinam, quæ, ut
 inquit Maro, -Dextrum petit ardua callem

Difficilemq; aditum primo spectantibus offert.
 Sed cum hæc iam satis sint explicata, nos ad ea quæ sequun-
 tur pergamus.

Numine & supra circa collem petram uides magnam,
 editam & undiq; præruptam? Video inquam. Vides ne
 igitur & mulieres duas in petra hac insistentes luculen-
 ta facie, ac corporis bona habitudine, & quàm promptè
 manus extendant? Video. Sed qui uocantur, inquam,
 hæc? Altera quidem, Continentia, inquit, appellatur: alte-
 ra uero Tolerantia. sunt autem sorores germanæ.

Uia ratione, quæ nos ad ueram disciplinam ducit, de-
 scripta, aut ea certè eius parte, quæ laboriosa est atque diffi-
 cilis (nam reliquam, quæ facilis est & expedita, paulo post
 subijciet)

subijciat) deinceps ad Continentiam & Tolerantiam exprimendam se conuertit. quod ita appositè mehercle facit, &, quod magis mirum est, tam breui oratione, ut haud facile quempiam inueniri posse existimem, qui uel prolixissimo sermone idem asequatur. Primum igitur locum, ubi consistunt, describit. Facit autem eum, petram, suprà, circa collem, magnam, editam & undiq; præruptam. quorum singula quid sibi uelint, diligentius consideremus. Quòd igitur editiori loco eas cōstituit, non tamen in collis summitate, sed circa collem, id rationem quidem in ijs præuallere ostendit, sed non summam illam & omnibus numeris absolutam, quam scientiam appellamus, sed, quæ quasi inferiori quodā loco posita est, opinio recta. Atenim ut tum quæ hic dicta iam sunt, ac deinceps etiam dicenda facilius intelligantur, non fuerit, arbitror, incommodum, de animi affectionibus seu statibus quibusdam inter se uicinis, in quorum numero & Continentia & Tolerantia est, nonnihil discernisse, easq; à se mutuo exquisitiùs distinxisse ac separasse. Cum igitur, ut superius ex Peripateticorum sententia traditum est, duplex sit animorum uis, una quidem appetitus, altera uerò cognitionis: rursum autem ipsius anima, alia quidem pars, rationis sit copos & particeps, alia uerò, eiusdem expers, cum in hanc illa perfectum & plenum imperium obtinet, utraque sua facultate, tum quæ cognitionis est, tum quæ appetitus ad summam absolutionem perducta, tum in animo ornata quedam concinnitas &

Oo ij par-

partium omnium ac facultatum quasi cōcentus cōsensusq̃ existit, & hic eius habitus primus & absolutissimus est: ac totius quidē animae ratione, iustitia appellatur: partium autē, eius quidem, quae rationis est compos, prudentia: animosae uerò, fortitudo: eius autem quae cupiditatis est, temperantia. Cū uerò e contra, quae rationis est expers dominatur ac rerum potitur, ratio autē penitus oppressa prostrataq̃ succumbit, tum cognitionis ui, tum recto appetitu destituta, hīc sanē & abominanda quaedam deformitas in animo conspicitur, & incontentus totus existit, cōtraq̃ naturam omni ex parte affectus: estq̃ hic teterrimus secundum perturbationem, eius status, qui, quod ad totam pertinet animam, iniustitia: quod ad aestimatricem eius partem, insipientia: animosam, ignauia: cupidineam (audendum enim hercle & eam animae partem, quae cupiditatis est, ad Graecorum imitationem, hac uoce notare) intemperantia nominatur. Huic autem uicina & finitima & alia quapiam est constitutio, quod ad reliqua quidem pertinet, eadem: hoc autem solo à praedicta diuersa, quod ab affectu ratio in seruitutem adducta, tum appetitui, eōdem, quō illa, feratur, tum cognitionis, qua adhuc aliquousque pollet, uim omnem in hoc intendat, ut rationes ac modos omnes excogitet, quibus affectum expleat. Atq̃ hic quidem omnium absolute simpliciterq̃ est pessimus animae status, in quo non solum perturbatio, sed etiam calliditas, & malitia quaedam notatur: quarum illa quidem, secundum affectionem insipien-

insipientia est, id est, perversa & vitiosa sapientia, cum in
precedenti animi habitu hac secundum privationem tan-
tum existeret: hac uero, iniustitia uoluntaria & cogitata,
cum altera illa in priore constitutione ex perturbatione
esset. Quare longius à primo illo & optimo animi habitu
hunc distare manifestum est, quam precedentem, cum hic
perinde ad eum sit affectus, ut contrarium ad id, quod omni
ex parte est contrarium: precedens autem, partim qui-
dem, ut contrarium ad contrarium, partim uero, ut priva-
tio quodammodo ad habitum. Unde satis mirari nequeo
quid Proclo, summo alioqui philosopho, in mentem uene-
rit, quòd hanc inter medias animae constitutiones numera-
uerit. Neque enim uerum est, quòd ratio dimidia ex parte
salua & incolumis seruetur dimidia uero, vitiosa sit &
corrupta. Nam ut uoluntas, etiamsi, quod proprium eius
est facultatis, faciat, & ad id, quod bonum esse uidetur, fe-
ratur, quia tamen non id, quod uerè bonum est, appetit,
sed affectum hinc sequitur, corrupta censetur (hoc enim &
Proclus statuit) ita & cogitatio, quamuis quod utile esse
uidetur & ad subiectum finem ducere, quarendo inuenit
(nam hoc ipsius est proprium) quia tamen non quod uerè
est utile aut querit, aut inuenit, vitiosa omnino est existi-
manda: & alioqui uidetur hac uoluntati causa esse, quòd
in finis electione erret, ut ex ijs, quæ superius contra Epi-
curum sunt disputata, patere potest. Quare si uoluntas cor-
rupta censetur, & hanc longè antè corruptam esse statuen-
dum

dum est, quæ affectum, ut seruus dominum, usque sequitur. Ceterum inter hos extremos habitus, in quibus nulla pugna apparet, duo alij sunt intermedij, in lucta quadam rationis cum affectu consistentes: quorum quidem in altero, rationem quamuis reluctantem, utpote cuius facultas utraque uim aliquam adhuc, neque eam deprauatam, sed potius imbecilliore obtineat, affectus uincit & exuperat: in altero uerò cōtrā, superior discedit ratio, manus dat, & uincitur affectus. Ad horum prius genus, incontinentia pertinet & mollities seu intolerantia: ad posterius, continentia & tolerantia. Sunt autem incontinentia & continentia, cupidine animæ partis affectiones: hæc laudabilis & in uirtutē uergens, illa uerò uituperanda & in uitium propendens. Mollities autem & tolerantia, animosa: hæc uirtutis, ut inquit Theages, ἀρετὴ, id est, inchoata uirtus: illa uerò ἡμιεὶς ἀρετὴ, id est, ut uerbum uerbo reddamus, semiperfectum uitium. Verum enim uero hoc loco querat aliquis, sintne & æstimatoris aliquæ huiusmodi affectiones, quæ his proportionē respōdeant, & totius ad eam animæ. Dicimus igitur & hic consimiles inueniri. Nam in æstimatoris animæ parte, uera & falsa eruditio, huiusmodi sunt affectiones: in tota uerò anima, inchoata iustitia & iniustitia. Ceterum quos nunc dixi quatuor habitus (nam secundum & tertium pro uno computamus, quod uterq; primo opponatur) eorum ut in pleniorē notitiā ueniamus, simul autem & sub qua informatione hos auctor

tor

tor nūc proponat, definitius ac distinctius percipiamus, in
tali quapiā similitudine eos spectandos proponemus. Nam
quoniam, ut autor est Ecphantes Pythagoreus, in terra ho-
mines res quadam sunt disjuncta, multumq; à puriore illa
natura exuperata, & terra plurima gravata, ut à matre
uix sese erigāt & extollāt, nisi aliquis instinctus afflatusq;
diuinus misera hæc animalia cum præstantiore illa parte
coniungat, sacrum genitoris conspectum, quatenus is con-
spici potest, commonstrans, uidebitur, arbitror, non à ra-
tione alienum; corpus, quæq; hinc efflorescunt & suboriun-
tur rationis expertes animæ facultates, grauitati & pon-
deri, quæ natura sua deorsum uergunt, assimilasse: men-
tem autem & rationem, ei, quod in animalibus est motus
animalis principium, Græcis ὁρμή dicitur. Itaque ut ani-
mal, nunc quidem deorsum à sola grauitate impulsus fer-
tur, perinde ut & inanimata corpora: nunc uero sursum
solo scandit impetu: interdum autem utraque concurren-
te causa, uel sursum uel deorsum tendit, dum aut per accli-
uem locum ascendit, aut per declinem decurrit: ita & in
nobis uisuenire animaduertimus. Nam interdum solo du-
cimur affectu, & eius ueluti pondere depressi in uitia rui-
mus, ut intemperātes, quos Græci ἀνολόγους uocant. Non-
nunquam uero contrā sola ratione ad honesti erigimur &
extollimur studium ut tēperantes. Atque hi quidem sunt
extremi duo habitus inter se contrarij, qui prioribus illis
duobus animalis motibus proportionē respōdent. Inter hos
Pp autem,

autem, duo quidam medij inueniuntur, quorum alter aſi-
 milis eſt per accliuem locum aſcenſui, quod ut ibi animalis
 impetus ponderis & grauitatis naturam exuperans, uio-
 lenter eam ſurſum agit, ita & hic ratio affectum grauan-
 tem & ad inferiora retrahentem, ad uirtutem & honeſta-
 tem attollere conetur: alter uerò per decliuem locum decur-
 ſui. Nam ut in eo grauitas naturalis pulſum animale ſu-
 perat, ita & in hac affectione, rationi affectus præponde-
 rat. Prioris generis Continentia eſt & Tolerantia: poſte-
 rioris Incontinentia & Molliities. Atque ex his quidem,
 quæ partim hoc loco à nobis ſunt dicta, partim uerò & ſu-
 perius, ubi has affectiones, æris quibuſdam ſtatibus contu-
 limus, ſatis, ut arbitror, earum natura intelligi poteſt, &
 ex quibus notionibus huiusmodi ipsis tribuat auctor, cuius-
 modi hic ab ipſo deſcripta uidemus: quorum illud quidem,
 quòd editiori circa collem loco ponantur, quam uim ha-
 beat, explicatū iam eſt. Cur autem in petra magna, edita,
 & undique prærupta inſiſtere ſingantur, non difficile ex
 ijs, quæ iam dicta ſunt, animaducriere. Horum enim par-
 tim rationis in his conſtitutionibus præualentis firmamen-
 tum & robur denotat, partim affectus repugnantis præ-
 fractam naturam. Luculenta uerò facie & bona corporis
 habituſine, idcirco eas facit, quòd ad animi ſanitatē uer-
 gentes & proficientes ſint animi conſtitutiones. Manuſ
 autem quamobrem tam prompte extēdant, paulo poſt ab
 auctore explicabitur. Caterū has appellari inquit, alteram
 quidem

quidem Cōtinentiam, alteram uero Tolerantiam: esse autem ipsas germanas sorores. quod cur ab autore dicatur, sic optimè cognouerimus. Nam primum eius animæ partis, quam Græci τὸ πρῶτον πινόν nominant, affectiones quædam sunt ambæ: deinde inchoata uirtus utraq; est: quare si uirtutes omnes rectè sorores esse dicuntur, & hæ non malè hoc nomine gaudebunt. Ad hæc eiusdem ortus sunt ambæ, cum circa primum puerilem sensum, qui ex Platonis autoritate uoluptas est & dolor, uersentur. Est autē Continentia, de qua nunc agimus, quæq; absolutè dicitur, non autem cum adiunctione (nam quæ ratione Incontinentia superius est diuisa, eadem & Continentia distinguatur) laudabilis quædam cupidineæ animæ partis affectio uirtusq; inchoata, quæ in malas ruentem uoluptates cupiditatem ratione cohibemus. Definiunt autem Stoici eam nonnihil secus, atque nos ex Peripateticorum sententia nunc fecimus, eam esse dicentes, δαδισιν αὐτοῦ ἐπὶ τῶν ἀρετῶν λόγων. rursus autem eidem alijs etiam modis, nunc quidem κατὰ ἀποχὴν, nunc uero ἐξ ἀντιθέσεως ἰδόντων ipsam facientes. quas quidem omnes notiones si coniungamus, exquisitiuss ipsius naturam perceperimus. Tolerantia uerò, quam meo quidem iudicio malè nonnulli constantiam uertunt, cum hæc ἐνστάδα Græcis dicatur, illa κατὰ κράτος cū qua aut eandem, aut certe non multum diuersam affectionem esse existimo, quam Græci ὑπομονή, Latini patientiam appellant, à Stoicorum nonnullis hoc modo definitur, κατὰ κράτος.

Pp ij isip.

ἐσι, ἐπὶ τῇ μὲν ἡ ἐξ ὧν ἐμμενέται, καὶ μὴ, καὶ ὁ δὲ τέρων. ab alijs ue-
 rò & rectius sic, καὶ τὴν γὰρ ἐσὶν ὁ ὕψους ἐμμενέται πόνος, καὶ ὁ πο-
 μολοκὴ δὲ πόνος ἐκείνη τῶν καλῶν. Et hanc mihi definitionem ali-
 quo modo expressisse uidetur Cicero libro secundo de Inuen-
 tione: ubi patientiam, honestatis, aut utilitatis causa, re-
 rum arduarum ac difficilium uoluntariam ac diuturnam
 perpeſſionem esse dicit. Ex quibus haud difficile est & id
 colligere, quod libro septimo Moralium ad Nicomachum
 inquit Aristoteles. Tolerantiam in resistendo, Continen-
 tiam uero in superando consistere. Et cum diuersa sint resi-
 stere & superare, perinde ut non uinci & uincere, sit q̄ hoc
 illo praestantius, magis etiam continentiam quam toleran-
 tiam esse experendam. Sed his explicatis ad autorem re-
 uertamur, & cur tam promptè manus extendant, audia-
 mus.

At enim quidnam manus tam promptè extendunt?
 Hortantur, inquit, eos, qui ad hunc locum accedunt, ut
 confidant, minimeq̄ timore aut ignauia praepediti ab in-
 stituto desistant, paululum adhuc ipsis obdurandum esse
 dicentes: deinde in pulchram eos uiam peruenturos.

Nihil est quod his explicadis diutius inhereamus, cum
 ex ijs quae à nobis de his affectionibus sunt dicta, satis haec
 intelligi possint. Et alioqui tam aperta auctoris hic est ora-
 tio, ut interpretationis & enarrationis nō indigeat. Nam
 quod inchoatae hae uirtutes, et si, ut dictum est, eius, quod ra-
 tionis in nobis est expers, sunt, à ratione tamen eam, quam
 habent, absolutionem sortiantur, & quodammodo sub-
 stan-

stantiam & formam, idcirco nunc pro ratione sumuntur, quæ cum affectibus, tanquam diuersum quid cum diuerso agit. Quare illæ quidem superiori consistere finguntur loco, hi inferiori: planeq; secundum quam notionem apud Homerum dicitur,

Pectora percutiens, dictis cor comprimit hisce:

Cor tolera, quondam multo grauiora tulisti.

secundum eandem & hæc apud autorem nostrum accipere oportet.

Atqui cum ad petram peruenerint, quæ nam ratione ascendunt: Neque enim ullam uideo, quæ ad ipsam pertineat uiam. Ipsæ à præcipitio ad eos descendunt, sursumq; ad se trahunt. Deinde ipsos interquiescere iubent: ac paulo post robur addunt & fidenciam, & promittunt se eos ad Veram disciplinâ deducturas, uiamq; ipsis monstrant, quàm sit pulchra, æquabilis, & expedita, & ab omni malo expurgata, ut uides. Ita per Iouem apparet.

Neque quæ hic habentur obscura admodum sunt, si quis, quæ superius sunt dicta, satis est assecutus. Nam affectus à ratione attrahi & duci debere ostendit, si quidem ad sui absolutionem perducere debeant. Neque enim ipsis huc uia patet, aut ullo modo eò peruenire possunt, nisi ratio se demittat ad eos erigendos & extollendos. Atque hoc est, quod ipsas à præcipitio descendere facit, eosq; sursum ad se trahere. Quod uerò ipsos interquiescere iubeant, ac paulo post robur addat & fidenciam, eo nihil aliud significatur, quàm quod demictis & subingatis affectibus, quies aliqua

Pp ij in ani-

in animo oriatur: sed tamen nondum plena & perfecta, quod oporteat & erroribus, qui adhuc restant, mederi. Videtur autem robur, ad cupidineam animæ partem referri, quod hoc ipsi potissimum sit opus, utpote quæ aliàs à voluptatibus eneruari soleat: fideiia uerò, ad animosam, quam malis minimè cedere oportet, sed contrà ardentius ire. Et hætenus quidem ea est explicata uia pars, quæ laboriosa est atque difficilis. Consistit autem in hoc, ut perturbationes ex animo tollantur, & affectus rationi subiciantur. Nam cum duo sint, quæ animum infestant mala, perturbatio & error, illud πᾶδος, hoc ἀμαρτημα Græci uocant (est autem πᾶδος, ut nunc accipitur, πινὸς ἀλόγου ἐν ἡμῶν δυνάμει ἀπαδύσους τῷ λόγῳ πλημμελὲς κίνησις, id est, cuiusdam rationis expertis in nobis facultatis, quæ rationi non obtemperat, exorbitans motus: ἀμαρτημα uerò, τὸ λεγιστικὸν ἐν τῷ κρίνειν σφαλμα, id est, æstimatricis in iudicando lapsus, seu ut alij definiunt, quod tamen eòdem recidit, ἢ τὸ ἀληθοῦς ἀποτυχία, id est, ut quàm proximè reddamus, ueri frustratio) utroque certè animum liberari oportet, ut ad uirtutem & beatitudinem sibi conuenientem peruenire possit. Et quoniā perturbationes iudicium impediunt, mentiꝫ ac rationi uelut nebulas offundunt, has prius ressecandas esse merito censuit autor. Quare & de eo etiam prius egit. Et cum hoc ipsum admodum sit, ut dictum est, arduum & difficile, hætenus etiam uiam talem subiecit. Nunc autem quod ad Veram disciplinam eius est reliquum, id pulchrum facit & æquabile

bile & expeditum, cuius nimirum causa ab ipso subijci-
 detur, cum inquit, & ab omni malo expurgata. Nam dis-
 cussis affectibus & perturbationibus, tanquam nebulis
 quibusdam, non difficile certe fuerit animum ab errore li-
 berare, & ad veritatis cognitionem adducere. Sed prius-
 quam ad alteram illam viam partem progrediamur, cuius-
 dam Epicteti precepti meminisse videtur non inopportu-
 num, idq; huic acclivi ascensuq; difficili viam parti colopho-
 nem imposuisse, quod uniuersam eius rationem duobus ver-
 bis continere mihi videtur: quæ ego profecto digna existi-
 mem, non ut omnibus parietibus, omnibus columnis inscri-
 bantur, omnibus in scalpantur anulis, sed potius omnium
 in animis imprimantur, omnium in moribus & vita elu-
 ceant. Referuntur autem hæc à Cellio Noctium Attica-
 rum libro decimo septimo, cap. decimonono, cuius hic ver-
 ba subijciam. Præterea idem ille Epictetus, quod ex eodem
 Phavorino audiui, solitus dicere est, duo esse vitia mul-
 to omnium grauius ac terribius, intolerantiam, &
 incontinentiam: cum aut iniurias, quæ sunt ferendæ, non
 toleramus, neq; ferimus: aut à quibus rebus voluptatibusq;
 nos tenere debemus, non tenemus. Itaq; inquit, si quis hæc
 duo verba cordi habeat, eaq; sibi imperando atque obser-
 uando curet, is erit pleraq; impeccabilis, vitæ amq; iuxta tran-
 quillissimam. Verba duo hæc dicebat, *ὅτι οὐ γὰρ ἔστιν ἄλλο*. quo-
 rum illo tollerantiam, hoc continentiam præcipit.

Vides ne igitur, inquit, ante lucum illum locum quen-
 dam,

dam, qui amoenus esse uidetur, prati instar nitidus & uiridis, lumineque plurimo illustratus. Maxime. Atqui animaduertis & in prati medio ambitum alium, & portam aliam. Sic est, sed quo nam pacto hic locus appellatur? Beatorum, inquit, domicilium. Hic enim uirtutes omnes uersantur, atque ipsa adeo beatitudo. Sit sane, inquam ego, per amoenus hic locus.

Si usquam alibi, illud à Platone usurpatum, libro de Legibus sexto, locum habet, certe hic uel maxime quadrabit. Principium enim, inquit, dicitur id quidem dimidium totius, in prouerbijs, negotij, ac bene adeo coepisse, omnes passim in laude ponimus. At uero id, ut mihi uidetur, tum plus est quam dimidium, tum nemo, recte id institutum, satis pro dignitate laudibus efferat. Nam cum alterius illius uiae partis molestias & difficultates superauerimus, quae reliqua ad Veram disciplinam restat uia, non solum breuis esse uidetur, sed etiam, ut superius audiuius, pulchra, equabilis & expedita, & ab omni malo expurgata. Neque uero id mirum uideatur. Qui enim eo peruenit, ut cohibere motus animi turbatos rationis freno possit, & consilio potius ac iudicio, quam animi impetu & perturbatione regi, adhuc ita in honesti studio animum obfirmarit, ut huius comparandi gratia, omnia sustinere sit paratus, & aspera quaeuis perferre,

-aduersis rerum immerfabilis undis, ut inquit ille, huic ego omnia procliuia deinceps existimem, tum quod uolenti nihil sit, ut dicitur, difficile, tum quod labor assuetudine

dine in uoluptatem conuertatur, maximeq³ tanti premij expectatione proposita. Videamus igitur quomodo uiam hanc, tum locum, ubi Vera consistit disciplina, noster exprimat autor. Neq³ enim hanc aspectu difficilem atque arduam, ut priorem illam, facit, sed amœnum locum hic subycit, & ante lucum, prati instar nitidum & uiridem, lumineq³ plurimo illustratum, quæ omnia conuenienter huic loco attribui uidentur. Nam qui nunc primum ex densissima illa & profundissima perturbationum caligine emerferunt, non eos statim ad clarissimam lucem transferre conuenit, neq³ enim tantum splendoris appulsum imbecilliores adhuc animi oculi ferre possent, sed ad locum, in quo cum tenebris lux æquabiliter temperata mediū quoddam cōstituat. Talis autem est, qui hic describitur, in quo & umbra non parum est, luci illius ratione, & luminis etiam multum, ut autoris uerba indicant. Caterum quòd locum hunc prati instar nitidū & uiridem, sic enim ~~descriptum~~ ^{uolens} interpretor, esse fingit, eo non solum, quæ per pratum hoc ad Veram disciplinam pertinet, uiam planam & expeditam esse, ut superius est dictum, innuere uult: sed theorematum etiam hic suborientium cū uarietatem, tum pulchritudinem, quæ non solum animum mirificè delectet ac recreent, sed etiam eius quoddam pabulum sint, nonnulla uerò & medicina cuiusdam usum præstent. At de uia quidem, ac loco, per quem uia fertur, hætenus. Quod uero deinceps sequitur, eo spectat, ut quo loco Vera consistat disciplina

29 disciplina

disciplina eiusque filia cognoscamus. Primum igitur alium quempiam ambitum, tertium nimirum, esse dicit, & eius ambitus aliam itidem portam: de quibus, absoluto de Vera disciplina sermone, paulo post, per se & proprie ager auctor. Nunc autem in hoc tantum ipsorum mentionem facit, ut Vera disciplina locus illustrius describatur. Hunc autem locum, beatorum, inquit, esse domicilium: quod ita se habere inferius exquisitè declarabitur. quanquam & nunc aliquo modo id probet, cum inquit: Hic enim uirtutes omnes uersantur, atque ipsa adeo Beatitudo. Sed quoniam, ut diximus, non ad hoc, ut eum nunc per se describat ambitum, ipsius mentionem fecit, ut nec portæ, idcirco statim, cuius gratia hæc ab ipso sint adducta ostendit, & Vera disciplina descriptionem subijcit.

Igitur ad portam mulierem quandam, inquit, esse uides pulchram, sedato uultu, mediâ uerò, confirmata, ac probata iam ætate: quæ uestitu simplici & ornatu utitur, insistitque non in rotundo lapide, sed quadrato, tutè ac firmè sito: & cum hac aliæ sunt duæ, quæ filia quædam eius esse uidentur. Ita se rem habere prorsus apparet. Harum itaque quæ in medio est, Disciplina est, illa Veritas, hæc Persuasio.

Extra tertium ambitum ad portam Veram disciplinam consistere facit. Eius autem rei causam, statim ab ipso autore cognoscemus. Inquit autem eam mulierem pulchram esse, non fucata, sed uera forma commendabilem, quandoquidem, ut superius diximus, & proponit uos tunc estis quæ

diæ

δίαις ἢ πελάγεσσι καὶ κακίαις ἀπίστοις ἐκκαθαρίαις. *Insuper autem*
sedato uultu, sic enim καθεστῆκα τὸ πρόσωπον uerto, quod ani-
mi perturbationes, quae iudicium impediunt, hic iam subse-
derint. Media uero confirmata, ac probata iam atate
(quam Craci μέση καὶ κερκίμη ἡλικίαν nominant: μέση qui-
dem, quod aequaliter ab utroque extremorum absit: κερκί-
μη uero, ὡς ἐγνωσμένη, id est, explorata iam probitatis,
cui ea opponitur atas, quam libro Actionū in C. Verrem
septimo, Cicero lubricam & incertam uocat, eoq; nos hanc
confirmatam ac probatam minimè uertere dubitauimus)
quod hac demū ad mentem ac sobrietatē quandam homi-
nes uerè redire uisueniat, potissimumq; commodā naκτος
institutionem: cuius rei causam his uerbis nobis in Timaeo
explicat Plato: ὅταν δὲ τὸ τῆς αἵματός τε καὶ τροφῆς ἐλαττωρὲς πίνῃ ξύμα,
πάλιν δ' αἱ περίοδοι λαμβανόμεναι γαλίνης, τὴν αὐτῶν ὁδὸν ἴωσι, καὶ
καθίστανται μᾶλλον ἐπιόντος τοῦ χρόνου, τότε ἡδὴ πρὸς τὸ ἵσθ' ἐφύσιν ἰσθῶν
σχῆμα, ἐκείνων τῶν κύκλων αἱ περιφορὰ καὶ ἐνδυνάμυναι, τότε δ' αὖτε φέρει
καὶ τὸ ταυτὸ προσαγορεύσασαι κατ' ὁρδὴν, ἐμφροντα τὸν ἔχοντα αὐτὰς
γνώμην ἀποτελούσιν. ἀνὰ μὲν οὖν καὶ συνεπιλαμβάνεται τις ὁρδὴ τρο-
φῆς παιδεύσεως, ὁλόκληρος ὑγίαισι παντελῶς τὴν μεγίστην ἀποφυγὴν
νόσον γίγνεται, id est, Cum uero incrementi ac nutrimenti mi-
nor inuadat fluctus, rursus autem circuitus tranquillitate
recuperata, uiam suam ineant, sedenturq; magis proceden-
te tempore, tum denique ad eam, quae ipsis secundum natu-
ram est, figuram recurrentium quorumlibet circulo-
rum conuersiones directae, & tum diuersum, tum idem recte ap-
pellantes, cordatum, quae eas habet, effectum reddunt. Si

29 y quidem

quidem igitur recta quæpiam educatio disciplinaq; acceſſe-
rit, abſolutus prorsusq; ſanus maximo ereptus morbo effici-
tur. Quibus nihil aliud ſignificare vult Plato, quàm quod,
ut nimia & redundans humiditas amentia eſt cauſa, ſic
econtra ſiccior corporis conſtitutio prudentiores nos red-
dat, quæ tum demum nobis contingit, cùm corporis ceſſat
incrementum, & copioſius, quod incrementi ratione adhi-
bendum erat, nutrimentum. Tum enim naturalis facul-
tatis alluione & luxurie illa ceſſante, quæ prius menti &
rationi impedimento erat, pacatior & tràquillior animus
redditur, & rationis participes facultates earumq; actio-
nes & motus compoſitè ſeſe proferre incipiunt, & in dies
procedente tempore ſedatiores conſtantioresq; euadunt.
Quo fit ut ad naturæ ſuæ abſolutionem proficientibus ani-
mi facultatibus, mentis agitatio & motus directe proce-
dat, & quid in rebus idè, quid diuerſum: quid ſimile, quid
diſimile: quid commune, quid proprium rectè diſcernat: in
ſumma congruentes rebus tum affirmationes, tum nega-
tiones adferat, & ſic hominem prudentem reddat: quod
potiſſimum fieri ſolet recta educatione & diſciplina acce-
dente. Nam, ut agrum fertilem alioqui, ſi negligatur, ne-
que colatur ac conſeratur, degenerare uidemus, nec fruges
fructusq; legitimos proferre: ita nec ingenium, quantumuis
excellens, niſi educatione cōmoda ſubactum, & doctrinæ
ſemine fœtum, quicquam ex ſe præclari gignere poſſe ani-
maduertimus. Itaque ad eam, quæ quod naturæ ui conſtet,
natu-

naturalis non male ad prudentiam uia appelletur, illa insuper civilis educatio institutioq; adiungenda fuerit, quæ naturalem hanc aptitudinem & propensionem adiuuet, & ad absolutionem suam perducatur: quæ, quoniam huic ætati mediæ & probatæ sui potissimum usum reponit, eiusdem etiam ab autore ætatis esse fingitur. Cæterum uestitum simplici & ornatu hanc uti inquit, eius ueram & sinceram, minimeq; simulatam & fucatam indicans naturā. Lapidem autem quadrato, & non, ut fortunam rotundo, eam insistere cur faciat, dicetur quidem & ab ipso postea: sed tamen non incommodum fuerit & hinc aliquid de eo disseruisse. Videtur igitur mihi autor Fortune quodammodo Veram disciplinam opposuisse, perinde ut Calenus in Exhortatione ad artes, Mercurium. Itaque quæ Veræ hinc disciplina tribuit autor, eadem & Calenus Mercurio. Inquit enim de ipso hoc modo: νεανίσκος ἐστὶν ὡραῖος, οὐκ ἔτι τὴν τιμὴν, ὅς ἐστι νομιμολογῶν ἔχων καλὸς, ἀλλ' ἐνθὺς ὥστε συνεμφαίνει δὲ τὴν τῆς ψυχῆς ἀρετὴν διὰ αὐτοῦ, ἐστὶ δὲ φαιδρὸς μὲν τὰς ὁψείας, δέσποτα δὲ δόξαι μὴ, καὶ ἡ βία τοῦ πάντων χυμάτων ἐδραϊσμένον τε καὶ ἀμετακίνητον τοῦ ἔχει τοῦ κέντρον. id est, Adolescens est formosus, non ascitam neque fucatam obtinens pulchritudinem: sed ut statim animi uirtus in ipsa eluceat. Est autem tum luculento aspectu, tum uisu acuto: basisq; ipsi subiecta est, quæ figura est prædita omnium firmissima maximeq; immutabili, cubo nimirum. Ex quibus intelligere haud difficile est, quod ut fortuna, rei quam maxime lubrica & incerta, sphericam superius basim subiecit, eius instabilitatem & inconstantiam

Q 9 ij

notare

notare uolens, ita & hic Vera disciplina, lapide quadratum tute ac firme situm, ut ex cubica hac figura, eius firmitatem, constantem, & perpetuam naturam intelligamus. Sed de hoc, ut dictum est, ipse autor statim aget. Nunc id inspicimus, cur duas ipsi filias esse dicat, Veritatem & Persuasionem. Sunt igitur nonnulli, qui Vera disciplina proprium & peculiare esse asserant, aut uere demonstrare, aut apparenter (ut ipsi loquuntur) suadere, quæ docet: eoq; tum Veritatem, tum Persuasionem, ueluti filias, ipsam comitari. Sed hæc nobis minime probatur opinio. Neque enim aut rhetoricam ad Veram disciplinam pertinere arbitramur, multo autem minus Sophisticam: aut de ea nunc agi per suasionis specie, quæ rhetorices, ut superius est traditum, est finis, sed de altera illa potius, quæ firma est & scientiæ coniuncta: quam parit quidem ac profert Vera disciplina, non rhetorica, tanquam obstetrice, ad hoc usa, sed uel demonstratiua methodo, uel dialectica, ea nimirum parte eaq; ratione, qua ad philosophicas scientias ab Aristotele, libro primo Topic. utilis esse dicitur. Nam quod ad Veram disciplinam demonstratiua pertineat methodus, id ipsum arbitror non longa probatione indigere, cum manifeste uideamus illi ab autore hoc tribui, ut & Veritatis sit procreatrix, & intrò nos ad scientiam mittat, quod non nisi demonstratiue methodi præsidio, ipsam facere posse, manifestum est. Caterum cum demonstratio, alia quidem absolute dicatur, quæ ab ipsa penitus substantia & definitionibus,

tionibus, & omnino prioribus & causis tum conclusionis, tum rei, probationes suas ducit: alia uerò cum adiunctione, quam Græci ~~κατασκευαστική~~ appellant, quod ex posterioribus & causatis, ut quis dixerit, quæq; cum uniuscuiusque rei substantia indissolubili nexu coherent, concludere soleat: eam quæ ex posteriore hoc probationis genere in animo nostro oritur affectio, persuasionem uocat author: quæ uerò ex priori, ueritatem. Quare si quidem utranque hanc demonstrationem, eiusdem esse methodi quis statuatur, ut sanè faciunt Peripateticorum plurimi, tum demonstratiua methodo obstetricæ ad utramque filiam pariendam, Veram disciplinam uti censendum est. Si uerò, ut alij nonnulli sentiunt, quorum de numero est & Proclus, alia quidem & prior probationis forma, ad demonstratiuam pertineat methodum: altera uerò, posterior nimirum, ad dialecticam, tum illius quidem facultatis ope Veritatem, huius autem Persuasionem ipsam proferre, existimare debemus. Ceterum siue hoc modo, siue illo res se habeat, neque enim hoc loco id nunc discutere propositum est, illud certè ignorare non debemus, quæ persuasionis huius, qua de nunc agimus, sunt causæ, probationes semper suum obtinere firmamentum & necessitatem, quatenus huius qualibet materia capax est, ut si non demonstrationes sint appellandæ, at certè quàm proximè ad earum naturam accedat. Sed his explicatis ad ea, quæ apud autorem sequuntur pergamus.

Sed quidnam in quadrato lapide ipsa insistit? Id
indicio

indicio est, inquit, quæ ad ipsam pertinet uiam acceden-
tibus tutam esse ac stabilem, eorumque quæ ab ea dantur,
donationem accipientibus securam esse.

*Si quis quæ superius de Fortuna sunt dicta, rectè est as-
secutus, is hæc uel per se intelligat. Nam & eam, quæ ad
ipsam pertinet uiam, minime lubricam esse, & casibus,
quas *ἐκτὸς ὁδῶν* Græci nominant, obnoxiam, sed tutam ac
stabilem inquit, ut quæ demonstrationis uis septa & muni-
ta est: & quæ ab ipsa proficiuntur dona ac munera secu-
ra perceptionis esse & stabilis, non autem ut Fortune in-
certa & lubrica, quibusq̃ tuto fidere nequeas: quæ qualia
sint, statim subijcit autor.*

Et quænam tandem sunt, quæ hæc donat? Fidentia,
inquit, & Securitas. Atenim hæc quænam sunt? Scientia,
inquit, qua fit, ut nihil duri & acerbî in hac uita patia-
mur. Quàm præclara, inquam hercule hæc sunt munera.

*Quæ à Vera disciplina dantur munera, ea primò qui-
dem duo facere uidetur: statim autem postea in unum con-
trahere. Unde, si, quod mihi uidetur, dicere debeam, non
hoc loco *διὰ ποσος* perinde ut superius accipere oportet, sed pro
ἐν δυνάμει seu *ἐν τύχῃ*, ut illud & *ἀποβία*, prioris & præcedentis
quædam sit epexege sis. Inquit autem huiusmodi tum ani-
mi tranquillitatem, tum securitatem, Scientiam esse, qua
fit, ut nihil duri & acerbî in hac uita patiamur, quæ mi-
hi definitio partim Stoica esse, partim Socratica uidetur.
Stoica quidem, quâ, *ἀπὸ δεινῶν* quandam inuehere uidetur.
Socratica uero, quâ, quæ uirtutis quandam speciem obti-
nent,*

nent, scientias esse statuit. Est autem huius definitionis hæc sententia, ut tranquillitatem & securitatem esse intelligamus, quandam animi præparationem, persuasionem, & obfirmationem, id enim scientiam appellare videtur, quæ & facile omnia sustineamus aduersa in nullo ipsis concedentes, & in nobis ipsis simus toti teretes atque rotundi, ut Horatii uerbis utar,

Externi ne quid ualeat per leue morari,

In quos manca ruat semper fortuna.

In summa huc tota illi spectat orationis uis, ut commentatio quæpiam & meditatio imperturbationis (nam quid obstat quominus sic ~~etiam~~ reddamus?) sit, quam nunc securitatem ac tranquillitatem describit, cuius pars est aliqua, ipsa doloris & ægritudinis uacuitas. Atque sic quidem intellecta definitio, nihil omnino habeat incommodi, cum si in propria significatione scientiam hic accipiamus, multa obijci posse uideantur, quæ hoc loco adferre & excutere minime necessarium esse duxi.

Sed quamobrem tandem extra ambitum hoc modo consistit? Ut accedentes, inquit, curet, & purgatoriam ipsis uim potandam porrigat. Deinde cum purgati fuerint, sic ad Virtutes eos introducit.

Quam ob causam extra tertium ambitum Vera consistat disciplina, primum quidem simpliciter exponit: deinde uerò & adhibita quadam collatione, quod Hospes nondum intellexerat, cuiusmodi sit clarius explicat. Inquit igitur, iccirco extra tertium ambitum ipsam consistere, ut

R r acce-

accedentes curret, ipsisq̃ uim purgatoriam potandam exhibeat, quod nefas sit aliquem in tertium ambitum ingredi, qui non probe tum à uitijs, tum à perturbationibus omnibus sit expurgatus. Est enim hic locus, ut superius etiam audiimus, beatorum domicilium, & ubi absoluta & perfectaq̃ uersantur Virtutes cum ipsa adeo Beatitudine. Atque hoc primum ipsius officium esse uidetur: secundum autem, ipsos iam purgatos, sic ad Virtutes introducere. Sed quoniam breuius hæc dicta, obscuriora sunt, eam ob causam Hospitem hic interrogantem facit.

Quo nam pacto, inquam ego? Neq̃ enim intelligo. At intelliges, inquit. Quemadmodum si quis graui morbo laboraret, medico certè adhibito, purgationibus prius omnia morbifica expelleret: ac sic deinceps ipsum medicus ad uirium recuperationem & sanitatem perduceret: si uerò minus medici præceptis pareret & obediret, merito ab ipso repulsus, uir morbi interiret. Hæc, inquã ego, intelligo. Eodem etiam modo, inquit, & ad Disciplinam cum quis accedat, ipsum curat, & facultate sua imbuat, ut expurget prius eiciatq̃ omnia mala, quibus accedens onerabatur.

Qui artis medicæ periti sunt: ijs, quæ hic ab autore dicuntur, omnia intelligere haud difficile: qui uerò eandem ignorant, non perinde commodè hæc assequi possunt. Quare ut & ijs consulatur, diuisionem artis medicæ quandam nostræ præmittemus explicationi, quæ ipsi non parum luminis est allatura. Cum igitur medicina effectuarum artium

tum ex numero sit, harumq; ad eam speciem pertineat, quæ Græcis ἐνταύτης λέγεται dicitur, Latine instauratiuam appellare possumus, statim in duas diuiditur partes, quarum alterius, magnos lapsus & à naturali statu recessus corrigere & emendare est, uocaturq; à Græcis διατακτική, id est, ut nonnulli uertunt, curatiua: alterius uero, paruos, quam eidem, quod cautionis sit, φυλακτική nominant. Harum duarum partium, prior in tres diuiditur species, unam quæ uetus ratione, alteram quæ medicamentis, tertiam quæ manu medetur. Prima διατακτική, secunda φαρμακική, tertia χειρουργική Græcis appellatur. Posterior uero, secundum nonnullos, in tres itidem secatur differentias: secundum alios, in quatuor. Nam aut, qui summè ac perfectè sanus est, excipies, in hoc statu ipsum cōseruat, eoq; id Græci τὸ ἐν ἡμετέροις λέγεται appellant: aut morbo defunctum recreat, ἀναλειτουργία à nonnullis nominatum: aut partim quidem cōseruat, partim uero recreat, inter priores, tanquā extremas quædam species, media, quæ peculiari quadam ratione à medicis ὁρμητική dicitur. Atque hoc quidem modo in tres diuiditur partes. Qui uero in quatuor posteriorem hanc partem genera diuidendā putant, hi tribus iam dictis τὸ πρὸς φυλάξιν λέγεται addunt, idq; altera ex parte respondere uolunt ei, quod morbo defunctum recreat, ut hoc quidem circa illud corpus neutrum à medicis appellatum uersetur, quod à morbo ad sanitatē regreditur, illud uero, quod à sanitate in morbum defertur. Videntur autem mihi tum qui in tria, tum

R r q̄ quæ

qui in quatuor genera sectionem faciunt, non male sentire, quod illi quidem τὸ προφυλακτικὸν ad ἀναληπτικὸν idcirco contrahendum putent, quòd re & subiecto cum eo sit idem: hi uerò eam ob causam alterum ab altero separent, quòd ratione sint diuersa, ut a scensus & descensus in scala. Ac diuisio quidem artis medicae, cuius nunc indigemus, huiusmodi est. Assumit autem ex hac diuisione noster autor tres partes. Nam ex priori tripartito genere τὸ φαρμακευτικόν. Ex posteriori uerò τὸ ἀναληπτικόν, καὶ ὑγιαίνον. Inquit igitur, quòd, ut in corpore primum morbum, quaeq; ipsius committendi uim obtinent, tolli oportet, quòd nunc eius partis praesidio, quae medicamentis & purgationibus medetur, fieri statuit: deinde morbo iam defunctum recreari & nutrimento conuenienti uires in ipso collapsas refici, quòd prius certe fieri nō poterat, quòd, ut autor est Hippocrates, Non pura corpora, quo plus nutrias, eo magis ledas: atque ita demum sanitati plenè restitui, in eaq; conseruari: quorum illud τὸ ἀναληπτικόν, hoc ὑγιαίνον est: ita & in animo fieri necesse sit, eoq; Disciplinam eos, qui ad ipsam accedunt, non statim intro ad Virtutes & Beatitudinem mittere, ut animum colligant & recreent, & sic absolutionem perfectionemq; sibi conuenientem recipiant: sed prius ipsos ab omnibus uitijs & malis expurgare, ut hac ratione preparatis, uiliter quae animum nutrant ac reficiant, instillari possint, quem & in spiritualibus ordinem seruandum esse, notauit Diuus Petrus Epi. prima. cap. xx. ubi non nisi de-

posita

sita prius omni vitiositate, dolo, hypocrisi, invidia & obtre-
tatione, lac illud rationale, doli expers, tanquam modo na-
tis infantibus adhibendum censet, ut in ipso augeantur,
quod alioqui periculum sit, ne non solum utilitatem hinc
nullam capiant, sed etiam gravissimè ledantur. Nam, ut
inquit Horatius,

Syncerum est nisi uas, quodcunque infundis acescit.

Iam uerò, ut illic si quis medico obtemperat, iam dicta ra-
tione sanitati restituitur: sin minus, non immerito à medi-
dico relictus & repulsus morbi vi oppressus interit: sic &
hic usu uenire consentaneum est. Neque enim alia ulla ra-
tione fieri potest, nisi hac iam dicta, ut ad ueram uirtutem
& beatitudinem perueniamus. Quare minimè nos fallere
debemus, sed illius perpetuò meminisse oraculi, quo iube-
mur *μηδ' ὡς φάρμακον ποδ' ἀπ' ἡμετέρων*, & primò omnium uitia
& stultitiam deponere satagere, rectè ab Horatio dictum
esse existimantes,

Virtus est, vitium fugere: & sapientia prima,

Stultitia caruisse.

Atqui si hic quidem est modus, hæc uia, ut & mens atque
ratio recta ostendit, experientia comprobat, & quotquot
ullo unquam tempore legitimè philosophati sunt attestan-
tur: ad hæc autem & sacræ ac diuino instinctu nobis tradi-
tæ literæ nusquam non docent, adeo ut eius etiam, quæ no-
bis per Christum, qui uerissima est uera disciplina, & me-
dicus æ uim præstantissimus, cui conuenientiùs longè an-

Rr ij telk-

telucanas nostras preces, quàm Aesculapio gallū immo-
 lemus, iustificatio contingit, alteram & priorem partem,
 peccati ablationem, ut superius est dictum, statuunt, ani-
 miq; repurgationem: perpetuus insuper Ecclesiae Catholi-
 cae firmavit consensus, quānām tādē horribili animi ca-
 citate affecti sunt nonnulli nostri temporis dogmatistae, re-
 ipsa adde, qui in ijs quidem qui renascuntur, non totum
 id, quod nouo iustitiae lumini obstat, omnesq; ipsi aditus ob-
 struit & praecludit, ueram nimirum & propriam peccati
 naturā ac rationē tolli statuunt: in peccatū autem post ac-
 ceptam iustificationis gratiā lapsis necessariū poenitentiae
 sacramentum adimunt, qui miseris nobis ad iustitiam, pec-
 cati ui deperditam, recuperandam, ut Cracorum habet
 prouerbiū, ὁ δὲ ἄλλος ἐστὶ πλῆθος Dolendum & maximē qui-
 dem dolendum est, inquā, eō inconsideratissimae ac demen-
 tissimae temeritatis peruenisse non paucos, ut in suam &
 aliorum complurium praesentissimam perniciem, huiusmo-
 di nouare in animum inducant, quae mihi sanē adeo absur-
 da uidentur, ut mirandum maximē putem, ullis haec pra-
 terquam Butalionibus, Coraebis, Melitidibus, & id genus
 stolidissimis hominibus approbari posse. Nam quid quae-
 so absurdius tandem dici potest, quām in renatis & iustifica-
 tis manere peccatum? Neque enim id aliter dici uidetur,
 quām si quis sanitati quidem restitutum aliquem esse dice-
 ret, in quo morbus tamen esset aliqua ex parte relictus.
 Nam ut huius, utpote quae secum manifestē pugnet, pa-
 rimus

rum probabilis haberetur oratio, ita & istorum aliena est
sententia: quāquam merito omnium mentes aspernentur
ac respiciant: uidenturq; adeo mihi dum Christi gloriā am-
plificare uolunt, ut sanē pra se ferūt, eam etiam imminuere;
yq; potissimum, qui non solum in renatis remanere pec-
catum uolunt, sed etiam nō uerentur subiciendam asser-
tionem, in necessarias, ut ipsi uocant, propositiones include-
re. Est autem eatalis: Qui iustificationē nostri apud deum,
dicunt esse iustitiā, qua homines iusta agunt, collationem,
& profectionem, y contra phrasim scripturarum omnino
Canonicarum loquuntur: quae per iustificationem intelli-
git, hominis, uel propter Christum in gratiam filiorum dei
acceptationem, uel propter bona opera eius collaudatio-
nem. Caterū quod dico, uerum esse clarissimē docebimus,
si prius tamen quā multis hac propositio modis absurda
sit & falsa commonstrauerimus. Uidetur autem hac cal-
lida instituta esse propositio. Nam quod aperte frustra an-
tē petebatur, id nunc cuniculis oppugnat. Cū enim Ca-
tholicorum sit sententia longē omnium uerissima, iusti-
tiam, quae per Christum nobis offertur, non solum esse pec-
catorum remissionem, & diuinā gratiae reconciliationem:
sed etiam, sine qua haec obtineri nequit, interioris hominis
renouationem & instaurationem, huiusq; animi habitus,
seu affectionis dicere mauis, conseruationem & incremen-
tum, quae necessario precedat oportet, ut & prius est tra-
ditum, uitiositatis expurgatio, & deprauationis ac fædi-
tatis

tatis turpificati animi amotio, qui nouum hoc doctrinae genus amplexantur, extremis relictis, intermedia hæc summouere conantur. Atque id quidem aperte non pauci. Nostra autem propositio, à rei per se contemplatione, in qua auctori non magna uictoriae spes erat sita, ad uocis quandam distinctionem satis callide & sophisticè nos auocat, & sic quod illo nequit, hoc modo obtenturam se sperat. Negat igitur hominis iustificationem in Canonicis scriptis usurpari pro iustitia, qua homines iusta agunt, collatione & prouectione: sed duobus tantum eam accipi modis, uel pro hominis propter Christum in gratiam filiorum dei acceptatione, uel propter bona opera, eius collaudatione. Quod quidem si recipimus, confectam scilicet iam rem credit, ut iustificatio hominis nihil aliud sit, quam peccatorum remissio, & diuinæ gratiæ per Christum reconciliatio. Quanquam autem omiſſa omni, quæ de uocis huius uis & potestate contentio est, hanc ex rebus ipsis confutare opinionem haud difficile esset, quæ certè ad ueritatem inueniendam præstantior est uia, tamen ne quid calumniari possint excellentissimi isti legistatores, non grauabimur de uocis huius uis ac potestate multiplici non nihil cum ipsis disserere, & utranque ipsis propositionis partem falsam esse ostendere. Nam & quo ipsi negant modo, hanc uocem accipi: & non duo tantum in sacris literis, sed plura significare. Quod igitur & pro iustitia qua homines iusta agunt, collatione, id est, interni hominis reparatione, & instaura

ione

tione habitus seu affectionis in nobis inhaerentis, quae spiritus sancti vi in cordibus nostris diffusa bonorum operum actiuosa redditur, in sacris literis usurpetur, cum tota ad Romanos Pauli de hominis iustificatione disputatio argumento est, tum loci in ea non pauci, ut paulo post probabimus. Et quod tota quidem disputatio id manifestè ostendat, quaestione de qua hic agitur proposita statim patebit. Est autem ea, quod nec propositionis nostrae autorem negaturum scio, Quod fundamentum, quae radix hominis sit iustificationis. Id fidem esse Diuus Paulus probare conatur. Et primò quidem *ἡ δικαιοσύνη ἀπὸ πίστεως* hoc modo: Iustificatio hominis, aut ex innatis & insitis ipsi uiribus philosophiaeque studio, quod Graeci & gentiles sunt arbitratipender: aut ex lege, quae per Moysen tradita est, cui potissimum fidebant Iudaei: aut, ut nos censemus, ex fide. Sed ex priorum duorum neutro. Id enim ex contrario consequentis probat. Ergo ex tertio hoc, fide nimirum. Age igitur hic consideremus, quid per iustificationem tum in quaestione, tum in argumentatione significetur. Considerabimus autem, atque facile adeo id intelligemus, si quis Graecis & gentilibus Philosophiae fuerit finis, quem tamen asecuti non sunt, perpenderit. Certè, si quid ego iudico, non alius is fuerit, quam humani animi perfectio. Cum autem uniuscuiusque perfectio, sua sit & propria uirtus, erit nimirum & hominis perfectio, quae ipsius propria est uirtus. Quenam autem alia haec existimanda est, quam

ss ea, quae

ea, quæ uniuersalis iustitia à philosophis appellatur, ut & Plato libro de Rep. primo censere uidetur? Caterum ut manifestius id pateat, duarum philosophia definitionum, quæ ex fine sunt factæ, & ad Platonem referuntur autorem, hic meminisse fuerit non inopportunum. Harum prior, quæ ex Phædone est sumpta, huiusmodi est: Philosophia mortis est commentatio. Posterior ex eiusdem Theæteto, talis: Philosophia est studium quoddam, quo deo similes reddi conamur quoad eius fieri potest. Sed quidnam tandem harum utraque sibi uelit, diligentius cōsideremus, à priori illa exorsi. Uidetur igitur mihi, ex ijs, quæ in Platonis Phædone à Socrate disputantur, quod, cum homo ex anima constet & corpore, hoc quidem terreno, mortali & caduco, illa uerò cælesti, diuina & immortalis, tum duplex in ipso colligatio, tum duplex iidem solutio inueniatur. Est enim & naturalis quædam colligatio, qua ex anima aptū pendet corpus, & ab ipsa, ut sic dicā, uiuificatur: & huic opposita naturalis dissolutio, qua corpus ab anima separatur, quæ naturalis hominis mors est. Est & alia quædam uoluntaria colligatio, qua cum corpore copulatur anima, ipsiq; ueluti illigatur & usque adheret, corpori seruiens eiusq; imperio pressa: cui altera quasi ex parte uoluntaria, respondet dissolutio, qua animum à corpore abducere conamur, & à turpi ista seruitute in libertatē asserere, non hercle pratoris uirga, sed longè præstantiori ratione: atque hæc mors dicitur uoluntaria, cuius commentationem, philosopho-

lophiā esse inquit Plato. Nam reuera, ut animus uiuat,
 hac ipsi prius morte est moriendum. Et prioris quidem de-
 finitionis hac est sententia. Alterius uerò, qua philosophia
 ἐμύλωσις διὰ τοῦ ἀσώματος, id est, conformatio & assimilatio
 deo, quoad eius fieri potest, esse dicitur, ea mens esse uide-
 tur, ut animum iustitia, uirtutibus, & prudentia ornan-
 dum censeat, non quidem, ut tales & iusti esse uideamur,
 sed reuera simus: quod hac demū ratione nobis cōtingat, ut
 deo chari & accepti efficiamur, cūm, ut in proverbio est,
 ὁμοίωσι μοῖον καὶ ἀρετῶν, φίλων, id est, simile simili secundū uir-
 tutem, amicum sit. Atque ex his quidem definitionibus sa-
 tis patere arbitror, quid sectati sint philosophi, id nimirū,
 quod breuiter mihi complexus uidetur Zaleucus in proœ-
 mio legum, his uerbis: ἐκαστὸν ἀνέχων καὶ παρὰ σκευάσει δέ τῃ
 αὐτῷ ψυχῇ πάντων τῶν κακῶν καθαράν, ὡς ὁ τιμᾶται θεὸς ὧν ἀν-
 θρώπων φαύλος, ὁ δὲ θεὸς ἀπεινέται διαπάντας ὁ δὲ πρᾶγὰ δίκαιος τῶν ἁλίσ-
 των καλῶν, ἀλλ' ἀρετῇ καὶ προαιρέσει τῶν καλῶν ἔργων καὶ δικαίων. δι'
 ἐκαστοῦ δὲ εἰς ἀνὴρα καὶ γυναῖκα ἔν τε πρᾶξι καὶ προαιρέσει, τὸν μέλλον
 παῖσιν διδοφιλῆν. id est, Quemlibet igitur animam suam ab
 omnibus malis puram habere & efficere oportet, quod ab
 homine malo non honoretur deus, neq; colatur sumptibus,
 nec ludis atque pompis ex rapto institutis, hominis mali in-
 star: sed uirtute, & uoluntate, ac studio bonorum operum
 & iustorum. Quare unumquemq; cum uita tum animo
 probum esse oportet, qui deo charus sit futurus. Ceterum
 id totum in duobus maxime consistere uidetur, purgatio-
 ne, & omnis impedimenti amotione, & ad quam cōditi su-

ss ij mut,

mus, dignitatis recuperatione animiq^{ue} illuminatione ac perfectione: ad quæ, si quidem uerè obtineri possint, consequi nec male arbitrabatur, ut deo chari & amici redderemur, quem pura & innocens uita delectat, offendit improba & scelerata. Hanc igitur hominis iustificationē sequuti sunt philosophi. Apostolus autem eam ipsos minimè assecutos probat ex contrario consequentis, ut superius est dictum. Neque enim dei fauorem & beneuolentiam sibi conciliarunt: sed iram potius & odium incurrerunt, quod inde patere uult Paulus, quòd deinceps sibi relictī, omniq^{ue} diuina gratia destituti, in omne flagitiorum & uiciorum genus manifestè sint prolapsi. Neque uerò multum ab his dissimilia contra Iudæos disserit, quæ nunc huc adferre, minimè necessarium esse duximus. Atque his quidem, gentilibus inquam & Iudæis sic confutatis, ac reprobatis illorum iustificationis hominis rationibus, ipse suam & uerissimam scienter infert, quæ est per fidem in Christum, qui & uerè ab omnibus peccatorum sordibus animū nostrum repurgauit, & nouo iustitiæ lumine compleuit, ut ex particularibus subiyciendis iam locis patebit. Nam quid aliud quæso sibi uult, quod ad quarti capitis finem habetur? Qui traditus est propter delicta nostra, & resurrexit propter iustificationem nostram. Neque enim aliud per hæc significari arbitror, quàm quòd ipsius passionis merito, tum remissa, tum etiā penitus ablata sint nostra peccata: resurrectionis autem efficacia, Christi iustitiæ facti simus participes

pes, non imputatione solum, sed etiam reuera: quod ex ijs, quæ proximo capite sequuntur, manifestè patet. Iustificati igitur ex fide, pacem habemus erga deum, per dominum nostrum Iesum Christum, &c. quæ sequuntur. Nam ut superius, ex ira dei aduersus gentiles, eos, quos sectabantur, non asecutos ostendit, ita nunc e contra ex pace erga deum, eiusq. gratiæ reconciliatione, nos uera iustitiæ compotes factos arguit. Neque enim fieri ullo modo potest, ut non sublata causa, cesset effectus. Non erit autem sublata ira diuinæ causa, si adhuc peccato obnoxij simus: nec nos complecti & amare poterit deus, nisi iustitiæ participes. Adhuc autem manifestius ex sequentibus patet, utrunque quod sectabantur philosophi, id nos uerè per Christum asecutos esse. Cum enim quotquot in Christum Iesum sumus baptizati, in eius mortem simus baptizati, & proinde per baptismum cum ipso in mortem sepulti, id est, peccato mortui simus, quis dubitet, quin quam mortem philosophi sunt commentati, ea nobis per Christum uerè obtigerit, ut quorum uetus homo cum ipso sit crucifixus, ut Paulus inquit, & corpus peccati abolicum, ut ab ipsius iam seruitute turpissima simus liberati, & omnino per huiusmodi mortem à peccato iustificati. Rursus autem & assimilationem illam, qua deo, quoad eius fieri potest, homo similis reddatur, nobis per Christum conciliatam esse, manifestè cum alia permulta, tum ea ostendunt, quæ capite quinto eiusdem ad Romanos epistolæ habentur, quorum nonnulla hoc loco subijciemus, si

Ss ij prius

prius tamen, quæ summa sit totius collationis, qua Christi
 & Adamus inter se cõferuntur, ostenderimus. Vide-
 tur igitur, id ostendere uelle Apostolus, quod, ut peccatum
 per Adamum & mors in mundum est ingressa, ita per
 Christum iustitia & uita, ut in hac collatione, quod acute
 arguteq; annotauit Origenes, & cum secutus Ambro-
 sius, iuxta genus similitudo constet, iuxta speciem repu-
 gnantia sit. Nam quod ab utroq; in posteritate aliqua dima-
 narunt, hactenus secundum genus similitudo cõstat: quod ue-
 rò cõtraria, & ab illo quidẽ peccatũ & mors, ab hoc uerò
 iustitia & uita, ea iam parte secundum speciem repugnãtia
 notatur. Ceterũ quod, ut morti uita, sic & peccato cõtra-
 ria sit iustitia, id ex eo manifestũ est, quod cõpluribus in lo-
 cis hæc tãquam cõtrita sibi mutuo opponantur, ut cum in-
 quit, Liberati autem à peccato, serui facti estis iustitiæ. &
 rursus, Cum enim serui essetis peccati, liberi fuistis à iusti-
 tiæ: & alibi nõ raro. Sed his hac ratione cõstitutis, nunc ad
 Pauli locos ueniamus, qui nos a simulatione illam, id est,
 iustitiæ, per Christũ asecutos docent. Igitur cum, quid ab
 Adamo propagatum esset, superius exposuisset, quid per
 Christũ, & uberius nobis cõtigerit docere uoles, sic inquit,
 Gratia autẽ ex multis delictis in iustificationẽ. Quod si quis
 cõtendere uellet, iustificationẽ hoc loco nõ significare iustitiæ
 collationẽ, eò quod cõdẽnationi opponatur, quæ nõ iniusti-
 tia, sed iniustitia potius est consequens, is quæ statim apud
 Paulũ probationis loco sequuntur legat, & ex tũs pũctũ dũ
 quid

quid dicendum hic Paulo significet, intelliget. Neque enim quicquā aliud, quā *δι' ὧν τῶν δικαιοσύνης*, quā & paulo post *δικαιοσύνη* nominat. Et omnino quod mox sequitur, hāc Pauli esse sententiā lucidissimē probat. Sicut enim per inobedientiā unius hominis peccatores cōstituti sunt multi: ita & per unius obedientiā iusti cōstituuntur multi. Significat enim in hac oratione cōstituere, *Græcè καθίσταει*, dicitur τὸ γίνεσθαι καὶ ἀποτελεῖσθαι, id est, fieri & effici. Quare manifeste iam patet, & pro iustitiā collatione, quod nostra negabat propositio, iustificatiōne accipi, & non extrema tantū nobis per Christū cōtigiſſe, sed etiā intermedia. Voco autē extrema, peccatorū remissionē, & diuina gratiæ recōciliationē, in eaq; cōseruationē. Intermedia autē, peccati, id est, vitiosi habitus amotionē, noua iustitiæ cōciliationē, in eaq; cōseruationē & incrementū. Nam & hac posteriora ad eundē referendo auctore esse hinc constat, quod, ut superius est dictū, à quo quid fit, ab eodem & cōseruetur & augeatur. Atque hac quidem si uera sint, & illud simul probatum iam est, non duo tantum, sed plura in Canonicis scripturis iustificatiōnem significare. Et primò quidem & maxime, huiusmodi regenerationem, qua quis ex iniusto fit iustus: quæ quoniam duabus constat, ut sic dixerim, partibus, iniustitiæ amotione, & contrarij habitus conciliatione, fit sæpenumero, ut non solum utraque pars hoc nomine appelletur, sed etiā *δικαῖον*, id est, iustificare, nūc quidē ἐν τῷ τὸ καλεῖσθαι, καὶ νοθεύειν, καὶ διεγερῖν, id est, pro punire & castigare

gare, & corrigere, quæ iniustitiæ amouenda gratia adhibentur, accipiat, ut P salmo septuagesimo secundo: nunc uerò, tum pro iustum sese declarare, aut etiam eo nomine sese uendicare, tum pro iustum putare, censere, approbare & iudicare, quorum exempla passim in scripturis sunt obuia. Adhæc autem & pro iustitiæ habuū promouere & augere nonnunquam accipi uidetur, ut in eo Apocalyps. Qui iustus est, iustificetur adhuc. Sunt autem & alie fortassis huius uocis significationes, sed hæ nobis in præsentia sufficiunt, quibus hoc solum propositum nunc est, propositionem superius propositam utraque sui parte falsam esse ostendere. Quod cum satis nunc à nobis sit factum, id breuiter quoque ostendamus, quomodo sic qui sentiunt, Christi imminuant gloriam. Et quomodo non id ipsum ex ijs, quæ iam dicta sunt, manifestum est? Si enim propter Adami lapsum & inobedientiam à iustitiâ quidem excidimus, peccato autem contaminati nascimur: Christi autem obedientia & meritum tam inefficax res est, ut nec à sordibus peccati nos penitus expurgare queat, nec iustitiæ suæ uerè, id est, secundum habuū seu affectionem participes reddere, erit utique Adami inobedientia & iniustitiâ, Christi obedientia & iustitiâ longè efficacior, uidebiturq; Christus etiam corporis medico deterior, cum hic morbu tollere cum causis ac symptomatibus penitus uideatur, & sanitatem solide restituere: ille autem animi uiriositatem relinquere, ipsiq; blandiri, secundum istos, statuatur, nec ad ueram
ipsum

ipsum sanitatem perducere, sed imaginariam quandam
 & inexistimatione & reputatione consistentem, quo quid
 absurdius dici possit, non uideo. Quanquam non me præ-
 terit, quæ ipsis erroris sit causa, eamq; adeo hoc loco subijce-
 re, uidetur non inutile. Est autē ea τὸ ἀδιόριστον τῆς ἐννοίας ἢ τοῦ
 νοήματος, id est, notionis seu intelligentiæ confusio & distin-
 ctionis neglectio. Ea hoc loco duplex est, uocis concupiscen-
 tiæ, & personarum, quas capite ad Romanos septimo in se
 Paulus transfert. Nam cum, ut de posteriori hoc prius a-
 gamus, triplicem ibi introducat personam Apostolus: pri-
 mam in qua, quæ rationis est expers animæ pars absolutè
 dominatur ac rerum potitur, ratio autem affectui penitus
 mancipata seruit, tum cognitionis ui, tum appetitu recto
 destituta, secundum quam dicitur, Ego autem uinebā si-
 ne lege aliquādo, est autē huiusmodi, quem Græci ἀνόλου
 nominant: secundam, in qua legis ui aliquousque excitata
 ratio, quid rectum quidē sit perspicit, sed ab effectu tamen
 & carne uincitur, cuiusmodi is est, qui incōtinens dicitur,
 de qua quæ sequuntur ad finē ferme capitis usq; dicuntur:
 tertiam insuper, quæ diuinæ gratiæ per regenerationem
 iam particeps est facta: hi sub hominis renati persona hæc
 omnia ab Apostolo dicta esse intelligentes, tum se, tum a-
 lios grauissimis erroribus implicāt. Ceterum quod triplex
 hæc personarum distinctio uera & secundum Apostoli
 sit sententiam, de prima quidem non admodum mihi labo-
 randum existimo, quòd neminem tam impudentem futu-

T t rum

rum putem, qui ex legem & ἀνάσσει, id est, intemperan-
tem, renatum contendere audeat. Quod autem & secun-
da à tertia, id est, renati persona sit diuersa, quodq; qua illi
à Paulo tribuuntur, huic minime conueniant, an non eui-
dentissimè id ex eo conuincitur, quod sub hac persona, de se
inquit Paulus? Scimus enim quod lex spiritualis sit. Ego
autem carnalis sum, uenundatus sub peccato. Neque enim
carnalis esse dicitur, qui quomodocunque adhuc in carne
est, sed eo genere, quo superius dictum est. Cum enim esse-
mus in carne, passionibus peccatorum, quæ per legem erant,
operabantur in membris nostris, ut fructificarent morti,
hoc est, in quo caro spiritui præualeat, & affectus rationi.
Neque uerò hoc loco mihi quispiam obijciat, quod Corin-
thios licet renatos, carnales uocet Paulus, sed animaduertat,
ab accepta iustificationis gratia hos, de quibus quod
carnales sint dicitur, excidisse: Paulum autem rursus ipsos
parturire, ut de Galatis loquitur, & ad iustificationem re-
cuperandam adducere conari: quare non iniuria & hi car-
nales appellantur. Iam uerò, ut hoc quomodocunque quis
eludere conetur, illinc certè non uideo qua ratione euadat,
quod uenundatus sub peccato dicatur, id est, in seruitutem
& iugum peccati redactus. Neque enim ulla ratione id re-
natis, in statu suo perseverantibus, ne per somnium quidem
accommodari poterit, quod à peccato liberatum, & sub
peccato uenundatum esse, ita ad se mutuo sint affecta, ut
contrarium ad contrarium, quæ simul in eodem consistere
nullo

nullo unquam tempore possunt. Atque hæc quidem una
ipsis erroris fuit occasio. Altera autem, quòd ^{id est} duplex, id
est, cupiditatis seu concupiscentiæ multiplicem uocis uim
ac potestatem, in suas significationes non distinxerint, ac
deinceps quæ nam sit ea, quæ in renatis maneat, ostende-
rint: anne scilicet, quæ ut animæ pars seu facultas eius dici
tur, an quæ perturbatio quedam & inordinatus eius est
motus. Nam hanc quidem si quis manere existimaret, meo
certè iudicio, non rectè sentiret. Illam autem, quam utili-
ter homini à deo & natura datam esse superius ostendimus,
neque malum neque peccatum esse censemus, nec magis ex
anima à Christo tolli debuisse, quàm quatuor elemento-
rum aliquod è corpore à medico, cum tamen fieri possit, ut
is etiam qui perfectè à medico sanatus esset, si incautius de-
gat, & in uictus ratione, aut alio quopiam delinquat, ho-
rum rursus in se mutuo secundum contrarias suas affectio-
nes agentium occasione, in morbum incidat. Quare, ut hic
medicum non accusat, quòd corpus ipsius adamantinum
planeq; à ^{prodes} non reddiderit, sed conueniente uictus ratio-
ne adhibita moderatâq; exercitatione, quam medici bene-
ficio obtinuit sanitatem, tum conseruare, tum augere stu-
det: ita & nobis faciendum. Neque enim Christi benefi-
cium extenuare debemus, peccatum in nobis relictum esse
iniuriose calumniantes: sed quam per ipsum iustitiam su-
mus adepti, pia meditatione atque exercitatione, ac bene
agendi consuetudine tum tueri, tum prouehere conari, id

T c ij mini-

minime ignorantes hanc animæ seu partē seu facultatem,
 quæ cupiditatis est, quanquā usum non contemnendum ha-
 bet, & omnino ad bonū nobis est data, omni tamē diligētia
 nobis obseruandā esse, summoq; studio cauēdum, ne nimium
 succrescat & augeatur, quod bruta admodum cū sit, &
 ad plantarum naturam quā proximē accedat (tota e-
 nim corporis est, & ex hoc ueluti efflorescens) facile luxu-
 rietur & quasi syluescat, ac in omnes partes nimia funda-
 tur. Quam ipsius naturam indicare uolens Socrates, ut
 mihi quidem uidetur, πολυκέφαλον θηρίον, id est, multorum
 capitum belluam, hanc appellat. Et belluam quidem,
 propter immanem ipsius ac feram naturā, quæ edomari,
 mansuescere, & condoceseri, ut animosa, nequit. δὲ, ut
 inquit Galenus, ταύτης μὲν ὁ δέμια παιδεία τοιαύτη ἐστὶν οἷα τῆς
 ἐτέρας, δὲ ἐν παιδείᾳ ὅδ' ἐκείνου οἱ πελάγοι κολλᾶται, ἀναλογίαν τινὰ
 ἔχει πρὸς τὴν δὲ γίνεσθαι δὲ ἡ κόλασις τῆς συνάμεως ταύτης ἐν τῷ μὴ πα-
 ρέχειν αὐτῇ τῶν προθυμιῶν ἀπολαύσει. ἔχοντα μὲν γὰρ ὅτι καὶ με-
 γάλῃ γίνεσθαι ἐν τῷ κολλᾶσθαι δὲ, μικρὰ τε καὶ ἀδύνατος, ὡς ἐπιδείκνυται τῷ λο-
 γισμῷ δὲ ἀδύνατον, οὐκ ἐν παιδείᾳ. id est, Qua propter huius qui-
 dem nulla talis est disciplina, qualis alterius illius, per obe-
 dientiam, sed quod ueteres castigare appellarunt, cum hac
 quandam conuenientiam obtinet. Consistit autem huius fa-
 cultatis castigatio in eo, ne ipsi concupitorum fruitionem
 præbeamus. Sic enim ualida & magna efficitur. Dum ue-
 rò castigatur, tum parua, tum imbecillis redditur, ut ra-
 tionem propter imbecillitatem, non obedientiam sequatur.
 Multorum autem capitum, ob luxuriam illam, ut dictum
 est,

est, quasi syluescentem & in omnes se partes fundentem. Nam cum tota corpori sit addicta hæc facultas, corpus autem duplex sit, tum in quo hæc consistit, tum quo hoc conservatur, cum à seipso servari nequeat, in duas statim tanquam propagines funditur, cupiditatem nimirum: alteram quidem, eius in quo consistit in naturalem statum restituendi, recreandiq; & omnino tum secundum se, tum secundum speciem conservandi: cuius occasione quidam dicit, id est, voluptaria fit, cibi, potus, & uenereorum delectationem querens: alteram uero, eius, quo id conservetur, comparandi: cuius rursus occasione quidam dicit, id est, pecuniæ appetens redditur. Caterum cum utraque hæc cupiditas intra naturæ modum & fines consistit, id autem erit, si cibi quidem & potus tum qualitatem, tum quantitatem, ipsa metiamur corporis sanitate, & liberis legitime procreandis operam demus: pecuniæ autem diuitiarumq; studium horum terminemus usu: tum sanè & moderata & laudabilis fuerit, mirusq; in ijs appareat consensus. Cum uero, illa quidem voluptatem, in naturalem statum restitutionis & recreationis a seclat, huius ipsius loco affectat: hæc autem non tanquam alterius gratia, quæ corpori necessarii præstant usum, sed uelut i primaria expetit bona, hic iam utraque à naturali modo recedit, & proinde in uitium uergit: & illa quidem, quod conservare debuit, indignis accipit modis, & mille contumelijs afficit, & iniurijs dum nimium ipsius est studiosa: hæc uero, quo id conservatur in im-

T t ij mensum

mensum augere cupiēs, nec aequi nec iusti ullam rationem habet, honestatēq; planē negligit. Non raro autem & inter se disident, dum quod aut alterius est gratia, aut consequens, tanquam finem sibi proponunt, quod materialia quadam cum sint, alterius incrementum, in alterius uergant diminutionem. Nam & uoluptatū infinitus appetitus, facultates imminuit: & facultatū augendarum immodicum studium, corpus etiam necessarijs defraudat. Quam ob causam, ut & antea dictum est, hanc perpetuo facultatem cōercere ac reprimere oportet, primitiua illius Ecclesiae. Ascetas imitantes, de quibus haec scribit Philo citante Eusebio, libro secundo Ecclesiasticae historiae: Εγκράτειαν δ' ὡς πρὸς τινὰ θεμέλιον προκαταβάλλουσα τῇ ψυχῇ, τὰς ἄλλας ἐπινοήσασιν ἀρετὰς. σιτίου ἢ πότου δ' αἰς αὐτῶν προσέτιγ- και το πρὸ ἡλίου δύσεως ἕως τοῦ μὲν φιλοσοφῆν, ἄξιον φωτὸς κρίνουσιν εἶναι, σκότους δὲ, τὰς τῶ σώματος ἀνάγκας. ὁ δὲ τῷ μὲν, ἡμίραν. ταῖς δὲ, νυκτὸς βραχὺν μέγας ἵκεται. id est, Continentiam uerò tanquā fundamentum quoddam in anima prius iacentes, reliquas superaedificāt uirtutes. Cibum aut potum nemo ipsorum ante solis occasum adhibuerit: quod ipsum quidem philosophari, luci apium consentaneumq; iudicarent: tenebris autem, corporeis necessitates. Quare illi quidem, diem: his uerò, noctis portionem aliquam tribuerunt. Ex quibus certè manifestū est, longè aliter de hac animi facultate eiusq; disciplina sensisse ueteres illos religionis nostrae antesignanos, quàm hodie faciant nonnulli, qui ab ipsis apostolis in primitiua ecclesia instituta ieiunia reliquasq; ad pietatem

utiles

utiles exercitationes & consuetudines antiquare conati sunt. Sed nos his dimissis, ad autorem nostrum reuertamur.

Quanam hæc Ignorantiam & errorē quem à Seductione hauserat, arrogantiam, cupiditatem, incontinentiam, excandescentiam, auaritiam, & reliqua omnia, quibus in primo ambitu erat impletus.

Quanam sint illa mala, à quibus expurgari ad Veram disciplinam accedentem oportet, antequam ad tertium ambitum admittatur, docet. Sunt autem hæc, quæ in primo ambitu sibi contraxerat: quæ omnia cuiusmodi sint, iam antea est explicatū, sola arrogantia excepta. Quare & quid hæc sit, hoc loco constituere oportet. Aristophanis igitur in terpres, in Nebulis, Ἀλαζόνες, inquit, ἰδίως τὸς ἑυσεύς ἐκάλουν εἰς τὸς δὲ καὶ τὸς φιλοσόφους, Ἀλαζόνες καλεῖ. ἐπεὶ λέγουσιν ἐπαχύνονται, πῶς οὐκ ἴσασιν. ἢ ὅτι σεμνὰ ἔχοντες ἦσαν, Ἀλαζόνες δοκῶσι. id est, Arrogantes propriè mendaces appellant. Merito autem & philosophos, arrogantes uocat, quoniam de iis dicturos se profitentur, quæ nesciunt: uel quod morum gravitate præditi, arrogantes uideantur. Rursus in Equitibus: Ἀλαζῶν, οὐ μὲν γὰρ τὸς ἐαυτῶ ἀξίας κομπάζων καὶ φρονῶν. id est, Arrogans, qui de se maiora sua dignitate gloriatur & sentit. Ex quibus animaduertere est, τὸν Ἀλαζῶνα τῷ ἑαυτοῦ, quod & Ulpianus Demosthenis interpres uult, opponi, ut nimirum Ἀλαζῶν quidem sit, ὁ μὴ ἔχων καὶ προσπειμένους ἔχει. ἑαυτοῦ uero contrὰ, ὁ ἔχων καὶ προσπειμένους μὴ ἔχει. id est, Arrogans, qui quod non habet, se habere simulat: Disimulator, qui quod habet, habere se disimulat. Est igitur arrogantia uitiū,

quo

quo quis plus a quo sibi tribuit, etiam ea sibi assumens quae non habet. Ac quae in secundo continentur ambitu, haec sunt, eamque, quam explicuimus, uim habent. Proximum est, ut ad tertium progrediamur, & quae ibi fiant, simili diligentia consideremus.

FINIS.

IVSTI VELSII HAGANI

IN CEBETIS THEBANI TABV-
VLAM COMMENTARIO-

RVM LIB. V.



Um intertio hoc ambitu Virtutes & ipsarum mater Beatitudo secundum autorem nostrum degant, ad quas qui à Vera disciplina purgati sunt mittuntur: hunc, ut convenientissimum, in nostra explicatione seruabimus ordinem, ut primum de Virtutis notione & substantia constituamus. Deinde ea cognita, ipsius diuisionem aggrediamur, ut quot omnino Virtutes sint cognoscamus. Tertio autem ad autorem progressi, quae ab ipso particulatim de Virtutibus dicuntur considerantes & explicantes, quomodo cum subiectis consentiant, ipsamque adeo ueritate examinemus. Quibus pertractis, ad Beatitudinem progressi, & quid ipsa sit convenienti methodo inuestigabimus: ac sic deinceps, quae apud autorem sequuntur omnia suo enarrabimus ordine. Est igitur uirtutis haec in generatio ac natura, ut tum ipsum,

ipsum, cuius est uirtus, rectè affectum reddat, tum ad opus suum benè obeundum, instructum & paratum efficiat. Quod cum ex uniuscuiusque naturæ pendeat perfectione, erit utique secundum hoc uirtus nihil aliud, quàm uniuscuiusque rei naturæ summa perfectio. Sed hoc quidem si sit uirtus, patet, quod si unum quid sit homo eiusq; anima, & una ipsius fuerit uirtus: si uerò plura & non unum, plures etiam ipsius erunt uirtutes, quod diuersarum rerum, diuersæ sint perfectiones. Si igitur rectè à nobis superius ex Platonis sententia est demonstratum, tripartitam hominis esse animam: & aliud quidem in ea, quod rationis: aliud, quod animositatis: tertium, quod cupiditatis est, esse: erunt & tres ipsius, secundum partium numerum, uirtutes: & quarta quædā insuper, ipsius totius, tanquam unius rei, ratione. Et tot quidē, hac ratione simpliciter considerantibus nobis, humani animi fuerint uirtutes. Verum enim uero oportet fortasse non tam promptè ac facile de hoc constituisse, sed illud prius animaduertisse, duplicem esse rei uniuscuiusque tum perfectionem, tum actionem: alteram quidem absolutè & per se spectatā: alteram uerò, secundum affectionem ad aliud cogitatā, ut hominis: exempli causa, alia quidem est actio, & proinde perfectio, quā homo est absolutè, & quā dominus, aut seruus, maritus, aut uxor, pater, aut filius, & si quæ alia in ipso considerentur affectiones. Neque enim idem est hominem esse, & dominum, aut reliquorum secundum affectionem

Un quoduis.

quoduis. Quorum autem esse diuersum est, & actio & perfectio diuersa. Caterum sic ut dixi, se rem habere, argumento fuerit, quod quotidie usuuenire uidemus. Nam multos quidem est inuenire equitatis & iustitia nomine commendatos, quos absolute bonos homines appellare solemus, qui tamen boni duces exercitus non sunt. Et e contra bonos duces exercitus, qui mali sunt homines. Solemus autem unum quodq; ab ea, quae ipsius absolute & per se spectari est uirtus, absolute etiam tale appellare: à schetica uero, sic enim compendij sermonis gratia eam appellamus, quae secundum affectionem ad aliud cogitati est, non absolute, sed cum adiunctione semper, bonum, puta, hunc dominum esse dicentes, illum, bonum ducem exercitus, alium, bonum medicum. Neque enim si bonus sit medicus, illico & bonus absolute, cum possit & malus esse homo, quemadmodum e contra bonus quidem esse homo, medicus tamen non bonus. Quare si hac quidem sic se habent, ut certe habere manifestum est, patet non eandem esse rei cuiusq; per se perfectionem, quam absolute nominare possumus, & scheticam, ut nec actionem, nec uim atque naturam. Quam ob causam, cum in homine duplex spectetur imperium, quam Graeci ἀρχὴν uocant, alterum, quo anima corpori, ut dominus seruo imperat, quod herile appellatur: alterum, quasi civile, quo & ratio animum & cupiditatem, & animus cupiditatem gubernat ac moderatur: erit alia quidem, animae per se considerata uirtus, alia uero, quae corporis est domina, & corporis

poris iudem, alia quidem per se, alia uerò, quâ animæ est
quasi seruus. Conſimili autem modo & æſtimatricis ani-
mæ partis, & animoſæ, & cupidineæ, aliæ abſolutæ ſunt
uirtutes, aliæ ſcheticæ. Et illarum quidem, quod quis ta-
men miretur, exuperantia quadam uituperabilis & re-
prehendenda eſſe poteſt: harum autem minimè. Caterum id
quod dico, maniſeſtius fiet, hoc modo cõſiderantibus nobis.
Sit igitur aliquis qui omni ſtudio, ſummaq; contentione li-
terarum diſciplinam agitet, quæ, ut inquit Celfus, ut ani-
mo præcipue omnium neceſſaria, ſic corpori inimica eſt.
Hic certe quòd id, quod animi per ſe eſt opus exerceat, ipſi-
uſq; perfectioni intentus ſit, maniſeſtum eſt. Sed dum cor-
poris robur inquieta cogitatione, nocturnaq; uigilia non ſo-
lum minuit, ſed etiam labefactat atque conuellit, febres in
ipſo accedens, fluxionesq; excitans, neque boni domini ſun-
gi ur officio, neque huius ſcheticæ perfectionis rationem ha-
bet. Rurſus autem e contra ſit, qui totius corporis ſanitati
& perfectioni intentus, cuiuſmodi propemodum Galenum
in libris de ſanitate tuenda ſubycere uidemus, animum ne-
gligat. Hunc ſanè non ut animi ſeruum corpus curare ui-
demus, ſed ipſius per ſe perfectione moliri, eoq; reprehenden-
dum eſſe, quòd hac ratione corpus aduerſus animum in-
ſtruat. Atque hoc eſſe uidetur, quod in Timæo reprehen-
dit Plato, exiſtimatq; tanquam bipartito propoſito ſcopo,
utriuſque habendam eſſe rationem. Id autem eſt, ut non ſo-
lum abſolutis ipſorum perfectionibus, ſed etiam ſcheticis

Uu ij incum-

incumbamus. Age igitur uideamus, quæ uniuscuiusq; animæ partis tum absolutæ, tum schetica sint uirtutes, ab ea quæ rationis est compos & particeps exorsi. Dicimus igitur cùm rerum consideratio contemplatioq; huius per se sit opus, earum exquisitam cognitionem, quam Græci σοφία, nos sapientiam appellamus, eiusdem esse uirtutem absolutam. Caterùm quoniam quæ contemplationi sunt subiecta, alia quidem sunt, ut Græci uocant, νοητά, alia uerò, διανοητά, nos, si recipitis, illa intelligibilia, hæc cogitabilia nominabimus: adhuc autē & quæ tum διόρατα, tum αἰσθητά à Græcis appellātur, id est, opinabilia & sensibilia, quorū alia illius, alia huius partis facultate percipiuntur: intelligibilia nimirum, intelligentia: cogitabilia, cogitatione: opinabilia, opinione: fit ut una hæc rursus, quam diximus sapientia, in tres ueluti fundatur uirtutes, σοφία (nam hac uoce non solum animi facultatem appellant, sed eius etiam perfectionem, unde & σοφιστῆς, qui hanc sunt adepti, appellantur) id est, intelligentiam, quam consimili etiam ratione Latini tum pro facultate, tum pro eius absolutione usurpare uidentur, ἐπιστήμη, id est, scientiam, & ὀρθὴ δόξα, id est opinionem rectam. Atq; hæc quidem rationalis animæ partis per se sunt uirtutes, quas hætenus sectari debet, ne eorum tamen, quæ ab ipsa regi ac gubernari debet, curam & providentiam abiciat. Schetica autem eiusdem uirtus, quæ sit, ut cognoscamus, eorum meminisse debemus, quæ à nobis libro secundo commentariorum, de trium animæ partium

partium ad se mutuo affectione, sunt dicta. Cum igitur, ut ex ijs patet, hac imperantis tantum secundum naturam in nobis locum obtineat, atque ea quidem ratione, qua in rep. senator, qui consilijs remp. regit, erit nimirum eius, quam secundum affectionem ad alias partes obtinet, virtus, prudentia, qua tum sibi, tum alijs modum agendorum praescribit. Et quatenus ab hoc officio, nimis magno studio multaq; opera, in rerum contemplationem conferenda, abduci non debet, etiam moderatio & temperantia quaedam. Sed ipsius quidem prudentiae, duae sunt species, altera quidem εὐβουλία, quae à nonnullis hoc modo definitur, ἐπιστήμη τοῦ σὺν ὧν εἶδος ποιεῖν & πῶς πράττειν, πρῶτον μὲν συμφερόντως, id est, Scientia considerandi, quae & quomodo agentes, utiliter agamus. scientia hoc loco nomine pro cognitione usurpanti bus, quam nobis Hesiodus his carminibus describit,

ἔστω μὲν πανάριστος, ὅς κ' αὐτὸς πάντα νοήσῃ
φρασεῖ μιν, τά κ' ἔπειτα καὶ εἰς τέλος ἡσυχῇ αἰεὶ νοήσῃ.

Dicitur autem hac, alia quidem absolute simpliciterq;, quae moralis quaedam & civilis est virtus: alia uero cum adiunctione, sub qua nostris usibus & necessitatibus inservientes continentur artes. Et hac quidem una prudentia est species, qua tum nobis, tum alijs recte consulere possumus. Videtur autem hac τῆς διανοίας πρακτικῆς τε καὶ ποιητικῆς ὁρδότης τις εἶναι, ὥστε ἡ ἐπιστήμη τῆς θεωρητικῆς, id est, cogitationis activae & effectivae rectitudo quae iam esse, ut scientia contemplativa. Altera uero, quam Graeci σύνεσις nominant,

Un ij Latini,

Latini, ut arbitror, nunc intellectionem, nunc intelligentiam, non illa, qua superius hac uoce sumus usi, significatione, sed alia quadam. Est autem σύνσις, ut ex ijs, quæ sexto Moralium ad Nicomachum libro, de hac ab Aristotele differuntur, est intelligere, ἐν πάσει λογισμῷ ἢ πᾶσι, ἥ ἐστὶ καλῶς τὰ ὑπὸ ἄλλῃ ὑποτιθέντα ἐκλαμβάνειν τε καὶ κρίνειν. id est, rationis seu opinionis confectatio facilis, ad bene, quæ ab alio sunt subiecta, excipienda ac dyndicanda. Inquit igitur de ea differens hoc modo, ἐστὶ δὲ ὅτε τὸ ἔχοντι μὲν φρόνησιν, ὅτε τὸ λαμβάνειν ἢ σύνεσις, ἀλλ' ὥστε τὸ μανθάνειν λέγεσθαι συνίναε, ὅταν χρῆται τῇ ἐπισήμῃ, ὅπως ἐν τῷ χρεῖδι τῇ δόξῃ ἐπὶ τὸ κρίνειν περὶ πάντων, περὶ ὧν ἡ φρόνησις ἐστίν, ἀλλὰ λέγοντος, καὶ κρίνειν καλῶς. τὸ γὰρ εἶναι, τῷ καλῶς τ' αὐτὸ καὶ ἐν τῷδε ἐλπίδι τὸ νόμα ἢ σύνεσις, καὶ ἢ ἐν σοφίᾳ, ἐκτὺς ἐν τῷ μανθάνειν. λέγομεν γὰρ τὸ μανθάνειν συνέναι πολλὰ. id est, Est autem nec habere, nec comparare prudentiā, intelligentia: sed ut percipere dicitur intelligere, cum scientia quis utitur, sic in utenda opinione ad iudicandū de his, in quibus uersatur prudentia, alio dicere, & bene iudicandum, consistit intelligentia. Nam rectè & bene idem est. Atque hinc adeo nomē σύνεσις ortum habet, unde ἐπισύνεσις dicitur, ab ea σύνεσις, id est cōgressione seu cum altero itione, quæ in percipiendo consistit. Dicimus enim percipere, intelligere non raro. Caterum ut ἐνδοξία cogitationis actiua, ita & hæc opinionis, quæ in rebus agendis & ipsa uersatur, est uirtus: quam rursus nobis Hesiodus hoc uersu expressit:

ἰδὼς δ' αὖ κ' ἀκῆνος, ὅς ἐν ἰπῶντι πίδηται.

Neque

Neque enim aliud, nō quæ uulgo dicitur, sed uera est ἐνδε-
 δειά, quàm οὐδένος, ut quæ non temere, sed aliquo omnino iu-
 dicio, recta monentem, tanquam præeuntem sequitur. Atq;
 hæc quidem duæ sunt prudentiæ species, quas & Hesiodus
 conspexisse uidetur, & posteris commonstrasse, & Plato
 deinceps ac Aristoteles aliq; horum æmuli atque imitato-
 res recepisse approbasq;. Videtur autem ratio & conue-
 nientia omnino postulare, ut non duas tantum, sed tres &
 huius species faciamus, ut sapientiæ, quod non minus οὐδὲς
 πρᾶξις, id est, mens actiua & apud philosophos ueteres
 nominata inueniatur, & reuera etiam, si quid ego iudico,
 sit, quàm cogitatio & opinio. Quamnam igitur & huius
 uirtutem esse dicemus? An scilicet eam, quam communio
 ri uocabulo ἐνσοφία, magis autem proprio ἐγγύς Cræci
 uocant? Nam ut omittam, quod nominis huius proximio-
 ris id compositio & etymologia indicare omnino uidea-
 tur, etiam manifestè id Stoicorum, à Platonis & Aristot-
 elis sententiâ hic minime discedentium, definitio common-
 strat, quæ huiusmodi est: ἐγγύς ἐστιν, ἡ ἐν περὶ τοῦ καὶ δυνάτος
 ἐκ τοῦ πρᾶξις, id est, solertia est, habitus inuentiuus ex-
 tempore eius, quod conuenit. quæ certè mea sententiâ defi-
 nitio, id significare uidetur, quòd solertia sit mentis qua-
 dam in rebus agendis coniectura dexteritas, quam Cræci
 ἐνσοφία nominant, in tēporis quasi momēto, quod ἐν δυνάτει
 λέγουσιν dicit Aristoteles, citra omnem ratiocinationem ac
 cogitationem. Verùm hoc quidem si recipimus, & duabus
 præce-

precedentibus tertiam hanc prudentie speciem adijcimus:
erit nimirum, ut ibi ab ἀποδοξία ad scientiam, & ab hac ad
intelligentiam progressio: ita & hic ἀσυνέσις ad ἐπιστήμην, &
ab hac ad solertiam, tanquam summam quandam ac præ-
stantissimam uirtutem. Atque earum quidem rationalis
animæ partis facultatum, quæ cognitionis sunt, eæ sunt,
quas diximus, tum perfectiones, tum uirtutes. Quoniam
autem eiusdem & aliæ quædam sunt facultates, quæ in ap-
petitu positæ sunt, ut superius ex Peripateticorum senten-
tia tradidimus, βέλους nimirum & προαιρέσις, non imme-
rito dubitauerit aliquis, sintne & harum quædam perfe-
ctiones ac uirtutes. Nam si nullas quis esse dixerit, absur-
dum sanè uideatur, earum, quæ ratione carent, animæ
partium appetitus, suas habere & proprias absolutiones:
horum autem, quæ rationis sunt compotis partis, uirtutes
nullas existere, maximeq; cum ex uoluntatis quidem quæ
ipsius finis potissimum esse superius est dicta, rectitudine,
tanquam fundamento quopiam, aliarum non minimè fa-
cultatum perfectio pendeat: electione autem magis quàm
actione mores diiudicentur. Si uerò rursus & harum ali-
quas facultatum uirtutes esse statuerimus, quenam illæ
sint, inuenire difficile uidetur, quod à ueteribus nihil de his
scriptum inueniamus. An uerò, non ita se res habet, sed
προαιρέσις quidem uirtutē, apud Aristotelem, libro Mo-
ralium ad Nicomachū sexto, descriptam his uerbis habe-
mus: ἐστὶ δὲ ὡς περ ἐν διανοίᾳ κατὰ φάσιν καὶ ἀποφάσιν, τοῦτ' ἐν ὁρίῃ

διωξίς

διαξίς, ἢ φύγῃ, ὡς ἐπειδὴ ἡ ἡδὺς ἀρετὴ, ἔστι προαιρετικὴ, ἡ δὲ προαίρε-
 σις, ὁρεξίς, βουλευτικὴ· αἱ δὲ δὴ ταῦτα τόντε λόγον ἀληθεῖς εἶναι, ἢ τὴν ὁρεξίαν
 ὁρδὴν, εἴπωρ ἡ προαίρεσις, ἀποδιδάσκει, καὶ τὰ αὐτὰ, τὸν μὲν φάναι, τὴν δὲ
 διωκῆναι. id est, Est autem, quod in cogitatione affirmatio
 & negatio, hoc in appetitu consecratio & fuga. Quare
 cum moralis uirtus, habitus sit electiuus: electio autem,
 appetitus deliberatiuus: oportet ob hæc tum rationem ue-
 ram esse, tum appetitū rectum, si proba sit futura electio,
 eademque, illam quidem censere, hunc uero consecrari. Ex
 quibus Aristotelis uerbis patet, ut composita quadam hæc
 est animi facultas ex ratione & appetitu, ita & eiusdem
 uirtutem compositam esse, ex prudentia, quæ imperatoria
 quadam est uirtus, & frugalitate ac modestia, quam sub-
 diti esse, in sequentibus docebimus, quarum illam quidem,
 διαλογικὴν, id est, cogitantiā, quæ plurimum ex doctrina
 tum ortum, tum incrementum habet: hanc ἡδύην, ὡς ἐξ ἔδου
 παρὰ γενόμεναι, id est, moralem, ut quæ ex consuetudine ad-
 ueniat, appellare solet Aristoteles. Ipsius autem uolunta-
 tis perfectionem, quam tandem aliam statuemus, quàm stu-
 dium quoddam & amorem eius, ad quod, rationalis ani-
 mæ partis occasione, conciliationem naturalem obtinemus?
 id autem fuerit, honestas ipsa, ut superius est dictum. Cæ-
 terum apud Græcos, hæc φιλοκαλία appellatur, cum qua
 aut eadem est, aut non multum ceriè diuersa, quam καλὴ
 καγαθία ἡδὲν nominant, esseque definiunt, ἔστι προαιρετικὴ
 τῶν βέλτιστων, id est, habitum electiuum optimorum. Quod si

X x quis

quis hanc non voluntatis, sed electionis potius, definitionis occasione, esse contendat, loquor autem de posteriore, καὶ ἡ ἀγαθὴ nimirum, is sciat, reuera quidem, ex utriusque facultatis perfectione coniunctam quandam & compositam esse uirtutem: τὸ καλὸν quidem ratione ad βέλους pertinere: τὸ ἀγαθὸν autē, quod idem est, ac si τὸ συμφέρον τις quis dixerit, ad προτέρου. Sed his quidem aestimatricis animae partis facultatū uirtutibus explicatis, proximū est, ut ad animosam transeamus, & quēnā sint & huius perfectiones consideremus. Est igitur, ut huius per se opus, robustam se & ualentem planeq; inuictam praeſtare, ita & eiusdem per se uirtus, naturalis quaedam fortitudo, omne quod obstat pulsans, omnia proſtigans ac proſternans, sibiq; potenter atque uiolenter ſubiciens. Atque hoc quidem cum facit, quod naturae ſuae conueniens eſt, facit. Eſt enim ipſius, conſligere quidem opus, uincere autem finis: ſed ſcherica tamen uirtutis, quae duplex ipſi eſt, rationem nullam habet. Nam cum media ſit haec anima pars inter primam illam, quae rationis eſt particeps, & tertiam, quae cupiditatis eſt, ad illam quidem ſubditi locum obtinet: hanc uero imperantis. Quare & uirtus quaeſiam ipſi adſit oportet, ſecundum quam rationis compoti parti obſequatur, eiusq; dicto audiens ſit: haec autem fuerit, quam Graeci σωφροσύνη, Latini nunc frugalitatē, nunc modēſtiā, interdū & temperantiā nominant: & alia rursus, quae cupidineam gubernet, ac regat, quam αὐτοκρατία Graeci, nos fortitudinem dicimus: quae impera-

imperatoria quadā est uirtus, nō illo sanē genere, quo prudentia, quae cognitionis uis & iudicio subiectis partibus praestit: sed alio quopiam, appetitionis nimirum facultate, qua compescere quidem inferiorem animae partem, & in officio continere: externam autem uim propulsare, & ab iniuria defendere, quorum propugnatio ad ipsam pertinet, ualeat. Sed hac ipsa & alia subiycienda facilius fortasse assequemur, si Socratem in secundo de Rep. libro apud Platonem imitati, quae hic minoribus ueluti literis scripta, & proinde obscuriora, nō satis cōmode à nobis perspicui possūt, in rep. insignioribus characteribus expressa, prius cognoscere conemur. Nā ut in anima tres sunt, quas diximus, animae partes, ea ratione ad se mutuo affecta: ita & in rep. totidem cum eadē etiā ad se mutuo relatione: de quibus Hippodamus Pythagoraeus in opere de Rep. hoc modo disserit: φαμί δ' ἐγὼ εἰς μέρη τρεῖς διεσπᾶσθαι τὴν σύμπασαν πολιτείαν. καὶ μὴν μὲν εἶναι μισθον, τῶν ἀγαθῶν καθεστῶντων τὰ κενὰ· δευτέραν δέ, τῶν δυνάμεων· τρίτην δέ, τῶν ἐκπληρώσει καὶ χορηγία τῶν ἀναγκαίων ὄνομαίνω δὲ τὸ μὲν πρῶτον πλῆθος, βαλευτικόν· τὸ δὲ δεύτερον, ἐπίουρον· τὸ δὲ τρίτον, βάνυσον. καὶ τὰ μὲν αὐτῶν, ἐλευθέρων βιοτῶν ἐχόντων δικαίᾳ φαμί εἶναι· τὸ δὲ τρίτον, τῶν βωπώνων. καὶ τὸ μὲν βαλευτικόν, ἄριστον εἶναι· τὸ δὲ βάνυσον, χερσίον· τὸ δὲ ἐπίουρον, μέσον. καὶ τὸ μὲν βαλευτικόν, ἄρχον εἶναι τὸ δὲ βάνυσον, ἄρχεσθαι· τὸ δὲ ἐπίουρον, καὶ ἄρχον καὶ ἄρχεσθαι. τὸ μὲν γὰρ, ἐν τῇ δαίμονι πρᾶξιν προσέλειπει· τὸ δὲ, τὸ ἐπιταχθεὶς ἐπιτελεῖ· τὸ δὲ ἐπίουρον, τῷ μὲν προπολεμεῖν, ἄρχει τῷ βαναύσω πάντος· τῷ δὲ προσελέγειν, ἄρχεται id est, Ego uero dico, uniuersam rep. in tres partes esse diductā. Et unā quidē esse,

Xx ij bono-

bonorum, qui publica & communia gubernant: alteram, eorum, qui potestate pradii sunt: tertiam, qui expleioni, & necessariorum suppeditationi incumbunt. Nomino autem, primum quidem cœtum senatorium: secundum uerò, auxiliarium: tertium autem, operarium. Et illos quidem, ijs conuenire, qui liberam uitam colere possunt: tertium autem, qui laboribus uictum querunt. Ac senatorium quidem, optimum esse: operarium, deteriores: auxiliarium, medium. Et senatorium quidem imperare oportet: operarium uerò, parere: auxiliarium autem, tum imperare, tum parere. Nam ille quidem, quid sit agendum prospicit atque consulit: hic uerò, iniunctum sibi munus exequitur: auxiliarius autem, quatenus quidem propugnatores agit, uniuerso operario cœtui imperat, quatenus autem ex alieno consilio ac sententia pendet, regitur ac paret. Et hæc quidem Hippodami de reip. diuisione est sententia, & de partium eius ad se mutuo affectione. Quem etiã Plato in suis de Rep. libris sequitur, & unicuique parti propriam & conuenientem uirtutem tribuit: Senatorio quidem ordini, qui multitudine quidem, longè minima in rep. est portio: ui autem & potestate, maxima, prudentiam, qua publici consilij autor & reip. rector esse possit. Est enim huius imperare tantum. Operatio autem, quem *δυνάμει*, id est, mercenarium uocat, qui contraria ratione atque prior ille affectus est, quod numero quidem maxima, ui autem & potestate minima reip. sit pars, quod *ῥεγνίονος* uoce nobis significauit

ficauit Hippodamus, ut prius illud & cōtrarium τὸ ἀπὸ τοῦ, temperantiam & modestiam, cū huius parere sit tantum. Caterum medio cœtui & auxiliario, qui priori quidem parere, posteriori autem imperare debet, quiq; mediam quandam affectionem obtinet, ut quantum quidem à priori potestate superetur, tantum posteriorem eadem uincat: quantum uero rursus priori sit numero superior, tantum posteriori inferior, tum temperantiam, tum fortitudinem: illam quidem subditi uirtutem, hanc uero imperantis: cuius quæ uis sit ac ratio, ut commodius ostenderemus, hæc à nobis sunt adducta. Diximus igitur superius, hanc imperatoriam animosæ partis esse uirtutem, non tamē eodem genere, quo prudentia æstimatricis, quod hæc in cognitionis & iudicii uis appetitum moderantis, illa in appetitus facultate, quæ sibi subditum appetitum gubernat, consistat. Vocetur itaque illa, uirtus senatoria, seu consultrix, seu deliberatiua, quod utilitatū oportunitatumq; omnium sit prouida: hæc uero, auxiliatoria & propugnatrix, aut etiā ut uniuersam eius naturam magis exprimamus, bellica: quæ cuiusmodi sit primum in rep. consideremus. Cū igitur duo sint belli genera, ut libro de legibus primo Atheniensis inquit hospes: alterum quidem, quod ciuile appellatur, itemq; seditio, quo ipsi inter se ciues dissident atque discordant, quod omnium bellorum teterrimum est & periculosissimum: alterum externum, quo cum externo hoste conflagimus, quod priori multo est mitius: oportet sanè eos,

Xx ij quos

quos auxilios & propugnatores esse diximus, in utroque genere reip. adesse: & seditiosos quidem ciues ac turbulentos comprimere, & fontes punire: remp. autem, ab externa ui defendere, hostesq. propulsare: & ad utrumque ea uirtute uti, quæ confidentiæ & timoris mediocritas quædam est, appellaturq. ut diximus, fortitudo. Ceterum quoniam cum hac necessario coniungitur ea animosæ partis operatio, quam libro commentariorum secundo, ipsius secundum affectionem esse diximus, uocaturq. à Græcis modo θυμός, modo ὀργή, id est, excarescentia & ira, quanquā hæc à Stoicis, qui in omnibus sunt curiosiores, distinguuntur: à Platone certè, Aristotele, ac Peripateticis, quod ex definitione subiicienda patet, pro eodem non raro usurpantur: est autem ira, innati caloris feruor, ex desiderio ulciscendi eius, qui iniuriam fecisse uidetur, orta: quam Plutarchi Cryllus, ex Peripateticorum nimirum sententia, τῆς ἀδελφείας οἰοῦν βαρύνει τὴν ἐν σὺννεύῳ ἀπαιτείαν appellat: Plato certè siue hac animum tum ad pugnandum generose cum ijs, quibus cum configere oportet, tum ad sumendum de ijs supplicium, qui puniendi uidentur, imbecillum & inualidum asserit: erit nimirum huius ipsius occasione, & alia quæpiam huius animæ partis uirtus, ira, inquā, moderatrix, quam Græci communi nomine πρῶτον τῆς ἀνδρείας nominant, id est, lenitatem: est autem gemina, quod alia lenitate aduersus hostes, alia aduersus ciues utendum sit: uideturq. hæc proprium etiam nomen apud Græcos sortita, & ἐνδραχία ab ijs appellata.

appellata, apud quos τὸ μέγιστον ἐστὶ τὸ θυμὸν τε καὶ ὀργὴν non-
 nunquam accipitur: nisi quis forte contendat, hanc potius
 erga bonū & frugi ciuem animi esse affectionem: cum quo
 ut non admodum contenderim, ita tamē meminisse ipsum
 uelim, nullum præfectum subdito θυμῷ esse debere, sed
 perinde erga ipsum affectum esse, ut erga agrotantem me-
 dicus. Quare ut hic, cum etiam urit ac secat, εὐδυνὸς nihilo-
 minus est, ita & in rep. qui in ciues delinquentes animad-
 uertere debent, ab hac animi affectione minimè recedere
 oportet. Videtur autem hæc Latinis tum clementia, tum
 benignitas appellari. Nam quæ beneuolentia iisdem dici-
 tur, ἀσtimάτρις potius animæ parvis laudabilis est affectio
 ad uoluntatem annominata: cui tres apud Græcos uoces
 respondēt, non ἡ τῆς βολήσεως nomine compositæ, sed ex ijs,
 quæ eam huc impellunt & mouent, εὐνοία, εὐγνώμοσύνη, quæ
 αὐτὸ τὸ γνώμης, εὐβουλίας nimirum conclusionē, appellatur, &
 εὐδουλία. Sed ut ad propositum reuertamur, cuiusmodi hæc
 in rep. lenitatis sint species, diligentius consideremus. Est
 igitur lenitas, iræ, ut dictum est, uirtus moderatrix. Eius
 autem altera species, quam nunc εὐδυνάειαν, id est, benigni-
 tatem seu clementiam, ut appellemus, qui in nominibus cu-
 riosiores sunt concedant, in delinquentes ciues animaduer-
 tendi moderatio quædam est. Altera uerò, qua in hostis ul-
 ciscendi desiderium propendentem iram refrenamus, nec
 apud Græcos, nec apud Latinos, quod sciam, proprium no-
 men sortita est. Vocetur autem, quò ab altera discerna-
 tur,

tur, humanitas, quo fortasse nec male nomine appelletur. Caterum uidetur duas potissimum ob causas & hac uirtus necessaria, tum quod, dum nimis auide in hostes inuadimus, non tam periculum & iniuriam à nobis propulsamus, quàm nostras consceleramus manus, non animaduertentes, quod etsi non eiusdem ciuitatis societate cum ipsis sumus coniuncti, tamē indiuidue speciei & rationis, quam quasi dei imaginem circunferimus, à primo parente ductæ cognationis, naturalis item & iuris gentium communione & his cōsociati simus: tum quod belli alioqui naturam uiolantes, quo nihil aliud, ut recte censet Cicero, nisi pax quaesita uideri debet, & plurimum nobis ipsis incomodamus, & iucundissimo quietis & tranquillitatis fructu, omnibus maxime exoptando, nosmet spoliamus. Et eius quidē reip. ordinis, quem *ἐπὶ τὸν πόλεμον*, id est, auxiliarium, appellari diximus, hæ sunt uirtutes, quas ad animosam animæ partem nunc trans ferre, haud difficile fuerit. Nam & hæc fortitudine indiget, qua tum intestinum ac quasi domesticum bellum extinguere, ac cupiditatem rationi & superioribus appetitionibus repugnantem comprimere ac constringere possit: tum totam animam, immo hominem potius, tanquā remp. ab externis iniurijs defendere, infestāq. omnia depellere & dissipare. Indiget autem & lenitate propter eam, quam diximus ipsius secundū affectionē, operationē, id est, iram: & utraque sanē eius specie. Nam neque excindenda est cupidinea animæ pars: sed subigenda potius, & sub imperium

perium rationis ditionemq^{ue} subiungēda: neque sic in aduer-
sa infestaq^{ue} ipsi innuadendū, ut nulla, quæ ipsius uniuersi e-
iusq^{ue} legis ratione, cum rebus omnibus ei coniunctio est natu-
ralis, habita ratione, cūcta disturbet ac dissipet: aut etiam,
quò omnia referri oportet, animi tranquillitatem & secu-
ritatem, idem autem est, ac si uitam beatam dixerim, im-
pediat. Quare has, quas diximus, ipsius esse uirtutes mani-
feste constat. Quæ cum satis iam explicata uideantur, su-
perest, ut & tertiæ & cupidineæ, quæ sint perfectiones in-
uestigemus. Cum igitur hæc subditi tantum in anima ra-
tionem sustineat, ea etiam tantum uirtus ipsi conueniat,
quæ subditi est. Caterum hæc ipsi duplex est. Nam cum, ut
superius dictum est, duplices appetitus habeat, alteros qui
dem eius corporis ratione, in quo cōsistit, alteros uerò eius,
quo id conseruetur, manifestum est, hanc tum ἀπολαυστικὴν,
tum ποτιστικὴν esse: quod etiam ex eo cognosci potest reip. ordi-
ne, quem Hippodamus Βαίαντον, Plato δαιμόνιον nominat. Is
enim ipsi proportionem respondet. Itaq^{ue} ut ἀπολαυστικὴ, id est,
ut sic dicam, fruitoria, frugalitas & temperantia, quæ in
moderandis cupiditatibus, & corporeis, inutilibus ac no-
xijs uoluptatibus prætermittendis cernitur, ipsi conuenit.
Ut uero ποτιστικὴ, id est, quæstiuosa, ea particularis iustitia,
quæ uirtus quædam est & mediocritas inter eam, quam
Græci πλεονεξία uocant, quæ immodica quædam pecunie
auaritia est, & quam idem μετριοξία nominant, uirtutum ni-
mirum iam dicto contrarium. At enim quoniam quæsi-

Υ γ tum

tum omne, non ad hoc quæri uidetur, ut habeatur solum, sed propter usum omnino aliquem, ad quem nisi accommodetur, inanis & superuacanea hæc acquirendi cupiditas sit necesse est, nominisq; adeo uim amittant oportet, quæ Cræcis γένεσις dicuntur: meo certè iudicio, hæc seu facultas, seu cupiditas, seu appetitio, quæ circa id uersatur, quod corporis necessitatibus & usibus inseruit, aut duplex statuatur necesse est, aut, quod magis mihi probatur, tertia quæpiã cupidine tribuatur parti, quam seu δακρυοντιαν, seu τρυφοντιαν quis appellare uelit, de nomine non laboro: erit autẽ hæc facultas quedã seu affectio sumptus faciendi, cuius uirtus est liberalitas, non illa quidẽ politica, quæ ad alium est, sed quadam ipsi analogia respondens, quæ intra animum absoluitur, proximeq; illi coniuncta est, cuius modo meminimus iustitiæ, atque adeo media quodammodo inter temperantiam & iustitiam intercedit, quemadmodum & ipsa τρυφοντιαν inter ἀπολαυστικὴν & ποτιστικὴν. Unde nonnunquam αὐτάρκειαν ipsam nominant, quæ tamen non simplex est uirtus, sed ex frugalitate & iustitia coniuncta, aut fortasse & hac tertia. Atque hæc quidem animæ partium, quæq; in his sunt facultatum perfectiones sunt ac uirtutes. Ad quas sequitur ea, quæ uniuersalis iustitia appellatur: quæ est, ut inquit Theages, σύνταγμα τῶν ἀρετῶν τῶν μετῴρων τῶν ψυχῆς, καὶ ἀρετὰ τέλει καὶ παντὶ εἶδει ταῦτα. id est, coniunctio concentus animæ partium & uirtus perfecta atque suprema. Quam sanè obscuriorem definitionem

rionem mihi aliquo modo explicasse uidetur, partim qui-
 dem Plato libro de Rep. quarto, partim uero Aristoteles
 libro quinto Moralium ad Nicomachum. Nam quomodo
 coniunctio seu potius conciliatio concentus animae partium
 esse dicatur, his uerbis ostendit Plato. Caterum reuera hu-
 iusmodi certe quid, ut uidetur, iustitia est, sed non in actio-
 ne externa consistens, sed interna, & reuera in ipso adeo,
 quæq; ad ipsum pertinent, dum unamquamq; sui partem
 aliena negotia agere non permittit, neque quæ in anima
 sunt genera curiositate sibi mutuo molesta esse: sed re ipsa
 sua recte componit, sibi ipse imperat, se moderatur, sibi ami-
 cus redditur, coniungitq; & coagmentat hæc genera quæ
 tria sunt, tanquam harmonia tres terminos sedulo, nea-
 tes, hypates, & meses, & si quæ alia inter hæc intermedia
 sunt, omnia hæc connectit, & prorsus ex multis unus effici-
 tur, modestus & cōpositus. Ex quibus Platonis uerbis con-
 stat, iustitiam hanc, qua de nunc agimus, esse uim quan-
 dam ac uirtutem totius animæ, qua fit, ut qualibet pars in
 suum & proprium opus intenta, aliena quæq; ad ipsam mi-
 nimè attinent, non curet, quam Græci affectionem *ἰσονομίαν*
 uocant, ita tamen ut alijs imperantium, alijs subdito-
 rum locum obtinentibus omnia sibi mutuo congruant, non
 secus, ac in cantu fit & fidibus. Nam ut hic qualibet suum
 & proprium edit sonum, ex quorum inter se mutuo conue-
 nientia, symphonia quedam & harmonia efficitur, unusq;
 ex multis ueluti contemperatus sonus, moderatione qua-
 dam


Ty ij dam

dam & æquabilitate incūdus, dum sonorū alij sua gravita-
te ueluti imperāt, hypates nomen inde sortiti, alij cōtrā suo
acumine parēt, quæ netæ, itemq̃ neatæ, quasi postremi, &
infimi, à Græcis uocātur: alij uerò inter hos medij, & proin-
de μέσση καὶ φωνῆς à Græcis dicti, sua quadā mediocritate tum
parent, tum imperant, granioribus quidē parentes, acutio-
ribus autē imperantes: ita & anima partū quæuis, dum
suo rectē fungitur munere, & quæ rationis quidem est par-
ticeps, prudentia imperat, quæ uerò cupiditatis est, tempe-
rantia paret: animosa autem, altera quidem sua uirtute,
superiori paret, altera uerò inferiori imperat, quidam
quasi concentus consensusq̃ in anima oritur, ex quo multæ
quidem hæ partes in unius animæ compositionem, ut sic di-
cam, coagmentationemq̃ coalescant, multæ autem harum
actiones & uirtutes in unius laudabilis actionis modum,
unius reliquas omnes continentis perfectæ uirtutis natu-
ram ac rationem conspirent ac ueluti consonent, atque sic
homo totus compositus, modestus & iustus reddatur. Cete-
rū, quænam sit ista symphonia, qui harmonici logi, de
quibus hic loquitur Plato (neque enim id omitendum ar-
bitror) breuiter hoc loco subiiciemus. Cū igitur tres sint
animæ partes, ut sæpius iam dictum est, inter æstimatri-
cem quidem & animosam, earumq̃ uirtutes, symphonia
quidem ὁ δὲ πέντε intercedit: harmonica uerò ratio, quam
Græci ἡμιόλιον, Latini sesquialteram nominant, cuiusmodi
est inter ij. & ij. Inter animosam autem & cupidineam,

⌘

Et harū perfectiones, symphonia δὲ τεσσάρων, ἐπίτριτος νε-
 rò, id est, sesquitercia seu ratio seu proportio, qualis inter
 iij. & iij. cernitur. Et sic ex tribus istis terminis efficitur
 concentus quem δὲ πασῶν nominant, qui dupla constat
 proportionē, ut ex figura hac spectare licet.

δὲ πασῶν.



Neque uerò hoc solum in hac figura animaduertendum
 existimo, sed etiam illud non minus, quòd perfectior qui-
 dem inter æstimaatricem animæ partem & animosam sit
 symphonia, quàm inter hanc & cupidineam, quamuis in-
 ternuallo tamē maiori distent. Est enim in sesquialtera pro-
 portione, dimidiij: in sesquitercia, tertiæ partis internallū.
 Eoq̃ fieri arbitrantur, quòd etsi animosa pars cupidinea
 magis sit cognata quàm rationi (ambo enim ex corpore e-
 iusq̃ temperamento ortum habent, ratio autem diuiniore
 est originis: ambo mortalia quæq̃ simul sint, simulq̃ inter-
 Ty iij eant,

eant, ratio immortalis: ambo cognitionis expertia, ratio nero eius ui prae dicitur) tamen cum illa inter se dissident ac pugnant, nunquam cum ea, cui magis cognata est, cupidinea nimirum, sese cōsociet & coniungat: sed semper pro ratione, cum qua concentum perfectiōe seruat, stet. Et ex his, quam uim habeat, quod iustitia animae partium concentus conciliatio à Theage esse definiatur, satis intelligi posse existimo. Quid uero sibi uelit, quod ἀρετὴ τελεία ἢ πρῶτη ἀρετὴ, id est, uirtus perfecta atque suprema dicatur, id quāquam ex ijs, quae a nobis in collationis symphonia explicatione sunt dicta, iam apertum est, tamen quoniam eleganter admodum & peritè ab Aristotele libro Moralium ad Nicomachum quinto, ut dictum est, docetur, non grauiabimur & eius disputationis summam quandam hoc loco subijcere. Cum igitur ex eo, qui contrarij habitus est particeps, id est, iniustitia, quem ἀνὴρ ἀδίκος, id est, ex legem uocat, itemq; subiectis & de quibus lex praecipit ducta probatione, conuenienti methodo eò peruenisset, ut iustitiam omnes uirtutes in se continere constaret, ad extremum conclusionis loco hanc infert orationem: Haec igitur iustitia uirtus quidem est perfecta: at non absolute, simplicitérq; sed ad alterum: eoq; saepenumero uirtutum praestantissima iustitia esse uidetur, ac nec Hesperus nec Lucifer aequè admirabilis: & prouerbio dicere solemus,

Iustitiae uirtus summam includit omnis.

Et perfecta maxime uirtus, quod perfecta uirtutis sit usus.

usus. Perfecta autem est, quod qui eam habeat, & ad alterum ipsa uti possit, non solum autem ipse per se. Et universalis quidem iustitia hac vis atque natura est. Sed hac via ac ratione indagatis, inuentis & quasi erutis uirtutibus, tempus est ut ad autorem nostrum ueniamus, ipsumque de his disserentem audiamus.

Cum igitur purgatus fuerit, quoniam ipsum mittit. Intro, inquit, ad Scientiam reliquasque Virtutes. Quas nam tandem has? Nonne uides, inquit, intra portam mulierum chorum, quam honesta forma, & modestae esse uideantur, & uestitu frugali & simplici utantur: ad hac quam minime fucosae sint, & minime ambitiose cultae & ornatæ, ut aliae illae?

Quo purgatus à uera disciplina mittatur, interroganti Hospiti respondet Senex, intro in tertium ambium ad Scientiam reliquasque mitti Virtutes, quod qua ratione fiat, prius est explicatum. Deinde uero discere cupienti, quoniam haec sint Virtutes, eas describit. Inquit igitur Virtutes esse chorum illum mulierum, qui intra portam est, hoc est, in tertio ambitu, quem antea beatorum appellauit domicilium: per chorum nimirum significans, non solum ἀρμονίαν tantῶν ἡδὲ ἑὸν ὁρμῶν ὡς ποικίλον, id est, harmoniam ordinatam & rhythmum definitum, quae ambo choream esse libro de Legibus secundo uult Plato, in his conspici, hoc est, admirabilem quendam inter has, ut superius traditum est, esse consensum: sed etiam ita aptè coherere inter se uirtutes omnes (loquor autem de perfectis, de quibus solis hac oratio

oratio est uera) ut diuelli ac distrahi nullo modo possint, neceſſeque sit, ut qui unam ex his quamlibet accipiat, reliquas quoque illico consequentes habeat, tanquam ex uno funiculo pendentes & religatas. Caterum *δωδεις*, id est, honesta & pulchra forma has esse inquit, quod nimirum ipsius honesti & pulchri quaedam sint partes & species, ex quibus id constat & efficitur. Atque harum quidem si uel euidentius quoddam simulachrum in conspectum uenire posset, ut inquit Plato, mirabiles amores uirtutis exciteret. Modestas autem, sic enim *τὸ δὲ ταπεινὸν* hoc loco uerto, quod tum in ipsis singulis, tum in ijs, quae ab ipsis proficiſcuntur, actionibus sermonibusque ordo & modus quidem spectetur. Nam *δωδεκία*, quam & *δωδεκαία* alio nomine uocant, itemque *ἡσυχία*, nunc quidem esse definiunt, *ἐξ ἡσυχίας καὶ διακρίσεως τὰ πρὸς τὴν ψυχὴν*, id est, habitum ordinantem & componentem animi affectus: nunc uero, *ἐκ τῆς ἡσυχίας καὶ μετὰ τὴν πρακτικὴν καὶ λεκτικὴν*, id est, scientiam ordinis & modi agendorum ac dicendorum. Frugali autem & simplici uestitu ipsas uti facit, utpote modestas, ut dictum est, tum quod hic ipsis, quae mediocritates sunt inter nimium & parum, maxime conuenire uideatur. Ad haec & minimè fucosas, minimeque ambitiosè cultas & ornatas, quod ijs, quae per se satis sunt commendabiles, nec fuco ullo & ascita forma sit opus, ut meretriculis illis uitijs, quae turpitudinem quidem, quam habent, tegere, pulchritudinem autem, quam non habent, fuco fallat.

tyſq̃

cysq̃ ementiri, ut prius est dictum, student.

Videō, inquam. Sed quænam hæ uocantur? Prima quidem, inquit, Scientia nominatur. Reliquæ uero, huius sorores, Fortitudo, Iustitia, Honestas, Frugalitas, Modestia, Liberalitas, Sufficiëntia, & Lenitas.

Descriptis superiori oratione in genere uirtutibus, nunc eas singulas recenset. Primamq; esse, inquit, Scientiam, non hoc nomine propriè nunc uicens, sed uniuersam rationis compotis partis perfectionem hac uoce significans. Ne rito autem hanc primam facit, quòd reliquarum omnium gubernatrix sit ac moderatrix, ut prius est demonstratum. Proximam autem facit Fortitudinem, quæ animosa partis est uirtus imperatoria, quemadmodum & id prius traditum est. Atque hætenus quidem aliquem in hac enumeratione ordinem notare est. In sequentibus uerò non perinde. Quare nec nos de hoc solliciti erimus, sed singulas uirtutes tantum, quòd pertineant indicabimus. Quæ igitur sequitur Iustitia, tum ad totam animam, tum ad cupidineam eius partem referenda est. Est enim, ut superius traditum est, hæc duplex: alia uniuersalis: alia particularis. ~~æst~~ ^{æst} ~~matricis~~ ^{matricis} anima partis in appetitu diæ autem, quam nos Græcorum imitatione, Honestam bonitatem appellamus, æstimatoricis anima partis in appetitu consistentium facultatum perfectio esse dicta est. Frugalitas autem, quam & temperantiam uocamus, rationis expertium anima partium appetitionis uirtus est, rationis imperio obtemperantis. Peculiari tamen quadam ratione

Zz

сирі-

cupidineæ partis uirtus esse statuitur, per quam efficitur,
 ut prauis uoluptatibus fruendi appetitu non incitemur.
 Hanc & modestiam Latini nominant: qua tamen uoce
 Cicero libro primo Officiorum, ad ὑποταξίαν exprimendam
 est usus, quem & nos hoc loco secuti sumus. Cuius etsi paulo
 ante definitio à nobis est adducta, tamen ut natura eius u-
 niuersa magis pateat, non grauabimur, quæ loco iam cita-
 to, de ea disserit Cicero, huc trāscribere, eoq; magis, ut quid
 inter hanc & prudentiam, cui affinis coniunctaq; esse ui-
 detur, intersit, cognoscatur. Inquit igitur hoc modo. Dein-
 cept de ordine rerum, & temporum opportunitate dicen-
 dum est. Hæc autem scientia continet eam, quam Græci
 ἐνταξίαν nominant, non hanc, quam interpretamur mode-
 stiam: quo in uerbo modus inest. Sed illa est ἐνταξία, in qua
 intelligitur ordinis cōseruatio. itaq; ut eandē nos modestiā
 appellemus, sic definitur à Stoicis: ut modestia sit scientia
 earum rerū, quæ aguntur aut dicuntur loco suo collocan-
 darum. Ita uidetur eadem uis ordinis & collocationis fore.
 Nam & ordinem sic definiunt, cōpositionem rerum aptis
 & accommodatis locis. Locum autem actionis, opportuni-
 tatem temporis esse dicunt. Tempus autem actionis oppor-
 tunum Græcè ὀρθόλογια, Latine appellatur occasio. Sic fit
 ut modestia hæc, quam interpretamur ita, ut dixi, scientia
 sit opportunitatis idoneorum ad agendum temporum. Sed
 potest eadem esse prudentia definitio, de qua principio dixi-
 mus. Hoc autem loco de moderatione & temperantia &
 harum

harum similibus virtutibus quaerimus. Itaque quae erant prudentia propria, suo loco dicta sunt. Quae autem harum virtutum, de quibus iam dudum loquimur, pertinet ad uerrecundiam, & ad eorum approbationem, quibus cum uimur, nunc dicenda sunt. Haec tenus Cicero. Ex cuius uerbis patere arbitror, quod haec, de qua nunc agimus, *ἡ ἀρετή*, eadem quodammodo cum prudentia esse uideatur, utpote cum in utranque eadem conueniat definitio, quod Cicero fatetur, partim quidem recte, partim uero non recte. eoq; mihi confusus hic haesisse uidetur, neque se satis extricare potuisse, ut ex ipsis uerbis haud obscure est uidere. Neque enim uniuersa seu toti prudentia hanc accommodari definitionem posse putem: sed parti eius alicui, ei nimirum, de qua nunc agimus, *ἡ ἀρετή*. Nam cum ut contemplatiua, ita & actiua cogitationis duplex sit uis, operatio & motus, alter quidem *κατὰ ἀναλύσιν*, id est, secundum resolutionem, alter uero *κατὰ σύνθεσιν*, id est, secundum compositionem eorum, quae per resolutionem sunt inuenta: erit non immerito & huius occasione duplex ipsius uirtus: altera, quae uis eius resolutoria, quam *βελίτιον* esse, ex tertio *Nicomachii* libro est cognoscere (inquit igitur de hac *Aristoteles* inter cetera hoc modo: *ὁ γὰρ βελόνος ἐστὶν ἡ ἀρετή, καὶ ἀναλύει τὰ ἐν αἰσθητοῖς τὰ ὁπότερ, ὡς ἀπὸ διὰ γὰρ καὶ*. id est, Nam qui consultat, quaerere uidetur, dictaq; ratione tanquam lineamentum resolvere) perficitur: altera uero, qua compositoria, illa quidem *ἡ βελία* proprie appellata, haec u-

Z z ij rō

ῥοῦ ταξία, cuius symptoma est concinnitas illa, qua ὅς, qui-
 bus cum uiuimus, approbamus. Erit itaque hac ratione,
 εὐδελία, ἀρετὴ τῆς διανοίας πρακτικῆς καὶ ἀνάλυσις ἐνεργούσης, id est,
 uirtus cogitationis actiua, secundum resolutionem operan-
 tis. εὐταξία uero ἀρετὴ τῆς διανοίας πρακτικῆς καὶ σύνθεσις ἐνεργούσης,
 id est, uirtus cogitationis actiua secundum compositionem o-
 perantis. Quæ uero deinceps sequitur Liberalitas, ad cupi-
 dineam pertinet animæ partem, ut prius est dictum. quem-
 admodum & ea, quæ sequitur αὐτάρκεια, cuius uis superius est
 explicata. Cæterum eam sufficientiam sumus interpreta-
 ti, quod aliam commodiorem uocem inuenire nequiuimus.
 Lenitas autem, quam & mansuetudinem uocant, animo
 σα, ut dictum est, partis est uirtus. Atque hæc quidem sunt,
 quas hoc loco enumerat Senex, nec quadripartita diuisione,
 ut uidetur, contentus, nec omnes uirtutum species per-
 secutus: sed harum mentione facta, reliquas nobis cognatas
 subintelligendas relinquens.

O pulcherrimæ, inquam ego: quàm magna in spe su-
 mus. Si quæ auditis, inquit, intellexeritis, & ad habitum
 eorum perueneritis. At enim quàm maximè attendemus,
 inquam ego. Saluandi igitur, inquit, estis.

Quantum corpori præstat anima, tantum & ipsius
 pulchritudo, quæ in uirtutibus consistit, corporis formæ
 quantum uis excellenti & eximia antecedit. Unde nō ma-
 le hac permotum Hospitem exclamantem facit, O pulcher-
 rimæ, & simul indicantem, in quàm magnam spem uene-
 rint.

rint. Intelligit autem eam, quæ superius ipsis Senis oratione facta est, cum diceret: Si attenderitis & dicenda perceperitis, prudentes & beati efficiemini. Atque hac quidem ipsos minime frustrandos esse, inquit Senex, si quæ ab ipso dicuntur, intellexerint, & in habitum ducere curauerint: quod cum se facturos polliceantur, saluandos illos esse asserit, hoc est, beatos efficiendos: quod qua ratione fiat, sequentia ostendunt.

Cum igitur eum receperint hæ, quoniam abducunt? Ad matrem suam, inquit. Ea autem quæ nam est? Beatitudo, inquit.

A Virtutibus ad Beatitudinem hominem duci facit autor, quam ipsarum matrem esse statuit, idque mea sententia admodum conuenienter. Nam omne totum partibus est prius natura, ut uolunt philosophi, & inductione quadam probat Hippodamus Thurius in opere de Beatitudine. Cum igitur Beatitudo totius, Virtutes autem ad eam collata, partium rationem obtineant, ac proinde his sit prior, merito mater earum ab autore nostro esse fingitur. Ceterum id ipsum ut melius intelligamus, prius quid sit Beatitudo constituendum esse uidetur. Est autem neque aliud quicquam, quod magis omnium scire interest, quam quid sit Beatitudo: neque rursus de quo maior est inter omnes dissensio, cum non uulgares modo à sapientibus hic plurimum dissideant: sed hi etiam ipsi, eius quæ de hoc est controuersia occasione, in uarias sectas sint diuisi. Causa autem tanta dis-

Z z ij crepan-

crepantia, ut summatim complectar, est, quod non ad totam eam omnes, sed alij ad aliam eius partem cogitatione deducti, aut aliquid certe eorum, quæ instrumentorū ipsi usum præstent, hæc pro tota ipsa sint amplexi. Atque huius rursus ipsius magna ex parte occasio est, uitæ generis, quod quilibet sequitur, discriminē. Itaq; uidere est, uulgarium alios, ueluti pecora, pronos atq; ueniri obediētes omnem felicitatem in uoluptate ponere: alios uero quæstuosos in diuitijs. Qui autem his paulo sunt erectiores & actiuos magis honorem, ad quem animosæ partis ratione naturalem quodammodo conciliationem habemus, summi boni loco sectantur. Alij uerò rursus & his ipsis magis adhuc humo excitati celsioresq; facti, hæc omnia, tanquam infra hominis dignitatem posita, despicientes, prudentiā, quæq; cum hac necessario coherent, uirtutes reliquas ueram esse beatitudinem uolunt. Animaduertunt enim hi, quam mentis & cogitationis actiue occasione, ad uirtutem & honestatem conciliationem sortiti sumus. Quemadmodum & alij arbitror eam, quæ nobis est ad præstantissimarū, sublimium & diuinarum rerum cognitionem propter mentem & cogitationem contemplatiuam, qui ab omnibus civilibus munijs & mundi huius occupationibus sese abducunt, & uitam uiuentes sublimipetam, quietæq; commentationi ac meditationi indulgentes in contemplatione & sapientia tanquam bonorum extremo acquiescunt. Rursus autem nonnulli ueluti perspicaciores, non unum aliquod
ex his,

ex his, sed uel duo, uel plura coniungentes beatitudinem
esse statuunt. Qui uero omnibus eam numeris absolutam
nobis proponerent, aut nullus, aut certè rarissimi inueni-
sunt, & hi ipsi, nescio quomodo, non ubique satis sibi consen-
tanci. Verum has nunc examinare opiniones, minimè no-
bis propositum est: sed illud potius inquirere, quenam uera
sit beatitudo, & ex quibus partibus constet. Caterum no-
bis nunc sermo, non de ea, quæ alterius & aterna est uita:
sed quæ hic obtineri potest: quæ est alterius illius imago quæ-
dam & similitudo. Cum igitur hæc beatitudo, ut omnium
notione comprobatur, commoditas prosperitasq; uita &
actionum sit, quam Græci *εὐνομία* & *εὐτυχία* nominant,
non in alio certè, quàm cum naturæ hominis absolutione
perfectioneq; cum in sufficienti rerum affluentia & abun-
dantia consistet. Atque hoc quidem ita se habere nō aliun-
de melius perceperimus, quàm si hominis naturam diligen-
tius aliquanto intueamur. Primum igitur quòd ex corpo-
re constet & anima, atque hac quidem ut domina, illa ue-
rò ut seruo: quodq; anima rursus ex tribus illis partibus
quaratione explicatum est, ad se mutuo affectis ijsq; quas
diximus, instructis facultatibus, quasi compacta & coa-
gmentata sit, ex ijs, quæ in precedentibus disseruimus, sa-
tis nunc perceptum existimo. Quare hoc loco, ea tanquam
hypothesis quædam, sint subiecta. Illud igitur quod his pro-
ximum est consideremus, ijs instructus, quas comemorau-
mus, facultatibus, quaratione in hoc mundo collocatus sit,
id est,

id est, quis ordo ipsi datus, & cuius muneris colendi efficien-
 diq; causa natus & in lucem editus sit. Sanè quod deo qui-
 dem longè sit inferior, brutis autem animalibus præstan-
 tior, nemo est qui ignoret. Nam deus quidem, cum natura
 sit bonus, naturaq; beatus, ipse ex seipso aptus, & omni ex
 parte perfectus est. Bruta uerò animalia rationis expertia
 cum sint, neque uirtutis, neq; beatitudinis sunt capacia. Ho-
 mo autem, utpote horum in medio constitutus, cum ratio-
 nis & actionis sit compos, & uirtutis & beatitudinis par-
 ticeps fieri potest: sed cum harum neutram natura habeat,
 partim quidem insitis causis huc proficit, partim autem
 externarum indiget. Ac præcipuè quidem potissimumq;
 diuini numinis auxilio gratiaq; suppeditatione ipsi est o-
 pus, quòd ex hoc inexhausto fonte omnis sapientia & quic-
 quid usquã est boni uberrimè promanet. Iam uerò & alijs
 quibusdam adminiculis, quæ dei quæpiam sunt hominibus
 ad bonum tanquam instrumenta, ut doctoribus, præce-
 ptoribus, magistris, legibus, & consimilibus quibusdam, de
 quibus mox dicemus. Neque uerò hæc solum, quantum ad
 iam dicta pertinet, animaduertenda existimo: sed etiam il-
 la non minus, Deum hominem, quod rectè indicauit Eury-
 phamus Pythagorus, præstantissimū animal, huius mun-
 di incolam atque habitatorem fecisse, propriæ quidem na-
 turæ dignitatis consortem: rerum uerò dispositionis atque
 ornatu spectatorem. Quare tum nomina rebus imposuit,
 ipsarum character effectus, tum literas inuenit, memoriæ
 thesau-

thesaurū ipsas comparans. Sed & uniuersi designationē
 & apparatus imitatus est, iure ac legibus ciuili cōmuni-
 tate cōiuncta & cōsociata. Neq; enim quicquā aequē mun-
 di decorem exprimit, & dñs dignū opus ab hominibus desi-
 gnatum est, quā cīuitatis bene legitimeq; constitutæ con-
 iunctio, & legum ac reip. descriptio. Hominum enim unus-
 quisque, cū ipse per se nullus sit, ne ad uitam quidem de-
 gendam, communi concordia & reip. consociatione tum
 ipse per se suppetat, tum ad totum perfectumq; commu-
 nitatis cætum congruens & aptus efficitur. Ex quibus Eu-
 ryphami uerbis colligere est, hominem tum ciuem munda-
 num esse, & in hac quasi rep. eum obtinere locum, ut bestia-
 rum & terrenarum & aquatiliū & uolatiliū, quod
 & sacra docent literæ, simpliciterq; terrenorum commo-
 dorum omnis in ipso sit dominatus, ipse autem rursus deo
 sit subiectus: tum congregabile natura & ad societatem
 communitatemq; ciuilem accommodatum animal, non so-
 lum sermonis reliquarumq; animi opportunitatum occa-
 sione, quod acutissimè libro primo Politicorum docet Ari-
 stoteles, sed etiam usus & indigentia, cū tantum absit,
 ut ad commoditatem prosperitatemq; uitæ quilibet per se
 peruenire possit, ut ne uiuere quidem omnino extra hanc
 societatem posse uideatur. Est enim omnino homo sibi reli-
 ctus, animal imperfectum. Absoluitur autem & perfici-
 tur, partim quidem à causis insitis atque innatis: partim
 uero ab externis & aduentitijs. Et ab internis quidem, in-

A a a genij

genij bonitate, uirtutis indole, uoluntate & electione. Ex-
 ternis uerò, tum diuini numinis, ut dictum est, auxilio gra-
 tieq; suppeditione, quæ qua ratione ipsi contingant, &
 quomodo insit a causæ his cooperentur, non male, ut genti-
 lis, mihi tradidisse uidetur Euryphamus, cùm inquit: τὸ
 μὲν γὰρ λόγῳ τυπωτικός ἡμῶν, καὶ καλῶν καὶ ἀγαθῶν νοσητικός καὶ τῶ
 ὁρθῶς ἀπὸ γῆς ἀνακεκλιδός, καὶ ἐς ὄραν ἐκ τοῦ λέγειν, καὶ διὰ τῶν ἀνω
 τάτων νοσητικός ἡμῶν, ταῦτα δὲ, καὶ τὰς ἐκ τῶν διῶν ἐπισης υφ' ἑαυτοῦ
 τυχε. τῶ δὲ βέλῃσι ἔχειν ἡ ψυχῇσι, & ἀρχὴν ὅτι ἐὰν τῶ πιαύτην,
 καὶ ἀρκύρις ὅτις ἐν τῇ καὶ ἀρετῇ ἐπιτα δεύσαι, ἡ κακία χαλῶσαι,
 καὶ διὰς πεπιδύσαι, καὶ ἀπὸ διῶν ἀποτραπῆναι, ταῦτα δὲ καὶ
 αὐτὴν κινεῖς δι' ἡμῶν τὸς ἑαυτοῦ. διὸ καὶ φῶν καὶ πᾶσι, καὶ τιμῇ καὶ
 ἀπηνίας, τὰ μὲν, τὰς ἐκ τῶν διῶν, τὰ δὲ, καὶ τὰς ἐκ τῶν ἀνδρώων τυγ-
 χάνοντι τοῖσι καὶ ἀρετῇ, ἡ κακία χαλῶσάντες. id est, Nam quate-
 nus rationis informatiua ui pollet, & honesta ac inhonesta
 animo concipere potest, & humo erectus & celsus effectus
 est, ac cælum intuetur, & ad summorum deorum cogita-
 tionem assurgit: hac uerò parte deorum auxilij compos est
 factus. Quatenus uerò uoluntatem & electionem obtinet,
 principiumq; in seipso huiusmodi, quo dominus est & uirtu-
 tis exercenda, & uitij confectandi, & ad deos sese appli-
 candi, ab ipsdemq; auertendi: eatenus sanè ex se & sua spon-
 te moueri potest. Quare & uituperationem & laudem,
 ignominiam & honorem, tum quæ à deo est, tum quæ ab
 hominibus assequuntur, qui aut uirtutis, aut uitij sunt æ-
 muli: tum ea, quæ Cræcis ἐνοῦλα dicitur, id est, legum præ-
 stantia & uirtute, quæ in duobus, ut quarto Politicorum
 docet

docet Aristoteles, consistit, tum ut ipsæ leges recte sint constitutæ, tum ut ipsis recte positis obtemperetur. Quod cum præcipue in magistratu sit situm, erit nimirum & is aliqua, nec ea minima externarum, quas diximus, causarum portio. Ad hæc & parentes, præceptores, magistri, concionatores, ij qui in privata confessione homines instruunt, & quicunque amicorum & admonitorum personam sustinent. Omnes enim hi, si recte officio suo fungantur, dictu mirum, quantum ad hominem perficiendum contulerint: ut contra plurimum oblaferint, uel officio deferendo, uel uitiose ac malignè præstando. Et hominis quidem perficiendi hæc & his consimiles sunt causæ. Est autem eius perfectio duplex: altera, quæ in natura eius spectatur: altera, quæ in uita: & ab illa quidem bonus appellatur, ut pote uirtute præditus: ab hac uero & beatus. Est enim beatitudo, uitæ humanæ perfectio, & quædam cum sit. Ceterum cum uita humana, actionum quadam coniunctio congregatioque sit, eadem & εὐπραγία seu εὐεργαλία non male appellatur. Videamus igitur, huiusmodi εὐεργαλία in quibus consistat, & ex quibus ueluti partibus coniungatur. Hippodamus certe Thurius & Euryphamus Pythagoreus uirtute hæc & fortuna contineri uolunt: sed ita de fortuna loquuntur, ut hic per τυχὴν seu potius εὐτυχίαν, externa appellata bona, cum ijs, quas habent, commoditatibus, oportunitatibus, & usibus intelligere uideatur, quemadmodum & Criton in ijs, quæ superius ipsius sunt citata, cum de Fortuna ageremus. In-

Aaa ij quit

quit igitur in opere De uita hoc modo: Nam beatitudo perfectio & complementum est humanorum bonorum. Quamobrē rursus uirtus & secunda fortuna partes sunt eius, quæ ipsis subiecta est uita: ut uirtus quidem, anima locum obtineat: secunda autem fortuna corporis: utrumque uerò simul, animalis. Alterius enim est rectè uti ijs, quæ secundum naturam sunt, bonis: alterius uerò usum sui præbere. Et rectè quidem uti, uirtutis: usum autem sui præbere, fortuna est secunda. Et illius quidem, tum uoluntatem, tum rationem rectam præstare: huius uerò opera & actiones. Nam quæ honesta sunt uelle, ardua quæ sustinere, uirtutis proprium est: rectum autem cursum tenere, uoluntatis: ad finem autem actiones perducere, secunda fortuna. Nam dux uirtute & fortuna uictoriam consequitur: & gubernator arte secundis uentis usus prosperè nauigat: & oculus rectè uidet acuminis uisus & luminis beneficio: ac uita hominum optima efficitur & propter uirtutem ipsam, & propter secundam fortunam. Et hæc quidem Euryphami sunt uerba: quæ manifestè, ea, quæ diximus, significatione, *εὐρυφάμης* nomine ipsum uti declarant: primum quod uirtutem, in beata uita, anima & utentis locum obtinere, fortunam autem secundam, corporis & instrumenti, quodque sui usum præstat, uelit. deinde quod in subiyciendis seu exemplis, seu similibus, secundis uentis & lumini ipsam adsimilet, quorum utrumque medijs & instrumenti cuiusdam rationem sustinet. Quare eius nimirum hæc de beatitudi-

ne

ne erit sententia, ut uirtutem eam esse dicat suppediatam: à qua opinione nec Aristotelem alienum esse patet, in quibus inquit, τὸ δὲ κολῦει λέγειν ἐν δ' αἰμονα, τὸν καὶ ἀρετὴν τε λείαν ἐνεργοῦν τε, καὶ τοῖς ἐκτὸς ἀγαθοῖς, ἡκανῶς κεχορηγημένον, μὴ τοῦ τυχόν τε χεῖρον, ἀλλὰ τὸ τοῦ βίου. id est, Quid igitur prohibet, quo minus beatum dicamus eum, qui secundum perfectam operatur uirtutem, cuique externa abunde satis suppedi-
tant bona, non cuiusuis temporis spatio, sed totius & perfecte uitae. Unde recte Cicero libro de Finibus bonorum & malorum secundo inquit, Aristotelem ad constituendam beatitudinem, uirtutis usum, cum uita perfecta, id est, integra ac tota, prosperitate coniunxisse. Hippodamus autem Thurius, quod & superius est indicatum libro commentariorum tertio, per secundam fortunam diuinio-rem quam-
dam causam intelligere uidetur, ipsam nimirum diuini numinis omnia gubernantis prouidentiam, quanquam interdum cum hac & fortunae appellata bona coniungat, cum inquit: Ei enim, qui prudentiam habet, secunda fortuna, & bona, & utilis est: & bona quidem, propter usus cognitionem: utilis uero, quod actionibus adiumento sit. Praclarum igitur, cum fortuna secunda menti coniungatur, quasi secundo currentem uento, ad uirtutem intuentem actiones dirigere, perinde ut gubernator ad astrorum motus. Sic enim non solum deum sequetur, sed etiam humanum bonum cum diuino coniunget. At qui & hoc manifestum est, quod ex animi affectione & actione uita diuersi-

Aaa ij tas

tas pendeat. Neceſſe eſt enim, animi quidem affectionem uel bonam, uel malam eſſe: actionem autem, aut felicem, aut infelicem. Et affectionem quidem bonam, quæ uirtutis eſt particeps: malam uerò, quæ uitioſitatis. Actiones autem, felices, in ſecunda fortuna: Ad rationis enim arbitrium terminantur & concluduntur: infelices, in aduerſa. Nam euentu & quaſi conſuſione fruſtrantur. Neque uerò id mirum uideri debet, quòd ea, in quibus ſecunda & aduerſa fortuna uerſari creditur, bona, cum diuina coniungat prouidentia. Nam eius opinionis fuiſſe uidetur, quam ego longè omnium ueriſſimam exiſtimo, eos, qui deum ſequuntur, & uirtute animum inſtruere conantur, ipſi præcipuè curæ eſſe, eoq; non ſolum ipſis, quātum expediat, & corporis & externorum bonorum ſuppeditare: ſed etiā, quod maius eſt, efficere ut quæ abſolute quidē ſemper ſunt bona: alicui uerò non ſemper, ut quinto Ethicorum inquit Ariſtoteles, ipſis quoque ſint bona: ut & huic in duobus his conſiſtat uniuerſa hominis beatitudo, uirtute nimirū, & diuina circa ipſum prouidentia, cuius & pars eſt quæpiam, corporis & externorum bonorum, cum opportunitatibus & uſibus ſuis, ſuppeditatio. Atq; hæc quidem ipſius de beatitudine ſi ſententia eſt, ut mihi ex eo, quod eius de beatitate habemus fragmentum, conſcienti propemodum uidetur, non multum à ueritate abeſſe ipſam indicem, neque multum abhorrenſia ab ijs ſtatueri, quæ libro primo Originum, ſeu Antiquitatum Iudaicarum ſcribit Iosephus.

phus, & caput esse vult totius doctrinae, quae libris suis continetur. Uniuersè igitur, inquit, hoc maximè quispiam ex hac discat historia, si eam perlegere uelit, qui dei quidem uoluntatem sequuntur, & quae rectè legibus sunt constituta transgredi uerentur, ijs, supra quàm sperari possit, omnia prosperè euenire, præmiūq; beatitudinem a deo propositam esse. Quatenus autem ab horum exquisita obseruatione recedunt, impedita quidem & quæsitū difficilia redduntur, & quae parabilia sunt maximè & expedita: conuertitur autem ipsis in calamitates immedicabiles, quodcunque tandem boni, ut ipsis uidetur, agere conantur. Caterū ut semel sermonem hunc absoluamus, & quid beatitudo sit concludamus, dicimus, cum tria sint, ut Peripatetici uolunt, bonorum genera: & alia quidem anima: alia uerò corporis: alia autem præter hæc, quae externa uocantur bona: in horum ad se mutuo symmetria, id est, moderatione, & quasi temperamento ac conuenientia, uniuscuiusque beatitudinem consistere. Porro hanc æstimandam esse ex ea, quae cuiq; imposita est persona, tum in ipso uniuerso, tum ciuili, & omnino qualibet societate. Exempli causa sit priuatus quispiam, neque in ecclesiastica aliqua dignitate constitutus, nec cum potestate publica uel imperio ullo. Hunc, si quidem tantam diuinarum rerum cognitionem habeat, ut secundum rectam opinionem, quae symbolis, decalogo, alijsq; similibus ad uulgi institutionem accommodatis compendijs continentur, quæq; in

concio-

concionibus à pijs ac prudentibus diuini uerbi dispensato-
ribus ipsi proponuntur, aut etiã priuata in confessione, in-
structione discere potest, animo perceperit: ea autem pietate
ac iustitia præditus sit, ut & deum & diuina secundum
catholicæ ecclesiæ ritum, à Christo, Apostolis, & apostoli-
cis uiris ac patribus acceptum, religiosè colat, & manda-
ta reuerenter obseruet: ad hæc autem neq; ea cõmuni desti-
tutus sit prudentia, quæ rectè domui suæ præesse possit, &
quam exercet artem, commode & utiliter exercere, & si-
cubi quid eũ fefellerit, uel in arte, uel in re fam. aut omni-
no in uita, quæ ferè humanarũ rerum conditio est, & se pe-
ritiorem consulere, & rectè monentem sequi: animi insu-
per ea sit tum magnitudine & robore, ut nec in artis operi-
bus, nec in rei fam. administratione mollitie & ignauia im-
pediatur, strenueq; quæ ad uitam degendã sunt neceßa-
ria, comparet, & aduersa, si quæ occurrant, fortiter ferat:
tum lenitate rursus, ut amico aut etiam alij cuius apud
ipsum & cognoscendi & ignoscendi detur peccati locus, il-
ludq; Pythagoræ obseruare queat,

Μὴδ' ἐχθαίρει φίλον σὺν ἀμαρτῇ δὲ καὶ ἡμῶν μικρὸς
ὁ φρενὶ δούλῳ. δούλῳ γὰρ ἀνάγκη ἐχθρὸν ὕμῃ εἶναι.

Porro autem & eius sit temperantia ac modestia, liberali-
tatis & iustitiae, ut nec à uentre & uoluptatibus abductus
opus suum & officium deserat: sed deo, ecclesiæ, rationi re-
ctæ, legibus, magistratibus, omnibusq; simpliciter superiori-
bus debitam obedientiã præstet, minime curiosè in ea in-
quirens,

quirens, quæ ab ipsis aguntur ac præscribuntur: nec illius præcepti immemor,

Μὴ διαπαντὶ παρὰ καὶ ἐν ὅπῃ καλῶν ἂν ὦσιν
Μὴ δ' ἀνελθὼν ἐξ ἰδίου μέτρον ὅτ' ἐπὶ πάντων ἄριστον.

aut effusè sumptū faciat, aut parcè atque restrictè nimium: neque uerò auarè pretium arti statuatur suæ, & quomodo-
cunque per fas nefasq; opes opibus accumulare studeat, sed honestis ac legitimis rationibus sibi necessaria comparet: in summa quis ipsi ordo & in mundo, & in rep. & in re fami-
liari, & alia quavis societate datus sit intelligens, & supe-
rioribus & inferioribus & aequalibus suum unicuique pro cuiusq; dignitate tribuat: atque his quidem animi dotibus ornatus sit: corporis autem & sensuum ea sanitate, firmitate ac forma uigeat, quæ ipsius uitæ generi maxime est conueniens: quod uerò ad externa attinet bona, diuitias, generis honestatem, amicos, bonam existimationem, poten-
tiam, reliquaq; id genus suæ conditioni cōsentanea habeat, hunc inquam ego uerè beatum existimem, & in suo gene-
re non minus, quàm alium quemuis, cui etiam hæc omnia decuplo ampliora contigerint. Sic enim instructus, id est, eò animæ & corporis perfectionis cum peruenierit, eaq; externa bona, uitæ quasi instrumenta, adeptus fuerit, suo optime officio satisfaciet, ac proinde commodè prospereq; aget & uiuet, quod Græci ἐν πράξει & ἐν ζῆνι uocant, idemq; esse secundum communem intelligentiā statuunt τὸ βδελύκεν. Rursum autem sit, ut aliquis publicam personam sustineat,

Bbb

stineat, ut Senatoris. In hoc, quoniam consilio & prudentia remp. regere debet, ut susceptum munus commodè expleat, & per hoc beatitudine sibi conueniente fruatur, liberalis doctrina atque ingenua, & diuinarum atque humanarum rerum notitia haud uulgaris requiritur, ut quorum theologi ac philosophi scientiam sunt asecuti, his ipse sit eruditus. Ad horum autem modum & pietatem ac religionem auctas esse oportet. Caterum prudentia in ipso summa sit necesse est: animi autem fortitudo, non tanta quidem, quanta in imperatore & exercitus duce, sed quæ quàmmaximè suo sit conueniens officio. Atque ut summarim de reliquis uirtutibus, corporis & externis bonis dicamus, omnium horum modus ex officio personæ, quam in rep. tueri debet, metiendus est, ut & hunc tum conuenientem sibi beatitudinem asecutum dicamus, cum hæc omnia & ad se mutuo & ad personam, quam gerit, debitam symmetriam ac conuenientiam obtineant. Et id quidem si in omnibus alijs seruetur personis, non solum singule, sed & tota ipsa resp. hoc modo beata est futura, non secus, arbitror, quàm totum corpus sanitate fruatur, omnibus in eo tum similaribus, tum instrumentarijs partibus ad naturæ suæ absolutionem perductis. Ac ipsius quidem beatitudinis substantia, notioni eius quàmmaximè consentanea, hæc fuerit. Causæ autem eius, formalis quidem, uirtutes, eæque potissimum, quæ rationis sunt compotis animæ partis, & quæ ab his proficiuntur actiones: materialis autem

tem

tem & instrumentaria, corporis & externa bona: efficien-
tis uerò rationem obtinent, tum quas superius & insitas &
externas hominis absolutionis diximus causas, tum artes,
exercitationes, experientia, reliquaq; his finitima, quorum
partim ad animum, partim ad corpus, partim ad externa
referuntur bona. Cum autem ipsa beatitudo sit finis, non
alia finalis hic est quarendae causa, nisi quis forte eam, quae
hominis est, ad reip. aut etiam totius beatitudinē referen-
dam censeat. Sed noster autor in Stoicorum dogmatibus
acquiescens, in sola uirtute beatitudinem ponit, hancq; sibi
ad omnia sufficere uult: quod, ut aliquo genere fortasse mi-
nimè absurdum, ut postea ostendemus, ita, qua Stoici id ra-
tione intelligunt, non modo falsum, sed etiam impium pla-
nè uideatur, eoq; magis, quòd ne ipsam quidem uirtutem
nos deo acceptam referre debere arbitrentur. Sed his expli-
catis, iam ad nostrum autorem reuertamur, ostendamusq;
rectè beatitudinem uirtutum matrem ab ipso dici, non so-
lum ob id quòd totius ad ipsas rationem subeat, ut prius est
dictum: sed etiam quòd finis, ex quo, tanquam radice qua-
dam, omnia quae ad ipsum referuntur nasci & produci ui-
dentur: cuius etiam occasione, optimè uirtutum mater bea-
titudo indicabitur.

Cuiusmodi autem haec est? Vides ne uiam illam, quae
in sublime illud ducit, quod omnium est ambituum arx?
Video. Atqui in uestibulo mulier quaedam constanti æ-
tate ac honesta forma in alto folio sedet ornata liberali-
ter, & minimè operose, & corona florida admodum pul-

Bbb ij chrè

chrè redimita. Ita serres habere uidetur. Hæc igitur Beati-
tudo est, inquit.

Pulchra hæc est & exquisita Beatitudinis descriptio,
in qua singula diligentius sunt considerata. Nihil enim
otiosum in hac, nihil superuacaneum: sed quodlibet certam
quandam uim obtinet. Illud igitur primum, quod in sum-
mo ipsam collocat, extremum bonorum & finem eam esse
ostendit, in quo tutè acquiesci potest. Deinde quod summū
illud, ἀκρόπολις, id est, summam ciuitatem, quam nos ar-
cem sumus interpretati, facit, eo significare uult, summam
humanae uitæ, ut prius traditum est, hanc esse perfectionē.
Tertio uerò, quod in uestibulo, & alto solio eam sedere in-
quit, id partim nobis, quod exposita accessuq̃ facilis ijs, qui
per uirtutes ad ipsam contendunt, partim quod celsæ, con-
stātis & firmæ sit naturæ declarat. quod item per constan-
tem ætatem indicari arbitror. Est autem constans ætas,
(Græci καδεσικήαν ἡλικίαν nominant, & qui hanc habent ui-
ros quidem, etiam absolute καδεσκήοτας, mulieres autem
καδεσκήας, quod hic à nullo interpretum animaduersum
miror, maximeq̃ quod non nihil alioqui incōmodi hæc ora-
tio habere uideatur, quæ stantem sedere faciat) media in-
ter ἀκμήν, quam superius μέσση καὶ κεκριμένη ἡλικία nomina-
uit, & senectutem, ut docet Galenus in explicatione illius
Hippocratis aphorismi, cuius initium est, Senes tolerantif-
sime in diem ferunt. Inquit enim hoc modo: καδεσκήοτας δὲ
λέγει διανοῶσι τοὺς τὴν μέσσην ἔχοντας ἡλικίαν ἀκμῆσ τε καὶ γήρως, ὡς
πάντα

πέντε δὲ μὲν ἡδὲ τὰ τῆς αἰκίας, μὲν δὲ πῶ δὲ μὲν δὲ μὲν αἰδουσι σαφῆ
 γήρως ἔχει, ὅτῳ δὲ καὶ οὐκ οὐδὲν εἶπε, τὸν γὰρ τῆ καὶ δεσπικῆς ἡλικίας,
 id est: Constantis autem etatis dicit nimirum eos, qui me-
 diam etatem obtinent inter summum incrementum & se-
 nium, ut quæ summi quidem sunt incrementi iam cessent,
 nondum tamen manifestus senij sensus adsit. Sic uerò &
 Thucydes inquit, eos, qui constanti sunt etate. Ac uocis
 quidem καὶ δεσπικῆς hæc uis est & potestas. Sed hoc loco nec
 illud prætermittendum arbitror, quod nobis ad hunc lo-
 cum rectius explicandum non inutile est futurum, Cicero-
 nem eodem, quo hic Hippocrates, modo, in libro de Senectū-
 te, etates, quadrifariam distinxisse, ac unicuique suum
 quoddā ac proprium, nō corporis ratione, ut medicum, sed
 animi potius, ut philosophum, cuius hic personam sustinet,
 tribuisse, cū inquit: Cursus est certus etatis, & uia una
 natura, eaq̃ simplex, suaq̃ cuiq̃ parti etatis tempestiuitas
 est data. Ut enim infirmitas est puerorum, & ferocitas iu-
 uenum, & grauitas iam constantis etatis, sic senectutis
 maturitas naturale quiddam habet, quod suo tēpore perci-
 pi debeat. Et Ciceronis quidem uerba, quibus etatū disci-
 mina proponit, hæc sunt, quæ ut à pluribus & leguntur,
 & passim in scholis præleguntur, ita à paucissimis intelligi
 sat scio. Quare ea hoc loco, præcipuè autem, quòd maximā
 in se & ad plurima utilitatem contineant, latius aliquan-
 to explicare non grauabor, à tali principio exorsus. Cū
 primum in lucem editus est homo, quòd continuò, alia eta-

Bbb ij te aliam

te aliam excipiente, ad senectutem, tanquam extremum
 uitæ actum, progrediatur, neque à posteriore aliqua etate,
 ut de *Aesone* fabulantur Poëta, ad priorem ipsi detur
 regressus, id uerò omnibus manifestum esse existimo: atque
 id est, quod Cicero inquit, cursum ætatis certum esse, &
 uiam naturæ unam, eamq̃ simplicem. Quod uerò deinceps
 sequitur, ad id pertinet, ut ætatum discrimina notentur.
 Inquit igitur, suam cuiq̃ ætatis parti, quas & ipsas ætates
 appellare non raro solemus, tempestiuitatem esse datam,
 id est, propriam quandam conditionem & opportunitatem.
 Et pueritiæ quidem infirmitatē, non illam corporis,
 quam & ipsam tamen habet, quod quis forsitan ex præcedentibus
 suspicetur (neque enim uerisimile est, cum reliqua ad animum
 pertineant, hic ipsum ad corpus respexisse), sed animi, quam
 Græci ἀρετῆς ἀφαιρέσις appellant. Neque uerò male hanc ei
 ætati affectionem tribuisse mihi uidetur, quod & quemuis
 alium iudicaturum existimo, si diligentius aliquanto & ætatis
 huius naturam, & affectionis rationem ac conditionem
 contemplatus fuerit. Nam cum in hac ætate maximè
 dominetur, ac propemodum sola uigeat ea animæ pars,
 quæ cupiditatis est, ratio autem in hac, quoad usum
 certè, aut nulla, aut imperfecta sit, fit ut in corporeas
 uoluptates, ad quas eius partis, ut dictum est, occasione
 conciliationem naturalem obtinet, & quæ in his uersantur
 uitia tota propendeat, nec sese firmare ac continere ullo
 modo possit. Quare rationis externæ indiget, quæ ipsam
 ducat

ducat & contineat, dolore quidem & metu à vitijs & noxijs uoluptatibus absterrens: uoluptate autem naturali ac præmijs alicuius, quæ ea maximè ætas capitur, spe ad uirtutem & honestatem alliciens atque excitans. Ad hæc autem, cum quasi cerea sit tota, sibi relicta diffluit: commodum autem institutorem nacta, ad eius facile arbitrium formatur & fingitur. Optima itaque ratione infirmitas pueritiæ à Cicerone est tributa, id est, ea affectio, quæ sese à vitijs & noxijs uoluptatibus qui in hac sunt constituti continere nequeunt. Sed & adolescentiæ seu iuuentuti (nam hæc uoces pro eodem non raro, licet aliàs distinguantur, usurpat Cicero, itaq; libro de Inuentione primo, consimili ut hic modo ætates diuidens, quos hic iuuenes, ibidē adolescentes uocat) conuenientissima ratione ferocitatem assignat, quod in hac plurimum polleat animosa pars. Itaque ut illa uoluptaria, sic hæc bellicosa est. Utrique autem & corporis, quæ animi facultati & affectioni respondeat, constitutio est data: illi quidem humidior, mollior, & delicatior: huic uerò compacta magis, nervosa & robusta. Iam uerò & tertiæ illi, quam constantē ætatem nominat, optimo iure grauitatem dat, siue per hanc uocem illam deservit intelligamus, cuius libro sexto Ethicorum mentionem facit Aristoteles, siue uitæ morumq; seueritatem in dictis factisq; elucentem. Nam utraq; eius est, quæ ad munera publica & ciuilia obunda iam habilis & apta est, hoc est, politica, quod cuius anima seu partis, seu facultatis, itemq;

conci-

*conciliationis occasione ipsi accadat, ex superioribus manifestum est. Sed & in hoc corporis habitudo huic animæ constitutioni pulchrè consentit. Neque enim, ut præcedentis illius ætatis, maximis uiribus firmissimòq; robore pollet, ut uehementissimis illis & uiolentissimis bellicis exercitationibus & motibus par sit: neque rursus, ut senectutis, prorsus imbecilla est & inualida: sed medio quodam modo affecta, ut ciuilibus obeundis negotijs facile sufficiat. Senectuti autem, utpote corporis uiribus destituta, sapientia autem & prudentia ex multiplici rerum usu, & ætatis progressu instructa, maximè conuenire maturitatem, non solum ex hoc cognoscere est, quòd consilio, in quo, si usquam alibi, illud certè Græcorum non ignobile prouerbum, *ἡ δὲ βέλτερος*, obseruandum est, plurimum ualeat: sed etiam, quòd in hac, anima alteri iam uitæ, quasi matura & cocta, parata, deo & natura iubente, nullo negotio à corpore auellatur. Atque hæc quidem uerborum Ciceronis, mea opinione, est sententia. Nunc ad autorem reuersi, quamobrem constantis beatitudinem ætatis esse fingat, accuratius consideremus. Videtur enim aliquo modo hæc minus ipsi conuenire ætas, sed uel, quam postremo tractauimus loco, senectus, & non ea solum ratione, quòd & senectus & beatitudo, ambo extremi finisq; rationem obtineant, hæc bonorū, ætatum illa: sed etiam, quòd omnia animi bona in hac ætate ad summum uideantur perducta: uel ea, quam superius Veræ disciplinæ tribuit, quæ non modo adolescentiæ &*

constan-

constantis huius, uerum etiam omnium simpliciter aetatum in medio est constituta, Graecis ἀνθρώπου dicitur, quasi aetatis acumen, in qua facultates omnes ad summam à natura uidetur perducta absolutionem. Quid igitur ad haec dicemus? An scilicet senectutem quidem idcirco ab auctore nostro ipsi non datam, quod inclinationis cuiusdam, occasus ac interitus rationem quodammodo subeat, & non sic finis sit, ut gratia cuius aliquid fit, sed ut proximè rei dissolutionem & corruptionem praecedens? Quod autem in ea animi bona ad summum peruenisse dicantur, id nihil ad rem facit. Nam auctor à rebus apparentibus & corporis constitutionibus similitudines ducit, quas ad res ad animum pertinentes applicet. Ipsum autem summum incrementum, quod per aetatis feruorem Ciceronem indicare uoluisse arbitror, eam ob causam beatitati minus conuenire uidetur, quod concitatoribus adhuc ea aetas utatur motionibus. Quare Vera disciplina aptior erit, cui cum ignorantia & Falsa eruditionis persuasionem alijs quod id genus monstris pugnandum est. Beatitudini autem ea magis consentanea, quae paci & quieti accommodatior, & politica superius esse dicta est, in qua & aetatis ille feruor iam deferbuerit, nec ulla tamen inclinationis adhuc appareat nota. Et eam quidem ob causam hanc ipsi aetatem dedit auctor. Ornatam autem liberaliter & non operose idcirco eam dicit, quod ἀνθρώπου, de qua superius est dictum, eius pars non minima sit. Eamque adeo ob causam Aristoteles ex hac de

Ccc Beati-

Beatitudinis substantia constituere libro primo Ethicorum conatur. Corona uero florida pulchrè admodum ipsam redimitam facit, simul perpetuam eius uiriditatem & florem indicare uolens, simul quod uitæ dignitatis maximū sit & firmissimum ornamentum. Et hæc quidem apud autorem nostrum Beatitudinis est descriptio, & descriptionis uis & potestas. Nunc quod eiusdem sit opus & officium, audiamus.

Atenim huc quis cum accesserit, quidnam ipsa facit? Coronat ipsum, inquit, sua facultate ac uis Beatitudo ac reliquæ Virtutes omnes, ut maximorum certaminum uictorem.

Qui ad Beatitudinem accedit, coronari ab ipsa, inquit, & omnium quidem, quæ inueniri possunt, coronarum genere præstantissimo, ipsius nimirum uis & potestate, quæ cuiusmodi sit, paulo post explicabit. Consimili autem modo & à reliquis Virtutibus. Nam & harum qualibet sua uis ipsum coronat. Itaque ut à Beatitudine beatus redditur, sic & à Prudentia prudens, Fortitudine fortis, Temperantia temperans, Iustitia iustus, & reliquarum qualibet pari ratione nomen sortitus. Neque uero gratuito hanc ipsi coronam conferri, inquit, sed propter uictoriam, quam ex maximis certaminibus ab hostibus teterrimis reportauit, quæ cuiusmodi sint, deinceps subiicit.

Et quorum tandem certaminum hic uictor extitit, inquam ego. Maximorum, inquit, & maximarum belluarum, quæ prius ipsum depascebant, cruciabant, & in seruitutem

uitutem adducebant: has omnes deuicit, & à se abegit, seque in suam ditionem & potestatem redegit, ut illæ nunc huic seruiant, perinde ut hic illis prius.

Quorum certaminū uictor hic extiterit, & cuiusmodi ea sint, quæ deuicerit, docere aggreditur. Et primo quidem, cum duo sint bellorum genera, ut prius est dictum, alterum intestinum & quasi ciuile: alterum uero externum, utriusque ipsum uictorem pronūciat. Nam & quæ extrinsecus in animum irruerunt, uel potius obrepserunt uitia profligauit, & inferiores animi ratione carentes partes insolentius sese efferentes coercuit ac repressit, & subtractionis imperiū subiunxit. Sed qua ratione autor hasce duas nobis describat uictorias, operæpretium est intueri. Itaque cum inquit, & maximarum belluarum, quæ prius ipsum depascebant, cruciabant, & in seruitutē adducebant: has omnes deuicit & à se abegit: externi nobis belli uictoriā proponit, quo immanes & tetras illas belluas, Incōtinentiam, inquam, Luxuriam, Inexplebilem auiditatem, Assentationem, & Vitam uoluptariam, quæ, ut superius uidimus, ipsum depascebant & indignis accipiebant modis, ac omnibus tandem exutum & spoliatum sibi seruire cogebant, deuicit & profligauit. Cum uero, seque in suam ditionem & potestatem redegit, ut ille nunc huic seruiant, perinde ut hic illis prius, quod seditionem & discordiam in animo concitatam sedarit, ostendit, & affectus rationi obsequentes fecerit. Neque enim aliud quicquam est, ipsum

Ccc ij seipsum

seipsum uincere, & sub imperium suum subiungere, quam efficere ut ratio quidem & rationalis animæ pars domine-
tur & rerum potiatur: affectus autem & quæ irrationa-
les sunt, pareant & obsequantur, ut per prius illud ipsum,
animæ pars præstantior, quæ mentis nimirum & rationis
est compos, per posterius seipsum, duæ reliquæ rationis ex-
pertes cum affectibus suis, qui uirtutum & uitiorum, ut su-
perius est dictum, sunt materia, intelligantur. Ceterum
quoniam non solum uitia & uitiosi animi affectus, quas
perturbationes appellamus, sed etiam duæ hæ inferiores
animæ partes & ipsarum affectus, qui uirtutis & uitio-
rum sunt materia, ratione carent, nõ minus hæ quàm il-
la belluæ appellari possunt, eo quod ad finem huius oratio-
nis habetur, ut illæ nunc huic seruiant, perinde ut hic illis
prius, sic accipiendum est, ut per illa, non uitia & pertur-
bationes, quæ nobis seruire & usui esse nequeunt: sed eas,
quas diximus animæ partes cum affectibus suis uirtutis &
uity capacibus, intelligamus.

Quas nam dicis has belluas? Admodum enim audire
desidero. Primum quidem, inquit, Ignorantiam & Erro-
rem. An non tibi hæ belluæ esse uidentur? Et tetra qui-
dem certè, inquam ego. Deinde Aegritudinem & Luctū
& Auaritiam & Incontinentiam, & reliquam uniuersam
uitiositatem: omnibus his superior, nõ inferior discedit,
ut prius. O pulchra, inquam ego, facta, & pulcherrimam
uictoriam.

*Si quis superiora rectè sit asecutus, ei quæ hic dicuntur
facilli-*

facillima sunt. Nam quæ superius in primo ambitu hominem occupare dicebantur mala, eorum nonnulla hic enumerat, esseq; eas belluas, inquit, à quibus uictoriam, qui à Beatitudine coronatur, reportauit. Rectè autem & hæc facta pulchra iudicat hospes, & uictoriam pulcherrimã, cum hæc ad uerã pulchritudinẽ, id est, honestatem pertineant, nec alia ulla uictoria sit maior aut præstantior. Nam, ut inquit apud Platonem libro de Legibus primo Clinia Cretensis: τὸ νικᾶν αὐτὸν αὐτὸν, πασῶν νικᾶν πρῶτον τὸ καὶ ἀρίστη. τὸ δὲ ἡττᾶσθαι αὐτὸν ὑπὸ ἑαυτοῦ, πάντων ἀρχισόντε ἅμα & ἡμίσεον. id est, Ipsum seipsum uincere, omnium uictoriarum prima & præstantissima est. A seipso autem ipsum uinci, omnium est turpissimum & pessimum. Atque hæc quidem Clinia uerba alterius nobis uictoria præstantiam ostendunt, eius nimirum, qua internus motus & seditio comprimitur. Alterius uero, uel potius utriusque simul magnitudinem libro Naturalium quæstionum tertio his uerbis nobis proponit Seneca: Quid præcipuum in rebus humanis est? Non classibus maria complese, nec rubri maris litore signa posuisse, nec deficiente terra ad iniurias aliorum errasse in oceano ignota quærentem: sed animo omne uidisse, & qua nulla est maior uictoria, uitia domuisse. Innumerabiles sunt, qui urbes, qui populos habuere in potestate: paucissimi qui se. Et rursus libro Epistolarum decimo: Id agamus, ut nostrum omne tempus sit. Non erit autem, nisi prius nos nostri esse cœperimus. Quando contingeret contemnere

Ccc ij utranque

utranque fortunam? quando contingeret omnibus oppressis affectibus, & sub arbitrium adductis, hanc nocem emittere? uici. Quem uicerim queris. Non Persas, nec extrema Medorum, nec si quid ultra Dacas bellicosum iacet: sed auaritiam, sed ambitionem, sed metum mortis, qui uictores gentium uicit. Atque hæc quidem uictoriæ huius tum magnitudinem, tum præstantiam satis mihi ostendere uidentur: quare ad sequentia pergamus.

Sed illud insuper mihi explica, quæ huius coronæ uis sit, qua ipsum redimitum esse inquis. Beatifica o adolescens. Nam qui hac uis coronatus est, beatus redditur ac felix, nec in alijs beatitudinis spem positam habet, sed in seipso. Quàm pulchrum uictoriæ præmium narras.

Explicata in prioribus uictoria, nunc cuiusmodi sit uictoriæ præmium (sic enim uictoria uertendum existimo) docere aggreditur. Est autem id, corona eiusque uis, qua ipsum prius redimiri dixit, qui ad Beatitudinem accederet. Inquit igitur eam esse beatificā, id est, ut ipse exponit autor, qua beatum reddit ac felicem, eum nimirum, cui hæc contingit. Sed qua ratione dicat aliquis, inquit autor, quòd non in alijs beatitudinis spem positam habeat, sed in se ipso. Hoc autem nihil aliud est, quàm quod Stoici dicunt, ὅτι ἐν τῇ ψυχῇ ἡ ἀρετὴ πρὸς τὸ εὖ διαπορεύεσθαι. id est, In quo uirtus sit ei nihil deesse ad beatè uiuendum. Quod quidem si sic intelligamus, ut, in quo uera perfectaque sit uirtus, eum omnis uirtutis auctori deo hæc sic commendari dicamus, ut peculiarem eius

curam

curam gerens omnia affatim ipsi in hac animi recta constitutione perseveranti suppeditet, ac quaecunque instituat, prospere euenire faciat, & uera, & meo iudicio, nostrae religionis dogmatibus consentanea fuerit sententia. Ut Stoi ci autem illam intelligunt, & falsa & impia, de quo aliàs à nobis dictum est. Et coronæ quidem hæc fuerit uis & facultas: quam merito Hospes admiratus inquit, Quàm pulchrum uictoriæ premium narras. Reapse enim eius dignitas, omnium militarium coronarum, quantumuis uariæ sint & multiplices, splendorem & fulgorem, non solum longo intervallo post se relinquit, sed etiam obscurat atque penè obruit, non secus ac solis clarissima lux exiguum lucernæ lumen.

Sed cum coronatus fuerit, quid facit, aut quò pergit? Suscipientes ipsum Virtutes ad illum deducunt locum, unde prius uenerat, atq; ei ostendunt, quam improbè & miserè, qui ibi uersantur, uiuant, & quomodo in uita naufragium faciant, errent, & tanquam ab hostibus uicti & subacti abducantur, alij ab Incontinentia, ab Arrogantia alij, alij ab Auaritia, ab Inani gloria alij, & alij ab alijs malis: ob quæ ærumnis ijs sese exolucere nequeunt, quibus implicati constrictiq; tenentur, ut salui & incolumes huc perueniant: sed per omnem uitam tumultuantur. Id autem ipsis accidit, quòd, quæ huc ducit, uiam inuenire nequeunt. Obliti sunt enim præcepti illius, quod à Numine acceperant. Rectè mihi dicere uideris.

Quid coronatus deinceps rerum agat, & quò uadat, hac oratione docet autor. Summa autem eorum est, ipsum
animo,

animo, prudentia, & ceteris uirtutibus ducibus, uniuersam hominum uitam perluſtrare, ac ueluti relegendem errata retrorſum animaduertere, quàm multiplici uitio ſitate contaminentur homines, quot miſerijs & moleſtijs implicentur, quàm uarijs iactentur caſibus, quàm ſepe uitæ rationes euertant, & quaſi naufragium faciant, in quanto uerſentur errore, denique quàm turpiter in uiuorum ditionem & poteſtatem redacti, tanquam crudeliſſimis tyrannis, alijs ſeruiant, nec ſeſe exoluere ac expedire calamitatibus & miſerijs his queant, ut uel tandem liberati & ſeruati ad Beatitudinem perueniant. Huius autem cauſam eſſe inquit, uia ignorationem, quæ ideo illis accidit, quòd hauſta ignorantia potione, de qua ſuperius ſatis copioſè diſſeruimus, Numini præcepti, quod paulo poſt cuiuſmodi ſit exponet, ſint obliui.

Sed & illud ruruſus dubito, quamobrem Virtutes illum ipſi locum commonſtrent, unde priuſ uenerat. Non exquiſitè nouerat, neque ſciēbat, inquit, quicquam eorum, quæ ibi agerentur: ſed ambigebat, & propter ignorantia & errorem, quē hauſerat, quæ bona non ſunt, bona eſſe exiſtimabat, & quæ non ſunt mala, mala. Quam ob cauſam & malè uiuixit, perinde ut reliqui, qui ibi uerſantur. Nunc uerò utilium & conducibiliū adeptuſ ſcientiam tum ipſe honeſtè uiuit, tum alioſ cōtemplatur, quàm malè & miſerè uitam degant.

Cauſam hoc loco exponit, cur in uitæ anteactæ contemplationem, & uariorum ac multipliciū errorū & perturbationum.

turbationum, quæ in eam incurrere solent, eum, qui à Beatitudine coronatus est, deducant Virtutes, eamq̃ esse innuit, ut multiplici morum & ingeniorum cognitione instruat, uitæ humanæ eiusq̃ morborum peritus euadat, ut ab his & se incolumem seruare possit, & alios liberare. Nam medici cuiusdam personam, ut proximè dicetur, agere debet. Atq̃ hæc quidē est causa & finis, cur in hanc contemplationem à uirtutibus deducatur, quam sub finē propositæ orationis indicare uidetur autor, ubi inquit, Nunc uerò utilium &c. Sed quoniam suspicari aliquis posset, eum, qui huc ad Beatitudinem peruenisset, uitæ humanæ peritia instructum iam fuisse, idcirco id prius docet, nihil eorum, quæ ad uitam pertinent, solide ipsi perceptum fuisse, ut nimirum sciuerit,

-Iustum gemina suspendere lance
Ancipitis libræ rectum discernere, ubi inter
Curua subit, uel cū fallit pede regula uaro.

Sed ipsum propter ignorationem & errorem, quem in primo ambitu hauserat, ambiguo & suspensio fuisse animo, eoq̃ in bonis habuisse & utilibus, quæ talia minimè essent: & contrà in malis & inutilibus, quæ uel bona, uel media ac indifferentia existerent. Porro autem, cū sic affectum rectè uitam instituere, ex ijs sit, quæ fieri nequeunt, & hic similiter, ut alij, temere in uita oberrauit. Neque enim is sibi curæ esse potest, recteq̃ negotia sua administrare ac regere, cui sua cognita exquisitè non sint. Sua autem cogni-

D d d ta ha-

ta habere nemo potest, ut in Alcibiade priore docet Plato, qui non se ipsum prius nouerit: hoc autem est, animā suam perspectam habuerit. Quare ab hoc, tanquam optimo quodam initio, animi inquam quosdamylā, ei auspicandum est, qui tum ipse sibi, tum alijs recte praeesse debeat. Ceterum quae ratione ac uia in animi cognitionē uenire debeamus, superius est explicatum, & certē apud Platonem in Phaedro, ipsius methodi formam cōmode delineatam uidemus. Sic enim ipsi demum contingere poterit, ut sanus, & à graui illa ignorantia & erroris ebrietate sobrius factus ac frugi, tum quae sibi ipsi utilia sint & conducibilia intelligat, ac proinde bene beateq; uiuat, tum in communem uitam quasi descendens, quod omnino tanquam ad perpendiculum ipsi fiet, id est, ut nusquam à recto declinet (nam siue in sublime feratur, ad deum diuināq; contemplanda se erigens: siue in generationem delabatur, tanquam medicus quidem communē hominū inuisens uitam, rectum semper uitae cursum tenebit, in nullo ab honesti ratione deflectēs, ut nō male tertio commentariorū in Euclidē libro dixerit Proclus: ἵστανται ἢ μὲν πρὸς ὀρθὰς ἀναζωμεν, μιμησάμενοι ζωὴν ἡγεμεν εἰς ὕψος ἀπὸ τῶν κατωτέρων, καὶ ἀχράντως αὐτῶν καὶ μενέσσαν ἀλλήλων πρὸς τὰ χεῖρον ἢ δὲ καὶ πρὸς ζωὴς μὲν εἰκὼν εἶναι κατὰ σὺν τῇ καὶ ὁδοῦ, καὶ τῇ γένεσιν ἀριστίας ἢ ἀναπαραμυδίας. id est, Quae quidem ad rectos angulos erigitur linea, uitam à summis sioribus his & humilioribus in altum sublatam exprimit, & castē integreq; asurgentem, quaeq; ab omni se seruet ad deterio-

deteriora inclinatione. Perpendicularis autem eius est uita imago, quæ deorsum quidem uersus descendit, nec tamen eius impletur, quæ in generatione est, infinitatis) ad uirtutum, quas secum habet, normam omnia, quæ ibi uel fiunt, uel dicuntur, exploret, & quàm multifariam peccetur, partim quidem errore, partim uerò animi perturbatione animaduertat, quorum prius nihil propter animi prauitatem & distortionem cognoscere poterat, quod tortuosum & curuum nec sui, nec recti norma esse queat, sed rectum utriusque, quòd quicquid cum hoc congruit, & ipsum rectum sit oportet: quod uerò discrepat, curuum ac distortum.

Cum igitur omnia contemplatus fuerit, quid facit, aut quòd pergit? Quocumq; uoluerit, inquit. Vbi uis enim ipsi securitas est, perinde ac si Corycium antrum incoleret: & quocumque peruenerit, per omnia honestè uiuet cum summa securitate. Alacri enim & prompto animo omnes eum excipient, sicut medicum, qui aduersa ualitudine laborant.

Ex ijs, quæ modo à nobis sunt dicta, de ipsius tum ascensu, tum descensu, hæc intelligere haud difficile fuerit, maxime uerò si quis & eorum meminerit, quæ superius de uirtutibus sunt disputata. Inquit igitur omnia hoc modo contemplatum, & uitæ humanæ peritum effectum, quocumq; uoluerit, ire posse, id est, ad quodlibet uitæ genus se applicare, aut, ut exquisitiùs dicamus, quacumque persona aut à deo, aut necessitate, aut casu aliquo ipsi imposita fuerit, uel suo

Ddd ij etiam

etiam arbitrato suscepit, eam aptè & decorè agere, nihilo hic histrionibus inferiorem. Itaque siue ad diuinorum contemplationem assurgat, siue in generationem descendat: & siue priuatus sit & subditus, siue publico aliquo munere fungatur & cum potestate sit ac imperio: rursusq; siue senatorij sit ordinis, siue equestris, seu cuiuscunque tandem alterius, & rectè suo satisfaciet officio, & quod Simonides difficillimum iudicat, ut ex Sopatri quadam epistola, cuius apud Stobæum extat fragmentum, est intelligere, sic quadratus erit, ut in omni fortuna rerumq; mutatione tutè consistat, tum ad magistratus, tum ad subditos se accommodans, & uiceuersa ad se omnes: uniuersam autem omnium diuersitatem cum una honesti ratione contexens. Quare quocunque constitutus fuerit loco, ut noster inquit autor, ubiuis ipsi securitas est, perinde ac si Coryciū antrū incoleret: quod quid sibi uelit, mea quidem sententia, dicam. Vetus fuisse prouerbiū uidetur, τὸ κωρύκιον ἀντρον εἶναι, id est, Corycium antrum incolit: quo significare uolebant, aliquem à piratis prædonibusq; tutum esse. Inde autem id natum esse uidetur, quod narrat Suidas, cuius hic uerba subiiciā. κώρυκος, inquit, τῆς πᾶμφυλλας ἀκρωτηρίου, παρ' ᾧ πόλις ἀττάλεια ἐνταῦθα οἱ ἀπὸ τῆς πόλεως ἵνα μὴ δῦν αὐτοὶ κακῶς πάσχωσι ἀπὸ τῶν ἐφορμούντων ἐπὶ τὴν ἀκραν λισιῶν, ὅτε πολλὰ τῶν ὁμῶν πρὸς τοὺς ἐν ἄλλοις λιμέσι ὁρμῶντας κατηκροῶντο, καὶ τοῖς λισιῶσι ἀττήγελον καὶ τίνας εἰς ἱκανοὺς πλεῖστον. id est, Corycus Pamphyliae est promontorium, iuxta quod ciuitas Attalea est. Hic eius ciuitatis incolæ,

incolæ, ne ipsi aliquo afficerentur incommodo à prædonibus, qui sese in promontory arcem receptabant, ad eos, qui in alijs portibus uersarentur, huc atque illuc profecti sub auscultabant, prædonibusq; renunciabant & quiescent, & quò nauigarent. Hactenus Suidas. Duplicis autem adagij hæc res occasionem dedisse uidetur. Alterius quidem, Corycaus auscultauit: quod, ut cætera, doctissimè explicat Erasmus Rot. patria nostra decus. Alterius uerò, quo hic noster utitur autor. Nam cum, quibus hi se coniunxerant, reliquos quidem omnes spoliari animaduertent, his autem nihil incommodi accidere, dicere inter se cœperunt, τὸ κορυκαίου ἀντροῦ ἐχέει. non quod ea, quã dixi, ciuitas in antro posita fuerit, sed nō procul ab antro. Atq; hæc quidem mea sententia huius loci uera explicatio fuerit, quod, ut illi, quocunque tandem proficiscerentur, nihil sibi à prædonibus metuerent, sed in summa securitate uersarentur, ita & huic nihil à uitis & fortuna similibusq; monstris esset metuendum, sed tutissimum iam esse, & expeditam securitatem habere. Quam enim adfert Ioannes Camers, Possidens Corycium antrum, inquiens, securus est quocunque libuerit peragrarè, quòd illic neque nimio frigore, aut solis æstu, neque uolentis uentis, neque importunis imbribus, aut niuibus, neque immanibus animalibus leditur quouis modo: leta præterea loci amœnitate afficitur mirū in modum. ea præterquam quòd ficta esse uideatur, cum neque apud Strabonem, neque Solinum, neque Pomponiū

Ddd ij Melam,

Ne lam, nec alium omnino ullum, quod sciam, aut talis loci illius temperiei, aut ad habitandum commoditatis fiat mentio, etiam huic loco parum congruit. Sed quilibet de hoc, ut uolet, statuatur: nos autem ad sequentia pergamus. Nam qua ratione optimum hic animæ medicum agere possit, ut non immerito tam alacri & prompto animo excipiat, ex precedentibus est manifestum.

An igitur & mulieres illas, quas belluas esse dicebas, non amplius metuit, ne quo ab illis incommodo afficiatur? Nihil. nequaquā enim perturbabitur nec ærumna, nec agritudine, nec incontinentia, nec auaritia, nec paupertate, nec alio ullo malo. Nam in omnia dominatur, omnibusq; superior est, quæ prius ipsum affligebāt, quem admodum qui uiperinū morsum sunt experti. Nam cum feræ reliquos certè omnes ad mortem usq; crucient, illos non lædunt, eo quod remedium in promptu habeant: sic nec hunc lædunt illa, quod præsentī remedio sit instructus. Recte mihi dicere uideris.

Quæ hic ab autore dicuntur, aperta sunt, nec explanationis ferè indigent. Videtur autem Horatius ex iisdem notionibus, secundo Sermonum libro, hominem liberum describere, cum inquit:

*Quis nam igitur liber? sapiens, sibi qui imperiosus,
Quem neq; pauperies, neq; mors, neq; uincula terrēt.
Responsare cupidinibus, contemnere honores
Fortis, & in se ipso totus teres atque rotundus:
Externi ne quid ualeat per leue morari.
In quem manca ruit semper fortuna.*

Inquit

Inquit igitur ipsum turpi uitiorum seruitute excusa, & perturbationibus quidem profligatis, affectibus autem sub rationis imperium subiunctis, in summa animi tranquillitate ueraque libertate uersari, nec quae ipsum antea excarnificabant amplius metuere, eo quod iam prudentiae & uirtutis antidoto aduersus haec omnia sit instructus: quod appositae quadam *ἡ τοῦ κτεροῦ* similitudine docet. Nam ut hi, qui uiperinum morsum sunt experti, periculo cautiores redditi, remedio sese aduersus uenenatorum morsus & ictus ceteraque incommoda muniunt, ita & ille uitiorum prauitate percepta ac cognita, praesenti uirtutis, ut dictum est, antidoto contra uitia sese instruxit. Atque, mea quidem sententia, huius loci haec uera est explicatio. Nam quod dicunt nonnulli, ut propemodum auctoris uerba sonare uidentur, hoc ipsum scilicet, a uipera morsum fuisse, ipsis remedium contra uenena omnia esse loco, id an uerum sit nescio, cum apud nullum ueterem autorem & fide dignum scriptorem, quippiam huiusmodi inuenerim. Nam quod serpentes nec *Phyllis* nec *Atarsis* noceant, id ad genus ipsorum referunt, quemadmodum & aliorum quorundam uenenatis resistendi uim, ad alias quasdam causas.

Sed hoc insuper mihi explica. qui nam sunt hi qui illic a colle aduenire uidentur? & alij quidem ipsorum coronati, laetitiam quandam praeseferentes; alij uero carentes corona, qui reprobati quidem tum cruribus, tum capitibus fractis comminutisque uidentur, a mulieribus autem quibusdam detinentur? Coronati quidem, Disciplinae

nae

næ præsidio incolumes euaserunt, eamq; consecuti gaudent. Qui autem corona carent, hi partim à Disciplina reprobati reuertuntur, malè miser etq; affecti: partim ignauia deficientes, cum ad Tolerantiam ascenderint, rursus reflectuntur & per deuiâ oberrant.

Nec quæ hic ab autore dicuntur, multum difficultatis habent, ut eorum explicationi diu sit inhaerendum. Duo enim genera eorum, qui à colle descendunt, facit. Alterum eorum, qui à Beatitudine coronati, Virtutibus ducibus ad uitam communẽ inspiciendam descendunt: de quibus iam antea satis est dictum. Alterum uerò eorum, qui aliquousque progressi, ex itinere non absoluto cursu reuertunt: quorum tamen, alij alijs longius prouecti, hi quidem superatis affectibus non solum ad Continentiam & Tolerantiam usque conscenderunt, sed etiam ad ipsam adeo Verã disciplinam peruenerunt. Verùm ab hac quasi desperati reprobantur, quòd sint uel ὀφείδοι, uel κινδύνοι immodicè, aut falsis prauisq; opinionibus sic mentes imbutas habeant, ut elui nullo modo possint: quod hodie pro dolor multis hominibus, alioqui forsitan non malis, usuuenire uidemus, qui aut re semel audita, ad unius se auctoritatem contulerunt: aut communem, uel ciuitatis, uel regionis errorem secuti, ad eum tanquam ad saxum adherescunt. Illi uerò inferius subsistentes, ac aliquousque quidem affectibus resistentes, paulo post ignauia deficientes succumbunt, & tanquam canes, ut in prouerbio est, ad uomitum suum reuertuntur, & quod reliquum est uitæ in summis erroribus

bus & perturbationibus degunt.

Cæterum mulieres, quæ ipsos comitantur, quænam hæ sunt? Aegritudines, inquit, Aerumnæ, Anxietates, Ignominia & Ignorantia. Omnia mala ipsos comitari aſris. Per Iouem, inquit, omnia comitantur.

Eos, qui ad pristina reuertuntur uitia, & ea inquit comitari mala, quæ Punitiōi coniuncta esse, superius traditum est: quod rationi quàm maximè consentaneum esse, nemo est, qui nesciat: ut nec illud obscurum arbitror, ignominiam & infamiam tam turpiter uitis manum dantes & honesto uitæ proposito excidentes sequi. De ignorantia autem, satis in superioribus est dictum, & ex ijs facile intelligere licet eam de qua nunc loquitur, τὴν ὑπὸ δαδίων ἐν, id est, eam quæ secundum affectionem est.

Cum uero in primum hi ambitum reuersi fuerint ad uitam uoluptariam & Incontinentiam, non seipſos accusant: sed confestim tum Disciplinam, tum eos qui illuc contendunt maledictis insectantur, quod calamitosi, ærumnosi & miseri sint dicentes, qui ea, quæ apud ipsos agitur uita, relicta miserè uiuāt, nec ijs, quibus ipsi, fruantur bonis. Quænam uerò bona esse dicunt? Luxuriam & Incontinentiam, ut quis summatim dicat. Nam pecorum more uesci, maximis frui bonis esse existimant.

Quod hic ab autore ijs, qui nō absoluto cursu, uel à Vera disciplina reprobati, uel ignauia deficientes, reuertuntur, tribuitur, id uerò eiusmodi est, ut non aliud sit malum, quod hodie latius regnet, & plurimum hominum animos occupet. Nam cum infinita propè eorum sit turba, qui lite-

E e e rarum

rarum studia, liberales doctrinas atq; ingenuas sectentur, paucissimi autem ex his, qui dignum aliquem laboris fructum percipiant, uel quod non rectum studiorum finem sibi propositum habeant, uel quod legitimi ueritatis amatores non sint, ut ipsam rebus omnibus praeponendam censeant, uel quod laborum quidem sint fugitantes, ad uoluptatem autem propensiores, uel alia tandem quauis causa: omnes certe hi dum sese frustratos animaduertiunt, alios uero, licet paucissimos, cum in proposito rectoq; uita instituto firmiter permanserint, omnibus facile molestijs deuoratis, summa aut iam tenere, aut certe strenue eo contendere: tum ipsam philosophiam, & ueras ac legitimas scientias petulantissima lingua conspiciunt, tum eius sectatores angue peius oderunt, & maledicta in eos omnia conferunt. Neque uero id mirum uideri debet, immo contra potius, ni id facerent, mirandum esset. Nam ut ingeniorum & morum ac uita similitudo amicitiae, ita dissimilitudo odij, ceterorumq; quae huic comitantur, est causa: ut quispiam adeo dum ab Epicureis istis Pseudoeuangelicis, quibus non in parietibus, non in columnis, non in anulis, quod minus certe esset malum, quod haud magno negotio inde uel elui uel eradi posset: sed in ipso corde ipsisq; adeo praecordijs illud Sardanapali incisum est,

Hac habeo, quae edi: quaeq; exaurata libido

Hausit: at illa iacent multa & praeclara relictæ.

aut in conuiuijs parum sobrijs se rodi, aut in circulis seditiosis

tiosis uellicari intelligat, non solum non dolere & animo contrahi, sed etiam letitia efferri debeat, quod illis displiceat, qui nullis bonis placere possunt. Sed ut ad nostrum reuertamur autorem, cetera quidem apud ipsum aperta sunt: illud autem quid sibi uelit, quod inquit, Luxuriam & Incontinentiam, ut summatim quis dicat, breuiter explicemus. Dictum prius est, Incontinentiam, quæ Pythagoreorum & Stoicorum est sententia, matrem omnium esse uitiorum. Quare in hac reliqua aliquo genere continentur, eoq; qui huius mentionem facit, & reliquorum quodammo do meminisse uidetur. Itaque ne uitia omnia enumerare nunc cogatur, Incontinentiæ cetera inclusa esse significat, dum inquit, ut summatim quis dicat.

Cæterum aliæ mulieres, quæ illinc reuertuntur hilari uultu & ridentes, quænam uocantur? Opiniones, inquit, quæ cum ad Disciplinam deduxerint eos, qui ad Virtutes ingrediuntur, redeunt ut alios adducant, renuntientq; beatos iam effectos, quos dudum deduxerunt.

Opiniones hominem ducere, dictum quidem superius ab autore est, & à nobis explicatum: dicetur autem & nunc, hoc etiam insuper adiecto, quousque hæc tandem progrediatur. Intelligere autem opinionem nunc oportet communiori quadam ratione, pro omni nimirum cognitione, qua infra scientiam est, siue ex anticipatione eam habeamus, siue ex probabili, aut uerisimili argumentatione ipsam duxerimus. Scire igitur oportet, neminem aliquid agere

Eee y aut

aut omnino etiam instituere, quod non prius aliquo modo sibi agendum, aut instituendum persuaferit. Itaque qui eò nondum absolutionis peruenerunt, ut adhibita scientia de rebus omnibus constituere possint, hos necesse aut in communi intelligentia, aut in probabilitate quadam acquiescere, quod totum opinionis esse statuimus. Quare opiniones quidem ad Veram usque disciplinam progredi, rectè facit autor: hinc autem reuerti, quod in illarum locum disciplina & scientia successerit, res longè solidior ac constantior. Ceterum quod inquit, has reuerti, ut alios adducant, renuncientq̃ beatos iam effectos, quos dudum deduxerunt, id ex ijs, quæ iam sunt dicta, cuius manifestum. Existimantes enim alij, quos uirtute conspicuos uident, beatos esse, & ipsi illis similes euadere contendunt.

Nunquid igitur, inquam ego, hæc ad Virtutes introeunt? Minime, inquit. Neque enim fas est Opinionem ad Scientiam ingredi: sed Disciplinæ ipsos tradunt. Deinde cum disciplina eos acceperit, alios rursus deducturæ reuertuntur, ut naues expositis oneribus rursus reflectuntur, & alijs quibusdam implentur.

Intertium ambitum Opiniones non ingredi dicit, eius autem causam esse, quòd in eo Scientia uersetur, & ut prius dictum est, primam ingredientibus se offerat. Fieri autem non potest, ut contraria duo simul sint in eodem, secundum idem, & eodem tempore, & quæcunque alia, distinctionis loco huic propositioni sint adhibenda. Ceterum contraria quedam esse opinionem & scientiam, hinc cognoue-

gnoueris, quòd illa fluctuans quapiam res sit & incerta, quæq; tum uera, tum falsa esse possit: hac autem firma, stabilis, semper uera. Quare ad Disciplinam tantum usque progreditur, cumq; ea, quos ad ipsam adduxit, acceperit, regreditur, non secus, inquit, atq; naues, expositis oneribus, renauigant, ut rursus alijs, quæ aduehant impleantur.

Hæc quidem certè mihi pulchre, inquã, explicasse uideris. Verùm illud nobis nondum indicasti, quid nam Numen eos, qui in uitam ingrediuntur, facere iubeat. Bono animo esse, inquit. Quare & uos bono animo esto te. Omnia enim explicabo, nec quicquam prætermittã. Recte dicis, inquam ego.

Dictum à nobis secundo commentariorum libro est, duo quapiam Numini ab autore tributa esse: alterum quidem, commonstrare uiam, qua incedere debeant, qui in uitam ingrediuntur: alterum uerò, ijs imperare, quid facere oporteat. Et de priori illo, superius quidem percunctatus est Hospes, quæq; ad hunc usque locum sunt dicta, nò aliò pertinent, quàm ut illi satisfaceret percotatiõni, ut prius etiam diximus. Nunc autem alterum illud sibi explicari cupit Hospes, quidnam Numen eos iubeat facere, qui in uitam sunt ingreßuri. Quod quidem primum hic breuiter facit Senex: statim autem in sequentibus & prolixius. Inquit igitur, Numẽ iubere bono animo esse, sic enim τὸ δαῖμον ἐνὶ ἐμὲ interpretor. Quod nihil aliud sibi uult, quàm, ut in uitam certa cum spe & fiducia ingrediamur, neque metuamus hoc

E e ij quasi

*quasi mare transmittere, supra omnem nos semper attol-
lentes fortunam. Caterum iubet Senex & ipsos hospites
bono animo esse, seq̃ pollicetur omnia quæ & ad hanc par-
tem attinent explicaturum, neque quicquam prætermis-
surum.*

*Extensa igitur manu rursus, uidetis, inquit, mulierem
illam, quæ cæca esse uidetur, & in lapide globoso insiste-
re, quam etiam dudum uobis dixi Fortunam appellari?
Videmus. Huic fidem non habere iubet, neq̃ firmi quip-
piam credere, nec stabilis habere, quicquid ab ea quis ac-
cipiat, nec proprium ducere. Nihil enim prohibet, quo-
minus hæc rursus eripiat, & alteri largiatur. Sæpenume-
ro enim hoc facere solet. Et hanc certè ob causam iubet
ad ipsius dona se submittere, neque gaudere, cum dede-
rit, neq̃ angere, cum abstulerit: ac nec ipsam uituperare, nec
laudare. Nihil enim consulto facit, sed temere & fortuito
omnia, ut prius dixi.*

*Quæ hoc loco de Fortuna Numen præcipere inquit Se-
nex, ea intelligere ex ijs, quæ de Fortuna à nobis superius
sunt disputata, haud difficile fuerit. Nam rei omnis ratio-
nis & consilij experti credere, Numen, id est, principem il-
lam legem rectamq̃ rationem uetare inquit, eò quod quæ
temere & nullo consilio fiunt, fere infelicem sortiuntur exi-
tum. Itaque iubet omnia, quæ ab ipsa offeruntur, semper
suspecta habere, eò quod parum firmæ & stabilis sint natu-
ræ: nec horum quicquam proprium ducere. Nam ut supe-
rius est dictum, tanta in Fortuna donis muneribusq̃ in-
constantia est, ut quos paulo antè summis opibus cumula-
rat,*

rat, eosdem non ita multo post omnibus exuat. Et hanc re-
 tē ob causam præcipit, ad ipsius dona se submittere, sic e-
 nim πρὸς τὰς εὐχὰς δόξας ἡμῶν ἵκνῃται, interpretor. Quanquā
 hoc loco dubium aliquandiu mihi fuit, an πρὸς potius le-
 gendum esset. Ceterum dubitandi occasionem Seneca uer-
 ba dederunt, libro tertio Quæstionum naturalium, quæ
 hic, quod ad auctoris uerba intelligenda usum aliquem ha-
 bere uideantur, adscribere non grauabor. Sunt autē hæc.
 Quid est præcipiū? Erigere animum supra minas & pro-
 missa fortunæ: nihil dignum putare, quod speres. Quid e-
 nim habet dignum quod conspicias? Quia à diuinorum con-
 templatione quoties ad humana recideris, non aliter cali-
 gabis, quàm quorum oculi in densam umbram ex claro so-
 le rediere. Quid est præcipuum? Posse leto animo aduersa
 tolerare, quicquid acciderit sic ferre, quasi tibi uolueris ac-
 cidere. Debuisses enim uelle, si scisses omnia ex decreto dei
 fieri. Flere, queri, ingemere, desciscere est. Quid est præci-
 puum? Animus contra calamitates fortis & contumax,
 luxuriæ non aduersus tantum, sed & infestus, nec audus
 periculi, nec fugax, prosperitatem non expectans, sed ad-
 uersus utrunque intrepidus & inconfusus, nec illius tumul-
 tu, nec huius fulgore percussus. Quid est præcipuum? Non
 admittere animo mala consilia, puras ad cælum tollere ma-
 nus, nullum petere bonum, quod ut ad te transeat, aliquis
 possit amittere, optare, quod sine aduersario optatur, bo-
 nam mentem. Cetera magno æstimata mortalibus, etiam
 si quis

si quis domum casus abstulerit, sic intueri, quasi exitura,
 quā uenerint. Quid est precipuum? Altos supra fortun-
 nam spiritus hominis attollere: meminisse, ut siue felix eris,
 scias hoc non futurum diu, siue infelix, scias hoc te non esse,
 nisi cum putes. Et hac quidem Seneca sunt uerba, quae eò
 me inducebant, ut res istas propemodum legendum esse exi-
 stimarem: idq̃ iubere Numen, ut animum erigeremus su-
 pra minas & promissa fortuna, & alios supra omnem for-
 tunam spiritus attolleremus. Sed ab hac sententia me reuo-
 carunt, cum ipsius auctoris uerba diligentius inspecta, quae
 ad secundam fortunam hac parte tantum pertinere uiden-
 tur, tum quae ab Horatio libro Carminum secundo & Te-
 rentio in Phormione dicuntur: quorum ille quidem ad fi-
 nem Odes decimae, iam dicti libri, hoc praeceptum quasi in-
 terpretatus uidetur, cum inquit, - Sapienter idem

Contrahes uento nimium secundo

Turgida uela.

Hic uerò latius etiam explicuisse, cum sic Demiphonem lo-
 quentem facit.

Quamobrem omnes cum secunda res sunt maxumè,
 tum maxumè

Meditari secum oportet, quo pacto aduersam aru-
 mnā ferant.

Pericla, dāna, exilia: peregre rediens semper cogites,
 Aut filij peccatum, aut uxoris mortem, aut mor-
 bum filiae:

Commū-

*Communia esse hac : fieri posse : ut ne quid animo sit
nouum.*

*Quicquid præter spem eueniat, omne id deputare esse
in lucro.*

*Erit igitur auctoris nostri hæc sententia, ut iubeat Numen
rerum copiam atque affluentiam, & omnino secundam
fortunam moderatè ferre, & in hac constitutum iam tum
precipere cogitatione, accidere posse, ut & his omnibus
exuaris, & in alia etiam grauiora incurras incommoda.
Quod uerò deinceps sequitur, Neque gaudere, cum dede-
rit, neque angere, cum abstulerit : ac nec ipsam uituperare,
nec laudare, ex ijs, quæ libro Commentariorum tertio di-
ximus, eum auctoris locum explicantes, Qui gaudere & ri-
dere ex ipsis, inquit, uidentur, hi sunt, quibus fortuna ali-
quid contulit : qui sanè & bonam fortunam ipsam nomi-
nant, & c. quid sibi uelit, est manifestum, quemadmodum
& id, quod ad finem habetur, partim ex Fortuna, partim
ex ipsius operis descriptionis explicatione, quæ eodem, quo
diximus, libro habetur. Quare ad ea, quæ apud autorem
sequuntur pergamus.*

*Ob eam igitur causam iubet Numen non admirari
quicquid hæc fecerit, neque similes effici malis argenta-
rijs. Etenim illi, cum ab hominibus pecuniâ acceperint,
gaudent, propriamque esse existimant. Cum uerò ea ab ipsis
repositur, indignantur, arbitranturque malè secum agi, non
recordantes ea lege hanc ipsis expensam oblatam, qua ni-
hil obstaret, quominus, qui expensam obtulit, eandem*

Fff

rursus

rursus repetat. Pari igitur modo iubet Numen & ad id, quod ab ipsa datur, affectos esse, ac meminisse hac Fortunam natura præditam esse, ut quæ dederit auferat, ac de repente rursus multiplicata largiatur. Rursus autem, quæ largita est eripiat, neque uero hæc tantum, sed & quæ prius quis habuerat. Itaque quæ dederit, accipere ab ipsa iubet, & confestim his cumulatam ad firmam stabilemque donationem contendere.

Aperta planaque sunt, quæ hic ab autore dicuntur. Quare non est, quod his explicandis diutius immoremur. Nam quod inquit, Eam ob causam, quod nimirum nihil consulto faciat, sed temere & fortuito omnia, Numen iubere non admirari quicquid hæc fecerit, id quam uim habeat, antea est explicatum. Ipsa autem collatio, quæ sequitur, ita clarè ab authore cum omnibus suis partibus proponitur, ut qui eam non intelligat, hunc ego nihil unquam intellecturum existimem. Quod uero ad finem habetur, huiusmodi est, ut quæ Fortuna dederit, tanquam commoda ad uitam degendam instrumenta arripiamus: confestim autem ire pergamus ad eam donationem, quæ firma & stabilis est, quæ cuiusmodi sit, sequentia docent.

Quam nam hæc, inquam ego? Quam à Disciplina accipient, si ibi integri incolumesque seruentur. Hæc igitur quæ nam est? Vera, inquit, scientia utilium & conducibilium, & donatio stabilis, firma & immutabilis. Itaque confestim ad hanc confugere iubet.

Quæ nam sit illa stabilis & firma donatio docet, eamque esse

esse inquit, quam à Disciplina accipient, sibi integri incolumesq̃ seruentur, & non uel ab ipsa reprobentur, uel antequam eò peruenerint deficiant. Ceterū hanc esse inquit, Scientiam utilium & conducibilium, ad quam qua ratione perueniamus, prius est explicatum. Ceterū hæc mihi optimè cum ijs congruere uidentur, quæ apud Platonē in Euthydemo à Socrate disputantur: ubi docet τὸ δὲ πρῶτον εἶναι, id est, commoditatem prosperitatemq̃ agendi, non ex ijs, quæ materia & organi rationem subierit, potius, quàm ex usus cognitione, quam scientiam esse uult, pendere. In hac enim illud est stabile, de quo noster hic loquitur autor, firmum & inmutabile. Quare confestim fortuitis illis, tanquam instrumentis quibusdam instructus huc confugere debet, ut rectum quoque illorum usum asequi possit.

Et cum ad illas mulieres deuenerint, quas & prius dixi, Incontinentiam & Vitam uoluptariam appellari, & hinc continuò discedere iubet, nec ullam, ne his quidem, fidem habere, usque eò dum ad Falsam disciplinam perueniant. Ceterū hic ipsos temporis aliquantulum commorari iubet, & ab ea, quodcunq̃ uoluerint, tanquam uiaticum accipere. Deinde hinc discedere, & ad Veram disciplinam illico contendere.

A Vitijs & Voluptaria uita illico discedendum esse, & quamobrem id faciendum sit, ex ijs, quæ prius de his sunt tradita, nulli non cognitum. Hæc enim erant, quæ nos suis blanditijs & assentationibus à recto quidem abducebant, per Punitionem autem reliquaq̃ mala ad ipsam In-

Fff ij felici-

felicitatem deducebant. De Falsa autem disciplina, cur apud ipsam aliquandiu commorandum sit, quidq̃ ab ipsa accipiendum, dictum id quidem partim est superius, partim uerò & inferius dicitur, proximo nimirū libro. Nunc quomodo & hanc explicationis partem concludat Senex audiamus.

Hæc sunt, quæ Numen imperat. Quisquis igitur contra hæc quid facit, aut minus dicto audiens est, malus male perit.

Quæ Numen imperat, hæc, quæ iam recitata sunt & explicata, esse inquit. Caterum quod sequitur, ambiguum est, utrum ad hæc tantum pertineat, quæ præcepti explicationem continent, an uero potius ad uniuersam tabulae narrationem. Ad utrumque enim accommodari potest. Sed quoniam statim alium quendam epilogum subycit Senex, ad proximam explicationis partem hoc ut referamus, melius est. Inquit igitur, quòd quisquis contra hæc, quæ à Numine sunt imperata, facit, nec dicto eius audiens est, malus male pereat: quod uerissimè dictum esse omnes cofiteantur necesse est. Et hic quidem quinti nobis commentariorum libri finis esto.

FINIS.

Iusti

IVSTI VELSII HAGANI

IN CEBETIS THEBANI TA-

BYLAM COMMENTARIO.

RVM LIB. VI.

Sextus & ultimus hic cōmentariorum liber, in duobus potissimum consumetur: altero quidem, ut quid sit id, quod à Falsa disciplina accipere oportet, quantumque in se aut utilitatis, aut inutilitatis habeat (de quo tamen superius copiosissime disseruimus), breuiter, quantumq; enarrationis ratio exigit, ostendamus: altero uerò, ut cōsideremus, sintne ea, quæ à Fortuna dari dicuntur, & proinde fortuita appellantur, in bonis habenda, an non, quæ huic loco & ab autore, & à nobis reservata est, quæstio. Nam de his in hac operis sui parte agit autor, & de illo quidem prius, statim post uniuersalem totius explicationis epilogum, qui apud ipsum talis habetur.

Atque fabula quidem ò hospites, quæ tabula hac continetur, huiusmodi est. Si quid porro sit, quod de horum quolibet insuper percontari oporteat, non defugio. Ego enim id uobis edisseram.

Totius fabulæ explicationis hunc esse epilogum, nemini dubium est. Inquit autem in eo, fabulæ, quæ hac tabula continetur, eam uim esse & significatione, quæ ipsius explicatione hospitibus iam patefacta est. Sed si quid tamen sit, quod nondum plene asecuti uideantur, aut etiam

Fff ij quid

quid ab ipso prætermisum existiment, se causam non dicere, quominus decorum quolibet percontentur. Se enim non grauati responsurum, & singula benignè explicaturum. Quo audito, sic deinceps inquit hospes.

Rectè dicis, inquam ego. Sed quid Numen à Falsa disciplina ipsos accipere iubet? Quæ utilia & commoda esse uidentur. Atenim hæc quænam sunt? Literæ, inquit, & ex reliquis disciplinīs, quas & Plato inquit, quasi freni cuiusdam iuuenibus instar esse, ne in diuersa contorti & deflexi abripiantur.

De priore hoc loco agere incipit, docetq; quænam ea sint, quæ à Falsa disciplina accipere Numen iubeat. Dicit igitur primum ea esse, quæ ὠφέλιμα esse uidentur. Sunt autem ὠφέλιμα, ut & uocis ratio indicat, τὰ καλῶς τῶν χρηστῶν ἔχοντα, id est, quæ honesto usui esse possint. Deinde uerò & quænam ea sint, particularius explicat, literas nimirum, easq; disciplinas esse asserens, quas Plato tanquam freni cuiusdam instar iuuenibus esse inquit. Ceterum per χρηματικά, id est, literas, meo quidem iudicio, sermonis artes hoc loco intelligit, quibus altera quasi ex parte, mathemata, id est, disciplinas adhibet, in rerum contemplatione uersantes: quæ ratione & Cicero Latina quoque uoce nonnunquam uittur, ut in Oratione in L. Pisonem, cum inquit: Est autē his, de quo loquor, nō philosophia solū, sed etiā literis, quod ferè cæteros Epicureos negligere dicunt, perpolitus. Pōema porro facit ita festiuū, ita concinnū, ita elegans, nihil ut fieri possit arguius. Rursus tercio libro de Oratore ad Quintum fratrem,

fratrem, Geometriam, inquiens, musicam, literarum cognitionem & poetarum, atque illa, quae de naturis rerum, quae de hominum moribus, quae de rebusp. dicerentur, & alibi iidem non raro. Mathematica autem ea dicit, quae & vulgò uocantur, & à nobis superius, cuiusmodi uim habeant, quantum huic instituto sat est, sunt explicata. Ceterum, quod inquit, Platonem dicere, has quasi freni cuiusdam instar iuuenibus esse, ne in diuersa contorti & deflexi abripiantur, quid sibi uelit, ex ijs, quae de Arithmetica, & Geometria, reliquisq. quae, quod ad *ἡγεμονίας* pertineant, τὰ πρὸ τῆς μεθόδου Platoni eiusq. comprobatoribus & amulis appellantur, libro de Rep. septimo à Socrate disputantur, intelligere haud difficile est. Nam si haec disciplina, non solum ita totos nos occupant, ut nusquam mentem peregrinari sinant: sed etiam, ut probat Socrates, τῶν ἀγῶνων καὶ ἐλευθέρων καὶ μετὰ σπουδῆν αὐτῶν ἐπὶ τῇ τοῦ ὄντος διανοίᾳ, & ut paulo post inquit, ἐκείνου τοῦ τόπου, ὅτι ὡς ἐστὶ τὸ θυδαμὸν σκεπτοῦ τοῦ ὄντος, non male certè iuuenibus freni instar esse dicantur, quòd hos coërceant, ne in diuersa & id quod non est, ac generationem, eumq. locum, ὅτι ὡς ἐστὶ τὸ γενεὸς ἀποβύσαστο τοῦ ὄντος, abducti abreptiq. ferantur. Atque hoc est, quod hoc loco inquit autor. Quo audito, non immerito deinceps interrogat Hostes & inquit.

Vtrum igitur haec accipere necesse est, si quis ad Veram disciplinam sit peruenturus, an non? Nulla quidem cogit necessitas, inquit. Verum utilia sunt: ceterum ut meliores reddantur homines, haec nihil conducunt.

Cum

Cum non parui usus literas & mathemata esse ex praecedenti sermone intellexisset Hospes, hoc loco recte ac conuenienter inquit, quo genere haec utilia sint, eone ut omnino sine his ad Veram disciplinam perueniri non possit, quae & necessaria appellamus, an uero alio quopiam, quod necessitatem quidem excludit, commoditatem autem quandam significat. Ad quae breuiter respondet Senex, non priore illo, sed posteriore hoc genere utilia ea esse. Hanc enim uim & quod interrogatur, & quod respondetur habet. Ceterum quoniam omne, quod utile esse dicitur, ad aliquid omnino refertur, id nimirum, ad quod dicitur, eam ob causam, ne & hic erret Hospes, putetque ad uirtutem moralem comparandam haec usum habere, a qua boni nominantur homines, non solum autem ad ingenij & mentis, ac cogitationis uim perficiendam ualere, quaestioni simpliciter satisfecisse non contentus, id insuper adijcit, ad eam, quam iam diximus uirtutem, nihil haec conducere, quod tamen quomodo intelligendum sit, sequentia apertius ostendunt.

Nullam igitur utilitatem haec habere asseris ad meliores uiros efficiendos? At enim licet & sine his meliores fieri; nec tamen inutilia & illa sunt. Nam ut per interpretem nonnunquam sermonem cum alijs conferimus: uerum tamen non inutile esset, nos ipsos exquisitiorem uocis cognitione praeditos esse, sicubi conueniremus; sic & sine his disciplinis, nihil prohibet meliores fieri.

Si quis diligentius, quae hic dicuntur, perpenderit, omnino in

no in hac sententia autorem nostrum esse inueniet, ut literas & reliquas disciplinas, quas diximus, quamuis bonum virum non faciant, aptiorem tamen virtutis reddere profectum existimet. Id enim omnino eius uerba indicat: quibus Hostiti respondet, aut interroganti, aut cum admiratione enuncianti, quod propemodum idem est. Nullam igitur utilitatem hac habere asseris ad meliores uiros efficiendos. At enim licet & sine his meliores fieri: nec tamen inutilia & illa sunt, quod meo iudicio perinde ualet, ac si diceret, non primo, sed uel secundo modo, ut nos superius utile distinximus, uel tertio literas & mathemata utilia esse. Quae enim deinceps sequitur collatio, clarè admodum mihi docere uidetur, in qua ita se habere uult, ad meliores uiros efficiendos has disciplinas, ut ad sermonem cum alijs conferendum se habet exquisitior uocis & linguae eius, cum quo agendum est, cognitio. Nam ut sermonem quidem cum altero diuersa à nobis linguae per interpretem conferre possumus, sed parum commode, longè certè commodius cum eo collaturi, si ipsius quoque linguam teneremus, quod omnibus est manifestum, ita & sine his disciplinis meliores atque adeo boni uiri fieri possumus, & hic quasi interpretis utentes opera, alterius, qui ad has disciplinas illam ingenij aciem exacuerit, consilio, quod in uita actionibusque sequamur, ac proinde secundi ordinis bonorum, ut eos distinguit Hesiodus, efficiamur: quanquam longè tamen praestiterit, nos ipsos hoc ingenij acumine praeditos esse, & consilio pollere,

Jgg quod

quod fieri posse uideatur, ut tam in malum quàm bonum incidamus consiliarium, cum de eo iudicare, & quis bonus consiliarius sit statuere, non cuiusvis, sed comprimis prudentis esse uideatur hominis, ut quid sit sapiens iudicare, quæ Ciceronis est sententia, uel maximè sapientis.

Nihil ne mathematici his cæteris hominibus, ad hoc ut meliores efficiantur, antecellunt: Quia nam ratione antecellant, cum in bonorum & malorum discrimine decipi, ut & alij, uideantur, & adhuc omnis uitiositatis iugo premij, nihil enim uetat literas quidem nouisse, & disciplinas omnes tenere, ueruntamen ebriosum, incontinentem, auarum, iniustum, proditorem, postremo & insipientem esse: certè multos eiusmodi uidere est: quomodo igitur hi, ad hoc, ut meliores efficiantur uiri, cæteris antecellant harum disciplinarum ergo:

Videntur quæ hoc loco ab autore dicuntur, quodammodo cum ijs, quæ & ab ipso & à nobis prius sunt dicta, pugnare, si quis in id, quod prima se fronte offert, intueatur solum. Sed longè aliter se res habet. Neque enim id negat, huiusmodi, quem diximus usum, mathemata habere: sed hominum uitio fieri innuit, ut quæ maximo usui esse possint, non solum nihil ipsis ad hoc, ut meliores reddantur, conducant, sed etiam, ut paulo post ostendet, huc obsint plurimum, quod ipsis cum reliquis omnibus bonis, uirtute excepta, ijsq; maximè, quæ utilissima sunt, commune est. Et omnino, quod superius, cum de Falsa ageret disciplina, breuius ab ipso est dictum, id latius hic persequitur. Est autem hoc, Eos qui apud Falsam disciplinam permanent, id est,
in hac

in hac toti acquiescunt, nunquam solutos ac liberos euadere, nec mali quicquam eos deficere harum disciplinarum ergo. Hunc igitur hic abusum damnat, non quem habent usum ipsis detrahit, eoq̃ non de disciplinis hic loquitur, sed de hominibus, cum nimirum dicat, Nihilne mathematici &c. Pulchrè autem, & suæ sectæ conuenienter colligit, hos, quos dixi mathematicos nihil ceteris hominibus, ad hoc ut meliores efficiantur, antecellere, huiusmodi quodam modo syllogismo usus. Qui, perinde ut alij, in bonorum & malorum discrimine decipiuntur, & omnis adhuc uitiositatis iugo premuntur, nihil ceteris hominibus, ad hoc ut meliores reddantur, antecellunt. Sed mathematici, perinde ut alij, in bonorum & malorum discrimine decipiuntur, & omnis adhuc uitiositatis iugo premuntur. Quam quidem minorem syllogismi propositionem experientia probari ostendit, cum inquit, Certè multos eiusmodi uidere est. Ergo mathematici nihil ceteris hominibus, ad hoc ut meliores reddantur, antecellunt. Atque hoc quidem est, quod iam proposita oratione uult autor. In ijs autem, quæ sequuntur, cum huius ipsis affectionis causam explicat, tum insuper ostendit, quæ ratione hæc disciplina & obsint.

Nullo, ut ex hac oratione apparet. Sed quamnam est, inquam ego, causa? Nam in secundo uersantur ambitu, tanquam Veræ disciplinæ appropinquantes. Et quid hoc ipsos iuuat, inquit, cum sæpenumero uidere sit, ex primo ambitu, ab Incontinentia & reliqua uitiositate, in tertium ambitum, ad Veram disciplinam accedentes, qui hos ma

Ggg ij thema-

thematicos anteuertunt? Itaque quo'nam tandem modo antecellant? nempe aut immobiliiores, aut ad discendum ineptiores sunt.

Quòd precedenti oratione à Sene conclusum est, approbat quidem Hospes, sed iamen qua ratione id ipsum eueniat, miratur, atque adeo à Sene percontatur. Admirationis autem causa est, quòd illos quidem, quibus mathematici nihilo ad uirtutem præstantiores esse, sunt probati, in primo ambitu uersari animaduertat: hos autem in secundo, & proinde tum Veræ disciplinæ, tum Virtutibus esse uiciniores. Sic enim diuidenda hoc loco est oratio, ut quæ, Et quid hoc ipsos inuat, præcedant, omnia Hospitis sint, quæ sequantur ad finem usque textus, ut uocant, Senis: qui nondum quidem percontationi propriè satisfacit, causamq; cur id eueniat ostendit: sed hoc, quòd in secundo uersentur ambitu, ac proinde Veræ disciplinæ propiores sint, nihil ipsis, ut facilius ad uirtutem perueniant, prodesse, usu & experientia docet, inquiens, Et quid hoc ipsos inuat: cùm sæpenumero uidere sit, ex primo ambitu ab Incontinentia & reliqua uitiositate, in tertium ambitum ad Veram disciplinam accedentes, qui hos mathematicos anteuertunt. quasi diceret, nihil. Caterum hæc Senis uerba non sic intelligenda sunt, ut nonnulli sanè intelligere uidentur, quasi hi, qui mathematicos anteuertere dicuntur, è primo in tertium ambitum, tanquam ab extremo ad extremum citra medium trāsferantur: id enim falsissimum omnino.

omnino. Nam & hos oportet per secundum permeare & transire ambitum, & per angustum illud hostiolum viamq; acclinem & arduam ad Continentiam & Tolerantiam, & ab his ad Veram peruenire disciplinam, sed quod praterita & pratermissa Falsa disciplina, recta è primo ambitu per secundum in tertium contendant. Atque hæc quidem ea est uia, cuius superius mentio est facta, cuiusq; explicationem tum auctor, tum nos in hunc usque distulimus locum. Sed quoniam non satis est, quid usuueniat ostendere, uerum oportet & causam eius, quam scire hospes desiderat, explicare, quod uera rei cuiusq; cognitio ex causis pendeat, idcirco huc iam orationem commode deflectit, simul & illud ostendens, hos non solum cæteris hominibus nihilo præstantiores, sed ad Virtutem cape scendam, etiam minus esse idoneos. Nam id sibi uult, quod conclusioni subiicit. Nempe aut immobiliiores, aut ad discendum ineptiores sunt. Utriusque enim eadem sunt causæ, quas deinceps ad Hospitis interrogationem explicat Senex.

Qua nam id ratione, inquam ego? Quod in secundo hoc ambitu, ut nihil aliud, quod scire sibi assumunt, id ne sciant. Quandiu autem hanc opinionem habeant, tandiu induci nequeunt, ut ad Veram disciplinam sese appellant. Deinde alterum illud non uides, quod & Opiniones ex primo ambitu huc ad hos consimili ratione ingrediantur? Nihil itaq; illis præstantiores sunt, nisi & hi poenitudine ducantur, ijsq; persuad eatur, quod non Disciplinam, sed Falsam habeant disciplinam, propter quam decipiuntur. Cæterum sic affecti, nulla unquam ratione seruentur.

Ggg iij Due

Due sunt precipue cause, cur quicum Falsa discipli-
 na uersantur, cæteris nihilo, ut ad Veram perueniant di-
 sciplinam ac Virtutem, præstantiores sint: quarum alte-
 ra, quæq; ab autore prior exponitur, non huius affectionis
 solum ipsis est causa, sed grauioris etiam, eius nimirum, ut
 cæteris immobiliiores, ut dictum est, sint, & ad discendum
 ineptiores. Est autem ea, quam Græci *ὑποπόσιον* uocant, o-
 pinio nimirum & persuasio, qua quis, quam non habet,
 eruditionem atque doctrinam inaniter & falso sibi asu-
 mit. Neq; uerò id ipsum intelligere difficile est, sic affectos,
 non solum nihilo reliquis antecellere, sed etiam *ὑποπόσιον*
ὑποπόσιον, id est, immobiliiores & ad discendum in-
 eptiores esse. Nam qui hanc de se persuasionem habent,
 eos in hac acquiescere necesse est, & ad Falsam huiusmodi
 disciplinam seu eruditionem, tanquam ad saxum adhære-
 scere. Itaque nequeunt ad Veram disciplinam & uirtu-
 tem promoueri. Et quoniam multis falsis & absurdis opi-
 nionibus, & insipientia *ὑποπόσιον* *ὑποπόσιον* *ὑποπόσιον*
 animum corruptum & deprauatum habent, non solum
ὑποπόσιον *ὑποπόσιον*, sed etiam *ὑποπόσιον* sunt, quòd in his duplica-
 to labore sit opus. Nam & quæ perperam didicerunt sibiq;
 persuaserunt, dedocendi sunt, falsæq; opiniones horum ani-
 mis euellendæ: & quæ ignorant, ac deinceps ignorare se sen-
 tiunt, docendi, cùm in ijs, qui simplici tantummodo igno-
 rantia laborant, alterum requiratur tantum, ut quæ ne-
 sciant, discant. Atque hæc quidem prior est causa. Poste-
 rior

rrior uerò, quod Opiniones etiam in hunc ambitum, non minus quàm in primum ingrediantur, & eorum animos occupent. Caterum per Opiniones hoc loco, uulgares & communes intelligit, non peculiare aliquas ac sophisticas: nam ea ad priorem causam pertinent. Quare rectè subijcit, & his earum occasione, pœnitundine esse opus, quæ ipsis aliam opinionem conciliet & commendet, quæ hanc Falsam esse, non Veram disciplinam existiment: quod quandiu in prior persistet sententia, fieri nequeat, ut seruentur.

Proinde & uos, ô Hospites, inquit, nisi sic feceritis, & in ea, quæ dicuntur, incubueritis, donec in habitum firmentur. Sed de iisdem his sæpenumero considerare oportet, minimeq; intermittere: reliqua uerò accessoria ducere. Quod nō feceritis, nullam utilitatem ex his, quæ auditis, reportabitis. Faciemus.

Hic prioris illius, quæ hac operis parte tractanda, reliqua auctori superius esse duo diximus, epilogus est: quo Hospites, quod & prius fecit, ab explicationis nimirum initio, aut potius ante ipsam, incitare conatur, ut quod ex tabulæ explicatione ei, qui ad beatitudinem peruenire uelit, ac incolumis conseruari, faciendum intelligunt, id & ipsi omni studio facere conentur. Pendet autem ex superioribus huius perorationis initium, seu, ut exactius loquar, ex superiori repetendum est, quod ad complementum huic orationi deest. Erit igitur ea plena hoc modo, Proinde & uos nulla unquam ratione seruemini, ô Hospites, nisi sic feceritis &c. Negat enim eos seruari posse incolumes, nisi sic faciant

ciant, quemadmodum Numen iubet. Caterum ut sic fa-
 ciant, neceſſe eſt, ut hæc in animo penitus inſcribant: ac ne
 id quidem ſatis eſſe uidetur, ſed perpetua exercitatione &
 conſuetudine hæc ſunt firmanda, ut in uita & moribus e-
 luceant. Quare ſic ut faciant hortatur, atque animo uir-
 tutibus ornando præcipue & primario ſtudio incumbant:
 reliqua autem, id eſt, corporis & externa bona, πέρη, id
 eſt, acceſſoria ducant, quod, ut inquit Cicero, ita parua &
 exigua ſint iſta acceſſiones bonorum, ut quæadmodum ſtel-
 la in radio ſolis, ſic iſta in uirtutum ſplendore ne cernan-
 tur quidem, ut hac ratione minus in his opera ſit conſumen-
 dum. Uidetur autem hoc & cum Chriſti præcepto cõgrue-
 re, quo inquit, Quærite primum regnum dei, & iuſtitiam
 eius, & hæc omnia adyicientur uobis. Alioqui parum uti-
 le inquit uidetur, hanc explicationem audiſſe, cum non fi-
 nis hic cognitio, ſed actio potius ſit. Atque hoc quidem fa-
 cturos ſe eſſe reſponſo: deinceps ad alterũ progreditur Ho-
 ſpes, & inquit.

Sed hoc nobis explica, qua ratione bona non ſint, quæ
 à Fortuna homines accipiunt, ut ipſum uiuere, ſanum eſ-
 ſe, ditari, bonæ eſſe exiſtimationis, liberos habere, uicto-
 riam conſequi, & reliqua, quæ his ſunt finitima; aut rursus
 contraria, quomodo non in malis habenda?

Quam ſuperius diſtulit quæſtionem, & huic loco reſer-
 uauit, eam nunc Hoſpitem proponere facit. Eſt autem ea,
 quæ ex bonorum notione & diuiſione tota pēdet: quæ cum
 apud alios alia ſit, ſit ut in uarias quoque ſectas philoſophi
 hic

hic sint diuisi. Quam ob causam operæpretium facturi uide-
 demur, si priusquam, quæ ab autore de hac disseruntur, in-
 spiciamus, quæ præcipuorum sint philosophorum de bonis
 eorumque diuisione sententia, potissimum autem Platonis,
 Aristotelis, & Stoicorum ostenderimus. Videtur igitur
 Plato, quem hac parte secutus est & Aristoteles, primū
 quidem sic bona diuisisse, ut alia eiusmodi esse statueret,
 quæ per se & sui causa affectantur & amantur, non alte-
 rius alicuius, quod inde nobis accedere possit, gratia, in qui-
 bus tanquam finibus acquiescimus: alia uero his quodam-
 modo contraria, quæ ipsa quidem sui causa non expetun-
 tur, sed utilia quædam sunt, & aliò semper destinantur.
 Prioris generis uirtutes sunt, & ut absolute dicam, uni-
 uscuiusque rei sua per se considerata perfectio. Posterioris au-
 tem, quæcunque horum uel efficientia sunt, uel conseruan-
 tia, aut etiam quæ his contraria, uel pellunt, uel arcent ac
 prohibent. Caterum inter hæc duo quasi contraria gene-
 ra, tertium quoddam intermedium fecit, quod utriusque
 extremorum naturæ particeps esset, & tum ipsum sui gra-
 tia expeteretur, tum usum aliò relatū haberet. Huiusmodi
 sunt, quæ & finis quandā rationē subeunt, uel partium, uel
 instrumentorum perfectiones cum sint, & tanquam destina-
 ta quædam habentur, quod & ea ipsa, quorum perfectio-
 nes sunt, huiusmodi naturam obtineant, ut prudentem ef-
 se, sanum & uisus acumine pollere. Deinde uere uirtutes
 propriæ, id est, iterata totius generis diuisione (à qua, ut & hoc

Hhh obiter

obiter dicamus, ut Stoicis distat, quod hac, membrorum
ex prioris diuisione resultantium, posterior quadam sit par-
titio: illa uero, totius, ut dictum est, generis, à capite ueluti re-
petiti, bonorum alia animi, alia corporis, alia externa fa-
cit. Animi quidem, ut iustitiam, prudentiam, fortitudi-
nem, temperantiam, & cetera huiusmodi. Corporis au-
tem, bonam habitudinem, quam Græci *εὐεξία* nominant,
sanitatem, robur, pulchritudinem. Externa uero, diui-
tias, generis nobilitatem, ciuilem potentiam, nominis cele-
britatem, & quacunque his sunt finitima. Harum diuisio-
num prior, libro de Rep. secundo, apud Platonem habetur:
posterior uero, in eiusdem Euthydemo. In utraque autem
magistrum sequitur Aristoteles, quanquam priorem bi-
membrem tantum faciat, quod tertium in prioribus duo-
bus ui, ac potestate contineatur. Stoici uero ab utroque dis-
sentientes, nihil in bonis præter uirtutem habendam cen-
sent, ut nec in malis quicquam præter uitium. Reliqua ue-
rò, tum neutra, tum indifferentia appellant. Ceterum quo-
niam huius ipsius opinionis & noster esse autor uidetur, ut
tum quæ ab ipso dicuntur facilius intelligantur, tum de
eorum ueritate exquisitius indicetur, fuerit, arbitror, non
inutile, totam illam Stoicorum diuisionem cum argumen-
tationibus etiam quibusdam adiunctis, hoc loco subiecisse,
quæ apud Diogenem Lærtium, in Zenonis Citiæi uita,
hoc modo exponitur: τὰ ὑποταγ. φασί. τὰ μὲν ἀγαθὰ εἶναι, τὰ δὲ κα-
κὰ, τὰ δὲ ὀφείλει. ἀγαθὰ μὲν εἶναι τὰ ὅσα εἰς ἀρετὰς, φρονήσις, δικαιοσύνη,
αὐτοκρατεία,

αὐτοῖς, σωφροσύνη, καὶ τὰ λοιπὰ. καὶ δὲ τὰ ἐναντία, ἀφροσύνη,
 ἀδικίαι, καὶ τὰ λοιπὰ. ὁ δὲ τερα δὲ ὅσα μὴτε ὠφελεῖ, μὴτε βλάπτει,
 εὐζωίαν, ὑγίαν, ἡδονήν, κάλλος, εὐχὴν, πλὴτος, δύσθυσια, δύσγεια: καὶ τὰ τὸ
 τοῖς ἐναντία, θάνατος, νόσος, πόνος, αἶχος, ἀδύναμις, πένια, ἀδυσία, δύσγί-
 νεια, καὶ τὰ τὸ τοῖς πᾶρα πλείους, καὶ δὲ φησὶ ἐκείτων γὰρ ἐβδμήν περὶ
 τέλους, καὶ ἀπολλύσας γὰρ τὴν ἡδονήν, καὶ χυσιππος μὴ γὰρ εἴη ταῦτα
 ἀγαθὰ, ἀλλ' ἀσφαγῆς, καὶ εἰς πρὸς γυμνάσιον. ὡς γὰρ ἴδμεν διερμὸς τὸ θερ-
 μάειν, ὁ τὸ ψύχειν, ὁ τὸ καὶ ἀγαθὸς τὸ ὠφελεῖ, ὁ τὸ βλάπτει, ὁ μᾶλ-
 λον δὲ ὠφελεῖ ἢ βλάπτει ὁ πλὴτος, ὁ ἡγία. ὁ δὲ ἀγαθὸν ὅτι πλὴ-
 τος, ὅτι ὑγίαν. ἐπὶ φασί, ὡς εἰς ἐν κακῶς γινώσκῃ, πᾶσι δὲ ἀγα-
 θόν. πλὴτος δὲ καὶ ὑγίαν εἰς ἐν κακῶς γινώσκῃ. ὁ δὲ ἀγαθόν πλὴ-
 τος ἐν ὑγίαν. id est: Eorum quæ sunt, inquiunt, alia bona esse, a-
 lia mala, alia neutra. Et bona quidem, ipsas virtutes, pru-
 dentiam, iustitiam, fortitudinem, temperantiam & reliqua.
 Mala vero contraria, insipientiam, iniustitiam, & cete-
 ra. Neutra autem, quæ neque inuant, neque nocent, ut vi-
 ta, sanitas, uoluptas, pulchritudo, robur, diuitiæ, existi-
 matio bona, nobilitas: & quæ his sunt contraria, mors, mor-
 bus, dolor, deformitas, imbecillitas, paupertas, ignominia,
 ignobilitas & quæ his sunt finitima, ut inquit Hecato, se-
 ptimo de Fine, & Apollodorus in Morali, & Chrysip-
 pus. Neque enim esse hæc bona, sed indifferentia, speciatim
 producta. Nam ut calidi est proprium calefacere, non refrige-
 rare, sic & boni iuuare, non nocere. Sed diuitiæ & sanitas
 non magis iuuant quàm nocet. Non igitur bonum, neq; diui-
 tia neq; sanitas. Insuper, inquiunt, Quo bene & male est uiri,
 id non est bonum. Diuitijs autem & sanitate bene & ma-

Hh ij le

le est uti. Non igitur bonum diuitiæ & sanitas. Atq; hæc quidem de bonis & malis Stoicorum est sententia, quæ pluribus etiam à Cicerone libro de Finibus bonorum & malorum tertio exponitur. Sed hæc in præsentia nobis sufficiunt. Neque tamen omnes, qui Stoicam sectam sunt secuti, in hac acquieverunt opinione, sed Posidonius, utpote in geometria educatus, ac proinde, ut arbitror, reliquis Stoicis acutior, quiq; magis ueras rationes & demonstrationes à falsis discernere poterat, ut in alijs plerisq; ita & hic ab ipsis dissentit, ac diuitias & sanitatem, quæq; his sunt finitima, bona esse asserit, neque id, ut ostendemus, male. Nam quibus Stoici duabus fidere potissimum demonstrationibus uidentur, ijs nimirum, quas adduximus, hæc ueræ demonstrationes non sunt, sed paralogismi potius quidam. Verum hoc ut manifestum fiat, age utraq; excutiamus, à priore illa primum exorsi: cuius maior quidem propositio, ipsa per se & absolute enunciata, uera est, nec quicquā incommodi habet: cum adiectione autem illa & collatione, non item, sic ut Stoici certè eam intelligunt, quos per calidum, ignem significare uelle existimo. Neq; enim, ut ignis proprium, quicquid contigerit, calefacere est, & non refrigerare, sic & boni, quo de nunc agimus, omnes iuuare, ac nulli nocere fuerit. Nam ille quidem, actu, ut loquuntur, est calidus, & proinde omnia statim adhibitus calefacit. Hoc autem, non actu, sed potestate eiusmodi & bonum esse dicitur. Quam ob causam, ut rectè eius uim exploremus, de

eo prius constituere oportet, quanam huius sit norma, & ut Craci uocant, κριτήριον, ad quod ipsum sit examinandū. Id, ut cetera, breuiter simul & exquisitè, primo libro Magnorum moralium, docet Aristoteles, ubi in tria hac diuisis bonis, honorabilia, laudabilia, & quas δυνάμεις uocat, id est, potētias, & prioribus duobus generibus, cuiusmodi sint explicatis & conuenientibus exemplis commonstratis, de tertio itidem, hoc modo disserit: τὰς δὲ δυνάμεις, οὐκ ἀρχὴν, πλὴν τοῦ, ἰσχύος, καὶ λόγου. τῶν τοις γὰρ καὶ ὁ πᾶσι δ' αἰὼς ἐν αὐτῷ δύνειται χρῆσασθαι, καὶ ὁ φαῦλος καὶ καὶς, διὸ δυνάμει τὰ τοιαῦτα καλεῖσθαι ἀγαθὰ, ἀγαθὰ μὲν δὲ εἰσι, δοκιμάζειται γὰρ τῷ τῷ πᾶσι δ' αἰὼς αὐτῶν ἕκαστον χρῆσθαι, ὃ τῷ τῷ φαῦλῳ. id est, Potentias uerò, ut imperium, diuitia, robur, pulchritudo. His enim & bonus rectè uti potest, & malus perperam. Quapropter potestate eiusmodi appellantur bona, bona quidē certe sunt. Exploratur enim horū quoduis boni uiri usu, nō mali. Ceterū hac ita, ut Aristoteles asserit, se habere, non aliunde melius cognouerimus, quàm si, quod Stoici perperam, id nos rectè faciamus, & simile quoddam huc adhibeamus, in quo facilius & euidentius id, quod querimus, conspiciatur. Videntur igitur mihi diuitia, robur, pulchritudo, nobilitas, existimatio bona, sanitas, uita, perinde dici bona, ut salubria panis, oua, caro, & qui boni succi sunt cibi: rursum autem paupertas, imbecillitas, deformitas, ignobilitas, existimatio mala, morbus, mors, mala ut cicuta, scammonia, ueratrum, & quæ reliqua sunt medicamenta cibiq; mali succi, insalubria. At-

H h ij qui

qui est tamē nō raro inuenire, ubi hac profint, & salubria
sint, illa uerò nocēat, & insalubria deprehendantur. Quare
quod illic Stoicis, idem facile & hic alicui praeceptioris
iudicij uisueniat, atq; adeo hoc modo colligat. Salubris pro
priū est, sanitatē facere, eaq; cōferre, nō eam obledere, mor
bumq; excitare. Sed panis & oua non magis illud quā
hoc faciunt. Ergo panis & oua non sunt salubria. At qui
solidioris est iudicij, & dialectices ac demonstrationis co
gnitione pollet, hic non, ut ille, promptē inconsiderateq; de
re, quae non exiguam commentationem ac meditationem
requirit, constituet: sed primū omnīū id ipsum distinguet,
alia quidē simpliciter absoluteq; dici salubria, alia uerò cū
adiunctione semper. Deinde uero cum hac, tum illa, ad quae
referantur & talia esse dicantur, inuestigabit, quod nor
mae quaequam haec sint, ad quas illa examinari & iudica
ri debeant. Et quoniam, quae cum adiunctione dicuntur,
manifestam, eam ipsam ob causam, relationem obtinent,
hinc adeo cogitatione exorsus, hoc modo rationabitur. Quo
niam quod cum adiunctione dicitur, ad id refertur, quod
uariū quidem est & multiplex, omne autem morbosum,
aut certe non naturaliter affectum (id enim ex inductione
manifestū) rationi certē est consentaneū, quod huic opponi
tur, ac simpliciter & absolute dicitur, ad id quod unifor
me est, & quā maxime secundū naturā se habet, referē
dum esse, quod oppositorū oppositae sint & huiusmodi, qui
bus de nunc agimus, norma. Atq; hac quidē ratione, in
uentā

uenta eorum, quæ absolute salubria dicuntur, norma, si
 quid tale dici audiet, ad hæc id explorandum esse censebit,
 & sic de ipsius facultate constituendum: neque hic necessa-
 rijs illis distinctionibus omisiss, quarum meminit Plato li-
 bro primo de Legibus, cum de ebrietate & uini usu disse-
 rit, ne Euthydemus hic aliquis, aut Dionysodorus ipsum
 obturbet dicatq, quandoquidem uiculinam, exempli cau-
 sa, carnem salubrem iudicas, omne autem salubre, atque
 eius adeo quàm plurimum est assumendum, integrum igitur
 uiculum uno prandio aut coena quàmmaximè condu-
 xerit deuorare. Neque enim simpliciter hoc modo salubre
 quid dicitur, quacunque tandem quantitate adhibitum,
 sed ea demum, quæ ad asumentis uires, loquor autem de
 naturalibus, mediocris sit. Consimili autem ratione, non
 quocung modo affectum, & quouis tempore assumptum,
 sed ritè quidem preparatum & coctum, & quibus cum
 oportet exhibitum, non saturo, sed ei, qui nutrimenti indi-
 get, tempore maximè opportuno. Sic enim si de norma con-
 stituerit, & quas diximus, distinctiones adhibuerit, rectè
 quid simpliciter sit salubre dyjudicabit. Horum autem si
 quid omiserit, quanti omisum ipsum fuerit momenti, tan-
 tum & iudicio hunc quoque falli erit necesse. Pari igitur
 ratione, & si quis, sintne diuitie & sanitas reliquaq hu-
 iusmodi in bonis habenda, an non, rectè dyjudicare uelit,
 huic primum etiam omnium necesse erit, ea, quæ Aristoteli,
 tum ἀφ' αὐτῶν, τῶν δὲ ἐκ τῶν αἰσθητῶν ἀποκαταλαμβάνονται
 appellantur bona, quod

¶

& ille quinto Moraliū libro facit, discriminaſſe, & alia
 quidem abſolutè ſemper, alia uerò cuidam bona eſſe ſtatuiſ-
 ſe. Deinde hac quidem nouiſſe morboſis animi conſtitutio-
 nibus quæq; à recto & uirtute deſciuerunt, bona & dici &
 eſſe, ut intemperanti & luxurioſo, exempli cauſa, quem ſa-
 cræ nobilitant, aut potius ſubiiciunt literæ, famem, nudi-
 tatem, miſeriam, ut ſic ad ſe reuerſus, ad patrē, id eſt, deum
 proficiſcat, ipſiq; reconcilietur: illa uerò, incorruptæ at-
 que integræ eiſdem affectioni, quæ una nimirum & ſim-
 plex cū ſit, ac proinde perpetua & conſtans, nil mirum,
 ſi & id, quod ſimpliciter ſemper bonū appellatur, ipſi con-
 ueniat, & ad eam explorandum ſit, adhibitis huiusmodi,
 quas ſuperius diximus, diſtinctionibus, uniuſcuſque eo-
 rum quantitatis, qualitatis, oportunitatis, & uſus modi.
 Nam ſic demum poterit rectum de his iudicium facere.
 Atque hac ſi ſic ſe habent, ut ſanè habere quidem eſt ma-
 niſeſtum, quomodo non Ariſtotelem maximè admire-
 mur, duobus uerbis omnia hac, quæ nos toto hoc ſermone
 explicuimus, cōmodiſſimè complexum, cū inquit, τὸ τοῦ
 ἀγαθοῦ χρῆσις. id eſt, boni uſu. per uocem quidem boni ſigni-
 ficans, hanc eſſe normam & regulam, ad quam, quæ dixi-
 mus bona examināda ſunt: uſus autem nomine omnes eas,
 quas explicuimus, diſtinctiones comprehendens, quòd in eo,
 ſecundum communiorem ſignificationem, & quantitas,
 & qualitas, & oportunitas, & utendi modus cotineatur.
 Sed his explicatis ad Stoicorum ſyllogiſmos reuertamur,

&

& quam multipliciter hic ab ipsis peccetur consideremus.
 Iam igitur primum omnium constat, quod ab ipsis adhibi-
 tum fuit simile, idei ad quod accommodabatur, minimè
 consentaneum esse: sed sic potius propositionem enuncian-
 dam fuisse: Ut simpliciter salubris est proprium, sanitatis
 & non morbi causam esse, sic & boni simpliciter, iuuare
 & non nocere. Nam hac ratione nō solum uera, sed etiam
 distincta hac esset propositio. Quæ uerò deinceps adicitur
 assumptio, Sed diuitiæ & sanitas non magis iuuant quàm
 nocent, falsa est. Neque enim unquam hæc, si ad propriam
 suam referantur normam, cum ijs, quas diximus, distin-
 ctionibus, nocere, sed semper prodesse deprehendemus. Qua-
 re & conclusionem falsam esse necesse est. Non igitur bo-
 num neque diuitiæ, neque sanitas. Ac prior quidem syllo-
 gismus talis ipsis fuerit. Posterior uerò, maiore statim pro-
 positione falsam obtinet, quæ inquit: Quo bene & malè est
 uti, id nō est bonū. Nam ex solo usu, nō autē abusu unum-
 quodq; est iudicandū: alioqui quæ maximè salubria sunt:
 non salubria esse, fateamur necesse est, ut cibos, qui optimi
 sunt succi, quod hi intēpestiue plenoq; iam uentre magna
 ingestio copia morbu non raro creare solent. Eoq; et si minor
 uera est, conclusionem tamen falsam esse cōstat. Quare nec
 secundo quicquam efficiunt syllogismo. Caterum præter
 hos duos, & tertio quodam ex ijs nonnulli uti solent, quem
 hoc modo in secūda figura proponunt. τὸ ἀγαθὸν ἀγαθὸς ποιεῖ.
 ὁ πλεόντων ἢ ὑγιῶν ἀγαθὸς ποιεῖ. ὁ δὲ ἀγαθὸν πλεόντων ἢ ὑγιῶν.
 Iii id est,

id est, Bonum bonos efficit. Diuitiæ autē & sanitas bonos non efficiunt. Non igitur bonum diuitiæ & sanitas. Sed & huius argumentationis solutio facilis, atque adeo ex maioris propositionis distinctione pēdet. Nam si hanc de omni in genere bono intelligas, falsa est: si uerò de uirtutib. quæq; ipsarum propriæ sunt causæ, uera. Itaque illo modo nihil concluditur: hoc autē non id quod uolunt, Diuitias nimirū & sanitatem prorsus non esse bona, sed hoc tantummodo, eiusmodi nō esse bona. Quod uerò maior, si de omni intelligatur bono, falsa sit, hinc percipere non difficile fuerit. Perinde enim dici uidetur τὸ ἀγαθὸν ἀγαθὸς ποιεῖν, ac si quis diceret, τὸ τεχνικὸν τεχνικὸς ποιεῖν, id est, artificiosum artificiosos efficit. Nam ut hæc propositio falsa est, quod quæ ad artem quamlibet exercendam idonea sunt instrumenta, recte artificiosa, aut certè Græcè τεχνικὰ dicantur, minimè tamen artifices faciant: ita & illa, quod bona inuenire sit non pauca, quibus bonus uir ad uirtutum actiones commodè utatur, etiamsi ipsum bonum non efficiant. Et Stoicorum quidem huiusmodi sunt rationes, quibus & sibi & alijs persuadere conati sunt, tum corporis, tum externa Peripateticis appellata bona, nec in bonis, nec in malis esse habenda, sed neutra quædam & media esse, quæ ἀδιάφορα nōn nominant: quorum cū duplex faciant genus, & eorum alterius duas rursus species, non tam rebus quàm uerbis à Peripateticis desentire uidentur. Apponam autem & eorum hic uerba, ut quod dico, uerum esse cognoscatur.

tur. διχῶς δὲ, *inquiunt*, λέγεσθαι ἀδιαφοροῦ. ἀπαξ μὲν τὰ μὴτε πρὸς
 θυδαιμονίαν μὴτε, κακοδαιμονίαν συνεργῶντα, ὥς ἔχει, πλὴτος, δὲ
 ὑγίεια, ἰσχύς, καὶ τὰ ὅμοια. γὰρ ἔχειται γὰρ χωρὶς τούτων θυδαιμονίᾳ, τῆς
 πλείους αὐτῶν χρήσεως θυδαιμονικῆς ὅσης, ἢ κακοδαιμονικῆς ἄλλως δὲ λέ
 γέται ἀδιαφοροῦ, τίς μὴτε ὁρμῆς μὴτε ἀφορμῆς κινητικῆς, ὥς ἔχει τὸ ἀρ
 τίας ἔχειν ἐπὶ τῆς κεφαλῆς τριχῆς ἢ περιττῆς, ἢ ἐκτείνει τὸν δακτύλου
 ἢ συσείλει, τῶν προτέρων ἀδιαφορῶν ὅτι δὲ ὅτω λεγομένων. ὁρμῆς γὰρ
 ἐστὶν ἐκείνη καὶ ἀφορμῆς κινητικῆς. διὸ τὰ μὲν αὐτῶν ἐκλέγεται, τὰ δὲ ἀπο
 λέγεσθαι, τῶν ὁδετέρων ἐπίσης ἔχοντων πρὸς αἵρεσιν καὶ φυγῇ. τῶν ἁ
 διαφορῶν τὰ μὲν λέγουσι προσημλία, τὰ δὲ ἀποπροσημλία. προσημλία
 μὲν τὰ ἔχοντα ἀξίαν ἀποπροσημλία δὲ τὰ ἀναξίαν ἔχοντα. ἀξίαν ὅ, τῇ
 μὲν τινα λέγουσι συνέληπτη πρὸς τὸν ὁμολογουμένου βίον, ἢ τις ἐστὶ περὶ
 πᾶν ἀγαθόν. τῇ δὲ εἰν μέση τινα δυνάμει ἢ χρεῖαν συμβαλλομένη πρὸς
 τὸν ἡτὶ φύσει βίον. ὁμοίον εἰπῶν, ἢ τινα προφέρει πρὸς τὸν ἡτὶ φύσει
 βίον, πλὴτος ἢ ὑγίεια. τὴν δὲ εἰν ἀξίαν, ἀποπροσημλία, ἢ αὐτὴ ὁμοίως
 πρὸς τῶν πραγμάτων τάξιν. ὁμοίον εἰπῶν, ἀμετρίως πυρὸς πρὸς τὰς σὺν
 ἡμῶν κριδῆς. προσημλία μὲν ὅ, εἰν ἀξίαν ἔχει, ὁμοίως ἐπὶ μὲν τῶν φυ
 χικῶν, θυφύϊαν, τέχνην, τροφὴν, καὶ τὰ ὅμοια, ἐπὶ δὲ τῶν σωματικῶν,
 ζῶν, ὑγίειαν, ξάμην, θυξίαν, ἀρτίετιν, καὶ ἄλλος. ἐπὶ δὲ τῶν ἡτὶς, πλὴ
 τος, δὲ θυφύϊαν, καὶ τὰ ὅμοια. ἀποπροσημλία δὲ, καὶ ἀναξίαν ἔχει,
 ὁμοίως ἐπὶ μὲν τῶν φυχικῶν, ἀφύϊαν, ἀτεχνίαν, ἀνακωπὴν καὶ τὰ ὅμοια. ἐπὶ
 δὲ τῶν σωματικῶν, δάκρυον, νόσον, ἀδένειαν, καχεξίαν, πῆρωσιν, αἰσχος,
 καὶ τὰ ὅμοια. ἐπὶ δὲ τῶν ἡτὶς, πνίαν, ἀδύξίαν, δυσγένειαν. τὰ τὰς
 πλείους. ὅτι δὲ προήχθη, ὅτι ἀποπροήχθη, τὰ δὲ ἐτέρως ἔχοντα id est:

Ceterum dupliciter dicuntur indifferentia. Uno quidem mo-
do, quae neque ad beatitudinem, neque infelicitatem con-
ducunt, ut puta, diuitiae, bona existimatio, sanitas, robur,
et his similia. Fieri namque potest, ut sine his beati simus,
et si horum usus quispiam ad beatitudinem aut miseriam

lii ij faciat.

faciat. Altero uero indifferentia dicuntur, quæ neq̃ appetitione, neq̃ declinatione mouet, cuius generis sunt, pares in capite capillos, aut impares habere, digitũ extendere, at t̃ contrahere, cũ priora indifferentia nõ sic dicerentur. Nam illa appetitionem & declinationem mouet. Quapropter eorum alia seliguntur, alia reijciuntur, cũ neutra ad selectionem & declinationem æquẽ sint affecta. Indifferentiũ alia producta, alia reiecta esse dicunt. producta quidem, quæ æstimationem merentur: reiecta uero, quæ inæstimationem merentur. Aestimationem autem, aliam quidem esse dicunt, conducibilitatem quandam ad uitam consentaneam, quæ in omni uersatur bono. Aliam uero, mediam quandam facultatem seu usum, qui ad eam, quæ secundũ naturam est, uitam conducit: cuiusmodi est, quem ad uitam secundũ naturam conferunt diuitias, aut sanitas. Ipsam autem æstimationem esse, æstimabilis pensitationem, quam rerum peritus statuatur: eiusmodi fuerit, triticum hordeo cum mula pensitare & permutare. Producta igitur esse, quæ & æstimationem merentur, ut in ijs quidem, quæ ad animum pertinet, ingenij bonitatem, artem, progressionem, & similia: quæ uero ad corpus, uitam, sanitatem, robur, bonam habitudinem, integritatem, pulchritudinem: quæ autem externa sunt, diuitias, bonam existimationem, nobilitatem, & finitima. Reiecta autem, quæ & inæstimationem merentur, ut in ijs quidem, quæ ad animum pertinent, ingenij malignitatem, inertiam, retardationem,

tionem, & consimilia: quæ uerò ad corpus, mortem, mor-
bum, imbecillitatem, malam habitudinem, mutilationem,
quæq; his sunt finitima: quæ autē externa, paupertatem,
ignominiam, ignobilitatem, & quæ his sunt consinia. Cæ-
terum neque producta, neque reiecta sunt, quæ neutram
affectionem sustinent. Et Stoicorum quidem hæc sunt uer-
ba, ex quibus diligentius inspectis, id quod prius à nobis di-
ctum est, uerissimum esse patet, non esse rerū ipsis cum Pe-
ripateticis controuersiam, sed nominum, quantum qui-
dem ad hæc attinet. Neque enim aliud mihi toto hoc sermo-
ne sibi uelle uidentur, quàm quod præcipuum beatitudinis
momentum, quod τὸ κύριον Græci nominant, in sanitate, di-
uitiis, & consimilibus minimè cōsistat, licet horum tamen
rectus usus uitam beatiorē faciat. Id enim ipsis uerbis
tantum non mihi dicere uidentur, statim in eorum, quæ ad-
scripsimus, initio. Iam uerò & cū eorum quæ ipsi primo
modo indifferentia uocant, alia ὁρμηκὰ, alia ἀφορμηκὰ
esse dicant, ac proinde illa quidem seligi, hæc uerò reijci ue-
lint, rursumq; προγυμνά illa & ἀξίαν ἔχοντα, hæc ἀποπρογυ-
μνά & ἀναξίαν ἔχοντα appellent & definiant, nihil à Peri-
pateticis, quantum quidem ad rerum notiones attinet, di-
screpant: in lingua tamen copiosa partim factis utuntur
nominibus ac nouis, partim translatis, & à communi usu
deflexis. Cæterum manifestius id ipsum apparebit, si huic
Stoicorum sermoni quasi ex altera parte Peripateticorum
principis Aristotelis uerba adhibeamus, uim quidem ean-

Iii ij dem

dem obtinentia, sed ab usitati sermonis proprietate minime recedentia, quae apud ipsum habentur libro primo Ethicorum ad Nicomachum. Sunt autem haec: ἢ τὸ μὲν ταῖς τύχαις ἐπιτελοῦσθαι τὸ δὲ αὐτῶν ἀρδύον. ὃ γὰρ εἰ πάντας τὸ ἐν ἡμετέροις ἀλλὰ προσδίδεται τὸ τῶν ἀνθρώπων βίος, καὶ δὲ πῶς ἐπαυλῶν κυρία δὲ εἰσὶν αἱ καὶ ἀρετὴν ἐργάζαι, τῆς ἐν δὲ αὐτοῖς αἰσθητικῆς, τὸ δὲ ἐν αὐτοῖς. id est: An fortunas consequi neuiquam rectum. Neque enim in his ipsum bene aut male situm est, sed horū humana, ut diximus, vita adindiget. Principes autem beatitudinis causae, virtutum sunt operationes: & contrariae, contrarij. Et paulo post: πολλὰ δὲ γινώσκουσιν τὸ τυχερὸν καὶ διαφερόντων μεγέθει καὶ μικρότητι. τὰ μὲν μικρὰ τῶν τυχημάτων, ἐμοίως ἢ καὶ τῶν ἀντικειμένων, οὐλοῦν ὡς δὲ πῶς ἴσονται τῆς ζωῆς. τὰ δὲ μεγάλα καὶ πολλὰ, γινώσκουσιν μὲν ἐν, μακαριώτερον τὸν βίον ποιῆσαι καὶ γὰρ αὐτὰ συνεπινοοῦμεν πέφυκε καὶ ἡ γῆσις αὐτῶν καλὴ. ὁ αὐτὸς δὲ αἰσθητικῆς, ἀνὰ πάλιν ἢ συμβαίνοντα, δίδει. ὁ λυμάνεται τὸ μακάριον. λυπάσθαι γὰρ ἐπιφέρει. ὁ ἐμποδίζει πολλὰς ἐργασίας, ὁ μὲν ἢ καὶ τὸ τοῖς διαλάμπει τὸ καλόν, ὡς ἐπειδὴ αὐτὸς φέρει τὴν ἐνὸς καὶ πολλὰς καὶ μεγάλας ἀτυχίας, μὴ δὲ ἀναλυσίαν, ἀλλὰ γινώσκουσιν καὶ μεγάλων τυχῶν.

id est: Ceterum cum multa fortuito fiant, & magnitudine ac paruitate differt, paruae quidem prosperitates, consimili autem ratione & afflictæ fortune, quod nullam in alteram partem, vitæ inclinationem faciant, manifestum est. Magnæ autem & multæ res prosperè procedentes, vitam beatiorē efficiunt. Nam & vitam cohonestare solent, atque ipsarum usus honestus est & bonus. Contra autem euenientes, beatitudinem opprimunt & euertunt.

Nam

Nam & dolores inferunt, multisq; actionibus impedimen-
to sunt. Attamē & in his honestū elucet, utpote cum quis
multa magnaq; infortunia facile ferat: non sensus stupore,
sed ut generosus & magnanimus. At enim dicat aliquis,
si cum Peripateticis Stoici tum in rebus, tum in notioni-
bus hic consentiant, quid tandem ipsis persuasit, ut non &
verbis ysdem, maximeq; cum eadē uterentur lingua, easdē
rerū notiones explicaret interpretarenturq;? Dicimus igi-
tur horū plerosq; id non animadvertisse, sed imperitia qua-
dam qua de nomine & qua de re sit cōtrouersia discernen-
da cum uerbis disiderent tātum, arbitratos esse sibi cum
Peripateticis rerum esse cōtrouersiam. Nonnullos autē,
quāuis & id intellexerint, uel cōtentionis nimio studio, uel
curiositate quadam, uel alio quouis animi uitio, à semel re-
cepta nominum in secta sua nouatione discedere noluisse.
Itaque quæ non propter se, sed alterius gratia sunt expeten-
da, ut uilia, non, ut Peripatetici, bona appellāda censent,
sed producta: & horum contraria, non mala, sed reiecta.
Videtur autem ipsis huius ipsius nouationis occasionem
dedisse, Socratis quadam in Platonis Euthydemo, non re-
ctē ab ipsis intellecta disputatio. Nam cum uita actionūq;
prosperitatem non in bonorum appellatorum possessione,
sed usu potius recto consistere, cuius causa sciētia est, quam
& sapientiam & prudentiam in eadem disputatione in-
terdum quasi et negatiuū nominat, licet alias distinguan-
tur, ut superius est traditum, conclusisset: ex hoc deinceps
cuius-

cuiusmodi horum bonorū natura esset docere uolens, quod
 nimirum per se spectata, nec aliò relata, bona non sint exi-
 stimanda, huiusmodi quendā syllogismū subiicit: Qui pau-
 ciora agit, minus est infelix. Sed paucioribus instructus bo-
 nis instrumentarijs, pauciora agit. Igitur qui paucioribus
 instructus est bonis instrumentarijs, minus est infelix. Et u-
 traque propositione, hac quidē inductione probata, illa uerò
 duabus adhibitis propositionib. alijs, ad id, quod enides est,
 reducta, ad extremū hac subiūgit: ὅτι κεφαλαιῶς δὲ ἔφη, ὡς κλει-
 νία κινδυνόεις σύμπαντα, αἱ τὸ πρῶτον ἐφαμὲν ἀγαθὰ εἶναι, ὅτι περὶ τὸ
 πρῶτον ὁ λόγος αὐτοῖς εἶναι, ὅπως αὐτὰ γε καὶ αὐτὰ πέφυκεν ἀγαθὰ εἶναι ἀλ-
 λ' ὡς εἴκεν ὡς δ' ἔχει· ἐὰν μὲν αὐτῶν ἡγνῆται ἀμαθία, μείζων κακὰ εἶναι τῶν
 ἐναντίων, ὅσα δυνατῶς τετα ὑπερετεῖν τῶν ἡγουμένων κακῶ ὄντων· ἐὰν δὲ
 φρόνισις τε καὶ σοφία, μείζων ἀγαθὰ αὐτὰ δὲ καὶ αὐτὰ ὁδετεῖα αὐτῶν
 ὁδετὸς αἰεὶ εἶναι. φαίνεται ἔφη, ὡς εἴκεν ὅπως ὡς σὺ λέγεις. τί οὖν ἡμῶν
 συμβαίνει ἐκ τῶν εἰρημίων; ἀλλ' οὐ πῶς μὲν ἄλλων ὁδετὸν ὅτι ἀγαθόν,
 ὅτι κακόν· τὸ πρῶτον δὲ δυνατὸν ὄντων, ἢ μὲν σοφία ἀγαθόν, ἢ ὅτι ἀμαθία κακόν.
 id est: In summa, inquam, ὦ Clinia propemodū concluderis,
 omnia, quæ prius bona esse diximus, nō huc ipsis disputatio
 nē spectare, ut ipsa per se bona sua sint natura: sed, ut uide-
 tur, sic se res habet: si quidem ipsis inscitia præsit, maiora
 contrarijs esse mala, quo maiore uim habeant adiumenta
 malo duci subministrandi: si uerò prudentia & sapientia,
 maiora bona: eorum autem neutra ipsa per se alicuius esse
 momenti. Videtur, inquit, meo iudicio ita esse, ut dicis.
 Quidnam igitur nobis ex ijs, quæ dicta sunt, efficitur?
 Aliudne quàm reliquorum quidem neque bonum neque
 malum

malum esse quicquam: horum autem duorum, sapientiam quidem, bonum, inscitiam autem malum esse? Cum igitur in hac oratione, eiusque postrema parte dicat Socrates, Aliudne quàm reliquorum quidem neque bonum, neque malum esse quicquam: intelligat autem, ut ex precedentibus patet, ex hac disputatione confici, ut præter scientiam & inscitiam reliquorum nihil in ijs, quæ per se & actu iam aut bona, aut mala sunt, quæ, si recipitis, ut ab alijs distinguantur, formalia appellabimus, sit habendū, sed ea omnia materialia quedam & instrumentaria esse, aliōque relata, & potentia, ut dictum est, bona: Stoici id minimè animadvertentes, existimantesque ab omni simpliciter bonorum & malorum consortio hæc à Socrate excludi, in medijs ea reponenda esse censuerunt, & ἀδιάφορα, id est, indifferentia nominarunt. Verum meo hic plurimum iudicio à veritate aberrant, partim generalius quàm oportet conclusionem accipientes, partim & particularius. Nam quòd tum corporis, tum externa appellata bona, in nullo prorsus bonorum, nec contraria, contrariorum genere reponenda esse, Socratem concludere arbitrantur, hoc sanè terminum in conclusione prædicatum latius quàm oportet, quamque Socratis mens est, quod & prius est dictum, extendunt. Quòd verò non his etiam animi bona, id est, ipsas virtutes, prudentia & sapientia exceptis, adiungant, ad quæ non minus quàm ad reliqua Socratis accommodatur demonstratio, certè in minoris propositionis probatione, quam per indu-

Kkk

tionem

tionem fieri, superius diximus, nominatim fortitudinis & temperantiae mentionem facit, hoc rursus conclusionis terminum subiectum iusto & debito angustiores faciunt. Atque haec tenus quidem eo genere peccant, quod Aristoteles libro Topicorum secundo, τὸ ὁρίσθαι vocat. Iam uero quoniam consuetis & usitatis relictis uocabulis, nouis & inauditis nulla cogente necessitate utuntur, fit ut & in alterum incurrant uitium, τὸν κατὰ τὸν παρὰ τὸν ἄλλο, atque ita non simplici, sed uaria quadam & multiplici ratione errent, ac de his rebus longè deterius, quàm Comici ex communi intelligentia & prudentia, statuunt, inter quos Terentius in Heautontimorumenos, sic de his Chremetem filio disserentem facit.

Miserum? quem minus credere est?

Quid reliqui est, quin habeat quae quidem in homine dicuntur bona?

Parentes, patriam incolumem, amicos, genus, cognatos, diuitias:

Atque haec perinde sunt, ut illius animus, qui ea possidet:

Qui uti scit, ei bona: illi qui non utitur rectè, mala.

Nam haec quidem certè & rectè rationi & Socratis sententiae admodum congruunt, cum Stoicorum illa ab utroque plurimum dissideant. Et quidnam igitur est, quod Socrates recta ratio inquit? Nihil aliud profecto, quàm quod superius à nobis est dictum, nihil horum, quanquam
absolu-

absolutè simpliciterq̃ bona dicuntur, per se tamen & actu bonum esse, sed potentia, & propter eum, quem sui præstant usum omnia non hominum cuius, sed qui sapientia & prudentia, à qua reliquæ uirtutes, ut sexto Ethicorum libro probat Aristoteles, disiungi nequeunt, sit instructus, quod hic demum ^{κατασκευασμένος} sit, ad quod ea examinari debeant, & à quo, quod potentia antea erant, id actu nunc ut sint recipiant. Caterum incipienti & prudentia destituto, tantum abesse, ut hæc prosint bonaq̃ sint, ut contrà potius mala esse deprehendantur, plusq̃ quam ipsorum contraria plerumque obsint. Cuius & à Socrate apertè satis redditur ratio, & ex ijs etiam, quæ prius à nobis sunt dicta, ea intelligi facile potest. Verum his commentatione ac contemplatione hoc modo præceptis, ad nostrum reuertamur autorem, apud quem Hospes proposita, quam reliquam esse superius diximus quæstionem, sic deinceps inquit:

Admodum enim nobis quod dicitur improbabile ac incredibile uidetur.

Non immerito hoc autoris nostri decretum ^{κατασκευασμένος} id est, ut nos uertimus, improbabile, est autem id, quod contra opinionem est, ab Hospite esse dicitur, & incredibile. Reuera enim huiusmodi est, quod cum communi intelligentia & opinione pugnet, quæ tum uitam, sanitatem, bonam habitudinem, robur, diuitias, & cōsimilia, bona, tum horum contraria, mortem, morbum, malam habitudinem, infirmitatem, paupertatem, quæq̃ his sunt finitima, mala exi-

Kkk ij stimat.

stimat. Itaque omnes illa naturaliter appetimus, nobisq; a-
sciscimus, hac aspernamur & depellimus, non solum nos
hominum, ut Stoici dixerint, vulgus, sed illi etiam ipsi hu-
ius nobis præclara sententiæ autores. Atqui quod ita
omnium animis insitum esse uidetur, ut ij etiam, qui uerbo
tenus id negare in animum inducunt, factis tamen manife-
stè loqui deprehendantur, hoc certè penitus omniq; ex par-
te falsum esse, minime uerisimile est: immo, si quid ego iudi-
co, in eo quidem, quòd illa bona, hac mala esse opinantur,
haud sanè falluntur: quòd uerò alijsmodi quàm sunt, uel
bona uel mala, hoc uerò est, quod uitam multifariam con-
turbet, & in quo omnis cōsistat error. Hinc enim fit ut ea,
quæ per se bona sunt, & primo loco affectanda, præ his quæ
instrumentaria ut diximus sunt, & posteriore habenda lo-
co, aut penitus negligant, aut minus certè quàm par sit cu-
rent. Quare de genere quidem ipso rectè constituunt homi-
nes, ut absolute dixerim, omnes: de qualitate autem & dif-
ferentia non omnes: sed ij tantum, qui elegantioris ingenij
cū sint, & dialectices ac demonstrationis cognitione in-
structi, iustam ad hac excutienda commentationem ac me-
ditationem adhibent. Atque sic quidem patet rectè ab Ho-
spite dictum esse, improbable hoc sibi & incredibile uide-
ri. Nunc quomodo hoc probabile & credibile efficere con-
tur Senex, audiamus.

Age igitur enitere, inquit, quod uidetur respondere
de ijs, quæ te interrogauero. Atqui id faciā, inquam ego.

Antequā

Antequam ipsam disputationem aggrediatur, cum Hospite de paciscitur, ut de ijs, quæ interrogaturus ipsum est, non aliter atque animo affectus sit ac sentiat, id enim uocat τὸ φαντασθαι. id est, quod uidetur, respondeat. Nam alioqui fieri nequit, ut in quibus dissentiant, quæq; inter ipsos sunt controuersa conueniant, nisi iam dicta ratione respondeat. Ut enim uera dissensio & controuersia, non in eo consistit, quod sibi mutuo aliqui uerbo tenus contradicant, sed quod re ipsa utrique sic persuasum sit: ita & consensio uera opinionisq; conciliatio non ex eo pendet, si uoce & oratione inter se conueniant, sed si iisdem de rebus eadem sentiant, quod ut sit, cum prius diuersa fuerint sententia, necesse est, ut alter legitime interrogando, alterum uerè & ut animo affectus est respondentem in suam adducat opinionem. Hanc igitur uim Senis habet oratio. Hospes autem se id facturum esse pollicetur. Quare disputationem aggreditur Senex ab hac exorsus interrogatione.

Nunquid ergo & si malè uiuat quispiam, ipsum uiuere illi bonum erit? Mihi sanè non uidetur, sed malum, inquam ego.

Ut tota hac disputatio & melius intelligatur, & maior cum fructu à studiosis legatur, altius aliquanto rem repetentes, primum de quæstione constituemus, ad quòdnam genus ex quatuor ijs, quæ libro primo Topicorum ab Aristotele traduntur, pertineat. Neque enim exiguum id usum habere deprehendetur ad auctoris argumenta dis-

Kkk ij cutienda,

cutienda, locosq^{ue} unde hæc sumpta sunt, cōmodius annotandos. Est igitur hoc problema, ut certè ab autore & proponitur & tractatur, accidentis, cū hoc nimirum inquirat solum, utrum hoc illi insit, an non, puta, utrum vita bonum sit, an non. Talis etiam est, quæ à Cicerone libro Tusculanarum questionum primo de huius contrario, morte nimirum proponitur, utrum malum sit, an non. Et questionis quidem genus tale est. Locus autē ē quo, quod apud autorem habetur, de promptum est argumentū, libro Topicorum secundo sic ab Aristotele exponitur. Præterea si accidenti quid sit contrarium, id considerandum est, an insit, cui accidens inesse dicebatur. Nam si hoc insit, illud non inerit. Neque enim fieri potest, ut contraria simul eidem insint. Interrogat igitur, an ipsum uiuere, ei, qui male & miserè uiuat, bonum sit. Ad quod & rectè respondet Hospes, Sibi id minimè uideri, sed contrā potius, ipsum uiuere ei malum esse. Sed quid ex hoc tandem concludatur uideamus, maiore adiuncta propositione, quam Senex omisit. Est autem ea, Nullum quod alicui malum est, bonum est. Minor uero huiusmodi, Sed aliquod uiuere, nēpe male & miserè, malum. Igitur aliquod, seu non omne uiuere est bonum. Verū Senex non hanc infert conclusionem, quod non de hoc sit quæstio, sed de ipso uiuere in uniuersum: sed callide, quod in propositionum nequit, id interrogationis quodam modo extorquere conatur, cū inquit:

Quo'nam igitur modo uiuere bonum est, siquidem
huic

huic sit malum? Quoniam ijs quidem, qui malè uiuunt, malum mihi esse uidetur, qui uerò bene, bonum.

Quaquam Senex conclusionis particularis loco, uniuersalem, seu potius indefinitam, quæ uniuersalis sit instar, interrogationis quadam, ut dictum est, forma extorquere conetur, minimè tamen id obtinet: sed Hospes distinctione quadam adhibita, eius frustratur conatum, inquiens sibi uideri, ijs, qui malè uiuunt, ipsum uiuere malum esse, qui uerò bene, bonum. Atque hætenus quidem animosè & fortiter resistit. In sequentibus autem nimis cito dat manus, uinciq; se patitur.

Ergo & malum esse asseris ipsum uiuere, & bonum? Ego uero. Atenim noli absurdè dicere. Fieri enim nequit, ut eadem res & mala & bona sit. Nam hac quidem ratione & utilis & nocua fuerit, & expetenda & fugienda simul semper.

Ad contradictionem deduxisse Hospitem uelle uidetur. Id uerò ita minimè se habet. Neque enim sequitur, si quoddam uiuere sit malum, & quoddam bonum, igitur ipsum absolute uiuere malum esse & bonum, ita ut terminum eum, τὸ ζῆν, uniuersè accipias. Nam si particulariter & non uniuersè accipiat, contradictionem non efficit. Et quidnam igitur inquit autor, Atenim noli absurdè dicere. & quæ sequuntur. Nempe, ut quod res est dicatur, decipitur. Atque id apertè & ingenuè confiteor. Neque enim unquam eas leges mihi imponi patiar, quas sibi præfinit nonnulli, ut quæcunque ab autore, quem enarrandum

dum suscepi, dicantur, siue uera, siue falsa sint, defendā: sed utraq³ qualia sint, talia & esse pro ingenij mei uiribus docebo, & conuenienti adhibita explicatione, ut quodq³ maximè potest, illustrare conabor. Id enim uerè philosophici ingenij, & apud quod in pretio ueritas est, esse puto. Igitur, ut dictum est, non ad contradictionē deductus est Hospes, & malè à Sene urgetur, & pacti admonetur. Neque enim unum idemq³ uiuere, & bonum & malum esse dixit, sed diuersum, quod minimè est absurdum. Quare neque, et si bona quidem, utilia sunt, & expetenda, mala uerò nocua & fugienda, à consequentium repugnantia coargui potest, cum non magis inter hæc contradictio, quàm inter antecedentia notetur. Minimè igitur hic deficere debuit Hospes, & absurditatem confitendo, dicere:

Absurdum quidem: sed quomodo, si malè uiuere cui adsit, ei malè quid adest, malum ipsum uiuere non est? Atqui non idem est, inquit, uiuere, & malè uiuere: non ne tibi uidetur? Neque mihi scilicet idem esse uidetur.

Quod malè absurditatē, sic enim τὸ ἀντιφρονὲς uerto, confiteatur Hospes, dictū iam est. Quod uerò, ab eo, quod cum adiunctione dicitur, ad id, quod absolutè & simpliciter, aut à coniuncto ad disiunctum argumentando progrediat^{ur}, in eodem hic peccat Hospes, quo antea Senex, quod mirum adeo mihi uidetur, cum inter prima dialecticæ initia hæc statim tradantur. Ceterum, quam Senex adfert solutionem, ea rectè se habet, ex distinctione nimirum deprompta,

pta, quòd aliud sit uiuere, aliud male uiuere, cui & rectè
assentitur Hospes.

Ipsū igitur uiuere non est malum, quod si malum es-
set, ijs, qui bene uiuerent, malum utique adesset, quod
ipsū uiuere ijs adesset, quod malum est. Vera mihi dice
re uideris.

Quod hoc loco à Sene dicitur, uerum est, & argumen-
tatio rectè ipsi procedit: diligenti tamen & accurata di-
stinctione tota indiget oratio, quòd alioqui facile hic decipi
sit. Nam ut coniunctum hoc integrè constet, Si ipsū ui-
uere est malum, ijs, qui bene uiuunt, adest malum: ita illud
uiciosum fuerit, Si ipsū uiuere est malum, ijs, qui bene ui-
uunt, adest quod ipsis est malum. Neque enim in antece-
denti erat, quod in consequenti inferitur: esset autem si sic
enuntiātum antecedens fuisset, Si ipsū uiuere, quibuscunq;
adsit, ijs malum est. Sed cuius gratia, dicat aliquis,
tam accuratè & exquisitè hac nunc distinguenda putas?
Dicā, quòd non minima paralogismi occasio in hac dispu-
tatione in eo consistat, quòd hoc animaduersum & distin-
ctum non sit: & quæ sequitur falsa apud autorem illatio,
& quasi conclusio hoc potissimum fundamento nititur.
Ceterum, ut id euidentius appareat, totam argumentatio-
nem omnibus suis partibus explicatā, ad quam, quæ sequi-
tur, illatio inferitur, hic subyciam. Constat autem ea duo-
bus Hypotheticis syllogismis, quorum uterque secundi est
modi, seu formæ, seu quomodocunque tandem has ratioci-

Lll nationum

nationum differentias quis appellare uelit: quorum prior huiusmodi est. Si ipsum uiuere esset bonum, ijs, qui male uiuunt, bonum adesset. Non adest autē ijs qui male uiuunt, bonum. Ergo ipsum uiuere non est bonum. Huius syllogismi coniunctum, Græci *συμπεριεχόμενον* uocant, est autem propositio ea, quæ ex antecedente & consequente constat, omittit autor. Assumptionem autem, non eam, quam oportuit, quamq̃ noster habet syllogismus, apud ipsum inuenias, neque enim hæc ipsi concederetur, causam autem mox dicemus: sed eius loco, Ipsum uiuere ijs, qui male uiuunt, bonum non esse. Ex quo confectum, sed male, ut docuimus, putat, Ipsum absolutè uiuere non esse bonum. Caterum cur assumptio ipsi concedenda non esset, hinc quilibet facile intellexerit. Nam qui male misereq̃ uiuunt, ijs cum ipsum uiuere adsit, id quidem quod absolutè simpliciterq̃ est bonum (huiusmodi enim uitā & ipsum uiuere esse, superius est demonstratum) adest: non tamen quod ipsis est bonum. Neque enim idem est, sed diuersum, huic alicui quid bonum esse, & simpliciter. Quare falsa quidem hæc est assumptio: falsa autem & conclusio quæ inquit, Ergo ipsum uiuere non est bonum. Et prior quidem hypotheticorum syllogismorum, huiusmodi est, & ea, qua diximus, ratione falsus. Secundus autem, talis, Si ipsum uiuere esset malum, ijs, qui bene uiuunt, adesset malum. Minime autem ijs, qui bene uiuunt, adest malum. Igitur ipsum uiuere non est malum. Caterum huius syllogismi conclusionem, & coniunctum,

iunctum, & coniuncti probationem aperte habet autor: assumptio autem, ut quæ facile subintelligatur, prætermittitur. Vera autem hæc est ratiocinatio, utpote in qua & coniunctum ex antecedente & consequente aptè & legitime sit connexum, & assumptio uera, eaq; de causa rectè ab Hospite hic dictum est, Vera mihi dicere uideris. Sed his explicatis, ad id, quod sequitur, progrediamur.

Quoniam igitur utrisq; ipsum uiuere, & malè & bene uiuentibus contingit, neque bonum, neq; malum fuerit ipsum uiuere, quemadmodum neq; secare ac urere agrotantibus insalubre & salubre. Igitur & in ipso uiuere hæc sic se habent.

Quod hic ab autore infertur falsum esse, iam dictum est, & qua ratione itidem sit falsum, prioris nimirum syllogismi initio. Neque enim quoniam & is, qui male uiuunt, contingit ipsum uiuere, idcirco non bonum est: quamuis quod is, qui bene uiuunt, accidat, necessario sit non malum, quod sic intelligendū est, ut superius est dictum, absolute & simpliciter. Quod uero hoc loco simile adfert, id meo quidē iudicio, prorsus est dissimile, magisq; si de contrario, morte nimirum, aut alio quopiam alterius ordinis ageretur, congrueret. Nam secare & urere, ipsum quidem absolute & per se, insalubre: huic autem, & in tali necessitate & affectione constituto, salubre: non quouis modo, sed rectè & secundum artem adhibitum. Caterum quod ipse uult autor hac similitudine, eiusmodi est, ut agrotis ipsum secare & urere

Lll ij nec

nec salubre, nec insalubre, sed rectè quidem secare & urere, salubre, perperam autem, insalubre: ita & uiuere, neque malum, neque bonum, sed bene uiuere, bonum, malè autem, malum fuerit. Sed hæc uitiosa est à simili argumentatio: primum, quòd illic subiectum, cui secare & urere nec salubre, nec insalubre esse asseritur, cum corporis affectione & morbo definitè expressum proponatur: hic uerò cui uiuere nec bonum sit, nec malum, reticeatur, neque uitiosa animi, neque rectæ eius constitutioni, neque omnino subiecti alicuius mentione ulla facta. Deinde, quod illic deterioris, hic præstantioris sit ordinis, de quo contrariarum affectionum utraque negatur. Sunt autem & alia huius argumentationis uitia, sed quæ ex precedentibus facile intelligi possunt. quare ad ea quæ sequuntur pergamus.

Cæterum tu sic contemplare. Vtrum malè uiuere males, an honestè & fortiter mortem oppetere: Honestè ego quidem certè mortem oppetere. Non igitur ipsum mori malum est, quandoquidem sæpenumero magis mori quàm uiuere expetendum est. Vera prædicas.

In precedentibus de uita hætenus ab ipso est disputatum. Hoc autem loco de morte disserere instituit, ostendere quæ ipsam non esse malam. Sed quonam tandem pacto hoc ipsum probet, uideamus, toto syllogismo, cuius apud autorem minor tantum & conclusio est, integrè explicato, qui talis nimirum fuerit: Quod non malo magis est sæpenumero expetendum, nec ipsum est malum. Mors autem non malo, nempe uita, sæpenumero magis est expetenda. Igitur mors

mors non est malum. In hoc syllogismo propositio maior falsa est, quod, cum ex eo, quod consequitur, de eo, quod prius est, constituit, convenientiam non seruet. Nam quo genere, aliquo non malo quid magis expetendum est, eodem & non malum est. Quare sic enuncianda maior erat propositio. Quod aliquo non malo magis saepenumero est expetendum, nec ipsum saepenumero est malum: minimè autè simpliciter dicere oportebat, nec ipsum est malum. Verùm hoc modo si maior proponatur, nihil aliud concluditur, quàm quod mors saepenumero non sit malum: quod & nos verum esse fatemur. Nam quæ per se & simpliciter sunt mala, ea, ut superius uidimus, nihil obstat, quominus alicui nō sint mala, immo uerò & bona, ut insalubria simpliciter, alicui salubria. Quod uerò ad minorem eiusq̃ probationem attinet, scire oportet, quòd duobus propositis malis, id quod minus est, semper eligendum uideatur, ut mors honesta & generosa potius, quàm uita turpis & infamis. Cuius causam, primo libro de Arte dicendi ad Theodecten esse uult Aristoteles, quòd quanto minus malum, maiorem sit minus, tantum etiā mali depelli & abijci uideatur. Et quod ad hunc syllogismum pertinet, sic se res, ut dixi, habet, nec id, quod uult autor, eo effici potest, ut mors malum non sit simpliciter, sed saepenumero alicui ob certas quasdam circūstantias, quas Græci περιστάσεις uocant. Caterum quæ ratione hic ab autore peccatum est, eadem & in eo quod de sanitate & morbo subijcitur.

Ll ij Atqui

*nec salubre, nec insalubre, sed rectè quidem secare & ure-
re, salubre, perperam autem, insalubre: ita & uiuere, neq;
malum, neque bonum, sed bene uiuere, bonum, malè autè,
malum fuerit. Sed hæc uitiosa est à simili argumentatio:
primum, quòd illic subiectum, cui secare & urere nec salu-
bre, nec insalubre esse asseritur, cum corporis affectione &
morbo definitè expressum proponatur: hic uerò cui uiuere
nec bonum sit, nec malum, reticeatur, neque uitiosa ani-
mi, neque rectæ eius constitutioni, neque omnino subiecti
alicuius mentione ulla facta. Deinde, quod illic deterioris,
hic præstantioris sit ordinis, de quo contrariarum affectio-
num utraque negatur. Sunt autem & alia huius argu-
mentationis uitia, sed quæ ex præcedentibus facile intelligi
possunt. quare ad ea quæ sequuntur pergamus.*

*Cæterum tu sic contemplare. Vtrum malè uiuere mal-
les, an honestè & fortiter mortem oppetere: Honestè ego
quidem certè mortem oppetere. Non igitur ipsum mo-
ri malum est, quandoquidem sæpenumero magis mori
quàm uiuere expetendum est. Vera prædicas.*

*In præcedentibus de uita hætenus ab ipso est disputa-
tum. Hoc autem loco de morte disserere instituit, ostende-
re q̃ ipsam non esse malam. Sed quonam tandem pacto hoc
ipsum probet, uideamus, toto syllogismo, cuius apud auto-
rem minor tantum & conclusio est, integrè explicato, qui
talis nimirum fuerit: Quod non malo magis est sæpenume-
ro expetendum, nec ipsum est malum. Mors autem non
malo, nempe uita, sæpenumero magis est expetenda. Igitur
mors*

mors non est malum. In hoc syllogismo propositio maior falsa est, quod, cum ex eo, quod consequitur, de eo, quod prius est, constituit, convenientiam non seruet. Nam quo genere, aliquo non malo quid magis expetendum est, eodem & non malum est. Quare sic enuncianda maior erat propositio. Quod aliquo non malo magis saepenumero est expetendum, nec ipsum saepenumero est malum: minimè autè simpliciter dicere oportebat, nec ipsum est malum. Verùm hoc modo si maior proponatur, nihil aliud concluditur, quàm quod mors saepenumero non sit malum: quod & nos uerum esse fatemur. Nam quæ per se & simpliciter sunt mala, ea, ut superius uidimus, nihil obstat, quominus alicui nō sint mala, immo uerò & bona, ut insalubria simpliciter, alicui salubria. Quod uerò ad minorem eiusq̃ probationem attinet, scire oportet, quod duobus propositis malis, id quod minus est, semper eligendum uideatur, ut mors honesta & generosa potius, quàm uita turpis & infamis. Cuius causam, primo libro de Arte dicendi ad Theodecten esse uult Aristoteles, quod quanto minus malum, maiorem sit minus, tantum etiā mali depelli & abijci uideatur. Et quod ad hunc syllogismum pertinet, sic se res, ut dixi, habet, nec id, quod uult autor, eo effici potest, ut mors malum non sit simpliciter, sed saepenumero alicui ob certas quasdam circūstantias, quas Græci περιστάσεις uocant. Caterum quæ ratione hic ab autore peccatum est, eadem & in eo quod de sanitate & morbo subijciuntur.

Lll ij Atqui

Atqui de sanitate & morbo eadem est ratio. Sæpenu-
mero enim sanum esse non conducit, sed cōtrario potius
affectum esse modo, cum casus huiusmodi quempiam ci-
cunflet. Vera dicis.

*Quemadmodum in precedenti ἀπὸ τοῦ αἰετοῦ, id est, ex-
petendo, ita hic ἀπὸ τοῦ συμπεριφορῶς, id est, eo quod conducit,
utrunque enim ad bonum consequitur, argumentum su-
mit. Sed solutio & huius eadem est, quæ superioris, quod ea-
dem & hic paralogismi sit causa. Quare ad id, quod de di-
uitijs sequitur, progrediamur.*

Age porro & de diuitijs simili ratione consideremus,
an ne ita serēs habeat, quod plerunq; uidere sit alicui di-
uitias suppetere, qui malè tamen & miserè uiuat. Per Io-
uem & multos quidem. Nihil igitur his profuit diuitiæ
ad bene uiuendum. Non uidentur, ipsi enim malī sunt.
Non igitur ut boni simus, diuitiæ efficiunt, sed discipli-
na. Verisimile id quidem. Ex hac igitur ratione, diuitiæ
bonum non sunt, si quidem ijs, qui eas habent, adiumen-
to non sunt, ut meliores reddantur. Ita prorsus apparet.

*Ut melius, quæ hic ab autore dicuntur, excutiantur,
ipsius orationem, secundum methodum, primo τῷ περὶ πο-
τεῖν, ab Aristotele traditam, in syllogismos resolu-
mus. Sunt igitur duo hic syllogismi: alter quidem, quem
Graeci πρῶτον μὲν συλλογισμόν, id est, primariū syllogismum
nominant, quo id cōcluditur, quod primo & per se intendit
& uult autor, alter uerò προσυλλογισμὸς quidā, quo minor
primarij syllogismi propositio probatur. Ceterum prior ille
huiusmodi fuerit. Quod ijs, qui id ipsum habent, adiumen-*

to non

et non est, ut meliores reddantur, id bonū non est. Sed diuitiæ, ijs, qui ipsas habet, adiumento nō sunt, ut meliores reddantur. Ergo diuitiæ bonū non sunt. Harum propositionū syllogismum hunc constituentū, maior apud autorem non habetur, sed ex minore & cōclusionē, quæ manifestē atque illis ipsis adeo uerbis ab ipso exponitur, facile intelligitur. Quid igitur, ut hūc prius examinemus, antequā ad alterū illum progrediamur, de hoc dicemus syllogismo? An scilicet superius hunc à nobis quodāmodo solutū esse, quod idem cum eo sit, qui ibi hoc modo proponebatur, Bonū bonos efficit. Diuitiæ autē bonos non efficiunt. Non igitur bonū sunt diuitiæ. Et si enim qui hic apud autorem habetur, in prima proponitur figura, ille autē superior in secunda, hoc nihil ad rem facit, neque propterea solutionē diuersam postulat: sed ex maioris distinctione pariratione soluitur uterque. Nam si uocabulū boni in maximē uniuersali significatione accipias, falsa maior est propositio. Si uerō ad uirtutes earumque proprias & per se causas cōtrahas, nō id concluditur, quod uult autor, ut prorsus diuitiæ bonū non sint, sed non eiusmodi bonū. Atque hac ratione siue minore quis ueram, siue falsam statuatur, nihil sanē, quod ad hanc conclusionem attinet, retulerit. Sed tamē quoniā & hanc probat autor, age & eam examinemus probationē. Videtur autē in tertia figura hoc modo argumentationē proponere. Aliquis, Sardanapalus, exēplī causa, est diues. Sardanapalus male & misere uiuit. Igitur diues misere & male uiuit,

Lll iij &

Et ex consequenti, non bene. Quare diuitie nihil ad bene uiuendum prosunt. Neque bonos igitur efficiunt. Verum hæc quàm multis obnoxia sit uitis argumentatio, quis non uidet? Primum quod cum uniuersale in syllogismo non sit, nihil ex his propositionibus concludi possit. Deinde quod nihil ad rem, ut secundo priorum resolutoriorum libro docet Aristoteles, huiusmodi faciat syllogismus. Neque enim si Sardapalus male et misere uiuat, ob hoc et quemuis diuitem male et misere uiuere est necesse. Ad hæc et quæ sequuntur, Et ex consequenti, non bene: id recte, si priora uera esse concederentur, inferri uideo: reliqua autem, Quare diuitie nihil ad bene uiuendum prosunt. Et, Neque bonos igitur efficiunt. non item, ut taceam interim, autorem ipsum paulo post sibi quodammodo contradicere, cum asserat, si quis diuitis recte et perite uti nouerit, eum bene uicturum: quod cum eo manifeste pugnat, quod hic dicit, nihil diuitias ad bene uiuendum conferre. Sed de eo paulo post considerabimus. nunc ad sequentia pergamus.

Neque igitur quibusdam ditari conducit, cum uti diuitis non sciant. Sic mihi uidetur. Quomodo igitur id quis bonum esse iudicet, quod plerumque non adesse satius est? Nullo modo.

Rursus et hic paralogismi causa eadem, quæ in superioribus exposita est, ubi de uita et morte, sanitate et morbo ab autore agebatur. Quare et solutionis modus idem. Neque enim, quod ei, qui his uti non nouit, bona non sunt, id-

circo

circo simpliciter bona non sunt: sed contrà potius res se habere uidetur. Nam, ut ei, qui uti ipsis non nouit, bona non sunt, ita e contra, qui rectè & peritè diuitijs uti nouit, ei bona esse uidentur. atque huius sententiæ Horatium Stoicorum alioqui æmulum fuisse apparet, in quibus ad Albiū Tibullum hoc modo scribit:

Non tu corpus eras sine pectore. di tibi formam,

Di tibi diuitias dederant, artemq; fruendi.

Quid uoueat dulci nutricula maius alumno,

Quàm sapere, & fari possit, quæ sentiat, & cui

Gratia, fama, ualetudo contingat abunde,

Et mundus uictus non deficiente crumena?

Sed quid Horatiū dico, cū & noster autor in his, quæ proximè sequuntur, idē prorsus confiteri uideatur, cū inquit:

Siquidē igitur quis diuitijs rectè & peritè uti sciat, bene uiuet: sin minus, malè. Verissimè mihi id dicere uideris.

Hæc, ut diximus, cum superioribus pugnare quodammodo uidentur. In illis enim negauit, diuitias quicquā ad bene uiuendū conferre. Hic autē asserit, ei, qui ipsis uti rectè & peritè sciat, cōmodas & opportunas esse ad bene uiuendum. Caterum res ita se habet, ipsas diuitias ad uirtutis habitū comparandū prodesse quidē nihil, nisi quis fortè dicat, eum cui hæ suppetāt, habeatq; quod in pedagogos & præceptores impendat, non paruam ad uirtutē facilius certiusq; perueniendi habere prærogatiuā: sed sic nō per se, uerum per accidens uirtutū fuerint causæ: ad earū autem

et si

et si nō omnium, nonnullarū tamen certē, ut liberalitatis, magnificentiæ & consimiliū actiones exercendas non minime esse momenti, ut pote quarū tum materia, tum instrumenta quæpiā sint, ut prius est traditū. Quare patet quod et si diuitiæ bonos non faciunt, aptiorem tamen actionum secundum uirtutem reddant profectum, ac proinde uitam beatiorē efficiant. Itaque hac parte rectē inquit noster autor. Eum qui diuitijs rectē & peritē uiuisciat, bene uicturum: qui autem nesciat, male.

Ad summā, hæc uenerari ut bona, aut aspernari ut mala, id uerō est, quod homines turbat & lædit, cū ipsa tum colant, tum in his solis beatitudinem positā esse arbitrentur, omniaq; consequenter horū gratia agant, quæ etiam maximē impia esse uidentur. Hæc uerō ipsis accidunt ex ipsius boni ignoratiōe.


Hic ueluti epilogus quidā est eius, quæ de corporis & externis cōmodis, quæ fortuna bona omnia nō raro appellari solent, ad finem huius operis autori reseruata, ut diximus, fuit disputatio. Docet autē in hoc, quidnam id sit, quod hominū uitā maximē turbet & affligat, non multū quidem hic à ueritate aberrans, sed quā proxime ad eam accedens. Vera enim uitæ perturbationis causa est, nō simpliciter, quæ Stoici indifferentia nominant, horū alia quidem, quæ melioris scilicet sunt ordinis ac seriei, bona existimare, ac proinde appetere: alia uerō, quæ deterioris, mala, eamq; ob causam declinare: sed tanquā primaria quedā, & per se suā causā uel expetenda, uel fugienda, illa quidē bona colere


colere ac uenerari, hæc uerò mala aspernari & respuere. Sic enim fit, ut turbato rerū ordine, & homines perturbentur, nihilq; non horū gratia tum dicant, tum faciant, quæ primo ab ipsis reposita sunt loco: ea autē aut penitus negligant, aut minori certē his cōparandis studio incūbant, quæ præposterē ab ipsis ex primo in secundū, aut terciū, aut inferiore etiam aliquē locum translata sunt bona. Atq; sic quidem si auctoris sententiam commoda expositione moderemur, non solum uerissimā, sed etiam utilissimā continere doctrinam hunc deprehendemus epilogū. Nam si bonorum ac malorū ordines cōfundere atque perturbare, uitæ quoq; rationes uertit, uarieq; turbat & affligit, necessario etiam sequitur, in eorundē cōseruatione uitæ honestatē atq; ornatum omnē consistere. Neq; uerò id mirum uideri debet. Cum enim omnes natura id, quod bonū esse uidetur, appetamus, declinemusq; contraria, certē usuenire necesse est, ut quo quodq; loco uel bonorū, uel malorū habeamus, eo etiā uel uehementius, uel remissius, illa quidem expetamus, hæc uerò fugiamus. Itaq; accidere oportet, ut qui rectē de his iudicans, in expetendarū fugiendarumq; rerum descriptione minimē errauerit, primā quidē animi rationē habeat, & hunc uirtutibus ornare & ad perfectionē suam adducere conetur. Deinde uerò, quoniā non solū animi corpus est instrumentū, sed etiam ita ad se mutuo affecta sunt, ut & animi in corpus, & corporis e contra in animū redundant affectiones, ut omnibus præstantissimis experientia & ratione

tionem magistra philosophis uisum est, Pythagorici præcepti memor, neq[ue] sanitatē reliquaq[ue] corporis bona negligat, neq[ue] nimium studiū, nimisq[ue] multā operā ponendam in ijs arbitretur. Consimili autem ratione & externorū, quæ corporis necessitatibus & usibus à deo & natura destinata sunt bona, cōditione cognita & percepta, nec in his comparādis ab officio honestatēq[ue] in ullo recedat, & horū amissionem, si quæ forte, quæ ipsorū est lubrica & incerta natura, incidat, placatē & moderatē ferat, atque hac ratione cōposite ornateq[ue] uitam degens sibi conuenientem adipiscatur beatitudine. Qui uerò contrā confuso perturbatoq[ue] expetendorū fugiendorūq[ue] ordine, uel primis ac medijs postrema, uel media postremaq[ue] primis eligēdo præferat, aut quomodocunq[ue] aliter ordinem inuertat, huic omnia contraria eueniant necesse est, & cum incōposita turpiq[ue] uita ad infelicitatē & miserā detrudatur. A qua spiritus sui sancti lumine menti nostræ eiusq[ue] actionibus præferendo, nos conseruare dignetur, & ad beatitudinē adducere, qui omnis boni fons est & origo, Dominus noster Iesus Christus, æterni patris æterna sapientia. Atque hic quidem commentariorum nostrorum in Cebetis Thebani tabulam finis esto.

Reliquum est, ut quam nos scribendo & commentando, eam uos legendo intelligendoq[ue] præstetis operam.

FINIS.





005644 240

